

六

開明書店校印

己亥四月

吳梅



種



曲





674  
25v

## 排印六十種曲緣起

元、明兩代的戲劇有兩種體裁：一種是雜劇；一種是戲文，就是通常所謂傳奇。雜劇只有四折，每折裏頭限用一個宮調，一韻到底，由一個脚色歌唱。傳奇卻不限齣數，每齣裏頭不限用一個宮調，可以換韻，各個脚色都可以歌唱。這由於淵源不同，故而體裁各異。但是從創作一方面說，傳奇的體裁尤其適宜於敘述複雜的事，表現各個的性格。創作家施展他的才能，總歡喜採用更好的體裁。這就是明代傳奇特盛的緣故。更從觀賞一方面說，看了複雜故事的表演，再去受限於四折的雜劇，就嫌趣味淡薄了。因此，雜劇到了明代差不多成爲書齋裏的讀物，而傳奇卻是那時候「紅氍毹」上的幸運兒。

彙刻元人雜劇的有臧晉叔的元曲選，彙刻明人雜劇的有沈泰的盛明雜劇跟鄒式金的雜劇新編。假若沒有這幾部彙編，我們現在要研究雜劇，就得先費一番

搜求的工夫。把明代傳奇彙刻的也有許多家，像富春堂、文林閣、世德堂、繼志齋都是。但是他們的刻本流傳到現在的只有零種；他們的彙刻當初到底有多少種，就是精博的收藏家也說不出來。其中整部流傳到現在的只有汲古閣所刻的這一部六十種曲。這不單在當時是「紅氍毹」上表演的戲劇；經過了清代一直到現在，還是有大部分給唱曲家歌唱着，給僅存的幾個戲班子表演着。

六十種曲所收的都是重要的作品。其中有王實甫的西廂記——這本是元人雜劇，跟許多傳奇混在一起，就編輯體例批評，可以說是「不純」，大概因為這篇東西太有名了，又可以同李日華的南西廂參看，所以收在裏頭。明初的傳奇有典型作品的琵琶記，有被稱爲四大名劇的「荆、劉、拜、殺」。崑腔興起以後的傳奇有浣紗記、玉玦記、紅拂記、鳴鳳記、綵毫記、獅吼記等。又有一代大作家湯顯祖的「玉茗四夢」，吳江派領袖沈璟的義俠記，被輿夫走卒所傳誦的西樓記。此外逸名

作家的作品有金雀記、運甓記等。也就綽有餘裕了。

我們要研究明代的傳奇，有了這一部六十種曲，

可惜六十種曲的初印本存留得不多了；據我們所知道，把國內公私收藏家所有的零種初印本湊合起來，也不能拼成一整部。現在可以從舊書鋪裏買到的大都是漫漶的後印本以及道光年間的補刻本。漫漶本脫漏極多，一塊板子的上半截又往往跟下半截不相應。補刻本錯誤得非常利害；兩種西廂記兩種還魂記的書頁又彼此互纏，弄得前言不對後語，尤其是普遍的毛病。所以，在今日，木刻的六十種曲幾乎不堪閱讀了。

我們爲彌補這個缺憾起見，特地把六十種曲排印出來。我們並不用各種傳奇的其他本子來校勘，要這樣做，原是很容易的事情；我們訪求了許多部的六十種曲，拿來互相核對，把脫漏處補足，把錯誤處訂正，遇到疑惑難決的時候，就通信請教

藏有零種初印本的收藏家。除此以外，我們又加了一番斷句的工夫。於是這部大彙刻換上了一副新裝，以頁數計，卻比較木刻本少了一半；研究傳奇的人就有了完善而且簡便的本子。這雖只是微薄的勞力，但我們相信化去這一點勞力決不是無意義的。

二十四年五月，開明書店編譯所。

六十種曲以汲古初印者為佳其後修板覆印往往  
上下葉倒誤幾不可讀矣余藏本亦修板後印但  
為無書葉互誤之弊頗思印石以請同好而開明主  
人先得我心精校印行自是學討南詞者如入寶  
窟山可編讀未見書矣序為題詞倉卒無以應  
命取舊作論南曲感衰一首并諸卷端辛醜者  
怨我抄也

南呂集曲

七絃琴

音羅帶

霓裳集眾仙嘉隆最先中州

正聲留管絃

梧葉兒

梁魏有心傳白雪誰能繼多

虧詞隱贖

謂吳江沈璟

水紅丸

細纏綿吳歛纒頭留得新

書十卷

南九宮譜

花雨動芳筵

早羅袍

西樓翻法盛推袁

謂袁鬼

南隣訂律重逢阮

沈璟姓自晉重訂南九宮譜最為善本清南訂定律即奉此

公西梅

珠歌翠舞稗畦字妍

謂洪防思

花吟玉笑懷庭調

鮮

謂葉廣明

舊詞場特地開生面

桂枝香

法部人間遠

滄桑更可憐

排歌

如今是我想當然不堪彈淚

對山川

黃鶯兒

待勝事續吳天

己亥四月 霜居吳梅書于百嘉室





# 弁語

今世做古先生正襟臯比。居然道德博聞。矜莊少年迴旋驥足。揚揚氣魄自用。間有稱述。多因祕盲史而宗腐令。賓蒙吏而友湘靈。嗣復衙官漢季。爰挾唐之伯仲。導鳴騶焉。若乃詞曲。猥云公孫氏且弗諾。嗟乎。幾令純忠孝真節義黯然不現本來面目。夫何以追維過去。又何以接引未來。俾天下後世啓孝納忠。植節仗義。亦難爲力矣。適按琵琶荆釵善本。暨八義三元名部。卓然絕調千秋。風華一代。綠韞簡其清真。墉城標其玄著。大都類休文人釋。理優于詞。右丞證梵神超于骨。驟聆則鷲音與鶴唳交宣。坐挹則安樂窩介墮淚碑相望。雖然。名則陳矣。事則適矣。賞識家不以窮耳目之官。僅以充戲娛之役。匪第漢中郎諸君子負屈。卽勝國東嘉輩。早拈出風化之本原。俱付之雲煙過眼矣。方今世尙取新。人胥炫異。假饒狎昵百凡。無寧雅正一派。引絲九曲。名誼十全。坐令別陳筐

篋。和以塤箎。祇見中州白雪。傾壓繁華。勝地陽春。不徧下里矣。

登高日閱世道人題

# 六十種曲總目

子集	雙珠記	尋親記	東郭記	金雀記	焚香記
丑集	荆釵記	霞箋記	精忠記	浣紗記	琵琶記
寅集	南西廂	幽閨記	明珠記	玉簪記	紅拂記
卯集	還魂記	紫釵記	邯鄲記	南柯記	北西廂
辰集	春燕記	琴心記	玉鏡記	懷香記	綵毫記
巳集	運甓記	鸞鏡記	玉合記	金蓮記	四喜記
午集	三元記	投梭記	鳴鳳記	飛丸記	紅梨記
未集	八義記	西樓記	牡丹亭	繡襦記	青衫記
申集	錦箋記	蕉帕記	紫簫記	水滸記	玉玦記
酉集	灌園記	種玉記	雙烈記	獅吼記	義俠記

戊集

千金記

殺狗記

玉環記

龍膏記

贈書記

亥集

曇花記

白兔記

香囊記

四賢記

節俠記

雙

珠





目錄

第一齣 家門始終

第二齣 元宵燈宴

第三齣 風鑑通神

第四齣 勾補軍伍

第五齣 母子分珠

第六齣 從軍別意

第七齣 軍門優卹

第八齣 假恩圖色

第九齣 二友推恩

第十齣 助惡謀姦

第十一齣 遇淫持正

第十二齣 遺珠入宮

第十三齣 劍擊淫邪

第十四齣 協謀誣訟

第十五齣 刑逼成招

第十六齣 獄中冤恨

第十七齣 避兵失侶

第十八齣 處分後事

第十九齣 賣兒繫珠

第二十齣 夫妻永訣

第二十一齣 眞武靈應

第二十二齣 姑婦相逢

第二十三齣 京邸敘親



第二十四齣 術士玄謀

第二十五齣 北斗化僧

第二十六齣 奏議頒赦

第二十七齣 續衣寄詩

第二十八齣 遇赦調邊

第二十九齣 續衣得詩

第三十齣 師徒傳習

第三十一齣 轅門遇友

第三十二齣 舉途鄉誼

第三十三齣 勤虜回功

第三十四齣 因詩賜配

第三十五齣 廷對及第

第三十六齣 郵亭失珠

第三十七齣 赴婚遇見

第三十八齣 吉筵敘故

第三十九齣 珠傳女信

第四十齣 與珠覓珠

第四十一齣 西市認母

第四十二齣 並拜榮陞

第四十三齣 棄官尋父

第四十四齣 僧榻傳音

第四十五齣 月下相逢

第四十六齣 人珠還合

# 雙珠記

明沈鯨箸

## 第一齣 家門始終

〔蝶戀花〕〔末上〕鐘送黃昏雞報曉。昏曉相催。世事何時了。萬古千愁人自老。春來依舊生芳草。忙處人多閒處少。閒處光陰。幾個人知道。獨上小樓雲杳杳。天涯一點青山小。〔問答照常〕

〔法曲獻僊音〕足學王生守貞郭氏。偕補鄖陽軍伍。怒激奸謀。釀成冤獄。哀誠感通真武。賴術士祈天府。寬刑調邊土。慧姬苦入宮闈。續衣詩意。君垂憫。賜結今生鴛侶。孝子幸登庸。棄官階行求父母。四貴同時。驗天綱前定之數。羨雙珠聚散。可以匹休合浦。

王濟川從軍受誣。

郭小豔鬻子全貞。

慧姬女寓詩賜配。

九齡兒棄職尋親。

第一齣 元宵燈宴

〔齊天樂〕〔生上〕師顏祖孔深紬繹。授受斯文一脈。道岸先登。天街思陟。整頓  
凌雲雙翮。飛騰未得。且揩洗靈珠。琢磨璞璧。待善價求沽。貨皇家。方顯人中特。  
〔鷓鴣天〕養晦衡門志可貞。瓊琚玉珮燦星辰。詞鋒穎利疑無敵。筆力縱橫似有神。三峽水。滿腔春。  
龍蛇之勢以存身。雉膏會使當時食。盡摠忠誠贊紫宸。小生姓王。名楫。字濟川。涿鹿鄙夫。雕蟲小技。  
焚膏繼晷。費終歲之鑽研。刮垢磨光。竊古人之糟粕。諸史已探其旨趣。六經頗究其淵源。既無董子  
天人之資。安有韓公山斗之望。正是崇拳石以成泰華。積涓流而至滄波者也。然而爛爛錦心。夙寓  
凌雲之筆。稜稜玉骨。方乘犯斗之槎。爭奈蘭省緣疎。無由踊躍。雲衢路杳。莫遂翱翔。未賓于舜門。且  
樂乎顏巷。須信簡易工夫終久大。支離事業竟浮沈。小生世係荆湖道。鄖陽衛軍籍。先年因劉黑闥  
之亂。流寓涿州。先祖生我。先伯先父二人。不幸先父早世。先伯又被鄖陽勾補軍伍去訖。喜得老母  
盛氏。康寧無恙。門戶蕭條。終鮮兄弟。膝下承歡。惟荆妻郭氏。妹妹慧姬而已。小生虛度三旬。祇生一  
子。方年四歲。小字九齡。今日正是元宵。不免薄具張燈之宴。聊伸舞綵之私。早間已邀韓姨娘在此。

須索分付娘子與妹妹。請母親出來同賞則個。〔叫請介丑上〕

〔寶鼎兒〕新正圓月夜。是處蓮炬。星球衝瑩。〔老旦〕撒錦荔年年遺事。歎暮齡

光陰難柄。〔旦貼〕樂府神僊分兩籍。遙向慈幃稱慶。〔合〕喜燈月交輝。壺觴兼

舉。因時消興。〔相見介老旦〕老身生于盛氏。嬪于王門。早喪藁砧。僅存兒女。柏舟眇眇。矢志終身。

萱草萋萋。銷魂半世。鏡中畏見青鸞舞。琴裏愁聞黃鵠音。家雖替于前人。業妄期于後胤。爭奈囊空  
瓶罄。奚堪旦夕之憂。力倦形衰。難駐光陰之逝。正是夜雨青燈孤枕淚。春風寒食九泉心。孩兒過來。  
閒門自閉。清夜宜安。你請大姨娘與我出來。有何話說。〔生日貼〕元宵佳節。燈月同明。聊具杯酒。少  
遣時光。〔丑〕人生百歲。光陰有幾。既有燈酒。可暫一樂。〔合〕誰家見月能閒坐。何處聞燈不看來。

〔生遞酒介〕

〔錦堂月〕絳闕春明。冰輪桂滿。須臾露臺光炳。三五元宵。暮靄瑞煙相映。惠風  
銷燄蠟搖丹。清露浥烘爐流鑛。〔合〕人中景。願歲歲今宵。共拚酩酊。〔旦貼〕

〔前腔〕偏稱。禁漏花深。繡工日永。星橋火樹縱橫。見九市三街。芙蕖遍開千頃。

綺羅叢粉黛容嬌。珠翠簇麝蘭香盛。〔合前丑〕

〔前腔〕堪並閨苑層城。蓬壺方丈。霽色湛然如鏡。咫尺鰲山。雲中羽調輕清。望龍樓復道飛驚。瞻鳳輦翠華臨幸。〔合前老旦〕

〔前腔〕思省衰髮星星。憂懷耿耿。爭奈室如懸磬。屈此燈期。怎禁得觸物關情。望孤兒鶚薦高騫。冀弱女鴛盟誰訂。〔合前〕

〔醉翁子〕〔生〕傾聽我母氏因時寓警。敢策勵駑駘。快當馳騁。〔旦貼〕引領。要早奮經綸。須信榮親在顯名。〔合〕非畫餅。似脫穎囊錐。頭角崢嶸。

〔前腔〕〔丑〕高迴論鑿戰文場取勝。喜學海波瀾。準擬首先羣英。〔老旦〕休逞。恐風阻翔鷗。未遂扶搖萬里程。〔合前〕

〔僥僥令〕幃展輝雲錦。簾垂晃水晶。料得十二都門人洶湧。鐵馬響春冰。戶未  
局。

〔前腔〕彩雲籠月冷。寶氣繞星清。恍惚素娥如將下。燈酒勸殘更。樂太平。

〔尾聲〕人生斟酌皆前定。況逢時肯辜節令。誰能保來日陰晴。

千門燈火報年豐。

鏡裏鉛雲不汝同。

到底行藏誰預定。

莫將身世負春風。

## 第二齣 風鑑通神

〔萃地錦襠〕〔末上〕謾誇三峽倒詞源。俊骨英風氣浩然。春融桃浪激諸賢。鯤

化溟濛會獨先。江波冉冉連天碧。瑞氣文光映草色。臥龍驚奮舊精神。咫尺雲霄應可陟。小生姓

孫。名綱。字天彝。本貫涿州人氏。實姓溫醇。才華偉儷。詩書資博約。已優游乎鳶飛魚躍之天。禮樂致

中和。願鼓舞于虎嘯龍吟之地。雖收時論。未際運期。且守孔孟規模。可致伊周事業。大抵有基方築

室。未聞無地忽成岑。我有窗友王濟川陳獻夫二人。遐襟耿度。望不可齊。懋學宏才。晦之益顯。誠文

場之迅足。詞林之羽儀者也。今年大比。昨約二友來議應舉之事。此時想亦將到矣。〔小外上〕

〔前腔〕五星炳煥聚奎邊。多士昂昂意象鮮。行看捧日上堯天。馳驟須先着祖

鞭。官樣文章大手筆。衙官屈宋誰能匹。冀得鴻臚第一傳。平地雷轟聲霹靂。小生姓陳。名時策。字獻夫。

荷山川之曠靈。所存粹美。結日月之慧氣。厥秉英明。咀嚼瓊瑛。而允矣入神。翦剔綺麗。而燦然驚目。名未彰于帝里。志猶篤于親庭。今當大比。昨承孫兄約議赴舉。此是他門首。不免逕入。〔見介生上〕

〔菊花新〕鏗鏘禮樂邁三千。上國觀光利用前。禁苑喜鶯遷。星斗胸羅期展。〔見介〕

〔浣溪沙〕〔生〕小院閒窗春色深。〔末〕重簾未捲影沈沈。〔小外〕遺編豈敢廢研尋。〔生〕義理一原須得意。〔末〕知行兩字在潛心。〔小外〕人間至樂尙儒林。〔末〕蓋聞荆山之玉。無翼而飛。鬱浦之珠。不脛而走。其登于章華。稱以結綠。雖人莫增其美。亦必待人而舉之。吾輩抱負固多。若不由當道推薦。何以致身于顯要。〔生〕孫兄說那裏話。自古神龍出淵。風雲自異。璞玉爲器。瑚璉俱珍。道旣在我。人自求之。豈患莫己知哉。〔小外〕君子進德修業。欲及時也。樂則行之。憂則違之。今當大比。未免上京取應。但恐鷗溟水闊。難舒奮翮之心。蟾窟天高。莫遂攀枝之手耳。〔生〕窮通有命。富貴在天。不必預爲多慮。〔末〕功名得失。皆有先兆。聞得袁天綱先生精于術數。能知未來事。縉紳無不敬信。朝廷亦嘗宣召。待以隱士之禮。近日到此。寓在城東。欲請二兄往問前程消息。不知尊意若何。〔生小外〕如此甚好。望乞指引。〔末〕二兄旣允。卽當請行。〔行介〕出處有先機。人情不預覺。一語覺迷



途。殷勤尋郭璞。迤邐行來。此間就是。〔問介外內應上〕

〔前腔〕庖犧遺緒費鑽研。賴有君平演後傳。徵應妙通僊。休咎幾微如見。伯陽曾有易參同。奪盡陰陽造化功。養取心中真六甲。稽疑叶吉妙無窮。卑人袁天綱是也。有客相呼。須索迎候。〔見介〕三位解元何來。〔衆〕久慕高風。不勝心渴。特瞻雅範。聊展敬私。〔外〕卑人材猶樗櫟。景迫桑榆。忽辱駕車。殊輝蓬華。動問高姓貴號。〔生〕小生王楫。字濟川。〔末〕小生孫綱。字天彝。〔小外〕小生陳時策。字獻夫。〔外〕三位俱大貴人也。素未荆識。此來必有見諭。〔衆〕老丈聽吾等相告。

〔玉芙蓉〕埋頭已有年。文戰頻遭蹇。幸當今賓興天下英賢。要將敷對傾肝膽。未必青錢皆中選。風雲便問何能鶚薦。望示迷途。臨期庶免嘆屯遘。〔外〕元來三位下顧。要問前程之事。〔衆〕今當大比。求卜一卦。以決所往。〔外〕卑人之術。不止于卜。又能風鑑。斷人終身事業。〔衆〕既善風鑑。尤覺便易。乞賜一相何如。〔外相介〕三位俱是貴相。但發得太遲。所謂大器晚成也。〔看生介〕王解元之相。有些古怪。當慢慢的講。且先相此二位。〔看末介〕孫解元。

〔前腔〕龐兒如月滿。眉際青雲斂。最宜他珠庭日角高懸。三才平稱榮非淺。五

嶽旋歸德可宣。孫解元。你黃甲登庸。青瑣預籍。貴則貴矣。但恨時運未至。〔生〕他做何等官。甚時可到手。〔外〕司風憲。須十年始現。羨柏府蘭臺。崇階密勿。壽綿延。〔末〕承教了。〔外〕看小外。〔陳解元〕

〔前腔〕儀容真偉烈。雙瞬光飛電。更堪欽虎頭燕頰胥全。英聲奇骨人中彥。怒髮剛鬚閩外權。〔陳解元〕你金符號令。玉帳威風。貴則貴矣。但不由黃甲出身。乃是軍功致位。目下時運也未至。〔小外〕我本書生。素非武弁。若說軍功。無日可得矣。〔外〕莫怪我說。依你尊相。要見得飄蹤邊塞。方能遂意干戈。專征戰。須十年始現。〔陳解元〕你到那時。還有一樁奇遇哩。可喜可喜。〔小外〕有何奇遇可喜。〔外〕羨柱掖牽絲。追蹤紅葉。賜姻嬾。〔衆〕不信有這等事。〔外〕非卑人胡說。相法見得如此。〔看生介〕王解元。尊相好古怪。

〔前腔〕丰姿雖冠冕。氣色殊難辨。你印堂昏暗。驛馬發動。必有遠戍之苦。〔生〕應在幾時。〔外〕即見了。苦來朝戎裝遠離鄉田。咳。不好說得。〔生〕君子問災不問福。但說不妨。〔外〕你到那裏。又遇孛星爲敵。要見圓扉淹滯。冤終雪。骨肉參商事可憐。〔生〕若如此。怎得出

身之日〔外〕無傷。英布當刑而王。那時卑人助一臂之力。轉危爲安。功名又在遠方。看你男女宮明顯。又主令郎高第。官居清要。〔生〕命旣折挫。豈望身榮子貴。〔外〕非卑人虛美之言。數皆前定。〔生〕應在幾時。〔外〕也發得遲。要見功勳建。須十年始現。羨橋梓同榮。斷應緝績破應圓。令郎與孫解元同榜。足下與陳解元同功。官祿雖異。時運相同。若論先屈後伸。所差不遠。〔衆〕過蒙推獎。何以克當。〔外〕目下雖若空談。將來必有實驗。三位不消疑訝。〔衆揖謝介〕

〔前腔〕空靈三寸舌。藻鑑神明顯。想吾儕與君夙締深緣。蒙推休咎。知懲勸。當慎行藏。覲斡旋。〔外〕三位功名來遲。非人之力能強。休生怨心。〔衆〕何尤怨。且安貧處賤。俟數極時通。那時奮發任高騫。

雙眸炯若鑑懸秋。

能向塵中定品流。

單父呂公君莫是。

神機祕訣動王侯。

#### 第四齣 勾補軍伍

〔阮郎歸〕〔小生〕玉麟銅虎布新條。褰帷肅下僚。一襦五袴頌聲遙。心專撫字

勞五馬分符竹。專城寄獨優。政成徵檄至。借寇一年留。下官涿州刺史梁棟是也。連日迎送上司。不會理事。未免案牘堆積。如今正是早衙時分。叫左右的放牌投文。〔左右丑淨上〕千里關山遠。孤身道路難。官差急如火。時刻不盤桓。〔見介小生〕你是甚麼人。〔淨〕小人是荆湖帥府差來勾取軍丁的。有批文投上。〔小生〕接上來看。〔看介〕荆湖道節度使司爲清查軍伍事。照得兵部勘合通查天下軍伍。舊管新收。開除實在。俱要造冊知會。以憑操調。行據鄖陽衛申稱。軍人王沂病故。見今缺伍。查得本軍原籍涿州。合行勾補。在此檄仰涿州當該官吏查取本軍親支以次戶丁。并妻解送着伍。須至檄者。既是軍務。叫左右的速拘王沂本管里老進來查取。〔左右介末丑上〕暫時離井地。咫尺詣琴堂。〔見介小生〕你兩個是鄖陽衛軍人王沂的親管里老。〔末丑〕正是。奉老爺呼喚。有何分付。〔小生〕你們聽我道。

〔大趂鼓〕無端召爾曹。荆湖帥府清查軍伍。移文火速。千里迢迢。整齊軍伍。防征勦。本軍王沂病故。要勾取他戶下以次人丁頂補。明查支派。莫渾淆。〔合〕若有稽違。罪罰不饒。〔末丑〕

〔前腔〕明公命我曹。取黃冊一查。便知他戶下丁數。疏支的派。析見秋毫。相應補伍丁拘到。刻期起解在明朝。〔合前末丑查冊介〕一戶王沂。戶丁王津王楫。〔小生〕王津王楫是王沂何人。〔末丑〕王津是王沂的弟。王楫是王津的男。王津已故。該王楫補伍。拘他夫妻起解便了。

〔小生〕叫左右的點一名防夫進來。〔左右介外上〕遞文書出入百般公府。解囚犯往來萬里程途。〔見介小生〕都近前來聽我分付。

〔前腔〕丁寧戒爾曹。這名軍丁須知緊要。務使防範堅牢。軍門交割方爲了。莫教縱弛致逋逃。〔合前末丑〕小人們只管勾取。若是長解軍門交割。這兩個人的干係。〔淨外〕

〔前腔〕關防屬我曹。登山涉水。千里辛勞。風霜餐宿勤昏早。批迴各要及期銷。〔合前〕

軍丁查補係欽依。

奉檄勾追不可違。

正是一心忙似箭。

必須兩脚快如飛。

### 第五齣 母子分珠

〔臨江仙〕〔旦抱兒上〕閒階和煦花如擁。柔風簾幙搖紅。轆轤聲轉粉牆東。寶猊煙未冷。山枕夢成空。〔南鄉子〕曉日壓重簷。斗帳春寒起去欸。天氣困人梳洗懶。眉尖。淡畫春山不喜添。閒把繡絲擗。認得金針又倒拈。陌上游人歸也未。懨懨。滿院楊花不捲簾。奴家郭氏之女。王郎之妻。乳名小豔。閱世三旬。宜家十載。荆釵韋布。恆存澹泊之心。木櫛菱裙。弗替堅貞之素。蟬鬢倦梳。愁折鳳蛾眉。羞照恐驚鸞。姑氏顏衰。已迫桑榆之景。良人學就。未沾雨露之恩。乳哺嬰孩。苟延世裔。力供釜甑。莫繼晨昏。人不堪我之憂。形弗若心之泰。正是惟有深閨憔悴質。年年常倚繡牀看。今當大比。丈夫必往應試。但家貧乏費。如之奈何。待他回來商量。再作區處。〔生上〕

〔前腔〕金門射策文星拱。洋洋意氣如虹。二奇六甲未應通。雨偏侵漏屋。風不助冥鴻。〔見介旦〕官人。試期將近。路費不周。親衰子幼。如何是好。〔生〕娘子。功名且莫提起。目下卽有災禍。是爲可憂。〔嘆介旦〕官人。你未飲上池水。豈知未然事。今宵之飲食。尙不能保。況來日之陰晴。其可預推乎。〔生〕娘子說那里話。居安思危。保身之道。〔旦〕縱使適遭其厄。敢問何以見之。〔生〕

昨日同孫陳二友。往訪術士袁天綱。扣問前程之事。被他斷盡終身得失。是以知其將然。〔旦〕既有

此話。願聞其詳。〔生〕娘子聽我道。

〔桂枝香〕憑他言諷。俾吾情悚。道我來朝禍出無端。骨肉家庭難共。〔旦〕他說官人往何處所。做甚勾當。〔生〕去邊塞戍戎。去邊塞戍戎。〔旦〕不信有這等事。〔生〕不止于此。還有凶處。〔旦〕請備細說。〔生〕既遭愚弄。復罹冤訟。〔旦〕若然。汝我終身休矣。〔生〕不終窮。他許我十年後因軍功而富貴。否極還須泰。父子同榮錦繡叢。〔旦〕

〔前腔〕聆君所誦。渾如春夢。可憐穎悟高賢。顧被狂夫聳動。〔生〕趨吉避凶。儒者之事。〔旦〕縱趨避可從。縱趨避可從。空談奚重。徒憂何用。官人。你且放從容。信步行將去。窮通係命宮。〔末丑淨外奔上〕

〔入賺〕帥令如風。疾來到王家戶限中。把聲兒悄。窺觀竊聽探形蹤。〔生旦驚介〕恁羣雄。緣何搶攘輕廝哄。〔衆〕爲爾伯身亡取嫡宗。〔生旦哭介〕列位何來。〔衆〕荆湖帥府有批文在此。軍情重。勾追嚴急休驚恐。〔縛生旦生旦哭〕禍從天送。〔老旦貼忙上〕

〔前腔〕想來文名姓誤相同。全仗恁鄉官秉至公。〔衆〕休胡說。昨日太老爺呵。當堂

查覈。昭然支派。豈朦朧。〔末丑〕王沂是你的伯。王津是你的父。王沂無子。該你補伍。〔老旦貼〕

既是這等呵。可使彌縫。願解簪脫珥。充酬奉。〔衆〕官法如爐。把來當耍哩。猛可地令

人怒髮衝。〔扯生旦介老旦貼哭介〕懇借通融。變生倉卒。無門控。〔跪求介衆〕苦惱此心

堪慟。〔末丑〕天上人間。方便第一。我們且出外邊。待他收拾起身。〔淨外〕上命遺差。蓋不由己。罷罷

罷。便放從容些。正是富權若不行方便。〔末丑〕如入寶山空手回。〔並下生旦〕

〔掉角兒〕霎時間。述言未終。徵應速禍。不旋踵。鹿撞心薰。然似焚。粟生肌凜。然

如凍。〔叩拜天介〕攄微忱。籲蒼穹。并神衆。默相途中。〔老旦抱生貼扯旦哭介合〕離懷種

種。行蹤洶洶。嘆骨肉拊膺頓足。曷勝哀痛。〔老旦貼〕

〔前腔〕覲他年。將能化龍。恨今日。驀成衰鳳。守衡門。僅有母妹。望雲山。別無昆

仲。此一行。受牢籠。不輕縱。差操勞冗。〔合前老旦〕孩兒媳婦。你此一去。值我暮景。不知今生

再得見否。我有明珠二顆。是先世所遺。不敢輕棄。今分一顆與你帶去。我自留一顆。以寓合浦還珠

之意。〔分珠與生旦介衆上扯生旦哭並下老旦貼哭倒介〕



〔尾聲〕淚如鎔。身如鞏。豈堪彼此嘆飄蓬。未卜今生可再逢。

蓬門寂寞守孤窮。

骨肉東西變故凶。

屋漏更遭連夜雨。

船遲又遇打頭風。

### 第六齣 從軍別意

〔出隊子〕〔末小外行上〕賓興多士。賓興多士。準擬觀光上帝畿。驟聞蘭友戍天涯。不覺離愁鎖兩眉。作惡中年。玉筋並垂。〔西江月〕〔末〕否泰循環若夢。安危轉展如雲。不須計較苦勞心。萬事元來有命。〔小外〕得雨潛龍自化。失時屈蠖難伸。且憑詩酒慰孤顰。來日陰晴未定。〔末〕王濟川從軍。卽刻起程。我輩挽留無計。如之奈何。〔小外〕勢不容已。只好助些盤纏。少盡朋情而已。〔末〕此是館驛前了。待他來時。相與分攜作別。〔淨外押生旦旦抱兒上〕

〔前腔〕乍離閭里。乍離閭里。先自銷魂怯路岐。雲山杳緲共驅馳。正是加餐努力時。西出陽關。料沒故知。〔生末小外抱哭介〕

〔哭相思〕齟齬之交今已矣。牽衣淚灑垂楊地。〔生〕天有不測風雲。人有無端禍福。袁天

綱之言。信不誣矣。〔末小外〕莫非命也。順受其正。王兄當爲道保重。以圖遠大。〔生〕功名之事。心已成灰。旣爲武弁。又何遠大之圖。〔末小外〕休說那話。韓信拔于卒伍。班超奮于傭書。古之豪傑。皆困而後亨。況袁天綱之言旣信于今。則吾輩功名之事可徵于後矣。請自寬懷。勿生永嘆。〔生〕過蒙清誨。足感厚情。但與二兄十年同筆硯之交。一旦賦河梁之句。分襟恨別。把臂傷情耳。〔末小外〕王兄行急。愧無所贈。吾輩共備白金十兩。聊充贖私。〔生〕道禮之餽。卻之不恭。〔悲介〕老母乏養。願將此轉惠以代甘旨。彼此均感。〔末小外〕家貧不是貧。路貧愁殺人。此物乞收去用。令堂甘旨。自有我二人支持。不勞掛念。公西華使齊。冉子尙爲之請粟。況兄臨患難。吾輩肯愆然于令堂乎。此物必請收了。〔生日收謝介生〕蒙二兄光送。不忍輕捨。聊有短歌一首留別。以見鄙意。〔末小外〕願聞願聞。〔生〕十年文事今投筆。吞吐虹蜺付長策。荆楚由來用武州。談笑功名在鋒鏑。生平自信螭門豪。襟懷磊落輕蕭曹。千金新買五明馬。茜羅巧織團花袍。時儕不忝稱雄偉。三尺昆吾掛秋水。醉來奮激一拔看。寒月空林泣山鬼。〔末小外〕王兄佳作。正與袁天綱之言相合。妙哉妙哉。旣領尊教。吾輩不容無言。各有小詩奉贈。〔生〕至感至感。〔末〕儒冠乍解掛戎衣。籍籍名香幕府知。奇績定爲明主建。

佳音莫遣故人稀。官橋細柳嘶征騎。南浦清歌趁落暉。自古功名當壯歲。東西何用惜睽違。〔小外〕  
雄劍飛霜出匣新。玉驄金勒已嘶頻。亂雲山色燕城晚。遠樹旌光楚水春。激烈不移心捧日。征誅贏得事驚人。而今送別還傷別。行看滇池勒上勳。〔生〕二兄佳句。過于期望。但恨才菲德薄。不能仰副盛意。〔淨外催行介生日哭拜別介〕

〔憶多嬌〕蒲柳質。山水窟。迢迢千里傷行役。望斷回琴井點瑟。〔合〕珠淚雙滴。  
珠淚雙滴。未審重逢甚日。〔末小外〕今日與王兄此別呵。

〔前腔〕愁涌溢。情恍惚。歎英豪一日遭困抑。腸斷驪駒聲慘感。〔合前淨外〕

〔鬪黑麻〕身只爲轅門機宜緊急。豈不近人情。好勞惡逸。列位休怪我們。催促去。  
奉軍律。倘有稽違。難逃罪責。〔合〕風塵披拂。雲光連樹色。此去迢迢。此去迢迢。  
鱗鴻怎得。〔末小外〕二位長官。他夫妻三口呵。

〔前腔〕懇乞恁途中同情體卹。念背井離鄉。孤儔寡匹。〔淨外〕惻隱之心。人皆有之。不勞分付。〔衆拜〕能惻隱。是仁術。德至淪肌。感當鏤骨。〔合前〕

朋因道義真。

情到別離親。

山接詩愁去。

雲隨袂影分。

### 第七齣 軍門優卹

〔清江引〕〔小生上〕宣威定策膺殊賞。佐漢室中郎將。勇敢過韓彭。謀略同牙亮。深慶幸治功成。皇圖壯。萬甲蟠胸老氣衝。將星光照海雲東。朝廷擬選救時相。郡國先觀濟世

功。心熟豹韜知合變。腰懸龍劍識雌雄。與誰共挽天河水。一洗干戈戰血紅。下官乃荊湖道節度使

馬降是也。勇冠三軍。機通萬里。當藩垣屏翰之任。秉弓矢鈇鉞之權。六纛八屯。彰度數于軍中。九旗

五輅。肅威儀于闔外。名先頗牧。兵合孫吳。三箭爲功。誰數今之梟將。一身是膽。可當古之虎臣。卻敵

笑談中。折衝尊俎上。山川豪氣秋聲振。草木悲風夜色寒。〔衆將校見介小生〕世道太平。軍務稍暇。

你衆將官乘此無事之時。當爲有事之備。凡百用心檢點。倘有不虞。可以便宜行事。〔衆〕諸事齊整。

不勞分付。但各衛軍人。逃亡死絕。多有缺伍。前日兵部勘合清查。至今未得完結。〔小生〕已行文各

原籍。勾取頂補。不知完了多少。〔衆〕以十分爲率。已到者七分。未到者三分。〔小生〕既是這等。將已

到的卽發原衛着伍差操。其未到的再行令牌督提。違者軍法從重論。〔衆〕理會得。〔淨外解生日旦抱兒行上〕

〔前腔〕披星戴月多勞攘。論跋涉真難量。今日到荆湖。恰似從天降。忙整肅。詣轅門。恭投向。〔見介小生〕這一起是甚麼人。〔淨〕奉老爺檄文往涿州勾取軍丁補伍的。〔小生〕那里衛。〔淨〕鄖陽衛的。〔小生〕軍丁旣到。可打發涿州解子回去。〔衆介淨外〕相逢不下馬。各自奔前程。〔下小生〕那軍人上來。看你青年美質。不象武夫。平日作何生理。〔生〕老爺一言難盡。容小人稟。

〔賀新郎〕幼忝爲儒黨。苦寒窗青藜汗簡。未嘗廝放。〔小生〕元來是個儒者。有志去應試麼。〔生〕指望首登龍虎榜。因伯父死絕。勾取小人補伍呵。如被風雲迷障。〔小生〕可惜你前功盡棄。〔生哭〕恨殺也前功撇漾。〔合〕白面書生今就武。這經綸可惜埋塵埃。怎能殼慰初想。〔小生〕那軍妻上來。你丈夫是儒生。怎麼差操去得。〔旦〕告老爺知道。我丈夫

呵。

〔前腔〕生平舉動存溫讓。論從軍要揚威武。披堅持仗。〔小生〕你丈夫雖不曉武藝。料會看些兵書。〔旦〕虎略龍韜雖閑習。〔小生〕既能如此。軍門立功就容易了。〔旦〕未必功成翻掌。奴家丈夫昔是涿州儒生。今爲部下軍士。必望老爺青目。願優卹度同天樣。〔合前小

生衆〕

〔錦衣香〕覩丰儀。眞英朗。聽言辭。尤精爽。信是士類之宗。儒林所仰。料應文曜未舒芒。可憐雲翰不遂翱翔。含章以俟。論將來登庸可望。〔合〕天憫斯文喪。冥冥默相。俾潛蛟困鳳。終須騰上。〔生旦〕

〔漿水令〕愧鯁生素居草莽。霎時間萍隨波蕩。今朝竊幸沐恩光。範圍之下。德意汪洋。〔拜介〕愚夫婦深稽顙。矢心執轡。宣勞虎帳。〔合〕從今後。從今後。身超羅網。須黽勉。須黽勉。效鷹揚。〔小生〕這名軍元是書生。不諳弓馬。可發在營長李克成部下抄

寫軍前文冊。免他差操。行文知會鄖陽衛官便了。〔生日謝介〕

轅門今日感恩深。

報効捐軀建寸勳。

豹變未斑龍未見。

且須潛隱待風雲。

## 第八齣 假恩圖色

〔生查子〕〔丑上〕人讀五車書。偏我無一句。緣此別賢愚。我列人低處。小子叫做李克成。天生資性甚聰明。自幼怕念百家姓。慌忙改了三字經。先生教我千百遍。四句至今記不清。祖上遺些田共屋。家中積下米與銀。禮貌粗疎不惶恐。親朋來往常鬪爭。近年謀充做營長。剛管二百五十兵。中軍帳前造文冊。開眼那識人姓名。白的是紙黑的字。手拏筆管重千斤。方方一點并一畫。便覺喫力身戰兢。只得出錢倩人寫。希圖僥倖免一丁。〔笑介〕自家是荆湖節度使老爺帳下一個營長。爲何叫做營長。大凡軍中五人爲伍。五伍爲隊。乃立一人爲隊長。管二十五人。十隊爲營。又立一人爲營長。管二百五十人。雖無爵祿。亦有衣巾。若立功勳。便能冠帶。人見老爺寵用我。都稱我爲總營官人。一向蒙老爺委造軍前文冊。昨日在帥府前閒坐。見涿州解到一名補伍軍人。其妻甚美。果然花容月貌。可賽毛嬙。玉骨冰肌。堪欺宋豔。一見之間。使我魂飛魄散。准准的想了一夜。若有妻妾。還好瀉火。只因近時喪偶。孤幃獨宿。如何熬得捱到五更頭。正要做夢。與那娘子雲雨。忽被小廝

高聲來叫。將我驚覺。那小廝報說帥府發他到我部下寫冊。正是天賜其便。不覺快活。直滾下牀來。我如今往帥府前去尋他下落。〔行又住介〕且住。地有高低。人有貴賤。我是營長。他是小軍。雖爲那娘子分上。亦要存些體面。我只在此坐下。未免來見我。先做一個假至誠。用些禮貌。加些恩惠與他。待他念我好處。然後就中取事。依口稱心。這段好姻緣無有不成也。〔生日抱兒上〕

〔前腔〕豪氣未全除。浮跡風中絮。失意賦三都。駐足將軍樹。〔見介丑〕請上坐。〔生〕

一介小卒。初隸部下。豈敢當此。〔丑〕雖是這等。你一個是天下俊英。一個是閨中賢淑。況又新到。坐之何害。〔生〕尊卑旣分。男女並在。敝坐之間。實爲未便。〔丑〕也說得有理。旣不肯坐。立講也能。〔生理之當然。何勞計較。〕〔丑〕請問貴姓。青春幾何。〔生〕小生王楫。虛度三旬。〔丑介〕令正懷抱。是令郎麼。〔生〕是小兒。〔丑〕曾有下處麼。〔生〕方得息肩。尙未尋寓。〔丑〕帶多少盤費來。〔生〕家貧路遠。用度不周。豈有餘剩。〔丑〕不消煩惱。我看你夫妻都是好人家氣象。一時勾取在此。出于無奈。我家空房儘多。憑你揀幾間住下。一應日用。都在我身上。〔生日〕若得應付。待支下月糧。一併算補。〔丑〕客邊何須說那話。〔生日〕



〔玉交枝〕患難適然遭遇。荷君家誠傾意輸。看承不比凡軍旅。欣欣推與儲須。周全朝夕若沾濡。何殊久旱逢甘雨。〔謝介〕愧一介流離腐儒。効啣結難勝報補。〔丑〕

〔前腔〕憐恁涼涼無與處。窮途依稀守株。空囊何計充薪水。令人不覺攢眉。吾當體悉備推餘。始終絡繹無寒暑。〔丑〕多承美意。只是打攪府上。〔丑〕做通家何勞太拘。自今日迭爲賓主。〔生日〕

〔前腔〕繆承言許。似焦枯油然再蘇。〔相向低聲〕倘不遇那官人。我們三口。〔悲介〕未知骸骨遺何所。〔丑〕凡事都是我支持。但放寬心。〔生日〕柔腸暫解煩紆。雖云隻影與雲俱。料應風景非淒楚。〔謝介〕愧一介流離腐儒。効啣結難勝報補。〔丑背低聲〕

〔前腔〕聽得夫妻齟齬。想他心與吾契孚。無端妄擬爲鴛聚。思之暗自胡盧。〔向生日介〕持顛扶困願勤劬。通財自古由朋侶。〔生〕蒙此厚誼。何以克當。〔丑〕做通家何勞太拘。自今日迭爲賓主。叫管家的打掃前邊空房。送這新來王先生家眷安歇。米一擔。柴

五擔。油鹽醬醋先送些去。〔內應介〕

慷慨丈夫義。

慈祥君子心。

人生只如寄。

何地不相親。

### 第九齣 二友推恩

〔卜算子〕〔貼上〕簾幙暖風輕。舞燕雙來語。花褪殘紅柳絮飛。無計留春住。〔如

夢令〕鶯嘴啄花紅溜。燕尾點波綠皺。指冷玉笙寒。吹徹小梅春透。依舊。依舊。人與綠楊俱瘦。奴家冰玉肖形。蕙蘭成性。幼通律呂。效蔡女之知絃。長好詞章。輕謝娥之詠雪。情慵粉黛。分守蓬蒿。夢斷椿容。徒抱終天之恨。綵娛萱景。益深愛日之誠。得句池塘。竊隨雁序。忝生葑菲。未訂鴛盟。茅屋常寒。瓦瓶自汲。覽鏡獨傷。傾國豔。閉門深對落花枝。自從哥哥嫂嫂從軍去後。杳無音信。母親在堂。不勝悲嘆。況且家貧乏用。每至饑寒。多蒙孫天彝陳獻夫二人。念哥哥同窗之情。推恩老母。常送柴米。聊以度日。不免請母親出來。寬解一番。多少是好。〔請介老旦上〕

〔前腔〕日斷楚天遙。不見人歸路。風急桃花也似愁。點點飛紅雨。〔見介老旦〕孩

兒。你哥嫂去後。杳無音信。哀思之極。兩目昏花。怎生是好。〔貼〕哥哥有變通之才。嫂嫂有柔順之德。料能隨地而安。決不離鄉而賤。倘在軍中建功立業。衣錦還鄉。未可知也。目下雖窮。奴家力攻針指。足備甘旨之奉。母親請自寬心。不勞多慮。〔老旦〕孩兒。你但知其一。不知其二。聽我道。

〔香羅帶〕鶯花已半稀。離魂暗飛。春回有時還到此。天涯游子未應歸也。雲黯黯。草萋萋。孤鴻杳然雙鯉逝。〔合〕淚拱桑樛也。細雨斜陽獨倚閨。〔貼〕

〔前腔〕窗櫺漏晚暉。愁眉怎舒。荆花可憐飄失所。人非物是景蕭疎也。骨肉重。信音迂。空負鴿原詩幾句。〔合〕牢落關河也。隻影孤形誰與俱。〔末小外同淨挑盒〕

〔上〕朋友有通財之義。君子存周急之仁。處常時節尚如此。而況流離顛沛人。〔末〕王濟川去後。不覺一年。他有老母在家。屢次送些柴米。少盡朋情。今又備餚菜。同陳兄去探問一番。〔小外〕小弟具銀一兩。助他油火之用。帶挈一行。〔淨〕此間是他門首了。請二位官人進去。〔末〕呀。但見重門深閉。花落盈苔。並無一人。未免咳嗽一聲。〔嗽介貼〕外面似有人聲。母親可出去一看。〔老旦出見介〕小兒向蒙厚贖。老身節辱多儀。無以報德。不勝感愧。〔末〕久失候問。甚負令郎之託。今備些餚菜。略表

寸敬。〔小外〕小生亦具白金一兩。以充油火。〔老旦〕重勞佳貺。受之不當。〔同貼收謝介淨〕成他交際禮。了我使令心。〔下老旦〕小兒從軍。杳無音信。我們女流。無從打探。請問二位。近日有所聞否。〔末小外〕路杳乏便。一向杳然。〔老旦〕天好苦。

〔懶畫眉〕無端弱息戍天涯。雁過衡陽信也無。他鄉風景料應殊。〔哭介〕我那兒呵。安危苦樂知何許。望斷雲山淚滿衣。〔末〕令郎一去呵。

〔前腔〕睽違色養已年餘。豈是空行遽遠驅。孤蹤泛泛水中鳧。料能隨寓而安矣。山鳥山花皆友于。〔貼〕

〔前腔〕北堂光景迫桑榆。寂寞萊衣久失娛。萱情未免苦嗟吁。〔末小外〕不必憂慮。倘有缺乏。再當奉來。〔貼〕承二位尊兒。屋烏推愛頻周卹。瀝膽披肝擬後圖。〔老旦〕孩兒。你家貧親老。那有報德日子。〔小外〕王姆姆。何出此言。

〔前腔〕從來世道有乘除。否泰相推若轉樞。令郎素抱經濟之才。料能在彼用武立功。弘謨休烈播堯衢。那時富貴回來。恩榮畫錦風雲際。正是合浦須還舊日珠。

故人青目慰孤蹤。

燕子樓間事已空。

情到不堪回首處。

一齊分付與東風。

### 第十齣 助惡謀姦

〔唐多令〕〔丑上〕一自遇嬌嬈。相思日夜熬。癡心欲遂鳳鸞交。徒有魂顛魄倒。無計策。好心焦。酒不醉人人自醉。色不迷人人自迷。心上若有酒色病。一生作事欠便宜。自家因見那王娘子之後。不勝思想。前日一到。與他房子住下。擔柴送米。指望他有些意思。誰知那娘子眼睛生在腦後。全然不保。況且其夫是個酸子。能會喫醋。緊緊的。看着老婆。不肯斷放。就如急煎滾湯。不能下手。使我茶飯懶沾。形容消瘦。欲要出門。只恐誤了機會。住在家裏。又沒擺佈。怎生是好。〔嘆

介〕我且閒坐一番。養些精神。再作區處。〔淨上〕

〔普賢歌〕貪變猛鷲勝如鷗。覆雨翻雲計算高。生涯靠筆刀。言談聳俊髦。除卻儀秦如我少。一道聞名張有德。弄筆主文人莫敵。往來情熟各衙門。指稱打點求衣食。狐假虎威我自知。指鹿爲馬人不識。若來請我寫狀子。字眼全不依法律。到官只要辨雌雄。論理何曾分皂白。扛

幫壞了幾百家。證佐費盡萬千力。驅騙錢鈔似掏摸。賽過江湖老劫賊。每遭巡按來訪察。就把區區爲第一。問軍多次常調衛。擺站何嘗去着役。累逃累犯受驚惶。只因衣食少不得。〔見介丑〕張主文。你有何事捨不得。〔淨〕李總營。你不知道我的捨不得。就如你的捨不得。〔丑〕你那裏見得。〔淨〕入門休問榮枯事。觀着容顏便得知。〔丑〕阿呀。近來你有相法了。〔淨〕我不會相面。能會相心。〔丑〕正好正好。我連日心事不寧。你是我心友。可相我心事如何。〔淨〕不消相得。你心上王娘子打攪。〔丑〕不必高聲。隔牆有耳。〔淨〕李總營。你不爲好漢。要幹大事的。這些小事尙且畏怕。如何軍中出入。〔丑〕實不相瞞。一向眠思夢想。費了精神。因此膽氣怯了。〔淨〕你旣膽怯。及早罷了。〔丑〕此事已有五分意思了。欲罷不能。〔淨〕怎見有五分意思。〔丑〕大凡竊玉偷香。意思以十分爲率。我的五分。停停當當在此。只待他的五分。湊完十分。事就成了。〔淨笑介〕築室道旁。三年不成。全未全未。我且告別。待他五分到了。再來商議。〔丑〕休要取笑。便是這五分難得。求你計策。〔丑〕旣是這等。你且說個影像與我聽。〔丑〕他一向住我房子。用我東西。豈不感我。我若下手。料無不從。只是其夫在家。不輪機偶。〔淨〕此甚不難。〔丑〕請教。〔淨〕目下軍門委你造冊。乘此機會。哄那王秀才。只說冊子要緊。連

夜遣造。鎖留他在椽房內。數日不放回來。那時你到他家。着些甜言語。加些好意思。去打動他。他感你是恩主。況婦人家水性。見你富貴氣象。丈夫又狼狽。轉輾之間。心肯事成。豈不美哉。〔丑笑〕此計甚妙。我與你同過去一說如何。〔淨〕奉陪。〔行介丑〕走出大門東。來到迴廊下。〔淨〕牢籠魍魎人。妝點虛空話。〔丑〕此間是他門首。〔叫介生上〕

〔海棠春〕黃犬隔牆號。應有人來到。〔見介〕二位慌慌忙忙走來。有何緣故。〔丑〕王先生。你安坐在家。不知外邊緊要事情。〔生〕其實不知。請言其故。〔丑〕你果是不知。若知道了。恐你坐不定。〔四邊靜〕頃間將令傳帷幄。聞之可驚愕。〔生〕爲着甚麼。〔丑〕文冊久稽違。特爾緊束約。〔生〕冊子要緊。遣寫何難。〔淨〕王先生。軍前號令。不是當耍。〔丑〕軍威猛惡。重於山嶽。既要刻期完。必須遣夜作。〔生〕

〔前腔〕鮒生不幸成飄泊。門下忝依託。〔淨〕王先生。你旣感謝。何不替他些心力。〔生〕有事願服勞。豈敢少耽閣。小生卽刻就行。只是有些心事不好說。〔丑〕但說不妨。〔生〕我空囊寂寞。行廚冷落。家中妻單子幼。就似轍底久枯魚。更須潤一勺。〔丑〕令正令郎。都在我身

上。你只管放心前去。不必掛念。〔淨〕李總營。你看王先生。

〔前腔〕襟懷慷慨隨然諾。緩急有清濁。公務不由人。疾走莫停脚。你去寫冊。務要用心。功須繹絡。文毋舛錯。燈火繼天光。最昏勞怎卻。〔生揖丑介〕

〔前腔〕旃幃深久恩非薄。〔揖淨介〕指教賴先覺。感奮已銘心。豈忘在溝壑。〔背介〕  
〔低聲〕吾私忖度。妻嬌子弱。此役幾旬還。忍教恁遼邈。

令出軍門不可稽。此行須用捷如飛。

受人之託當終事。筆硯微勞豈敢辭。

### 第十一齣 遇淫持正

〔生查子〕〔旦上〕殘紅積滿庭。悄悄傷流景。風力逗疎櫺。暗覺春衫冷。〔菩薩蠻〕游絲上下牽輕絮。愁聞一霎清明雨。雨過卻斜陽。杏花零落香。虛簷明尚迴。寂寂棲孤影。時節欲黃昏。無聊獨倚門。奴家隨丈夫從軍到此。蒙節度使老爺念是儒生。免其差操。留在軍前寫冊。又蒙李營長朝夕供看。得免困乏。但婆婆小姑在家。不知安否何如。〔悲介〕好生放心不下。昨日軍中冊子要



緊。丈夫進去。趨寫。料得數日方回。早間不曾打水。如今孩兒九齡睡熟。不免出到井邊汲些。以供晚炊。多少是好。〔提桶行介〕

〔步步嬌〕偶因晚汲攜嬰綆。緩步循幽徑。花陰犬不鳴。雲散天空。林深人靜。此是井邊了。〔看介〕只見那石甃一泓清。晃然玉檻玲瓏映。〔汲水介丑行上〕

〔前腔〕煙凝山紫時將暝。無奈情如靛。消遣強閒行。〔看旦笑〕王娘子。我想你不能覿見面。何故獨自在。喜煞嬌娃。潛身窺井。此處四顧無人。正輪機巧。莫不是我思想得緊。天賜其便。應是救災星。特來療我相思病。〔見介〕王娘子。我家奴婢儘多。何不差他汲水。自取勞碌。〔旦〕親操井臼。婦人常事。豈敢有勞宅使。〔丑〕王娘子差矣。我和王先生弟兄相交。就是自家骨肉一般。怎說那話。〔旦〕多謝。〔取桶行介丑〕王先生不在家。你風景蕭條。情懷寂寞。且在此同耍一耍。〔旦〕

〔雙鷓鴣〕言非禮。聞之怒驚。論人道。嫌別微明。古云。李下冠難整。豈容伊無儀。胡逞。〔丑取桶介〕替你擔水桶。難道我不好。〔旦〕咳。胡說。空延頸。苟圖掩耳偷鈴。〔丑〕不但偷

鈴。韓壽偷香。方法也是我教他的。〔旦〕真牛馬。枉卻襟裾之盛。〔丑笑揖介〕

〔前腔〕相思久矣如酩酊。最難逢須臾頃。願言俯就締凰盟。王娘子。你若從我。我和你同享富貴。決不有負。指皎日昭昭爲證。〔旦〕吓。我夫婦自有別。豈與鳥獸同羣。〔丑〕你休喙硬。當念氣求聲應。你與我旣爲通家。不要發言太惡薄了。自古道敬人者得人恆敬。〔旦行丑留介〕此處沒有人來。可再住講一講。〔旦悲介〕天那。好苦。

〔前腔〕恨時乖遇了猩猩。具人形不離獸性。〔丑〕不要取笑罵我。料你跳這圈套不出。

〔旦〕休強橫。忒恁的行姦言佞。〔丑〕王娘子。你旣道我不老實。如今對你老實說罷。你若從我。定有好處。若不從我。決無干休。倘有不虞。莫要怨我。〔旦〕吾心正。豈解勉強逢迎。〔怒介〕你便擺佈。將來呵。須知道死生禍福皆前定。立志堅貞磨不磷。持身潔白涅難緇。〔罵下丑〕

〔泣顏回〕叵耐這卿卿。恁妝喬忒煞無情。一腔高興。都做了點水成冰也。空勞

至誠。〔嘆介〕偷香竊玉須由命。〔惱介〕王娘子。買乾魚放生。不知死活。你今日抗拒我。我明日

擺佈你。〔笑介〕且住。調情之事。不可性急。今日不肯。而有明日。明日不肯。而有後日。且圖他意

轉心回。定能奏鳳瑟。鸞笙。

一段好姻緣。

何當成折挫。

只怪他薄情。

那知我無度。

### 第十二齣 遺珠入宮

〔一翦梅〕〔老旦上〕翻空雲影弄新晴。絮舞閒庭。草長閒庭。〔貼上〕一簾花霧共  
淒清。觸景傷情。覩物傷情。〔老旦〕煙深柳暗鶯初老。〔貼〕滿砌落花閒不掃。〔老旦〕屈指能餘  
幾日春。〔貼〕人歸何似春歸早。〔老旦〕孩兒。你哥嫂去後。音信杳然。好生煩惱。〔貼〕母親。鄖陽離此  
甚遠。雖有音信。急切難到。倘遇使人。或者可來。不必愁悶。〔老旦〕孩兒。你不知做娘的心事。

〔二犯傍妝臺〕霽色映窗明。垂楊影裏。忽聽鶯喚兩三聲。使我驟然心作惡。〔哭  
介〕愁似織。淚如傾。黃耳未知何日到。白髮新從昨夜生。〔合〕江山跋涉。孤鋒  
遠征。那堪蹤跡等雲萍。〔貼〕

〔前腔〕棠棣久飄零。幾回寂寂。聞鳥頓心驚。最苦風塵羈旅客。歸未得。夢難成。

異地不通終歲信。同氣空懸此日情。〔合前貼〕母親且省愁煩。今早央大姨娘往州衙前打聽哥嫂消息。待他回來。必有分曉。〔老旦〕前日孫陳二秀才各處訪問。兀自不知他是個女流。何從打聽。〔貼〕事有偶然。倘遇便人。討個消息。未可知也。〔丑奔上〕

〔神仗兒〕宮闈有命。宮闈有命。敷求姬嬪。下州司徵聘。已籍吾甥名姓。今日裏要之京。歎骨肉似飛星。福無雙至。禍不單行。妹子不好了。甥女不好了。〔老旦貼〕你去打聽消息。爲何慌慌張張。莫不是鄖陽有甚凶信。〔丑〕不是不是。〔老旦貼〕卻是爲何。〔丑〕纔到州衙前問從軍的消息。只聞人說朝廷因太宗爺放出三千宮女。連年又不曾選取進去。宮中乏人侍御。故此行文各處。報選良家女子。州要十名。縣要五名。滿城中都是這等傳說。只見我家一個近隣走來說道。你家甥女王慧姬。已報在官。即日要起送赴京了。特地報你。〔老旦貼〕果有此事。痛殺人也。〔哭倒介衆扮里老官婆兵快上〕丹詔遙傳御墨新。當官差委要遵循。來求蕙質幽閒女。去做椒房左右人。〔丑〕列位請坐。我們的事。已知道了。〔衆〕你既知。何不打點。〔丑〕幾時動身。〔衆〕即刻就行。〔老旦貼〕天那。好苦。〔衆〕不須煩惱。本州大老爺每一位內家備辦首飾一副。衣服四套。廩給夫轎

之類。俱各完備。那九家都在驛中取齊。只等你宅上小姐去。便起程了。〔老旦〕列位聽老身一言。小女此去。今生不得見面了。骨肉之愛。一時難捨。且請列位前邊暫坐。容我母女二人作別。少敘永訣之情。〔衆〕也罷。也罷。情有可憐。事有可耐。與人方便。陰德之大。〔並下老旦〕事出非常。行期又促。教娘如何是好。〔貼〕孩兒此行。付之天命。母親年老時窮。哥嫂又不在側。怎生度日。〔老旦〕遭此不幸。實爲痛心也。

〔玉山頽〕皇天司命。使門楣禍生幼齡。念昔爲傍砌奇葩。而今做隨波飄梗。〔哭介〕我兒蘭情蕙性。怎能伍三千宮媵。〔合〕後會期難訂。淚盈盈。一家骨肉嘆伶仃。〔貼〕

〔前腔〕官家申令。恨寒微宮籍有名。苦終身鳳獨鸞孤。更那堪牢籠機弄。母親。你這窮途暮景。怎免得憂心耿耿。〔合前丑扯貼介〕

〔前腔〕我甥女。你幽閒貞靜。況娉婷堪爲女英。善儀形妃嬪規模。美才藻婕妤好綱領。倘你時運到來。龍光寵幸。老母榮華堪並。〔合前老旦〕孩兒。你一入宮門。今生必無再見之

日。我有明珠二顆。已分一顆與你哥嫂帶去。存下一顆。今把與你。你此別後。見此珠如見你做娘的面。〔取珠與貼受介衆上〕奉太老爺鈞旨。着小姐快些上轎。不可遲慢。〔丑〕他母女分別。列位再放從容。〔官婆扶貼欲行老旦丑扯留介貼哭拜介〕

〔鷓鴣天〕淚竭腸崩痛此行。分攜無計破愁城。〔老旦〕霎時犢愛牽孤袂。長夜鵑魂泣短檠。〔衆催貼下老旦哭倒介〕催去矣。不容停。雙眸凝注枉丁寧。〔丑扶老旦起〕料應難覩今生面。除向槐南會裏迎。

骨肉分離倍慘然。

長門那有信音傳。

山河渺渺雲橫樹。

目斷嬌兒伴膝前。

第十二齣 劍擊淫邪

〔憶秦娥前〕〔旦上〕眉頻皺。眉頻皺。自傷薄命吾誰咎。吾誰咎。猝遭嫚侮。那堪倜傥。〔清平樂〕夫妻猶比翼。動止均休戚。一旦風波成汨沒。此意不勝脈脈。狡童昧彼綱常。那如義重

糟糠。白璧元無瑕玷。青蠅莫損其光。奴家夫妻從軍到此。偶遇營長李克成照顧。將謂是他好意。誰

料這斷人面獸心。潛有哄騙奴家之念。前日丈夫往椽房寫冊。這斷窺見奴家在井邊打水。走來調戲一番。被我道了幾句。全不知怪。〔嘆介〕只爲時遭坎坷。被他籠絡。設使我丈夫自能成立。豈有此事。且待丈夫回來。另作計較。今早聞他冊已寫完。想卽刻就回也。〔生背劍上〕

〔憶秦娥後〕轅門供役經旬矣。回來風景還如舊。〔旦〕還如舊。還如舊。可憎前日。秋胡窺牖。〔見介生〕秋胡是春秋時人。娘子爲何說他。〔旦嘆介〕官人。你堂堂六尺之軀。立于天地之間。不能庇其妻子。而使見辱于羣小。凡有知覺者。莫不寒心。官人何乃貪昧隱忍。株守于此。

〔生〕娘子。我和你時值流離。身當狼狽。多蒙李營長看顧。方得安飽。〔旦怒介〕官人說那畜生怎麼。〔生〕娘子差矣。我們一向在此。受他恩惠。並無寸報。如何反怪他。莫不是他手下人衝突了你。〔旦哭介生〕娘子。你有話就說。何必啼哭。〔旦不應生嘆介〕好古怪。問之不言。叫之不應。卻是爲何。你纔說秋胡窺牖。請問其故。〔旦〕官人。你要問秋胡。李克成那斷就是。〔生怒介〕他有甚麼歹處。須要說個明白。〔旦悲介〕官人。自你別後呵。

〔香遍滿〕因供炊爨。晚汲至井陘。那李克成。驀與相邂逅。〔生〕你遇着他便怎麼。〔旦〕

他錯認做桑間。輒爾來調誘。〔生怒介〕這廝無理。你怎生打發他。〔旦〕逞狐形狗態。忿激誠可羞。我那時疾言厲色。雖辱罵了他一場。恨藏姦賣俏。真個是人中獸。〔生頓足介〕

〔前腔〕聞伊言懇。不覺睜兩眸。橫逆難順受。〔恨介〕怒氣塞胸襟。激烈衝牛斗。

〔旦〕這般小人。怎與他鬪氣。〔生〕李克成這廝。恁凌孤侮弱。旦夕爲我仇。〔旦〕君子見幾而作。但遠而避之可也。與他做甚仇敵。〔生怒介〕噫。你說那裏話來。有龍泉在此。〔旦〕你有劍便怎麼。〔生〕拚抵罪。甘交手。〔旦〕你是讀書人。豈不知王法。傷人者死。此事只當忍耐。切不可造次。以貽後悔。

〔羅帳裏坐〕英雄頓挫。龍困淺流。斯須雲雨便能飛驟。武夫惡少。怎容赳赳。〔合〕海枯石腐不干休。甚日消磨穢垢。〔生〕娘子。我和你

〔前腔〕時當坎坷。適遭詭謀。殷勤就裏豈知藏寇。你那廝內多慾而外施仁義。其實可惡。我處不得已之地。有不可解之讎。〔怒介〕包荒飲恨。此情難朽。〔合前生〕李克成無理。我決不與他干休。〔旦〕君子之待小人。不惡而嚴。李克成元是畜類。我們不幸與他相交。今旣如此。作



速移居。斷絕往來便了。〔生〕娘子你不知道。李克成因貪你姿色。用些東西在我家裏。若不講明。他必來和我算帳。〔旦〕這也不妨。先與他說。欠多少。待支下月糧清還。〔生〕這個我自理會。你且進去安排晚飯。我往街上閒步一回便來。〔旦〕如此甚好。斂蹤自合供炊爨。忍性方能免是非。〔下生〕怒從心上起。惡向膽邊生。李克成待我以不仁。吾當報之以不義。他知我回家。必來看我。家中不好做事。我且走到外邊。待他來時。自有區處。〔丑醉上〕斷送一生惟有。破除萬事無過。遠山眉黛蘸秋波。不飲傍人笑我。〔見介〕王先生回了。失拜失拜。〔生〕李克成。你這廝好無理。〔丑〕王楫小畜生。你是小軍。我是營長。反叫名罵我。〔生〕唬。我叫名罵你。便怎麼。〔丑〕小畜生。敢要打我。〔生〕打你這沒人倫的狗男女。便怎麼。〔打介〕

〔排歌〕吾本儒流。軍中逗遛。無端誤締交游。〔丑〕住我房子。用我東西。反說相交差了。可笑。〔生指介〕笑刀蜜口豈朋儔。作輟猖狂實楚囚。萌姦計。辱好逑。滑稽飾僞類。俳優。〔指丑罵介〕文身虜。沐冠猴。那知罪惡重山丘。〔相打介丑〕

〔前腔〕藐爾窮酸。飄零可愁。蚩蚩一似蜉蝣。受人恩惠不思酬。反眼無情作寇

讎欺王法敢自由。〔生〕劍砍丑介丑凌尊犯上動吳鉤。叫喊地方小軍王楫殺人。〔內應介〕都知道。〔丑〕我就去寫狀。〔生〕寫狀便怎麼。〔丑〕當官訴。〔生〕誰來留你。〔丑〕沒挽留。定臬伊首令竿頭。

持刃傷人事反常。

當官告理見乖張。

大風吹倒梧桐樹。

自有傍人說短長。

### 第十四齣 協謀誣訟

〔光光乍〕〔淨上〕年力已虺隤。使機謀。志未灰。舞文弄法多姦詭。忽聞訪察怕如雷。狼奔鼠竄。無由懺悔。識法朝朝樂。欺公日日憂。分明兩句話。送我上高樓。〔笑介〕我的本事。全靠教唆詞訟。指稱打點。是我一生衣食之計。倘有人家戶婚田土。不明不白。鬪毆相爭。不死不活。要到當官告理。便來尋我計較。設個圈套。寫個狀子。包他告准。幫他取勝。免不得送錢與我。那被告人家。無人主謀。也來尋我計較。我又立個主意。開條門路。就寫一張訴狀與他分辨。也免不得送錢與我。因此養家。儘好度日。誰料近來官清訟簡。全無主顧。這是我的悔氣。且耐且耐。前日李營長

要與王娘子斷好。求我計較。哄那王秀才去寫冊。想必成了勾當。連日不會相見。今早差人來說。要到我家會話。只得等待。〔丑上〕

〔前腔〕酒色禍之媒。險些兒做出來。酒不醉人人自醉。方知好色惹非災。遭他毒手。讎深如海。〔見介淨〕李總營。連日少會。請問心事如何。〔丑〕全然不濟。〔淨〕我計策是妙的。只是你用得不如式了。〔丑〕你的計策全沒用處。〔淨〕爲何。〔丑〕王秀才寫冊去後。那娘子終日閉門靜坐。教我無路可入。偶然一個晚間。他在井上打水。〔淨〕這是你造化到了。〔丑嘆介〕不是造化。乃是悔氣。〔淨〕願聞。〔丑〕那時四顧無人。與他講些心話。指望成交。不想才開得口。就被他將人比畜。辱罵一場而去。甚是敗興。〔淨〕他是女流。只索忍耐他些。此回不成。還有下次。〔丑〕這個不打緊。其夫昨晚回了。聽信老婆話說。拔劍殺我。被我叫破地方了。〔淨〕這王秀才極不忠厚。受你多少恩惠。便是一個老婆。不肯相讓。直得講口。〔丑〕不要提起這事。反將我數黑論黃。百般辱罵。我心上饒不過。特來請教。要擺佈他。〔淨〕這個容易。你要私下擺佈當官擺佈。〔丑〕實不瞞你。他是個聰明乖覺的人。況係一名正軍。如何私下擺佈得他。必須當官告理。明正其罪。方出這口氣。〔淨〕你果要告

他〔丑〕他不仁。我不義。定要告他。〔淨〕李總營。你知我平日代人寫狀。必要開了後門。留條出路。倘被告又央我寫訴狀。便是我的生意。你是我的心腹朋友。比別的不同。一定要關殺了後門幹事。教他沒尋出路處。〔丑〕如此甚好。足見交情。〔淨想介〕李總營。你若依我的主意。在王楫當得一個大的罪名。〔丑〕鬪毆之事。有何大罪名。〔淨〕你不知哩。那王秀才呵。

〔鎖南枝〕依律例。爲犯魁。〔丑〕犯人之魁。是第一等罪名。何能到此。〔淨〕持刀殺人當抵罪。〔丑〕他雖持刀。卻不曾殺得我。〔淨〕阿呀。你真是個武人。不知法度。理合論尊卑。他卑你尊貴。〔丑〕我是營長。他是小軍。雖有尊卑。不相統屬。〔淨〕他在你手下寫冊。是你部軍。你是他的長官。律上一條說道。部軍謀殺長官。已行者杖一百。流二千里。已傷者絞。已殺者斬。你雖不曾被殺。但做些傷痕在身上。他就該絞罪了。那時再用些謀爲。招成獄。沒挽回。陷人坑。此爲最。〔丑〕

〔前腔〕憑君語。事可危。情眞理虧難抵對。設或細詳推。機關粉兒碎。〔淨〕律上說話。是有成法。身上傷痕。是有實跡。告我做證見。又是個鐵門門了。有甚粉碎。〔丑〕圖僥倖。勉強爲。照原詞。意方遂。張主文你狀子全要停當些。〔淨〕

〔前腔〕吾刀筆山可頽。傾人家命如覆杯。〔丑〕一字入公門。九牛拔不出。倘官府究出真情。反坐我誣告之罪。如何區處。〔想介淨〕不必恁徘徊。暫將此心昧。自古道殺人見血。剗草除根。李總營。你可用些機謀。壞些錢鈔。擺佈他一個下落。那娘子還是你的。〔丑〕既爲讎家。怎麼那娘子是我的。〔淨〕夫既死。妻靠誰。這姻緣可仍配。那時我來作伐。包得你成這樁事。〔丑笑介〕

〔前腔〕姻緣事。仗大媒。花容月貌終與會。王娘子。你雖曾罵我。既往我不追。將來愛相倍。你丈夫若死。是自取其禍。非吾薄。莫怨悲。是伊夫運當退。

鼠牙雀角用深圖。

只爲求妻禍及夫。

計就月中擒玉兔。

謀成日裏捉金烏。

### 第十五齣 刑逼成招

〔五游朝〕〔小生上〕試邑嚴明推健令。門階寂事簡詞清。百里絃歌。千村花影。次第經綸齊整。赤縣郎官宰。清朝學士班。割雞聊自試。馴雉信非難。飛鳥雲光冷。調琴柳色閒。行當從

此召豈爲及瓜還。下官荆湖道鄖縣縣令周文是也。芹宮脫迹。忝登虎榜之名。楓陛傳臚。曾沐鳳池之寵。牛刀試政。花邑觀風。百里桑麻。應知俗阜。千年桃李。可見陰功。秀麥有禽鳴。荒村無犬吠。爲政先須除吏弊。下車首欲洗民冤。昨日州尊大人發下一紙狀詞。乃是部軍謀殺長官事。事干重大。不可輕忽。已會行牌提問。待他到來。依法究治。左右那裏。快喚鈞牌。〔左右喚介末帶丑淨生上〕

〔前腔〕〔丑淨〕咫尺琴堂威凜凜。分明虞芮質成庭。〔生末〕雀角虛張鼠牙徒

逞公道。天開如鏡。〔跪介末〕奉老爺鈞牌。提王楫一起到了。〔小生〕聽點名。〔左右介小生〕李克成。你是原告。可從實說來。如虛反坐。〔丑〕老爺聽告訴。小人呵。

〔啄木兒〕爲營長轄衆兵。朝夕銅魚常戒儆。小人是個頭目人。未免要鈴束衆兵。那王楫是補伍新軍。原係儒生。不遵約束。恃平生志氣衝霄。亂戎行不肯依承。鈴束不嚴。是小人罪過。有不是處。未免說他幾聲。那王楫。嗔逆耳恣循兇暴性。昨夜裏挾恨持刀來害命。〔小生〕持刀殺人所犯不小。有甚麼形迹。〔丑露頸介〕頸有傷痕是證明。〔小生〕這是一偏之說。難全信。你且帶王楫上來。從實供招。免受刑法。〔生〕

〔前腔〕那李克成心多狡素橫行言巧如簧疑上聽。〔小生〕我也未曾聽他。你且說個根因。我好推斷。〔生〕小人妻子頗有姿色。李克成意欲求姦。前日小人因往軍門寫冊。他窺見小人妻子。隻身去汲水。林間逞狐態。妄圖交頸。〔小生〕你妻子從也不從。〔生〕小人妻子不從。忿欲求死。小人回來知道了。與他爭論一場。因此上天水違行求偏勝。一切是爲幻壽張埋陷笄。他拚其不善而著其善。豈能逃老爺洞察。可鑒風波平地生。〔小生〕這也是一偏之說。亦難信你。帶那見人張有德上來。你將兩邊爭訟情由。從實說來。若不公道。先打四十。〔淨〕老爺臺下。豈敢偏向。若論公道。先作李克成不是。後作王楫不是。〔小生〕你先說李克成的不是。與我聽。〔淨〕王楫是新軍。未知軍中事體。李克成須要指引他方好。每見王楫言語差錯。便要罵他。見王楫行動遲慢些。便要打他。這是凌虐軍伴。果然李克成不是。〔小生〕你說王楫的不是。與我聽。〔淨〕那王楫是讀書人。有些志氣。見他平日欺凌。不能忍耐。懷恨在心。前晚李克成醉中遇着王楫。又罵幾聲。王楫忒性急了些。一時忿氣發作。把劍砍將去。此時小人偶然走過。看見勢頭來得狠。把王楫後手一扯。止傷得李克成的頸。幸喜不曾害命。〔丑〕那時若無他勸。小人的頭千個也落了。

〔生〕這是買來的硬證見。老爺不要聽他。〔小生〕哧。都不許多說。這情由我都知道了。李克成哄誘他妻子。王楫忿恨殺他。此是世之常事。王楫招也不招。〔生〕小人素讀聖經。頗知王法。並無此情。〔小生〕叫左右的。他既不肯招。可用刑法。〔用刑介生哭〕天那。好苦。身體髮膚。受之父母。平日不敢毀傷。我那娘呵。今遭誣陷。其實受刑不過。只得招罷。〔寫供介〕

〔二段子〕啣冤耿耿。這謀人皆由怒情。〔小生〕你怒他甚麼事。〔生〕吾妻守貞。恨伊行求姦肆淫。妻子說與小人知道。一時忿怒。尋他廝鬧。偶見他獨行身酩酊。青萍誤觸傷其頸。有此從實供稱。伏惟裁省。〔小生〕供狀既完。放了刑具。王楫。你是小軍。他是營長。你去殺他。比依部軍謀殺本管營長已傷者律。該問絞罪了。〔生哭介〕老爺皇天可憐。那李克成呵。

〔歸朝歡〕冤家的。冤家的。一時互爭。誰知道匍匐入井。問我絞罪。不勝冤枉。〔低聲〕吾心地。吾心地。怎平。這微軀。今做了浮生畫餅。〔哭介〕罷罷罷。我王楫呵。一死不足惜。只愁高堂有母桑榆景。寡妻弱子蹤無定。正是死別生離。淚各傾。〔小生〕左右。把

王楫上扭帶去監了。待申過本州。轉詳刑部。倒下來上他長枷。秋後處決。李克成問擬杖罪。張有德



供明。

琴堂斷案重如山。

祇爲饒人一着難。

可信片言能折獄。

莫將王法等閒看。

### 第十六齣 獄中冤恨

〔末上〕天堂無則已。有則君子登。地獄無則已。有則小人入。自家乃鄆縣獄中禁子葉清是也。我身居囹圄。役在園扉。桎梏盈眸。胥是啣冤之態。鑼鈴振耳。無非禦暴之聲。智者比爲福堂。義經謂之叢棘。笞杖徒流絞斬。皆吾掌握之中。智仁聖義忠和。豈彼往來之地。苟知三德。免屬五刑。因不能約法三章。乃至于胡爲十惡。憑三寸舌。釀成今日之愆。到五更頭。追悔昔時之過。有孚之寤。或由煅鍊而成招。無妄之災。必望平反而釋罪。關防出入。門禁甚嚴。點檢行藏。人心難縱。晨昏鈴束。遂稱凌虐罪囚。鎖鑰疎通。便道朦朧官府。夏臺商履嘗酬我。姜里姬文更怨誰。〔笑介〕昨日本縣大老爺發下一個犯人。元是涿州解來補伍軍丁。只因殺傷營長。問成絞罪。不免喚他過來。索些常例油火錢。卻不是好。〔叫介生扮囚上〕

〔掛真兒〕懊恨姦雄張健吻。羅鉗吉網交侵。縲絏羈縻。欄楯嚴緊。飛燕無由傳信。〔搢介末〕哧。你是那裏來的。〔生〕是本縣發下來的犯人。〔末〕問何罪名。〔生〕是絞罪。〔末〕既是絞罪。死在頭上了。爲何這等大樣。見我不跪。〔生〕罪自在。我跪之何益。〔末〕既不跪我。何不把油火錢送來。〔生〕家貧乏鈔。〔末〕靠山喫山。靠水喫水。我做禁子。不過靠這幾個犯人養家活口。若依你說。我妻子靠誰。你既是絞罪犯人。論官法該上押牀的。且請你試一試。〔押牀介〕

〔撲燈蛾〕區區補伍軍。犯法來囚禁。身據蒺藜中。兀自昂昂強橫也。不道流年將盡。須知犬羊已入虎之羣。〔生〕事出無奈。望乞長官照顧。〔末打介〕照顧恁無情大棍。〔生哭介〕好苦。〔末〕打你碎如粉。秋後省條繩。〔生〕

〔前腔〕乍來狴犴門。妻子未通問。要我油火錢。爭奈孤寒貧困也。願賜推心垂憫。〔末〕油火錢不肯送來。反要我憐憫。〔生〕我只索將情告懇。且不必發憤。長官。你寬了我刑具。日後致殷勤。〔旦送飯上〕

〔掛真兒〕不幸良人遭困頓。精神恍惚如醺。音耗蕭疎。饗殮艱窘。狴犴威嚴難

近。閉門家裏坐。禍從天上來。奴家丈夫因與李克成鬪毆。被他誣告。監禁在獄。今早煮些茶飯送來。此間是監門前了。〔見介末〕娘子何家寶眷。〔旦〕奴家是犯人王楫之妻。〔末背介〕這個窮酸。有這美妻。罷罷罷。冤家與他結不成了。〔向旦介〕敢是娘子來送飯。〔旦〕正是。求長官方便。〔末開門介旦〕好苦。監房深暗。不知我丈夫在那裏。〔末〕在後北監。此處就是。〔旦叫介生〕娘子來了。我在這邊押牀上。〔抱哭介〕

〔哭相思〕夫婦飄零誠可愍。不期此處同戕命。〔旦〕官人。昨日大老爺如何問了。〔生〕娘子。你還不知道。我不好了。將我問做部軍謀殺本管長官。已成傷者。律該絞罪。〔旦〕有這等事。豈不痛殺我也。〔哭倒介生〕死生有命。娘子蘇甦。〔末〕天上人間。方便第一。你們夫妻義重。放起來講話。〔放生起生抱旦哭介〕

〔山坡羊〕驀遇了人中獫狁。平白地禍生矛盾。〔末〕王先生不消愁煩。君子謂囹圄爲福堂。以其可悔過而遷善也。〔生〕難道福堂能懲忿。〔怒介〕娘子。氣騰騰。雙眸日幾瞋。李克成。你那天殺的。狼心狐態相延引。〔旦〕只爲奴家不幸。致有此禍。〔生〕賣俏欺貧。安

能容忍。娘子。我幼抱奇才。長存大志。今日問成絞罪。秋後就要處決了。難存青春。沒幾分冤魂。深秋赴九陰。〔旦〕官人事既如此。且放下念頭。請喫些茶飯。〔生〕娘子。我念頭不在飲食上了。怎生喫得下去。〔旦悲介〕

〔前腔〕暗昏昏天搖地震。悶懨懨神疲心隱。官人。苦你急煎煎桎梏如縉。〔生〕這也不妨。只是昨日兩腿都被打壞了。〔旦看哭介〕赤斑斑肢體俱箠損。李克成你那賊。恨此人沖沖烈火焚。崩摧五內如斤刃。飲痛啣冤。沒身難泯。諄諄衷腸。叵盡論紛紛。相看祇淚淋。〔末〕我做幾年禁子。送飯的女人見了多少。沒有你兩個這等恩愛的夫妻。

〔前腔〕可惜恁情聯合盞。今做了離鸞傷影。王先生。你本是個席上之珍。怎當他虎勢豺心狠。〔旦〕強弱不敵。理勢然也。只是家貧乏用。放心不下些。〔末〕王娘子。且放心。吾當與處分。〔旦〕多蒙你照顧。只愁早晚飲食不便。〔末〕方才還指望索你丈夫油火錢。今見你冤苦如此。斷然要不成了。自此以後。晨昏飲食。吾供應。王娘子。只他身上呵。損破衣裳。頻來縫紉。〔旦〕這是奴家己事。不勞分付。但愁患難之中。無以報德。〔末〕休擲扶危君子仁。〔生日〕日子

長久。怎麼勞你這許多。〔末〕應承。終當不易心。

懊恨狂夫太不才。

搆媒良善受非災。

喪門白虎猶黏體。

又撞黃旛豹尾來。

### 第十七齣 避兵失侶

〔鐵馬兒〕〔淨領兵上〕軍威銳。軍威銳。飛電轟雷。屠州破邑。朽墜枯摧。管教馳驟中原遍。山川重潤日重輝。自家東平郡王安祿山是也。本營州雜胡。得大唐天子寵任。富貴之極。與上同宴。出入禁中。拜貴妃爲母。賜洗兒錢。褻慢神器。更不疑惑。今上春秋旣高。武備廢弛。有輕中國之心。因此起兵。打下許多城子。已命賈循守范陽。呂知誨守平盧。高秀巖守潼關。大閱誓衆。引兵而南。衆將校聽我分付。〔衆應介淨〕吾自起兵以來。攻城剝地。勢如破竹。河北州縣。已望風披靡。范陽盧龍密雲漁陽汲業六郡。皆爲吾有。可奈常山太守顏杲卿。與長史袁履謙等。抗敵不服。已令史思明征討。想在目下勦滅。各部將士。俱要用心併力。攻取東京得下。剝來的子女玉帛。各各分賞。〔衆應介〕願乘勢就此攻進。〔轉行介〕

〔番鼓令〕鐵騎銅馳萬里威。神鉦羯鼓勢如催。撚指東京累卵危。看得勝凱歌回。〔並下丑老旦奔上〕

〔水底魚兒〕胡馬長圍。金湯一旦隕。民居煨燼。孤寡苦無歸。民居煨燼。孤寡苦無歸。〔丑〕屋漏更遭連夜雨。〔老旦〕船遲又撞打頭風。〔悲介〕姐姐。我孩兒久在衛所。女兒又選入宮。只愁年老家貧。難以度日。誰想安祿山作亂。軍馬臨城。人民逃竄。如何是好。〔丑〕妹子豈不知大駕蒙塵。巡幸西蜀。多少妃主王孫。皆委而去。我和你區區婦人。何足惜哉。此處不好安身。且尋山野僻靜所在。暫避幾日。再作區處。〔老旦〕我們女流。不識路途。如何去得。〔丑指介〕妹子。你看前面有兩個人行來。想亦是避難的。待我去問他分曉。〔末小外奔上〕

〔前腔〕犬虜揚塵。干戈犯帝闈。生靈塗炭。觸目豈勝悲。生靈塗炭。觸目豈勝悲。

〔見介老旦〕孫天驛。陳獻夫。我小兒不在家。當此變亂。怎生理會。〔末小外〕王姆姆。這是國家氣數。不消說得。幸有韓媽媽同行。又可相爲依倚。作速攢向前去。尋個避處方可。〔丑〕正是。正是。〔急行

介〕

〔縷縷金〕傷民業驟成灰。衣冠遭喪亂。嘆睽違。〔內鑼鼓喊聲衆驚介〕郊野酣新戰。軍聲堪畏。〔哭介〕神銷股栗淚交垂。相看各狼狽。〔丑老旦〕軍聲漸近。如何是好。〔末小外〕二位媽媽且在此草叢中一躲。我二人往山坡高處望他過了。再行前去。正是暫棲荆棘下。免被虎狼吞。〔並下淨領兵上〕

〔番鼓令〕羽旆雲旌遍四陲。笑談功業漸增培。驅逐轡輿過馬嵬。唐國事已傾頹。〔淨〕適聞唐天子播遷西蜀。妃主王孫。盡皆棄了。衆將校可攢前去。占了京城。其餘州縣望風解體。不攻自下矣。〔衆應介〕敵國盡在于舟中。還師已期于座下。奉大王指麾。敢不從命。〔淨〕鐵騎如雲。旗蔽空。要從京國顯膚功。〔衆〕饒他能展凌雲翅。都在樊籠一網中。〔並下末小外奔上〕

〔縷縷金〕身匍匐。路盤迴。來尋王氏母。義相隨。〔叫介〕王媽媽。韓媽媽。如何都不見了。天那好苦。〔悲介〕俄頃輕拋放。吾儕之罪。桑榆暮景兩虺隤。怎心禁這顛沛。〔叫介〕王媽媽。韓媽媽。此處叫他不見。再趕前去尋覓。多少是好。同時患難及人老。各處追呼盡友情。〔並下丑上〕

〔雙勸酒〕形衰氣瘁。難逃禍崇。山顛水隈。莫知進退。〔叫介〕妹子在那裏。怎麼教他不應了。〔悲介〕天那好苦。尋叫妹子不見。教我獨身如何是好。迷蹤歧路。枉徘徊。〔哭介〕爭奈衷腸痛摧。〔叫介〕妹子。妹子。此處叫他不見。不免趕向前去。定要尋他同行。正是孤身流淚處。暮景斷腸時。〔叫介下老旦行上〕

〔前腔〕心如刃錐。魂飛魄碎。風聲鶴唳。謂是兵追。〔叫介〕姐姐在那裏。怎麼叫不應了。〔悲介〕天那好苦。尋叫姐姐不見。教我獨身呵。伶仃孤苦。欲何爲。〔哭介〕怎禁得許多流淚。〔叫介〕姐姐。姐姐。此處叫他不見。不免趕向前去。定要尋他同行。〔內喊介老旦〕你看兵馬又來了。只得尋個僻處。去再躲一回。

姊妹攜行避犬戎。

不期相失草叢中。

衰齡兩地成飄泊。

落日荒山泣路窮。

### 第十八齣 處分後事

〔紫蘇丸〕〔生上〕誤嬰縲紲屬皋陶。咫尺天光不照。填腔怨氣衝雲表。顧圓扉



形影無聊。〔謁金門〕愁脈脈。目斷雲山南北。人似觸蠻爭地日。誰惜有孚而宰。此際魂銷叢棘。趙壁自憐完未得。那堪清淚滴。〔嘆介〕小生自從監禁以來。不覺又過三月。多蒙葉長官寬我刑具。供我飲食。比別的囚犯不同。此恩難報。只是我妻子在外。乏人依賴。母妹在家。不知安否。總上心來。不勝傷感。好似和針吞卻線。繫人腸肚刺人心。〔悲介末上〕可笑人移山不去。遂成天與水違行。可憐王秀才被李克成誣告。問成死罪。今早刑部詳允文書下來。只待秋後處決了。未免報他知道。〔見介生〕小生久負厚恩。愧無寸報。倘有天開眼之日。決不忘你。〔末〕王先生休說那話了。你的罪名文書。刑部已詳允下來。及早打點後事。〔生〕果是這等。豈不痛殺我也。〔哭倒介末扶介〕王先生蘇甦。〔畫眉籠錦堂〕不必恁心焦。死生前定孰能逃。你和李克成呵。想宿緣深構。今世相遭。傷情處幼子呱呱。更苦着孛妻悄悄。〔生〕我死在此。家鄉那裏知道。〔末〕天涯杳。目斷鄉關。路迷烟草。〔生〕我死不足惜。葉長官只是受你許多恩惠呵。

〔錦堂觀畫眉〕難報恩德山高。刑期在邇。殘軀敗葉風飄。今生不能報你了。料得陰靈黃泉感奮多少。苦妻兒孤寡何依。念母妹顛連無告。萬般縈絆。言靡盡。那

堪此心如擣。〔末〕王先生請免愁煩。我且問你。倘或典刑之後。令正還是守制。還是改嫁。〔生〕吾妻年少無倚。說甚麼守制。我在時尙惹出這禍。害了性命。況我死後。難保無事。由他自去改嫁。〔末〕既是如此。我有一言。不好說得。〔生〕你是我恩人。有話儘說。〔末〕我新喪偶。尙未續絃。令正既是嫁人。何不與我成婚。令郎是我撫育。延你宗嗣。令堂接來奉養。代你孝心。彼此兩全。尊意若何。〔生〕如此甚好。吾所願也。〔末〕雖則如此。不知令正允否。〔生〕荆妻卽刻就來。我與當面說過了。不必多慮。

〔旦上〕

〔霜天曉角〕夢魂顛倒。冤抑無門告。恨煞姦雄囉喙。令人痛苦如熬。開門。〔末〕令正來了。〔開門見介生〕娘子。我不好了。〔旦〕卻是爲何。〔生〕你問葉長官便知道了。〔末〕王娘子。你官人罪名文書。刑部已詳允下來。秋後就該處決了。〔旦〕天那。不信有這等事。好痛殺我也。〔哭倒生扶介旦〕

〔黃鶯穿皂袍〕拆我鳳鸞交。痛兒夫棄市曹。豈甘瞑日南柯道。姦豪計撓。鷓鴣破巢。蒼蒼胡不彰公道。異鄉孤寡。有誰依靠。高堂甘旨。有誰品調。生離死別俱

堪惱。〔生〕這是我命當如此。不消怨了。只是我有一言要對你說。〔旦〕死生之際。有事儘說。〔生〕我事勢到此。不得不說了。〔哭介〕娘子。你嫁我十年。不曾一日安飽。我死之後。你年少子幼。終身不了。這葉長官近時喪偶。莫若嫁他。一則全你孤寡之命。一則遂我報謝之心。不知尊意如何。〔旦〕自古道。忠臣不事二君。烈女不更二夫。官人今日之禍。皆由我而得。臨刑之時。甘與同死。只因婆婆在堂。乏人侍養。以終天年。孩兒在懷。乏人乳哺。以延宗嗣。二事在心。苟存性命。姑俟親終子壯。必當追隨于九泉之下。誓不改節。〔生〕娘子。你休執迷。我在時遇着李克成。送了我的性命。倘我死後。另遇一個李克成。一般的來。豈不連你性命休了。〔旦〕這是身後之事。奴家自能理會。但官人在此。多蒙葉長官照拂。〔拜介〕

〔皂袍罩黃鶯〕久荷如天懷抱。誓來生報恁恩勞。〔抱生哭介〕一言永訣在今朝。忍捐舊愛爲新醮。暗魂銷。衷腸縷縷。空惹淚凝條。〔合〕

〔尾聲〕痛呼號。愁傾倒。一生心事枉推敲。夢熟黃梁方是了。

死別生離盡可傷。

丁寧後事免乖張。

歸家不敢高聲哭。

祇恐嬰兒也斷腸。

### 第十九齣 賣兒繫珠

〔滿庭芳〕〔外末行上外〕岐路崢嶸。長亭蒼莽。天涯歲月遨遊。商通方物。孤枕一

燈秋。〔末〕誰道陶朱致產。爲奔塵兩鬢颯颯。追隨着敝裘羸馬。今日喜回頭。〔外〕

北去關河遠。南來歲月長。〔末〕所經多舊館。浪跡重淒涼。〔外〕老漢姓王。名章。字子循。陝西人氏。因

往江西等處買賣。淹留二年。今喜趁些利息。收拾回家。在此荆江道經過。王安前邊公廨。是甚麼所

在。〔末〕告老員外知道。此間是鄖陽驛前了。〔外〕行了半日。甚覺饑渴。且在此處買些酒飯喫了。再

行未遲。〔末〕驛西有個酒肆。請卽過去。〔外〕纔離走穀奔蹄處。〔末〕便到當壚滌器家。〔並下旦抱

兒行上〕

〔月雲高〕愁城冤藪。堅深與誰剖。最苦分鸞日。屈指應非久。親老兒孤。淒涼兩  
僞憊。生死雖云命。難道盡遭陽九。事到頭來不自由。強步含羞何處投。奴家丈夫

問成絞罪。秋後就要處決。昨日分付我改嫁葉長官。〔悲介〕好苦丈夫。我與你十年夫婦。尙不知我

心事。我若有改嫁之心。怎見得害了你的性命。可憐古人從其治命。不從其亂命。他只因刑期將近。神思昏憤。以致言語舛錯。故此奴家吞悲含忍。不與深辨罷了。爲今之計。丈夫罪旣該死。奴家先求個自盡。表我心事。使丈夫九泉之下。亦得瞑目。只是我孩兒在懷。沒有下落。意欲尋個好善人家。過繼與他爲子。一則全他性命。二則延王門宗嗣。〔哭介〕我那兒呵。在我懷中五年。時刻不離。今日事出無奈。不要怨做娘的。抱你出來。爲分離之計。街坊市上。不知你遇着那一個有緣的父母。不免再行前去。〔行介〕

〔前腔〕風塵奔走。栖栖喪家狗。誓死明初志。抱子先求售。〔悲介〕我那兒呵。今日娘懷。明朝在誰手。此際情何限。天地同高厚。說到堪傷淚自流。沈痛黃泉兀未休。〔外末上〕身離竹鎖橋邊地。眼望雲橫嶺外天。作急躡行路程。〔外〕王安。你看那婦人抱着一個孩兒。走來走去。啼啼哭哭。不知爲何。〔末〕要知心內事。但聽口中言。待小人去問他。便見分曉。〔問介〕娘子爲何啼哭。〔旦〕客官不好說得。奴家丈夫。爲事在獄。欲賣這小兒來用。一路行來。沒個好主。故此啼哭。〔外〕可憐可憐。〔見介〕我聞娘子是北方聲音。因何到在此地。〔旦〕奴家本貫涿州郭氏。丈

夫王楫抵補軍伍到此〔外〕在此當軍。爲甚事在獄。〔旦〕承問及。容奴家告稟。

〔宜春令〕吾夫是合絞囚。〔外〕因何犯此重罪。〔旦〕爲姦豪攢成寇讎。〔外〕想未詳允。或有可生之路。〔旦〕青蠅未聚毫端。無計祈天宥。〔外〕丈夫果有不測。正當育孤守寡。爲何把兒棄了。〔旦〕丈夫死期既近。奴家義不獨生。拚捨這弱息螟蛉。要表我終身箕箒。〔外〕你令郎既要與人。不知肯託老夫麼。〔旦〕若得攜歸鞠育。感當不朽。〔外〕

〔前腔〕聽伊語。見慮周。使人聞心傷眉皺。娘子。我老夫呵。暮齡無嗣。希求令子承吾後。〔旦〕如此甚好。〔外〕既蒙見允。乞借令郎一看。〔旦〕放兒在地外看介。好好。真英物也。想元是天上麒麟。今做了璞中瓊琇。娘子。你家姓王。老夫亦姓王。若論祖先。未必不是同宗。請問

令郎何名。〔旦〕小字九齡。〔外〕元仍此名。我也不改了。管取氣求聲應。箕裘胥茂。老夫陝西商人。在此經過。囊無餘鈔。聊奉白金三兩。少充茶禮。待令郎成立。自有厚報。〔放銀在地介旦〕此禮本不當受。但我夫妻處死生之際。不敢虛辭了。〔哭介〕我那兒呵。此時別去。今生不得相見了。我婆婆臨別。付我明珠一顆。欲爲後會之計。目下我夫妻俱死。此珠終至失所。孤我婆婆之望。不若繫在

兒頸上。倘長大成人。未免見鞍思馬。覩物傷情。雖沒處討你父母。或者婆婆天年未終。猶得還珠合浦。〔抱兒介〕

〔前腔〕兒靈慧。睜兩眸。似教娘斯須挽留。〔珠繫頸介〕明珠懸項。窮源推本。應根究。〔放兒在地介〕孩兒。你長大成人。圖功業。志氣從新。思骨肉宗支尋舊。〔外〕娘子且請寬心。不必過于丁寧。〔旦〕雖是丁寧無數。兒能知否。〔外〕娘子。老夫大膽了。〔抱兒介旦〕蒙老員外厚賜。奴家依命了。〔取銀介對末〕孩兒此去。全仗總領哥照顧。〔末〕

〔前腔〕娘珍重。莫過憂。我東人仁慈罕儔。既蒙付託。提攜保護。孚盈缶。小官人此去。長大成人。呵。冀十年異地成身。看一日故園回首。方信萍歸大海。相逢非偶。

哀哉母子泣西東。

淚眼傍徨似夢中。

一葉浮萍歸大海。

人生何處不相逢。

## 第二十齣 夫妻永訣

〔金瓏瓏〕〔生上〕冤深愁似海。那堪縲綫纍纍。疑是有命安排。刑期如指日。心

緒已成灰。龍蛇臨歲歎梁摧。薤上露。何易晞。露晞明朝更復落。人生一去何時歸。〔嘆介〕小生大獄已成。死期將至。在此度日如年。束手聽命。只是我妻少年美貌。終身不了。前日因葉長官喪偶。欲待說與成婚。我妻不從。反有誓甘同死之意。可傷可傷。連日不曾進來。不知何故。今日想必到此。不免與門上禁子說知。方便匙鑰則個。〔說介內應旦提筐籃上〕

〔前腔〕獄成知莫解。藁砧半屬塵埃。親瓜葛。忍分開。九原心不死。千古恨難埋。斯須永訣枉悲哀。連理樹。青青榮。一夜霜風威凜冽。雙枝崩裂成凋零。〔悲介〕奴家丈夫在獄。既是死數。昨日將孩兒九齡。賣與陝西商人。得銀三兩。今日買些酒肉之類。進去一看。呀。喜得監門正開。不免逕入。〔見介生〕娘子來了。你連日在家何幹。〔旦〕家中缺乏。昨日蒙近隣周媽媽來說。城西馮老安人。欲請奴家教習女工。先送禮銀三兩爲定。明日就到他家去了。〔生〕如此甚好。只是孩兒費手。〔旦哭介生〕娘子。爲何說着孩兒。就煩惱起來。〔旦〕我不爲孩兒煩惱。只慮奴家一去。便得兩月方回。無人看你。故此傷感。〔生〕娘子不消煩惱。目下天熱。監中穢氣太重。不宜進來。正該往彼度日。稍待秋涼再會。你筐籃中是何物。〔旦〕官人久蒙葉長官看承。愧無寸報。如今買些酒肉。晚間官



人請他一敘。少表敬私。〔生〕如此甚好。〔旦〕所存之銀。官人留下盤纏。〔生〕此物亦有用處。只是費你心力。〔旦〕且暫收用。倘有工銀。再央人寄進來。〔生悲介〕我在此束手待斃。要銀何用。〔旦〕官人免愁煩。只是命該如此。〔生〕天那可憐。

〔尾犯序〕月犯少微災。秦嶽其頽。梁木其壞。娘子。我小生呵。冠世英雄。恨今爲棄材。〔旦〕天作之孽。毋足深怪。〔生〕堪怪。素不忤三章令典。誰知做五刑魁宰。莫不是玉樓作記。天上有人催。〔旦〕

〔前腔〕玉樹夢中埋。十載夫妻。一旦分愛。〔生〕娘子。我和你幾月之間。情如流水。跡似浮雲了。〔旦〕流水浮雲。任悠悠不回。〔生〕倘情緣未斷。後世了你的恩債。〔旦〕恩債。倘或是三三未了。還擬得九泉可待。最苦着衰親幼子。無計弔幽懷。〔生哭〕

〔前腔〕凝咽淚盈腮。執手相看。魂蕩天外。誰料花顏。攢成禍階。〔旦〕官人在此。日長似歲。怎生聊賴。〔生〕聊賴。恁可念親當衰老。恁可念兒方傀儡。還須要存亡一視。加意厚栽培。〔內催介〕監禁之中。非哭泣所在。有話快說。打發出去。倘官府知道。不當穩便。〔生〕

外邊催了。娘子可低聲說罷。〔旦背立低聲介〕

〔前腔〕你兀自計安危。忘卻殘軀已是浮芟。好苦。你只知自家將危。丁寧後事。豈知奴家死在旦夕了。不好說得。欲與分明。恐伊行駭猜。〔生〕娘子不必悲怨了。且自寧耐。〔旦對生介〕寧耐。奴只慮君身廢殞。君莫慮奴心忍改。官人。須識破死歸生寄。毋得恁徘徊。

死別生離不忍論。

匆匆含淚出園門。

三秋若瞬誰憐我。

九地如歸妾待君。

### 第二十一齣 真武靈應

〔西地錦〕〔小外上〕北極玄機周遍。功多金闕調元。齊光日月神通顯。萬靈普濟無邊。善哉善哉。天地大公。鬼神陰鑒。福善禍淫。昭昭如電。吾乃玉虛師相玄天上帝是也。北辰合德。

春日同仁。贊化玉清。道生天而至妙。調元金闕。功裨帝以難名。契真宰于東皇。對長生之南極。乾坤比壽。永覆載于萬靈。日月齊光。常照臨于六合。馬趙溫關四將何在。〔衆扮四將立定介小外〕汝等

聽吾法旨。今有涿州節婦郭氏。因夫受害。含冤求死。照得本婦陽數未盡。尙有夫榮子貴之日。況他婆婆盛氏。飄流懷慶地方。離此千里。汝等當加保護。移送至彼。明日使他姑婦相逢。同往京都。毋得違誤。枉害生靈。〔衆應介旦行上〕

〔傳言玉女〕事勢顛連。豈識衷腸哀怨。魂搖心戰。爭奈他淚血紛紛如霰。紅顏薄命。古今常見。〔醉花間〕休思省。怕思省。思省心如顛。怨氣徹重霄。失卻陽烏影。竊嘆我生初。浮軀成畫餅。自靖對蒼蒼。江澄山月冷。〔悲介〕奴家前日棄了孩兒。昨日別了丈夫。心事已完。只欲求個捨生之所。以明我從一而終之義。迤邐行來。此處是太和山了。你看盤道縈迴。峭巖蒼鬱。山上有真武廟。金殿壓雲。玉壇和月。誠是岳宗靈宅。素聞此神感應。不免上去禮拜一番。多少是好。〔行介〕呀。你看廟貌巍峨。神威赫奕。瞻仰之間。不覺身世兩忘。形神俱化。奴家生雖不遇其時。死則實得其地矣。〔拜介〕

〔香羅帶〕神靈在昊天。陰垂鑒憐。良人受冤將喪元。自知罪重怎求全也。丈夫既死。奴家義不獨生。故於丈夫未死之前。先來求個自盡。初志定。此身捐。伏祈神道明彰報

應嚴雷電。務須曲直分明也。稽顙皈依在九泉。〔行看介〕呀。此處是個淵泉。上空下洞。深昧不測。只見瘦藤老柏涵秋色。古壁蒼崖倚太虛。正是我託身之所也。

〔前腔〕齋明陟此巔。中心了然。前峯後峯中險淵。紫煙翠靄互纏綿也。我在此呵。神已適。意相便。歸根復命渾無玷。〔悲介〕我婆婆小姑在家懸望。丈夫在監懸望。孩兒在路不知如何。總上心來。顧不得這許多了。要求骨肉相逢也。更覓輪迴再世緣。〔投淵介〕四將救起移行介小外郭氏聽我分付。你陽數未盡。不可輕生。欲全夫命。急往京都尋問袁天綱。自有好處。我已施神力。送你在千里之外了。明日就有親人相見。數年之後。夫榮子貴。骨肉團圓。四將過來。傳我法旨。鄖縣頑民李克成。張有德。同惡相濟。誣害賢良。罪貫既盈。刑條罔赦。着火部先焚其家。雷部速殛其命。以昭善惡之報。〔衆應介〕正是從空伸出擎雲手。提起天羅地網人。〔並下〕旦介怪哉怪哉。鬼神感應。捷于影響。奴家方纔投淵之時。只見紅光滿目。黑氣漫天。若有神將護持。不會傷命。吾聞古之寡婦哭城。城爲之崩。亡士嘆市。市爲之罷。誠信發內。感動城市。況我夫妻危迫存亡之際。皇天豈不垂憫。適在廟中禱告。至誠感格玄天。上帝特施神力。救災卹患。未可知也。

〔好姐姐〕空中果有聖賢。猛可地威靈宣現。雲霄旋轉。推移路一千。又聽得神道呵將言勸。欲救夫危何自殄。急往京尋術士袁。向年袁天綱曾斷丈夫先凶後吉。目下凶事已見。但未知吉事如何。又不知袁天綱是何等人。

〔前腔〕想伊必是大仙。休咎事曾經明辨。論避凶趨吉。惟人當自先。神道分付。急往京都。既是這等事。不宜遲。須黽勉。步窄弓鞋。徒偃蹇。進退無門。意兩懸。身既不死。丈夫在監。放心不下。欲尋歸路。已是移送千里。欲赴京都。又慮孤身遠路。一時躊躇不定。進退兩難。神道又說明日就有親人相見。鬼神之事。既靈于前。其言必驗于後。但不知此處是何地方。須索趨行前去則個。

誠心怨氣動神明。

和靄慈雲護眇生。

大抵乾坤都一照。

免教人在暗中行。

### 第二十二齣 姑婦相逢

〔六么令〕〔老旦上〕胡奴竊攘。肆干戈鼎沸多方。生黎塗炭景淒涼。天黯淡。日微

茫。神愁鬼慘。人驚慄。神愁鬼慘。人驚慄。〔菩薩蠻〕平林漠漠烟如織。荒山一帶傷心碧。暝色下江干。有人行路難。崎嶇聊竚立。宿鳥歸飛急。何處是歸程。長亭更短亭。老身前日與姐姐同出避難。軍馬趕散。各自逃生。連日奔走。露宿風餐。擔饑忍渴。不知受了多少勞苦。經了多少驚惶。幸得一路清淨。不及遇害。今日行來。乃是懷慶地方。人烟頗聚。風景如常。想目下干戈已息了。只得再行前去。尋個安身之所。〔行介〕

〔一江風〕恨雄羌厲氣盈塵埃。使我成飄蕩。嘆羸軀景迫桑榆。兒女胥孤望。心緒苦難量。心緒苦難量。離愁萬縷長。恁跋涉。一似萍依浪。呀。你看日下平川。雲連斷壑。天色已將晚了。只聞蟬吟鵲噪。湊成四野愁聲。不見犬吠雞鳴。露出半家人影。如此光景。好悶人也。行了一日。筋疲力倦。欲進不能。且在此少坐片時。再行前去。〔坐介旦上〕

〔六么令〕身罹羅網。感神明移送他鄉。孤形瘦影意徬徨。山隱隱。樹蒼蒼。京都杳杳如天上。京都杳杳如天上。〔小重山〕碧草連天映日曛。不知天外嶺。抹微雲。數聲殘角斷譙門。鴉過盡。流水遶孤村。此際正銷魂。香囊乍解。羅帶輕分。不禁襟袖染啼痕。傷情處。燈火近黃昏。

昏。奴家昨日感謝玄天上帝救護到此。今早行走至晚。並沒一個人跡。不知是何地方。只得趨向前去。尋問個路頭。再作區處。〔行介〕

〔一江風〕念王郎溘爾輕拋漾。兩地均勞攘。望神京努力馳驅。要解恁冤魔瘴。欲詣懇天綱。欲詣懇天綱。那堪岐路長。這匍匐只恐是難尋向。你看雲接江聲。山依野色。斜陽外牛羊返徑。疏林間樵牧賡歌。天色已是向晚了。怎生是好呀。前面有個媽媽坐地。我且上去問他如何。〔老旦起介〕那來的女人。好似我媳婦的模樣。〔旦〕那媽媽好似我婆婆的模樣。〔老旦〕呀。真個是我媳婦。〔旦〕天那。真個是我婆婆。〔抱哭介〕

〔哭相思〕骨肉曩時輕折散。相逢又倍添悽愴。〔旦〕婆婆爲何到此。〔老旦〕因安祿山作亂。軍馬臨城。我與大姨娘避難趕散。逃生到此。〔旦〕何不與小姑同行。〔老旦悲介〕媳婦。你兀自不知。從你夫妻別後。朝廷要宮女。本州將你小姑充選去了。〔旦哭介〕如此不幸。天亡我家也。〔老旦〕我孩兒在那裏。你何故獨行到此。〔旦〕一言難盡。自到荊湖。蒙帥府老爺憐是儒生。免其差操。只管寫冊。有營長李克成。調戲奴家不從。丈夫與他爭毆一場。被他誣告做部軍殘傷本管長官。問成絞

罪。秋後就要處決了。〔老旦〕果有此事。豈不痛死我也。〔哭倒介旦〕婆婆請蘇甦。且免愁煩。〔扶起介〕奴家此行。亦爲求生之計。〔老旦〕媳婦。你是個女流。濟得甚事。我且問你。孫兒九齡。放在何處。〔旦悲介〕婆婆。不好說得。奴家因丈夫死期將至。將孩兒賣與陝西商人爲子去了。〔老旦悲介〕割恩捨愛。好痛心也。你棄了孩兒。欲幹何事。〔旦〕因丈夫要我改嫁。乃往太和山真武廟前投淵求死。不料神明救護到此。神道說明日就有親人相見。果遇婆婆。其言旣驗。丈夫料必不死。〔老旦〕那裏見得。〔旦〕神道分付。欲全夫命。急往京都。尋問袁天綱。自有好處。又說夫榮子貴。骨肉團圓。因此奴家敬信。欲往京都。〔老旦〕此處是懷慶地方。我和你上去。一則圖你丈夫之事。二則打探小姑在宮消息。卻不是好。〔旦〕天色已晚。須索隨行前去。尋個村莊人家借歇方好。〔同行介〕

〔榴花泣〕烟凝林莽。行急驟心忙。歸鳥逝。帶雲黃。山空野闊。歎孤荒。天教姑婦途次。幸相將。窮愁暫忘。聽溪灣風轉。傳漁唱。望天涯。疊嶂層巒。苦弓鞋無任踉蹌。

〔漁家燈〕殘霞落日斷斜陽。山徑寂已下牛羊。當此際。不覺恓惶。骨肉相看惆



悵。兩眸暗淚悲凋喪。不平事空縈懷想。良人懸隔異壤。情彼此。這悒快怎當。  
〔剔銀燈〕歎流離孤蹤焉往。向前村可尋依傍。雞鳴犬吠聲嘶嚷。見山陬竹籬  
斄斄趨踰。松梢燈火透光。須整頓臨門扣訪。

寂寞黃昏寺已鐘。

窮途骨肉嘆飄蓬。

弓鞋踏遍山南北。

覓得茅茨暫寄蹤。

### 第二十二齣 京邸敘親

〔香柳娘〕〔丑上〕爲干戈奮揚。爲干戈奮揚。奔投林莽。頽齡朽質成流浪。恨連  
枝飄蕩。恨連枝飄蕩。彼此兩堪傷。回頭漫悽愴。寓京畿委巷。寓京畿委巷。滌器  
壚傍。招商來往。老身涿州人氏。前日因王家妹子避難同出。被亂軍趕散。無處安身。想起我夫家  
有一支在京當軍。是我伯伯姆姆。家有空房。賣些酒飯。安歇客商。老身特來投奔度日。不料一月之  
前。夫妻相繼病故。止存一男。尙未成立。老身代管家事。只是我妹子不知流落何處。甥兒夫妻從軍  
沒信。甥女入宮。一向杳然。總上心來。徒生煩惱。連日陰雨。不會做得買賣。今日晴明。須索打掃店面

則個。〔老旦旦上〕

〔前腔〕〔老旦〕嘆驅馳遠疆。嘆驅馳遠疆。躋巒陟嶂。風餐水宿多勞攘。〔旦〕喜今  
瞻帝鄉。喜今瞻帝鄉。姑婦苦行囊。何處尋依仗。〔合〕見青帘飄漾。見青帘飄漾。  
旅館傍街牆。且須投向。〔老旦〕媳婦。我和你一路辛苦。幸得到京了。〔旦〕必須尋個安歇所在。

然後訪問袁天綱下落。〔老旦〕呀。你看前邊酒旗下。不是個招商店。內有媽媽坐地。我們就此借寓  
何如。〔旦〕此處正好。請婆婆上前相見。〔行介旦〕婆婆。好古怪。裏邊媽媽好似我大姨娘的模樣。  
〔丑介〕二位女眷。請進來坐。〔老旦〕媳婦。那媽媽好似我姐姐聲音。〔丑〕來的像我妹子甥媳婦。  
〔老旦旦丑〕天那。果然是了。〔抱哭介〕

〔前腔〕痛骨肉渺茫。痛骨肉渺茫。渾如霄壤。情懸兩地同惆悵。幸偶逢市坊。幸  
偶逢市坊。相對淚淋浪。彷彿從天降。慰離中夢想。慰離中夢想。共敘行藏。愁蛾  
紆放。〔老旦〕姐姐。那日被亂軍趕散。何由到此。〔丑〕妹子。我先夫族兄在此當軍。特來投奔。不幸他  
夫妻病故。是我幫他兒子做活。不知妹子別後。怎生遇着甥媳婦。〔老旦〕自從別後。行走數日。沒有

住着。偶然一個晚間。山下坐地。只見媳婦走來。故同到此。〔丑〕賢甥婦。你與丈夫在衛所。因何獨自遠行。〔旦哭介〕有營長李克成。調戲奴家。和他爭毆一場。被他誣告。做部軍殺傷本管長官。問成絞罪。秋後就要處決了。〔丑哭介〕我甥兒遭此橫事。你又如何來此。〔旦〕丈夫着我改嫁。乃往太和山投淵自盡。感謝真武救生。移送千里之地。幸遇婆婆同來。〔丑〕妹子。既是遇着。何不去衛所。反到這裏。必有緣故。〔老旦〕姐姐。你聽我道。

〔前腔〕苦兒郎受傷。苦兒郎受傷。刑期翻掌。圖生特地求仙丈。〔丑〕仙丈是誰。〔老旦〕素知他藏往。素知他藏往。袁姓諱天綱。未識他儀像。〔丑〕是誰着你尋他。〔老旦〕感神明指狀。感神明指狀。謂有救生方。敢煩尋訪。〔丑〕你說別人。我不認得。若是袁天綱。我認得他。

〔前腔〕寓吾家後廊。寓吾家後廊。〔老旦〕他是何等人品。〔丑〕瀟灑仙模樣。〔老旦〕與甚麼人相交。〔丑〕往還交際皆卿相。〔老旦〕有何本事。〔丑〕羨名傾霄壤。羨名傾霄壤。靈異動君王。時得瞻天仗。〔老旦〕若如此。須求他救我孩兒一命。〔丑〕論伸冤理枉。論

伸冤理枉。未必是其長。恐孤來望。〔旦〕大姨娘。

〔前腔〕念時遭不良。念時遭不良。夫嬰羅網。須垂周卹。毋多讓。〔丑〕你丈夫是我外

甥。何出此言。只怕袁天綱沒有救命力量。〔旦〕彼參三配兩。彼參三配兩。會得解奇殃。

神言豈虛謊。〔丑〕既是這等。你不必多言。待我明日求他。看他怎生區處。〔旦拜〕謝娘行慨慷。

謝娘行慨慷。爲我發慈祥。地天同量。方纔心緒如麻。不曾動問小姑消息。〔丑〕宮城中不比

民家。雖皇后貴妃。難與父母往來。況宮女禁閉在內。誰能通風討信。〔老旦悲介〕女兒入宮。大數已

定了。且莫提起。姐姐只把孩兒的事作急一爲。可救其性命。

要成轉日功。

須用回天力。

眼望旌捷旗。

耳聽好消息。

### 第二十四齣

### 術士玄謀

〔亭前柳〕〔外上〕雲水寄行蹤。優游大地中。玄機參造化。祕術動王公。須知變

幻皆春夢。相忘樽酒。聊對一簾風。〔好事近〕白首解窮經。識盡乾坤變易。百歲光陰能幾。嘆

白駒過隙。任教明月與清風。參我爲三客。一片野心難管。惟自家知得。卑人袁天綱是也。前者因安祿山之亂。蒙朝廷宣召來京。屢賜面對。不放還山。一向借寓西市韓媽媽家裏。連日蒙各公卿下顧。今往答拜。頗覺勞碌了。不免靜坐片時。多少是好。〔丑老旦旦上〕

〔前腔〕〔丑〕誠意扣仙翁。夔夔敬斂容。〔老旦〕回生求妙計。宥死望奇功。〔旦〕神言可信前民用。〔合〕願取今朝憂況變歡悰。〔相見介外〕韓媽媽。卑人久擾宅上。未有寸酬。如何是好。〔丑〕老先生在客邊。不勞計較。〔外〕不敢動問。這二位是何宅眷。〔丑〕一個舍妹。一個是他媳婦。〔外〕既是這等。都是涿州。爲何涉遠到此。〔丑〕他孩兒有難。特來相求。〔外〕令郎是何人。〔老旦〕小兒王楫。〔外揖介〕元來是王解元的令堂。失敬了。〔看旦介〕此位莫不就是解元令正麼。〔旦〕妾身便是。〔外〕卑人在貴處。解元曾下顧。不覺二年了。卑人看他有些災難。想目下正危。〔老旦旦拜哭介〕老先生真天神也。乞賜力救。〔外〕二位夫人不必行此禮。且把解元的事體。見教一番。〔老旦〕老先生聽老身相告。

〔江頭金桂〕歎弱息時當矜矜。赴荆湖補闕戎。驀遇姦豪凌侮。潛謀陰中。肆無

情虛構訟。〔外〕雖是誣告。問官自有公道。〔老旦〕好苦。恨當道聽斷非公。一偏愚弄。爭奈威加鍛鍊。勢極牢籠。獄成死條。冤可痾。〔外〕可憐。雖問死罪。還要申詳刑部哩。〔老旦〕刑部已是詳允。秋後就要處決了。苦刑期已迫。苦刑期已迫。無門訴控。〔拜介〕致虔恭。欲求轉日回天策。歷盡關山幾萬重。〔外〕卑人方外浮蹤。有何德能。不知是誰教你們來尋我。〔旦〕奴家因見丈夫將死。乃往太和山上投淵自盡。感謝真武救護。移送千里。神道分付。欲全夫命。急往京都。指稱老先生的姓字。〔外〕稱我姓字。說些甚麼。〔旦〕

〔前腔〕賴神語諄諄稱頌。道玄機可化凶。因此齋明澄慮。迢迢趨拱。〔外〕爲着夫妻之情。涉遠而來。〔旦〕爲夫妻恩義重。〔外〕你恩義甚重。但我的力量甚輕。〔旦〕指望慷慨相從。卽祈揮冗。〔悲介〕奴家丈夫若饒得死罪呵。一似綸魚復水。檻鳳翔空。免教此軀刑示衆。〔外〕你這說甚好。只是事干重大。恐一時有些難處。〔旦〕老先生。你救得我丈夫之命呵。感恩同山海。感恩同山海。何勝幸孔。〔拜介〕攄丹衷。願開溥博如天量。采納芻蕘。憫阨窮。〔外〕韓媽媽。那二位夫人情詞急切。卑人難副此望。〔丑〕老先生聽老身一言。

〔前腔〕素羨恁榮承天寵。這關節庶可通。〔外〕朝廷雖常召見。豈敢擅言。〔丑〕尙有名卿鉅宦。往來瞻奉。〔外〕雖有仕夫往來。也沒用處。〔丑〕救災危如去鞏。〔外笑介〕難道這般容易。〔丑〕老先生你莫怪我說。〔外〕卑人在宅。忝爲賓主。有話儘說。〔丑〕竊自謂賓主相看。深慚勞動。毋得推三阻四。詐瞽佯聾。〔外笑介〕我是審己量力。你錯埋怨了。〔丑〕我的外甥受難。你須憐我心如火烘。〔外〕豈不知你心熱。事在難處。容我慢慢爲之。〔丑〕論時當邁往。論時當邁往。圖維貴勇。〔拜介〕仗旃幟。善加起死回生力。要與掀天揭地同。〔外〕你們事體都知道了。不消分付。待我思想一個計策。〔背立想介〕昨觀天象。見北斗當化爲人。明日七夕。來此飲酒。莫若乘此機會。奏過朝廷。求個卹典。大赦天下。假公濟私。救他一命罷。〔對丑介〕媽媽。你依得我的言。成得你的事。〔丑〕有何分付。敢不遵依。〔外〕我是個廢人。濟得甚事。另有幾個方外異人。法術甚高。我去招致他來。必能成功。〔丑〕是何等樣人。幾時來此。〔外〕聽我道。

〔前腔〕明日有七僧來誦。掃門庭。可敬崇。祇備清羞庶品。潔誠修供。那七個僧人。生得古怪。你須大着膽。見奇形。休懼悚。二位夫人請迴避。只消媽媽相接他。偷得渠樂飲。

留連。媽媽須要傳觴頻送。〔丑〕這七個僧人飲得多少酒。〔外笑介〕多管是腸容百斗。興盡千鍾。〔丑〕老身可把那話兒求他麼。〔外〕不要開口。只管送酒勸他。莫談此情知始終。且盤桓竟日。且盤桓竟日。依稀如夢。〔揖介〕二位夫人可喜。卑人用此心機。召這七僧來呵。這相逢。正似八陣先埋伏。看取乘機奏後功。媽媽。這是我的玄謀。不可泄漏。倘露了消息。則事不諧矣。〔丑〕這事自當小心。不勞叮囑。

救生如救溺。

用計若用兵。

救緩難逃死。

計疎必害成。

### 第二十五齣

### 北斗化僧

〔福青歌〕〔丑上〕爲王郎伸冤無地。感袁公造成奇計。修齋設供候神祇。斯時戾止。這機關未審何意。老身爲因王濟川犯罪。欲求袁先生救命。我看那先生起初再三作難。推拒。後來勉強應承。終是有些古怪。計無所出。止說道今日有七個僧人來此誦經。教我設齋供他。又道諸僧善飲。須多送酒。又不許我說出王濟川的事情。不知是何緣故。我想袁先生是個有道行。



的人。平日言語動靜。神出鬼沒。因此不敢問他詳細。只得打掃門庭。安排酒食。且待這衆僧來時。便見分曉。〔七僧上〕

〔夜行船引〕綱紀三辰光累累。運樞機贊行元氣。位列台官。常尊無二。燦爛蟾輝堪比。〔一僧〕元氣憑斟酌。〔二〕周旋運四時。〔三〕三辰扶帝座。〔四〕七政總天機。〔五〕魁建形居北。〔六〕衡平柄揭西。〔七〕靜隨銀漢轉。〔合〕懸象列高低。〔一〕吾等乃北斗七星是也。今當七月七日。天上佳期。人間令節。吾等變化爲人。暫降塵寰。聊觀風景。此處已是京城西市了。不免尋個酒肆。斟酌一番。多少是好。迤邐之間。酒肆在此。這酒肆乾淨精潔。甚好款坐。〔衆進介丑〕呵呀好古怪。果然七僧到了。〔見介衆〕媽媽有好酒麼。賣些與我們喫。〔丑〕列位師父請裏邊坐。好酒儘有。不知用得多少。〔衆笑介〕媽媽不要拘定數目。你只管拏來。我們儘多儘喫。〔衆坐定介丑送酒介〕

〔梁州序〕纖雲舒巧。飛星傳意。暗度秋聲盈耳。人間金井。驚看幾葉新飛。謾有鵲橋初就。鶴駕高騫。銀漢清如洗。綺筵尊俎列。候佳期。一曲金徽暫解頤。〔合〕宇宙內。茫茫事。莫教歲月徒然逝。當此景。怎能寐。

〔前腔〕鈎簾邀月。穿針尋縷。風土從來多戲。明河耿耿。長生私語。誰知。只見九華然火。百子羈絲。無限新秋思。青鸞西去也。冷瑤池。阿母將來漢殿時。〔合前〕

〔前腔〕靜芳塵。翠靄靡靡。羨花面玉枝清麗。正商飈瀟灑。層樓獨倚。須信封題錦字。拋擲金錢。都是愁中味。年年今夜盡散塵慮。猛欲凌霞曳綵衣。〔合前〕

〔前腔〕繞迴廊。清蔭參差。見碧樹堂深流水。笑癡兒駭女。流傳訛語。盡道秋驚鳳律。夜靜龍梭。且得停機杼。乘槎狂興發。獨何之。欲辯天孫舊日非。〔合前〕

〔節節高〕玉繩度影低。露華滋。蟾羞窟淺圓輝未。涼風至。蟲韻悲。流螢墜。任他銀漏催聲繼。那堪搔首傷時世。〔合〕綠鬢朱顏不暫留。休將令節相輕棄。

〔前腔〕梧桐乍雨霏。電光微。芰荷翻弄香幽細。添吟趣。進酒卮。笙歌沸。調冰雪。藕情無替。良宵雅會非容易。〔合前〕

〔尾聲〕古來百歲人能幾。歎光陰瞬息推移。買笑追歡須早爲。〔旦扮內官上〕密旨

離雙關。微行遍九衢。不知緣底事。急召七閨黎。自家乃承奉內官是也。適間萬歲爺准袁天綱奏。言

有七個僧人。在西市酒肆中飲酒。特敕我到此宣他入朝。萬歲爺親要面問。迤邐行來。此間正是。不免徑入。呀。果然在此。〔丑〕老公公來此貴幹。〔旦〕朝廷有旨。宣這七個僧人。〔丑〕衆僧在此誦經喫齋。不知朝廷何故召他。〔旦〕喏。你那婆子不知事體。快放他們出來。〔丑報見介衆〕中貴何來。〔旦〕奉萬歲爺密旨。特來宣召你們。〔衆〕我等方外之人。衣鉢爲生。雲水度日。于你朝廷何事。來此召我。〔旦〕朝廷旨意。雖不可知。但你衆僧聚飲。已爲不守戒規。故此要你們去對理。快走快走。切勿遲延。〔衆笑介〕此必是袁天綱這小廝在彼說我。你且待暫時。我們與你同去。〔起身介〕在天成象。在地成形。玄機旣洩。仍歸杳冥。〔並下旦〕呵呀。和尚那裏去了。〔丑〕老公公。你也在此。我也在此。不知何處去了。好古怪。想是有遁法的。〔旦〕喫了你家多少酒。〔丑〕稟老公公知道。這七個和尚果然奇異。不只是形狀可畏。他的肚皮甚寬。流水斟。流水飲。約莫用了兩缸酒。〔旦驚介〕咳。不信喫得這許多。〔丑〕果然。〔旦〕旣如此。不敢久稽。急往宮中復命。

玉殿綸宣七異人。

那知色卽是空身。

捕風捉影今安在。

此會還疑未必眞。

第二十六齣 奏議頒赦

〔點絳脣〕〔末上〕斗轉參橫。玉壺傳點。天階曉。鐘鳴長樂。仙仗千官遶。甲帳徐開殿影齊。三更津吏報朝雞。風回上苑。爐烟裊。思覺中天雨露低。萬國衣冠春共育。五雲環珮曉相攜。大廷擇相皆良吏。幾見徵書下紫泥。自家乃唐朝黃門官是也。身親丹陛。職侍紫宸。左右乎一人。作朝廷之耳目。往來于九極。通上下之云爲。力助鈞衡。功歸機軸。雙龍地望。見許多舟楫濟天才。九虎天關。知倍大鹽梅調鼎味。從容青瑣。躬承稷契近唐天。咫尺黃袍。心切蕭曹依漢日。若奏若啓。達羣意於冕旒。如絲如綸。傳王言於帷幄。都俞吁咈。榮名動百僚。進退周旋。治道期千載。化行禹貢山川外。人在周公禮樂中。如今正是早朝時分。聖上已陞寶座。恐有表章傳達。只得在此伺候。道猶未了。奏事官員早來。〔小外上〕

〔小重山〕萬象橫天紫極高。龍蛇盤結處。動旌旄。蓬萊宮殿壓雲濤。緋烟擁。咫尺赭黃袍。璣衡齊七政。制度敍三辰。心卽渾天體。推占妙入神。下官乃司天監保章大夫是也。歷觀天象。敬授人時。此下官之職。昨夜登司天臺。仰觀天象。各星皆循次度。惟北斗不見。不知何故。實曠

古所未聞也。占之人事。決非小失。顧盼之際。不勝驚愕。今特具本奏聞。〔末〕奏事官詣前叩頭。〔小外叩頭介〕萬歲。萬歲。〔末〕是何衙門官。爲何事題本。就此披宣。〔小外〕臣誠惶誠恐。稽首頓首。謹言。〔末〕仔細道來。

〔駐馬聽〕〔小外〕鳳鳥臣僚。掌日司天太史曹。昨者登臺觀象。周環森列。不改纖毫。帝車騫爾。隱魁杓。龍光劍氣同沈杳。曠古奇遭。雖多文獻。奚從稽考。〔末〕

聖上有旨。昨日術士袁天綱先奏。北斗當化爲人。西市飲酒。已曾遣人宣召。因忽不見。今據爾所奏。正與天綱之言相合。不知主何祥也。爾衙門官素習渾儀。惟知占候。以天時而驗諸人事。必有應于將來者。當爲朕明白敷陳。勿得隱諱。〔小外叩頭〕伏蒙聖諭。不知所對。聊據愚見。冒死敢言。

〔駐雲飛〕天意迢迢。儆戒吾皇。示象昭。臣惟北斗運于中央。臨制四方。分陰陽。建四時。均五行。移節度。定諸紀。所係不爲不重。昨日呵。失此樞機。曜亂卻經常道。嗟。占候費推敲。未知何兆。因變研幾。災異應非小。伏願修禳弭禍苗。變理陰陽氣自調。〔末〕聖上覽奏。已知道了。着本官暫起。候召術士袁天綱到來。面議裁奪。〔小外叩頭起介末〕聖上有旨。卽刻

召術士袁天綱速來面對。〔內應介外上〕

〔小重山〕闕對南山雨露遙。九重綸綍降。寵榮叨。料應太史奏神堯。天曜變。惹得聖衷焦。清蹕散城陰。朱旗夾道深。法宮森虎旅。仙樂動龍吟。昨日北斗不見。今早司天監官具奏。聖心不安。特旨宣我面對。正投我因事進言之機。遂我轉死爲生之計也。此是午門外了。旣蒙傳宣。不免趨進。〔末〕術士袁天綱詣前叩頭。〔外叩頭介〕萬歲。萬歲。〔末〕聖上有旨。爾言北斗化人之事。已驗于昨矣。今據司天監官所奏。不約而同。則天垂象。吉凶不能掩人耳目。朕心無任戒懼。爾言旣應于已往。必能推占于將來。倘有禍兆。當爲朕悉心明言。勿得隱諱。〔外〕臣誠惶誠恐。稽首頓首謹言。〔末〕仔細道來。〔外〕

〔駐馬聽〕七夕良宵。斗化爲人混俗囂。聞見傳宣敕使。倏爾潛蹤。霧散雲消。成形成象數應招。天心仁愛垂昭告。臣慮切切。乞加修省。圖維須早。〔末〕聖上有旨。覽爾所奏。以修省爲言。是欲朕盡人事以答天心也。但萬幾之繁。四海之廣。而修省之要。何者爲先。〔外叩頭介〕臣伏蒙聖諭。不知所對。聊據愚見。冒死敢言。

〔駐雲飛〕四海兵刀。民困饑荒疾苦饒。臣惟近年以來。兵荒相繼。天下必有不得已而犯法者。有司不原其情。鍛鍊成獄呵。囹圄多冤歿。誅戮如芟草。嗟。怨氣徹重霄。上干臨照。乞納芻蕘。速降寬恩詔。原宥羈囚大辟條。仰答天心勝祀郊。〔末〕聖上有旨。據爾所奏。甚合朕心。正是修德弭災之道。當如此也。卽行宰輔大臣。會同六部等官。條量事宜。頒降詔書。大赦天下。以昭朕敬天卹民之意。奏事官起去。〔外叩頭起介末〕聖上已入宮了。方總二位所奏。天顏甚喜。〔小外〕食人之食者。當事人之事。故知無不言。言無不盡耳。〔外〕臣以誠格君。君以誠格天。君臣交孚。則天人感應也。〔末〕袁先生議頒赦書。正是致君澤民之事。又見得我聖主

〔山花子〕畏天明命于時保。念蒼生吾與同胞。久瘡痍何堪訴號。至勤宵旰憂勞。〔合〕渙龍章仁恩迴遼。普天率土皆覆燾。天心感格除厲祆。願取皇圖鞏固難搖。〔小外〕

〔前腔〕微臣恭上占星表。妄披鱗戰慄無聊。荷優容地厚天高。從言流水滔滔。〔合前外〕

〔前腔〕上干洪造蘇枯槁。布和風草木天喬。料囚人萬里舉翹。從今遠卻皋陶。

〔合前〕

七夕天垂象。

君臣戒不虞。

都俞吁咈後。

恤詔下堯衢。

第二十七齣 纈衣寄詩

〔字字雙〕〔淨上〕長門深閉女中囚。空守花開葉落辨春秋。是否。二千粉黛我

班頭。誇口相思兩淚爲誰留。不偶。老身喚做賽觀音。粗疎鬢髮亂松棚。面皮煨焦千層餅。牙

齒妝點七倒金。京墨濃搽一錠。石灰淡抹半升。十指渾如打未完的鐵搭。兩眼好似搖不響的銅鈴。

脣厚三寸。說話便要出唾。脚長尺二。縫鞋又要加礎。肩聳堪挑匾擔。嘴尖可掛油瓶。身上彬斑。誰不

道胎生玳瑁。鼻中點滴。我自知土產水晶。九院儀容不若。六宮娥嬪俱欽。皇帝見我動興。三番五次

留心。皇后爭鋒。喪了七魄。貴妃喫醋。失了三魂。因此追歡買笑。不能共枕同衾。昨夜巫山十二。方纔

雨潤雲溫。忽被鐘鳴雞唱。驚得鳳折鸞分。〔內介〕元來是做夢。〔淨笑介〕你道夢中做事。〔內問〕不



是做夢。這等容易。〔淨〕還疑水裏撈針。老身乃宮中老內人。賽觀音是也。當初伏侍太宗爺時節。放出三千宮女。到今以來。同輩之人。止存得老身與我妹子佛見笑兩個。餘皆物故。可嘆可嘆。近年新選些內人進來。不知事體。有三個派在我宮中差使。一個叫劉如花。一個叫鄭似玉。一個叫王慧姬。這三個丫頭好生無理。時常與我相抗。不聽約束。甚是可惡。待我叫妹子出來。相幫擺佈他一番也好。妹子在那裏。〔丑上〕

〔前腔〕龐兒起皺鬢。颯颯老朽。赤脚拖鞋步不休。會走十人看見九人羞。道醜思量要個鳳鸞儔。沒有。老身喚做佛見笑。自小風流兼美貌。雖然年紀六十餘。打扮精神多窈窕。一生口舌兩面刀。說是說非能聒噪。不時平地起風波。搬得六宮都嚷鬧。諂媚勝似狐狸。斷打凶如虎豹。有人着了我的機關。就比糊猴入了圈套。教他進退兩難。方見手段高妙。我也曾伏侍皇后娘娘簪花插朵。也曾伏侍皇帝爺爺穿袍戴帽。東宮的尿瓶傾洗得潔淨。公主的夜桶收拾得乾燥。因此宮正司薦我一本。朝廷便加官誥。封爲掌行幸的都知。倘有後宮爭鋒喫醋。許我投文放告。我想才短不堪治繁。況且都是熟人。如何與他計較。連忙上表辭官。朝廷又賜勅書一道。〔內介〕勅書

上寫甚麼。〔丑笑介〕敕賜我嫁個丈夫。〔內問〕你要甚麼樣人。〔丑〕憑我在梨園中尋個插科打諢會做會唱的風月鳥窠。〔相見介〕姐姐喚我做甚麼。〔淨〕我叫你出來。別無甚事。只因那新來三個丫頭不服。特與你商量。奈何他一番。〔丑〕此言正合吾意。今日壓得他下。後來就不敢了。〔淨〕待我叫他們出來。〔叫介老旦旦貼上〕

〔花心動〕〔老旦〕寂寞昭陽鎖玉關。不覺粉容消瘦。〔旦〕風遶雕欄。月映珠簾。那堪愁上眉頭。〔貼〕幾番梧桐雨。清寒潤。恨漏聲午夜悠悠。〔合〕望家山何處。淚痕盈袖。〔相見介淨〕三個丫頭來了。〔丑〕娘娘委我來查點你們。〔老旦〕我們都在這裏。又不去別處。要查點就查點。何必大驚小怪。〔淨〕妹子且不要忙。待點名過了。和他們講話。〔丑〕姐姐言之有理。〔點名介淨〕你們三個來時。緣何見面錢也不送。〔老旦〕宮庭法度嚴緊。怎帶進來。〔丑〕東西便帶不進來。方纔見我兩個不肯下個禮兒。難道這禮也帶不進。〔老旦〕我們通是小民家兒女。不曾行此大禮。〔淨〕既是小民家出身。何必如此大樣。〔貼〕我和你一般在宮中做內人。只好敍些長幼。有何尊卑。〔丑〕便不論尊卑。止把長幼來講。也該以禮敬我。〔貼〕敬人者人恆敬之。禮人不答反其敬。你

兩個未曾將禮待人。乃欲強人敬己。是何道理。〔丑〕這小丫頭倒會調文。〔淨〕既會調文。必能通今博古。我且把后妃中幾個古人問你。〔貼〕願聞。〔淨〕吞五色卵而有娠者是誰。〔貼〕契之母簡狄也。〔淨〕履巨人跡而成孕者是誰。〔貼〕棄之母姜嫄也。〔淨〕那個娶四日而相別九年。〔貼〕此是夏之塗山氏。〔淨〕那個脫簪珥而待罪永巷。〔貼〕此是周之姜后。〔淨〕阿呀。我難他不倒。妹子。還是你來。〔丑〕我也問你幾個。〔貼〕請教。〔丑〕馮昭儀何以當熊。〔貼〕昭儀對元帝曰。妾聞猛獸得人而止。妾恐熊至御座。故以身當之。元帝嗟嘆。以此敬重。〔丑〕班婕妤何以辨譖。〔貼〕婕妤訴成帝曰。鬼神有知。不受不臣之訴。如其無知。訴之何益。故弗爲也。成帝憐憫。賜黃金百斤。〔丑〕陰后爲貴人時。何以不肯正位中宮。〔貼〕以郭氏有子。故辭而不敢當。〔丑〕鄧后因翦髮傷額。何以忍痛不言。〔貼〕以太夫人哀憐。難傷老人意。〔丑〕阿呀。我也難他不倒。〔末扮內臣捧衣上〕聖主推心憐戍卒。宮娥着意製征衣。〔相見介〕你兩個老丫頭。只管在此擾攘怎的。〔淨丑〕我們在此閒講。老太監。你手中拿的是何衣服。〔末〕這是邊軍的續衣。舊規都是宮女裁製。如今每人分做一件。連夜纘完。明早就要發出去的。不可遲悞。〔二旦〕既是這等。我們各領一件。〔取介末〕你們三個用心一做。天明逕送宮

正司交割。你這兩個老丫頭去各宮催贖。不要在此聒噪。〔淨丑〕理會得。正是閉門不管窗前月。一任梅花自主張。〔同末下貼〕劉家姐。鄭家姐。着甚來由。被那兩個老潑才纏了半日。〔老旦旦〕王家姐。又虧你通文識古。爭了口氣。不然還要受他好些難爲情。我們在此寂寞。難以度日。方纔這些衣服。正可針指消閒。〔老旦〕只怕要緊不易得完。〔旦〕連夜趲做。庶或可及。〔貼〕如今天色已暮。都動手罷。〔各動手做衣介貼〕

〔集賢賓〕黃昏永巷煙浸柳。霏霏暝色盈眸。花底金猊蘭篆紐。正遠樹棲鴉時候。〔看珠悲介〕明珠繫久。怎見得萱容依舊。〔合〕心似灸。痛骨肉數遭陽九。

〔前腔〕〔老旦〕初更鐘鼓起戍樓。流螢飛傍簾鉤。雲漢昭回星與斗。見耿耿明河將溜。孤燈自守。豈敢望承恩先後。〔合前旦〕

〔前腔〕二更漏閣驚換籌。翠屏寒潤潛透。漬鮫綃清淚難收。此衷誰與分割。抱甄妃遺枕重憂。羨韓女題紅機偶。〔合前貼〕

〔前腔〕三更月午光四流。空階明瑩如晝。乍驚枝鷓鴣南投。幾番棲止飛逗。覷

桐影森森轉移。聽蛩韻啾啾悲扣。〔合前老旦〕

〔琥珀貓兒墜〕四更燭燼。欲寐怎能殼。〔內雞鳴介〕不覺雞人頻報丑。續衣針線未停手。〔合〕勞瘁。怎捱得鷓頰精神。猶飲醇酒。〔旦〕

〔前腔〕五更將曙。〔內作樂介〕仙樂已調奏。曉色微茫穿戶牖。續衣縫紉正成就。

〔合前老旦〕衣服雖完。神思困倦。不免暫臥片刻。多少是好。〔睡介貼叫介〕劉家姐。鄭家姐。好苦。一般在此做針線。他們都睡去了。呼喚不應。只是心上沒事。奴家在此。一似囚鸞檻鳳。不能舒展。況有母親在堂。兄嫂在衛。彼此遼絕。如隔塵世。料無相見之日。豈勝傷感。〔悲介〕奴家年貌正芳。才情俱妙。不幸被州司報選入宮。遂成寡鵠孤鴻。終身不耦。如何是了。〔嘆介〕這是我命犯孤辰寡宿。又誰怨哉。方纔做的續衣。不知到邊方派在那個有緣軍士身上穿着。我且寫詩一首。縫在裏邊。以寓紅葉傳情之意。當時紅葉有靈。使韓夫人諧今生之偶。倘此續衣有靈。或可結我後世之緣。〔寫詩介〕沙場征戍客。寒苦若爲眠。戰袍經手作。知落阿誰邊。蓄意多添線。含情更着綿。今生已過也。重結後生緣。詩已寫完。縫在衣內。〔縫介〕呀。天色大明了。劉家姐。鄭家姐。〔老旦旦甦介〕身子勞倦。不覺睡

去。王家姐你好清爽。〔貼〕衣服都完。宮正司交割。

露冷月華白。

針工苦不禁。

關山征戍遠。

誰解此中心。

## 第二十八齣

### 遇赦調邊

〔淨上〕今古長安道。郵亭幾往來。辛勤迎遠客。傳命疾於雷。小官乃荊湖道鄖縣馬驛驛丞是也。昨日有報子來。說朝廷差使臣齊捧赦書。已到十里長亭住劄。今早整備龍亭香案儀從鼓樂伺候。本縣大老爺出來迎接。到縣當堂開讀。道猶未了。只見人烟濟濟。車馬紛紛。大老爹早到也。〔衆隨小生上小生〕

〔薄皮令〕啼烏宵嘯。報道恩書天降。一氣鴻鈞通暢。五色雲間鵲。飛鳴天上來。覆盆俄

照日。蟄戶忽驚雷。道路歡聲沸。神人喜氣回。衣冠應拱北。祇載儼天威。〔淨見介小生〕驛丞。昨晚分付你的。可完備了麼。〔淨〕龍亭香案儀從鼓樂。一應官吏師生糧塘里老。俱到十里長亭伺候去了。

〔小生〕使臣廩給。從人口糧。可曾送麼。〔淨〕俱照關文數目支過了。〔小生〕驛丞。你擺兩棹酒。待開

讀過了。一面騰黃。一面管待使臣。打發前去。〔淨〕理會得。〔衆扮鼓樂儀從迎末捧赦書上〕

〔前腔〕雞竿鼉鼓。制出金門傳唱。特與人間解網。皇帝詔曰。膺期撫運。君道昭淑。慝之分。治曆明時。天文著妖祥之異。幽明相感。理亂所關。朕以眇躬。承茲丕業。恆率由乎祖訓。求允協于天心。邇者北斗潛形。莫顯魁杓之象。中央失制。奚當節度之權。造化既淆。治功斯廢。徒擁虛位。慚三才之難參。翼持小心。效六事之自責。肆頒慈典。用卹繫囚。惟寧失之不經。皆欲措諸咸若。生恩既及于下土。和氣可還于中天。所有卹章。款開于後。自今年七月初七日昧爽以前。官吏軍民人等有犯。除謀反逆叛。子孫謀殺祖父母父母。妻妾殺夫。奴婢殺家長。殺一家。非死罪三人。採生折割。蠱毒魘魅。毒藥殺人。強盜。妖言妖書。姦黨失機。及事干邊方重情。至死不赦外。其有斬絞者免死充軍。原係軍者改調邊衛。其餘已發覺。未發覺。已結正。未結正。事無大小。咸赦除之。其有以赦前事相告言者。以其罪罪之。謝恩。拜興。拜興。山呼。〔小生〕萬歲。萬歲。萬歲。萬歲。〔衆下末見介小生〕叫左右的請過聖旨騰黃。安排筵席。管待天使。〔末〕這禮不消了。下官還要別處開讀。豈敢久稽。就此告辭。不辭驛馬凌風雪。要使函囚見日星。〔下小生〕分付禁子。把監中重囚帶出來面審。其徒流犯人名姓無賊的

逕自釋放。若有賊的也召進來。召保發落。〔左右介丑淨小外生扮囚上〕丹鳳啣恩至。蒼鷹獄吏清。風雲生瑞色。桎梏動歡聲。〔見介左右〕犯人當面。〔小生〕取監簿上來看。〔看介〕一名趙甲。爲恐嚇詐財事。問杖一百。徒三年。有給主賊銀三兩。〔丑介〕押小人出去變產就完。〔小生〕一名錢乙。爲侵欺錢糧事。大同衛充軍。有還官銀五十七兩。〔淨介〕小人監禁多年。家產盡絕。蒙大老爺查勘明白。申過上司了。〔小生〕一名孫丙。爲謀財殺命事。問斬罪的。你該免死充軍。〔小外外〕多謝大老爺方便。〔小生〕一名王楫。爲殺傷長官事。問絞罪的。你也該免死。原係鄖陽軍。該調邊衛。〔生〕多謝大老爺方便。〔小生〕叫左右的。將趙甲錢乙。召保在外。待賊銀完日發放寧家。孫丙管押在外。僉批起解。都帶出去。〔丑淨小外謝介〕感謝大老爺恩德。極知幽犴無留繫。更約冥鴻有定居。〔並下小生〕王楫該調邊衛。就點一名解子進來。〔左右介外上〕捷足奔馳苦。公文解遞勞。〔見介〕大老爺有何差遣。〔小生〕你解那軍人王楫改調劍南衛去。〔外〕理會得。〔帶生起介小生〕慈章遙播仁恩廣。率土須教狴犴空。〔下末上〕天道昭昭在。人心豈可欺。到頭終有報。來早與來遲。且喜王濟川遇赦。改調劍南。特來送別。〔生〕葉長官。小生久荷恩養。未有寸酬。今蒙大赦。改調劍南。正欲回家。率領妻子。到



宅拜謝。〔末〕可憐王先生。你兀自不知哩。〔生〕一向在監。其實不知。〔末〕令正令郎的事。不好說得。恐你傷心。連日隱瞞在心。如今你要起程。不得不說了。〔生〕有何緣故。〔末〕前日令正進監來。只因你把我那句話兒說與他了。次日有人遇見你令正呵。

〔刮鼓令〕攜兒走市坊。到郵亭。遇陝商。輒把與螟蛉爲嗣。割恩情。最可傷。〔生悲介〕好苦。把我孩兒賣去。爲甚緣故。〔末〕端是重糟糠。獨登太和峯巔不返。〔生〕他去上邊。做甚勾當。〔末〕言之不忍。〔生〕有言就說。〔末〕投淵求死表綱常。〔生驚介〕我荆妻去投淵尋死。有人救麼。〔末〕倉卒之際。有誰來救。芳魂早赴窈冥鄉。〔生悲介〕天那。真痛殺人也。〔哭倒介末扶起介生〕

〔前腔〕婦人欠思想。泥一言。枉自亡。使吾心不勝哀痛。離恨如同天地長。我那九齡的孩兒呵。當幼穉。去邊疆。知伊此生如何長養。〔恨介〕我那妻呵。若沒李克成張有德二賊害我。誰承望今日鳳悲凰。這荼毒沒齒豈能忘。〔外〕王先生。你的冤情不止葉長官知道。滿城人都是憐憫的。幸得皇天有眼。那李克成張有德二人俱被天雷打死。家中各被

天火燒盡。這是天公替你報讎了。〔生〕果是如此。小生又何怨尤哉。〔合〕

〔前腔〕無端遇暴強。致紛爭。陷禁牆。誣服了恁般刑辟。幸今朝荷卹章。免死戍邊方。〔生末拜介〕涼涼此身飄然長往。願期他日敍行藏。手分攜各自淚汪汪。

人生最怕墮危機。

誰謂天公杳不知。

善惡報明冤已雪。

願君此去錦衣歸。

● 第二十九齣 續衣得詩

〔瑞煙濃〕〔小外上〕警罷銅魚邊境乍收烽火。舊日江山幸安堵。風塵奔走。九死

內一條生路。耽誤分明是神龍幽臥。山水途中沈。邊荒客裏身。徒多亂離意。不見亂離人。小

生陳時策。自幼與王濟川孫天彝二友相交。談經論道。以圖進取。不料濟川被荆湖勾補軍伍去了。

天彝又與我在亂軍中失散。彼此各無消息。止存小生一身。奔走風塵。周流險阻。今到劍南地方。投

充軍士。欲圖寸進。不知天意如何。〔嘆介〕金革之事。非儒生所爲。然世治用文。世亂用武。豈可守株

待兔。幸得大元帥楊公。收在部下差用。每蒙青目。前日撥去守堡。偶殺達賊首級一顆。已蒙元帥在

紀功本上帶我名字。待旨意下來。必有冠帶了。若得冠帶。便可立功。所謂五穀不熟。不如稊稗。目下秋深。天氣漸冷。昨聞京中解到纈衣在此。不知幾時分派。且待同伴軍士們來。問他便見端的。〔外丑淨上外〕雲迎出塞馬。〔丑〕風捲渡河旗。〔淨〕聖主安邊計。〔合〕年年賜纈衣。〔相見介小外〕列位。每常只愁汗馬之勞。今日爲何歡天喜地。〔衆〕我們不爲別事。只因天寒身冷。無甚穿着。昨日纈衣已到。如今帥府委官齊來。唱名給散。爲此歡喜。特來相報。〔小外〕多蒙列位好意。感謝感謝。〔衆〕你看人聲喧嚷。想來委官到也。〔左右捧衣隨小生上〕

〔風馬兒〕宣播恩波。爲戎行動勤勤懲惰。〔見介小生〕你衆軍士們好了。天氣初寒。就有纈衣之賜。朝廷不會虧你。〔衆〕養軍千日。用在一朝。無事之時。小人們受朝廷的恩惠。有事之時。朝廷用小人們的心力。〔小生〕你們既知這個道理。則上之使下。下之事上。各得其道矣。叫左右的把纈衣點件數。唱名給散。〔左右介小生〕一名李丁。〔外介小生〕一名周戊。〔丑介小生〕一名吳巳。〔淨介小生〕一名陳時策。〔小外介小生〕陳時策。你前日有一功。帥府已申奏去了。旨意下來。就有冠帶。你便是我們的同僚了。〔小外〕多謝老爺擡舉。〔小生〕

〔排歌〕甲馬初安。瘡痍始蘇。王家以爾榮枯。推衣挾纊。遍包羅。海宇沾濡。雨露多。〔合〕揮雄劍。奏凱歌。錦貂金勒上神都。威強虜。禦遠胡。萬年磐石壯皇圖。

〔前腔〕慘淡風塵。春秋幾過。須知奮勵干戈。恩波浩蕩。及吾徒。浹髓淪膚。感不磨。〔合前小外〕

〔前腔〕乍解儒冠。聊充武夫。悠悠自赴交河。笑談油幕。運鴻謨。未數當年牧與頗。〔合前左右〕

〔前腔〕上下相交。君兵素孚。陰陽會合冲和。金湯遙制。勢非孤。萬里騰歡。起嘯哦。〔合前小生〕明早衆軍士都到帥府前取齊。隨我進去謝恩。〔衆〕理會得。〔小生〕朝廷推惠遠。〔左

右〕邊塞感恩深。〔衆〕自愧何能報。〔小外〕惟精裏革心。〔並下小外弔場〕天氣漸寒。正有這件衣服賜來。一冬之計。不足憂矣。〔看衣介〕你看這件衣服。線也縫得密。棉也着得多。比別件不同。可喜。〔摸衣介〕好古怪。衣服內像有些紙的。是何緣故。待我把頭上簪兒挑開線縫。取出一看。便知分曉。〔挑衣介〕阿呀。元來是一首詩。〔誦前詩介〕此詩立意溫醇。措詞雅麗。乃才女子也。不意宮壺

之中。有此人物。當於班婕妤韓夫人輩求之。欣羨欣羨。爭奈君民相隔。霄壤懸絕。不能與他厮見。若有升天縮地之術。亦不失此奇遇也。可歎可歎。

〔二換頭〕宮詞寫訴。喜得才情俱可。是誰家毓秀。有這般麗娥。空縻青瑣。未承恩成間阻。苦淒清難消怨魔。因此題詩。縫在衣內。媲美題紅意。風流直恁多。〔合〕千里神交。未卜姻緣事若何。他道蓄意多添線。含情更着綿。足見加厚之意。誦之再三。宛如對面。可愛可愛。

〔前腔〕着綿添線。如經平素。心盟盡吐。想天教致吾。機通因果。雖則如此。你在宮庭。我在邊塞。這般勤真坎坷。望天涯仙凡異途。你今世敦妻道。我來生是丈夫。〔合前〕且住。我到忘了。追想當初在家之時。同王濟川孫天彝往訪術士袁天綱。他相王濟川有難。其言已驗。他相我有一樁奇遇。莫非正應着此事。豈偶然也。

〔前腔〕人生得失。皆有前數。況婚姻際遇。謂非繫命何。天綱先許。道牽絲來御府。得宮詞其言乃符。我想紅葉題句。終得遂良緣。續衣寄詩。豈不成佳偶。從古皆云有。而

今豈遽無。〔合前〕

着意縫衣寄短吟。

神交千里已知深。

蘆花月白難尋路。

水底撈針豈見針。

### 第二十齣 師徒傳習

〔鵲橋仙〕〔小生上〕幼拋父母。遠離鄉井。十載螟蛉依本姓。就中款曲未全醒。彷彿似追風逐影。

親恩真罔極。晨夕當無違。不幸我生初。道路成艱危。孩提輕永別。怙恃他庭幃。肆

爾有二天。十年不可歸。白雲連碧草。縈此終天悲。小生王九齡。本涿州人氏。因隨父母荆湖從軍。父

親爲事在獄。母親將我賣與陝西商人王子循爲螟蛉子。那時方年五歲。雖有知覺。尙多懵懂。但記

得父母姓氏而已。其中事體。不能端詳。〔悲介〕臨別之時。母親將明珠一顆。繫我頸上。來此十一年。

今已十六歲矣。〔看珠介〕珠雖在此。不知我父親曾出獄否。母親能無恙否。物是人非。豈勝傷感。深

虧這邊爹媽。看待勝如親生。且不改我名。實寓愛禮存羊之意。不幸三年前爹媽相繼淪亡。〔哀介〕

使我舉目無親。最可哀痛。哥哥王嗣宗原是爹媽外甥。我未來時先已懷抱在此。長我一歲。故此待

之爲兄。叵耐此人愚頑。時常與我抵觸。每自含忍。連年請馮先生在家教習舉業。喜得功深博約。理極精微。從此奮發。取青紫如拾芥。兩日先生有事。不會來館。今早哥哥自去請他。此時想必同到來也。〔外丑上〕

〔破陣子〕〔外〕絳帳春風迴。門墻桃李盈盈。〔丑〕燈窗扞格難尋討。空負河汾北面名。〔合〕功深道自生。〔外〕道統綿延寄白頭。光風霽月應蒙求。伊周氣概生來壯。孔孟文章老未休。〔相見介外〕連日限你們課程。曾完否。〔小生〕道無終窮。學無止法。故君子以勤勵不息自強。以怠惰荒寧爲懼。先生去後。所限課程。學生俱已完了。〔外〕君子深造之以道。欲其自得之也。課程雖完。不知你心中所自得者何如。〔小生〕先生在上。聽學生告稟。

〔桂枝香〕人須率性。功當取正。從來兩字知行。皆是由賢入聖。〔外〕士希賢。賢希聖。義理同出於一原也。〔小生〕這一原義理。這一原義理。惟在通融斯盛。支離斯病。〔外〕知此二者。可謂明矣。明則可至于誠。〔小生〕畢竟悟誠明。方見簡易工夫盡。不枉擔簦負笈情。〔外〕王九齡。你體認親切。鋪叙詳明。作聖之階。宛然在目。功名不足言矣。忻羨忻羨。

〔小生揖介〕謹受教。〔外〕王嗣宗。你的課完了麼。〔丑〕實不相瞞。家中有事。課尙未完。〔外〕你胡說。一般兄弟兩個。他的完了。你又以家事爲辭。〔丑〕家事任長。比兄弟不同。〔外〕課程不完。此是暫時事。你且把平日所學一講。〔丑〕先生在上。聽學生告稟。

〔前腔〕伏承嚴命。謹當遵聽。摳衣唯諾。明經指望。文場馳騁。〔外〕明經將以致用也。須加些工夫便好。〔丑〕這心猿意馬。這心猿意馬。操存靡定。斯此三弗靜。〔外〕既是這等。你的前程安能遠大。〔丑〕何必問前程。幾年枉卻春風坐。誰信藍中可出青。〔外〕自暴者不可與有言也。自棄者不可與有爲也。因你之言。觀你之志。真自暴自棄之徒。可嘆可嘆。你兩個聽我道。

〔前腔〕雍先持敬。參勤日省。要將心法常惺。模範昭昭如鏡。凡人之心。操之則存。舍之則亡。論存亡操舍。論存亡操舍。可見天人交勝。遂至賢愚莫並。因此重丁寧。你兩個須知道。涓流可積滄溟大。拳石能崇泰華成。〔丑小生揖介〕蒙先生教訓。敢不勉勵。〔外〕王九齡。你工夫既到。學問已精。正是明體適用之時。今當大比。可收拾赴京應試。〔小生〕領



教〔外〕王嗣宗。你工夫欠密。學問未純。正好用功。方能有進。〔丑〕領教。〔外〕天色已晚。我且回去。明早來講。求道每加操守力。明經須着討論功。〔下丑笑介〕先生在此。甚覺拘束。先生既去。有誰管轄。〔小生〕君子儒爲己。小人儒爲人。哥哥此言乃爲人之學。非爲己之學也。〔丑怒介〕小畜生無禮。我偏不曉得論語上這兩句說話。你把來誚我爲小人。我是土產的。到是小人。你是來歷不明的野東西。到是君子。可惡可惡。〔小生〕朋友切切惻惻。兄弟怡怡。方纔小弟所言。只要哥哥做個好人。何必發怒。〔丑〕小畜生。我正要問你。你要做好人。在先生面前誇己之長。見得我不好。因此先生怪我。可惱可惱。〔打小生倒介〕打你幾下。戒你將來。天色已暮。我去睡也。明燈難久坐。束卷且高眠。〔下小生起悲介〕天那。好苦。自家不肯讀書。反怪別人說話。好生無理。〔嘆介〕王嗣宗。你和我在此。都是螟蛉之子。苦苦做甚冤家。罷罷罷。此亦妄人。何足計較。自念青春有限。黃卷無窮。當此長夜。再用些工夫。多少是好。〔看書介〕

〔字字錦〕含章自可貞。豈敢圖僥倖。且向殘編斷簡中。神會而心領。書我苦苦讀。你只爲功名之事。論功名。務在繼晷焚膏。焚膏又恐成畫餅。淒清黃昏寥寂。忽

聽得樓頭雁聲。悠揚慘感。慘感驚孤另。〔哭介〕我那爹娘呵。〔合〕猛可地淚珠傾。苦天涯人遠。他在那裏涼涼踽踽。我這裏朝朝暮暮忡忡耿耿。怎能毅膝前歡慶。  
〔丑上〕世上無難事。只怕有心人。王九齡你忒欺心。〔小生〕方纔你打了我。不與你計較。自在此看書。有何欺心。〔丑〕只爲看書。見你欺心。〔小生〕我自看書。完我課程。干你甚事。說我欺心。〔丑〕小畜生。你會使乖。方纔把言語觸我進去。自家看書。明日先生見我課程不完。又要責我。你便做好漢。可恨可恨。我偏要吹滅燈火。教你看書不成。〔吹燈介〕謀深莫措囊螢計。志切難加鑿壁功。〔下小生〕  
怪哉怪哉。天下有這樣不明之人。今日有這樣不平之事。何可當也。今年大比。先生教我應試。因此用些工夫。誰想那冤家又來聒噪。吹滅燈火。如何看書呀。你看外邊明月滿庭。皎然如晝。可喜可喜。不免將書向月下。一看。未爲不好。〔移坐看書〕

〔前腔〕蟾光正滿庭。四顧如朝景。彷彿形神在廣寒。踐卻瓊瑤境。恁分明。只見簡裘篇章。篇章句讀。可觀似星。還贏偷光鑿壁。且勝紗囊聚螢。休誇映雪。映雪無能瑩。〔悲介〕我不得事父母。看書何用。〔合前〕鳥飛反鄉。狐死首丘。在物皆然。況人爲萬物之靈。豈

無故土之思。早間先生命我收拾應舉。意尙未決。今被王嗣宗恁般欺毆。其實難忍。目下勉強依棲。到後終無結果。不如乘此機會。打點起程。赴京應試。中與不中。卽往荆湖尋我父母。豈非一舉兩得。

十年恍惚夢中身。

蹤跡蕭條志未淪。

自古成人不自在。

果然自在不成人。

### 第三十一齣 轅門遇友

〔醉扶歸〕〔外押生上〕逗荒烟衰草迷谿澗。亂排空劍戟翠巒岼。遍天涯跋涉恁艱辛。況秋聲暗度魂將斷。今朝日擊劍南關。果然是地險連雲棧。〔生〕暮宿月留

茅店影。〔外〕曉行雞弄竹窗聲。〔生〕相思千里難成夢。〔外〕磨蟻團團過此生。〔生〕一路行走。過了

多少山水。經了多少風霜。今日纔到劍南。小生犯罪。勢所不免。只是連累長官。不當穩便。〔外〕王先

生。你說那裏話。你是被人陷害。我乃出于官差。皆不得已也。何必計較。〔生悲介〕小生前年到荆湖

補伍。夫妻三口同行。今日改調劍南。妻死子離。孤身遠路。形影相弔。教人豈不傷感。〔外〕王先生差

矣。豈不知男子生。桑弧蓬矢。以射天地四方。何乃爲此區區兒女之態。況彼一時。此一時也。客旅之

中。悲之何益。〔生〕長官承教了。〔外〕說話之間。不覺已到帥府門首。〔生〕呀。你看三秋風色。萬里霜威。真似鈇鉞鎮也。如今轅門緊閉。想元帥老爺尙未陞堂。只得在此伺候開門則個。〔小外行上〕

〔前腔〕續衣中偶得題紅簡。苦元戎下令究根源。急蹣蹣匍匐詣轅門。論吉凶未卜應相半。些須詞句出無端。教人跼蹐多惶汗。小生前日在續衣中得了宮女之詩。

元帥老爺知道。傳令要小生親贖此詩赴見。只得早來到此。呀。轅開未門。且在此竚立。待元帥老爺陞堂。然後進見。〔生〕那來的好似陳獻夫模樣。〔小外〕那人好似王濟川模樣。〔生〕阿呀。果是陳兄。〔小外〕天那。果是王兄。〔外〕他鄉故知情同骨肉。天下有這般適然之事。〔生小外抱哭介〕

〔哭相思〕數載金蘭成遠盼。何期萍聚重相見。〔小外〕王兄。你在荆湖從軍。因何又解來此。〔生〕陳兄。一言難盡。小生自到荆湖。蒙帥府憐我儒生。不發差操。止令管寫軍前文冊。不想營長李克成戲侮荆妻不從。我與毆打。被他誣告做部軍殺傷長官。問成絞罪。今蒙恩赦免死。改調來此。〔小外〕老嫂令郎何在。〔生悲介〕荆妻見我刑期已近。逕將小兒賣與陝西商人。投淵而死。了。〔小外〕可憐可憐。命該如此。請免愁煩。〔生〕這也罷了。但老母舍妹在家。陳兄臨行。必知安否。

〔小外〕令堂在宅。小弟常同孫天彝候問。不想朝廷要取宮女。本州舉報令妹。充選去了。〔生悲介〕好苦。舍妹既選入宮。老母失倚。〔小外〕王兄兀自不知。更有一言。不得不說了。〔生〕陳兄有話就說。〔小外〕安祿山之亂。城郭丘墟。人民逃竄。令堂與韓媽媽同行。小弟與孫兄相遇。各被亂兵趕散。彼此不知下落。〔生哭倒介〕天那。豈不痛死我也。〔小外扶起介〕王兄請蘇甦。〔生〕一家骨肉。冰消瓦解。終天之恨。何時能雪。〔小外〕王兄。你纔離囹圄。又調遠方。急切不能顧盼。且待蹤跡少定。然後打探音信未遲。〔生〕請問陳兄。何以到此。〔小外〕避兵流落于此。棄文就武。蒙元帥老爺青目。儘好建功。〔生〕孫天彝今在何處。〔小外〕亂中失散。尙未通問。〔生悲介〕吾三人爲同窗。情關休戚。誰料多故。彼此遼絕。可傷可傷。〔小外〕孫兄乃閒世之英。非匏瓜之類。自能見機而作。不必掛懷。〔丑上〕鼓角聲催巫峽曉。旌旗影照錦江春。遙傳虎帳金符令。萬里寒風泣鬼神。自家乃帥府中軍聽事官是也。蒙元帥老爺分付。有機密事情在內。不得工夫坐堂。凡一應投文人役。俱過來聽傳發放。〔外生介丑〕你們是甚麼事。〔外〕小人是荊湖道鄖縣解軍調衛的。〔丑〕只遞文書進去。待老爺照驗發落。〔取文介〕起去伺候。〔小外介丑〕你是甚麼事。〔小外〕小人是繡衣內得宮女詩的。

奉老爺鈞旨要看。特送在此。〔丑〕你姓陳麼。〔小外〕小人便是。〔丑〕可喜可喜。你前日斬首級一顆。昨日旨意下來。着你冠帶。月給俸米二石。待後有功。不次擢用。〔小外〕謝天地。〔丑〕你那宮女的詩。今早老爺要看。遞來我送進去。〔取詩介〕只在此少待。我進去傳老爺鈞旨發放你。闔外傳消息。軍前聽處分。〔下生〕陳兄。你纔說甚麼宮女詩。〔小外〕舊規邊軍繡衣。都是宮女縫做。小弟分得一件。內有詩一首。元帥要看。特取進去。〔生〕願聞其詩。〔生誦前詩介生〕看此詩句甚新。意甚厚。可以追蹤韓夫人故事。〔小外〕紅葉有逆流而上之靈。繡衣豈能及此。〔丑上〕談笑風生白羽扇。指揮霜肅碧油幢。奉老爺鈞旨。荆湖道鄖縣解到軍人王楫。着中軍分撥差操。解子領批迴回去。〔與外批介丑〕陳時策所得宮女詩。事關禁庭。法不當隱。奏聞定奪。〔生小外〕多勞動了。〔丑〕今日完公幹。〔外〕明朝向舊途。〔並下生〕小生脫死到此。誰料今日得見陳兄。

〔素帶兒〕歡相遇。不覺眉峯倏解攢。一便似甘雨頓消蒸旱。心愁有萬般。把方寸幾微且暫寬。陳兄。我和你在此相遇呵。窮途伴。折衝禦侮。共定天山。

〔昇平樂〕〔小外〕吾願笑談油幕。使名冲雲漢。功蓋塵寰。鐫鐘鑄鼎。要保國祚。

如磐。〔生〕大丈夫立志之秋。固當如此也。〔小外〕能拚忠肝義膽。誓無刊。庶不負王家藩翰。王兄。我和你呵。那時方可並轡聯驅。書錦榮還。〔生〕

〔素帶兒〕微軀乍隸官。圖功孔艱。〔小外〕軍前立功。不全在力。只須謀略。〔小外〕胸襟內有千萬甲冑牢拴。〔小外〕王兄韜略素閑。成功特易。〔生〕雖則如此。只恐小生命薄。天心爲我慳。怎能毅連城趙壁完。〔小外〕軍旅之事。上前有功。若聽天命。則此心便懶了。〔生〕非心懶。深知戎服。不比儒冠。〔小外〕

〔昇平樂〕須看從來豪傑。皆揚于行伍。凌烟圖贊。王兄。你是雄材偉略。真不忝提戈戡亂。〔生〕雖有抱負。我和你是一介武弁。那得兵權到手。〔小外〕兵權管教萬里躍金韉。猛可地乾旋坤轉。方見書生奮發。鳳翔龍變。

〔尾聲〕〔生〕此三須款曲醒愁眼。〔小外〕莫把功名當等閒。〔合〕願取不日軍驚築將壇。

年少從軍意氣閒。

也勝跼蹐着儒冠。

憑君仗劍勤王事。

要寫功名久遠看。

第三十二齣 舉途鄉誼

〔滿庭芳前〕〔末上〕兵火驚心。風塵迷眼。飄零數載萍身。光陰如夢。不見夢中  
人。九陛招賢在邇。要乘時射策金門。行看取青天縹緲。雲內見麒麟。落落風塵已  
十年。故人蹤跡各蕭然。雲山滿目知何處。羈思浮眉蹙兩尖。小生孫綱是也。向因安祿山之亂。飄流  
數年。此身如寄。可嘆可嘆。自幼與王濟川陳獻夫爲友。不幸濟川往荆湖從軍。獻夫在亂中失散。彼  
此杳無音信。如何是好。小生功名未遂。志氣不衰。今當大比。只得又來赴試。以畢終身事業。但不知  
天意如何。遠遠望見幾個朋友走來。想亦是赴試的。待他同行。卻不是好。〔小生丑淨行上〕

〔滿庭芳後〕〔小生〕關山經歷盡。只見行囊絡繹如雲。從教胸次吐首對楓宸。

〔丑淨〕若得宮花壓帽。且贏他御酒盈樽。〔合〕邀同契。金鞍飛鞚。馳驟杏花村。

〔相見介丑〕客裏西風又送迎。全憑詩酒慰凋零。〔末〕十年道路雙蓬鬢。萬里乾坤一草亭。〔淨〕名  
利看來真鹿夢。江湖到處有魚羹。〔小生〕取青自信明經出。應把恩榮冠衆英。〔末〕請問列位高姓



貴表。〔丑〕小子姓錢名買的。〔衆〕願聞命名之義。〔丑笑介〕列位問及不敢相瞞。先父早喪。沒有殯費。先母將我賣與錢員外爲子。得銀安葬先父。改名買的。長大讀書。考取進學。人都叫我做錢買的秀才。〔末〕豈不道秀才無假漆無真。怎麼錢買得。此位高姓貴表。淨小子姓胡名塗。衆願聞命名之義。〔淨笑介〕列位問及不敢相瞞。小子稟性愚魯。用功忽略。每常看書。體認未真。作文講貫不切。大學題目做了中庸。論語題目做了孟子。一生在燈窗之下。不明不白。人都叫我做胡塗秀才。〔末〕豈不道小事胡塗。大事不胡塗。此位小朋友高姓貴表。〔小生〕小生王九齡。〔末背介〕好古怪。看那小朋友面貌。與王濟川無異。姓名又與其子相同。不信天下人材。有這般偶然斷像的。但未知何方人氏。待我問他。〔問介〕仙鄉何處。〔小生〕本貫陝西。〔末〕名貌雖似。籍貫不同。幾乎錯認了。〔小生〕乍會之間。何生疑想。〔末〕實不相瞞。方纔見尊容與我故友相似。姓名又同。爲此傷感。〔小生〕敢問先生高姓貴表。仙鄉何處。所謂故友者何人。〔末〕小生孫綱。本貫涿州。故友王濟川。面貌與尊容無異。賢弟姓字。又與他乃郎相同。爲此致疑。〔小生〕先生旣與王公爲友。必知其行藏。如今王公安在。〔末〕荆湖從軍。已十年矣。其時乃郎尙幼。屈指計之。目下與尊庚相彷彿。〔小生〕若是這等。先生是他

東家了。必知其妻姓氏。〔末〕怎麼不知，他妻是郭氏。〔小生拜介〕襤褸之別。歷履失詳。若非明教。幾失瞻仰。適聞老叔所言。卽小姪也。〔丑淨〕客途邂逅。偶得故人聚首。可喜可喜。〔末〕令尊在荆湖從軍。爲何賢姪又改籍陝西。〔小生悲介〕家父被人誣陷在獄。家母將小姪螟蛉與陝西商人爲子。幸是同姓。不改其名。〔末〕彼此遠隔。各不相知。可憐可憐。〔小生〕小姪此行。雖圖應試。實欲尋討父母下落。且俟應試之後。中與不中。必往荆湖。〔末〕賢姪此去。必然高中。小生忝爲同榜。〔丑淨笑介〕前程暗如漆。方纔乍會。那裏就知同中了。〔末〕是有個緣故。十年前與他令尊和陳獻夫往訪術士袁天綱相面。說他令尊有遠戍之苦。縲絏之冤。十年之後。與陳獻夫俱以軍功致貴。說小生與王賢姪同榜進士。那時王賢姪纔四歲。今日偶遇。說起來歷。前言皆驗。幸得與王賢姪同行應試。正當十年之期。爲此妄想。不覺失言。列位休怪。〔小生〕若得如此。家父與陳叔必有出身之日。〔丑淨〕袁天綱乃術士之通神者也。他許二公同榜。定然定然。〔末小生〕惶愧惶愧。說話良久。有稽路程。〔丑淨〕須索躡向前去。〔末〕請行了。

〔甘州歌〕出潛離隱正賓興。多士道路紛紛。天開文運。看取五雲輝映。功名已

際觀光會。軒冕當懷拾芥心。〔合〕詞鋒利。學海深。青霜紫電不沾塵。昌期近。喜氣騰。春風頭角羨崢嶸。〔小生〕

〔前腔〕詩書典雅文論。錦腸繡口。波瀾滾滾。青年英俊。都要披瀝胸襟。梅花香暖。催乘驛。桃浪春融。快問津。〔合〕尋雲路。奮鸚程。扶搖萬里邁飛升。登金榜。誇玉筍。共期忠孝報君親。〔丑〕

〔前腔〕龍頭屬老成。苦工夫積累。鐵杵磨鍼。蕭蕭華髮。那堪事業浮沈。圖書跌宕悲時晚。燈火青熒。怯夜深。〔合〕同行李。少故人。平生款曲向誰論。心傷昔。眼望今。新科仍是舊精神。〔淨〕

〔前腔〕林雞混鶴羣。也隨行逐隊。揚翰延頸。文場鏖戰。自覺才華通敏。杏園高詠錦標新。楓陛行瞻天表近。〔合〕三千字。五百英。鄉評始信讀書榮。南山豹。北海鷗。從教變化動驚聞。

〔尾聲〕向天衢平步穩。飈車擬度月中輪。又見劍氣橫衝萬丈雲。

喜赴玉京春。

文聲起月評。

長安花夾道。

爭看綠袍新。

### 第二十三齣

### 勦虜同功

〔衆扮軍校捧冠帶上〕將帥得人成遠略。英雄有淚奮鴻圖。除秦破楚功名會。才費留侯一卷書。我  
們是劍南道帥府軍校。昨夜飛報來說。關西堡被胡虜攻城。今早奉元帥老爺鈞命。着陳先生冠帶  
就調。我們一千軍校。隨他即刻往彼征剿。論功陞賞。迺邇行來。此間是他門首。不免徑入。且住。前日  
是我們同輩。今日是他統屬了。不免下禮相見。正在他矮簷下。誰敢不低頭。陳老爹有請。〔小外  
上〕

〔翠華引〕負劍先驅小試。微名已次詮除。竊得一枝聊寄。還期翹躍天衢。〔衆叩

頭介小外〕列位俱我同輩。何故行此禮。〔衆〕昨夜飛報說關西堡胡虜攻城。奉元帥老爺鈞命。着  
小人們一千名。即刻隨老爹往彼征剿。特送冠帶在此。請穿着了。〔小外冠帶介衆遞冊介〕這是一  
千軍士的花名年貌冊子。〔小外看介〕且喜王濟川亦在數內。此去功成。實致身之機會也。既是這

等請他出來計議。卽刻起程。〔請介生上〕

〔前腔〕異地同儕相聚。未知何事歡呼。忽爾改觀頭角。兜鍪功業非孤。〔相見介生〕且喜陳兄已冠帶了。恩出龍庭。功存虎帳。他年繫虜王頸。以授轅門。此其階矣。健羨健羨。〔小外〕王兄。豈不聞上馬能擊賊。下馬能作露布。我和你的事業。正在今日。何待他年。〔生〕這許多軍士俱有匆匆之氣。敢問何也。〔小外〕王兄兀自不知。小弟方纔所言。正爲此耳。〔生〕願聞其說。〔小外〕見有胡虜攻劫關西堡城。帥府着小弟領此千軍。卽刻往彼征剿。喜得老兄亦在此數。正好同心建功。〔生〕古人云。單于寇我壘。百里風塵昏。雄劍四五動。彼軍爲我奔。旣蒙陳兄提挈。小生豈怯此行。快去快去。〔小外〕軍士們。去取兩副盔甲來。〔衆遞盔甲生小外換介內介〕元帥老爺傳令。從征官軍卽刻赴敵。毋得延緩。〔小外〕軍務旣緊。衆軍士們聽我號令。卽刻起程罷。挽弓當挽強。用箭當用長。射人先射馬。擒賊先擒王。〔衆逐句應介內介〕關上飛報。胡虜見在四十里外燒劫民居。勢甚猖獗。〔小外〕旣是這等。衆軍士可整肅隊伍。殺向前去。〔衆吶喊隨小外生作轉行介〕

〔紅繡鞋〕霓旌天駟長驅。長驅。征聲銳氣盈途。盈途。揚利刃。控威弧。清遠塞。掃

強胡〔合〕手到處。血模糊。手到處。血模糊。〔並下淨扮胡將領衆虜上〕

〔前腔〕西戎威震邊隅。邊隅。衝鋒勢易摧枯。摧枯。攻鐵壘。破金郛。焚市井。變丘墟。〔合前淨〕咱乃西胡大將骨朵兒。尤是也。奉郎主命。攻打中原世界。昨夜已到關西堡城。殺戮人民。燒毀房屋。不計其數。所過之地。望風披靡。並沒一人敢來與咱交戰。咱好快活。好快活。把都們這裏。是何所在。〔衆〕此處已過關西堡了。離劍南城止不上四五十里。〔淨〕旣無攔阻。可乘勢併力追殺前去。〔衆應介並下小外生領衆上〕

〔前腔〕中原赤子何辜。何辜。堪傷遭此燒屠。燒屠。揮甲冑。奮干戈。俘虜長。獻神

都。〔合前小外〕你看征塵蔽野。殺氣漫空。胡虜想已來近了。〔生〕我們且扎住人馬。〔小外〕敢問何故。

〔生〕以彼久疲之兵。臨我方張之銳。不勞血刃。敵可擒矣。〔小外〕此以逸待勞。以靜制動之法也。正是。軍士們傳令下去。把人馬扎住。一字兒擺定。勿得擅動。待他來時。然後交鋒。〔衆應擺介胡虜上〕

〔前腔〕銅肝鐵膽雄徒。雄徒。張牙露爪前趨。前趨。好解頓。倒辣酥。歌得勝。醉穹

廬〔合前交戰擒虜介小外〕軍士們傳令將斬獲首級計了數目。生擒者牢固綁縛。解送軍門處決。其

有功之人各赴軍正司紀錄。明白論功陞賞。卽刻班師。毋得擾害地方。違者以軍法論。〔衆應行介

小外〕

〔四邊靜〕腥膻羣醜凌疆域。黎元屢遭阨。玉帳運金符。貔貅奮威力。〔合〕不勞

刃鏑。須臾戰克。歌凱振雲鏡。飛章奏王國。〔生〕

〔前腔〕玉驄纔試馳金勒。披襟建奇績。繫虜授轅門。干城倍生色。〔合前〕

破虜功成萬壘降。旌旗遙映蜀山蒼。

聖朝隆爵頒恩賞。麟閣行收第一場。

### 第二十四齣 因詩賜配

〔轉山子〕〔貼上〕白嘆紅顏多薄命。恁孤寂長門。秋風緊團扇銷魂。疎月映珠

簾搖悶。把鮫綃染透啼痕。妾少民家女。十六入深宮。箕帚不辭勞。鍼黹非不工。妾比曹大家。文

藝聊能通。雖無絕代姿。頗與儕輩同。宮中罕次序。䟽昵爲卑崇。選妾今幾年。未在宣召中。蕭條金瑣

寒。蟋蟀吟西風。蟲聲意能了。道妾難言衷。逝景迫朱顏。惻惻覽青銅。奴家自從前日縫紉續衣。偶題一詩在內。託物寓意。不知着在那一個有緣軍士身上。一向朝思暮想。此心若有所感。形於夢寐之間。每日排遣不下。如何是好。〔嘆介〕昨夜奴家忽夢自身化爲一鳳。立于殿下。又見一鳳飛來。與我和鳴交舞。兩兩騰空而出。不知主何兆也。且待劉鄭二姐來。相與推詳之。便見分曉。〔老旦旦上〕

〔薄倖〕 〔老旦〕恨殺昭陽蓮籌聲永。〔旦〕幾見金爐香燼。漫自氤氳。〔合〕心愁如縷。因時牽引。〔老旦〕妾自至深宮。轉眼復幾春。君王曾一顧。形似兩未真。歛如夢中遇。既寤求無因。望望小羊車。不碾永巷塵。〔旦〕妾心與顏摧。薄命難具陳。含情立花底。羞池愧芳辰。花穠會有謝。奚必悲妾身。但願君身強。長對如花人。〔相見介老旦〕王家姐。你連日紅光滿面。丰采倍常。可喜可喜。〔貼〕久處深宮。常覺心緒不寧。神思困倦。有何喜哉。〔旦〕新愁舊恨。料得彼此同然。身羈無可奈何之地。只索排遣而已。〔貼〕奴家夜來得一奇夢。敢煩二位姐姐推詳。〔老旦旦〕願聞。〔貼說夢介〕不知主何兆也。〔老旦〕以鳳求鳳。乃夫妻諧遇之象。〔貼嘆介〕身在禁中。安得有此。〔旦〕天下偶然之事。豈謂盡無。先朝太宗爺曾放宮女三千出去。倘後朝廷亦有此舉。豈不應你夢兆。〔末扮內



臣上。追究縫衣女。根求寓翰情。萬歲爺有旨。〔二日跪介末示詩介〕此詩是誰所作。縫在續衣內。爲軍士所得。昨日劍南道帥臣具奏此事。爾諸女之中。曾作此詩者。當直承認。毋得隱諱。〔老旦〕奴家劉氏如花。素不識字。未嘗作此。〔旦〕奴家鄭氏似玉。素不識字。未嘗作此。〔貼看詩驚介〕奴該萬死。〔末〕萬歲爺有旨。饒你罪責。可將作詩之情。從實道來。〔貼叩頭介〕皇恩浩大。曲蒙原宥。冒死敢言。

〔二學士〕物類洪纖知牝牡。自憐當永廢婚姻。縫衣偶爾傷時事。故繆賦俚言。意有存。〔扣頭〕感荷王明原味。蠢似朝陽照覆盆。〔末〕萬歲爺有旨。宮女王慧姬。賦詞瞻麗。造意溫醇。雖寓懷春之私。不忘厚別之道。事固弗詢。情實可矜。伊欲結後生之緣。朕爲諧今世之配。特賜放出宮。着兵部量備衣飾。差人護送至劍南道。給與冠帶軍士陳時策爲妻。謝恩。〔貼叩頭〕萬歲。萬歲。萬萬歲。〔末〕王家姐。你真是大造化。可賀可賀。

〔前腔〕欽賜姻緣成合巹。祇爲恁義重人倫。續衣詩句通芳信。恰正與御水流紅美並論。此去巫陽雲雨近。王家姐。你那時節呵。要晨昏感聖恩。〔老旦旦〕

〔前腔〕卿家夢兆真有準。〔末〕他又得何夢。〔老旦旦〕隨一鳳自化凰羣。翱翔雙出宮城外。〔末〕這是夫妻諧偶之兆也。〔老旦旦〕須信是應在前生繫赤繩。〔悲介〕王家姐。我們和你相處幾年。情同骨肉。今日呵。驟爾分攜。情豈忍。恨聲吞。淚雨紛。〔貼〕

〔前腔〕託物鳴衷誠可哂。誰承望感動明君。推恩錫類成吾願。〔末老旦旦〕王家姐。你今日之事。曠古奇逢。〔貼〕可知道從來事罕聞。〔悲介〕二位姐姐。奴家此別。後會無期。好苦。執手相看心隱隱。從今後呵。望雲山。日幾顰。〔末〕人生聚散自有定數。何必苦楚。王家姐作急收拾出去。

青鸞飛入合歡宮。

紫鳳啣花出禁中。

不是續衣詩句好。

那知雲雨在巫峯。

### 第二十五齣 廷對及第

〔上林春〕〔外上〕思遶風雲。光依日月。司文柄棘圍方撤。門牆桃李芬芳。盡是知名之傑。北望天門拜冕旒。文光遙映五雲浮。董生獨對天人策。應慰王明如渴求。下官乃翰林學

士是也。職居鼇禁。名重鑾坡。黼黻皇猷。繼先王之統緒。文章大筆。爲後進之規模。馳道駸駸。堪誇獨步。講帷濟濟。可信知名。金馬玉堂。夢熟黃梁富貴。冰甌雪碗。才優青瑣精神。朝登瀛洲。暮賜蓮炬。銀鉤勢壓蛟龍榜。玉佩聲聞虎豹關。奉命省闈校文。率領中試舉子。伺候臨軒策問。衆舉子早來。〔小生末丑上〕

〔紅林擒〕千佛經中名列。喜氣盈頤頰。鳳詔錦袍期奪。嚴蹕聽初傳。鹵簿胥陳設。青雲隨步朝金闕。各要把此衷竭。〔小生〕射策金門拜冕旒。〔末〕仙韶音振日華浮。〔丑〕縱橫禮樂三千字。〔合〕盡吐忠貞應詔求。〔小生〕吾輩禮闈中試。且喜成名。〔末〕今日廷試。各陳所見。以備采納。〔丑〕聖駕已陞殿了。〔外〕廷試諸生。不得近前。只此敷對。〔小生末丑跪介外〕皇帝清問。人君致保邦之道。固非一端。諸士子幼學壯行。必有得其要者。各颺言之。毋泛毋略。〔小生〕臣對。臣聞爲政之道。務在於得民。感民之幾。不外乎尙德。欲宣大化。當法先王耳。

〔風入松〕唐虞二代本摩漸。至於今爲憲。伏願皇上祖述堯舜。憲章文武。裁成輔相。能無歆。使斯世斯民丕變。竊惟德之流行。速於置郵而傳命。民之感化。淪於肌膚。浹於骨髓。不識

不知順帝之則。無爲而天下治矣。羨皞皞功歸自然。保國祚固如盤。〔外〕左邊舉子。有何策略。上前敷對。〔末〕臣對。臣聞爲治必先於愛民。而愛民又先於節用。用足則本固。本固則邦寧矣。  
〔前腔〕彌綸天地位相參。念下民昏墊。伏願皇上目擊時艱。躬行實政。輕刑薄稅。崇恭儉。及土木遊畋胥免。竊惟得乎丘民。而爲天子。國無興作。則民不勞。國無征求。則民不困。衣食足而後教化行。禮義明而後知親戴其長上矣。感德澤真同海涵。指日見奏韶咸。〔外〕右邊舉子。有何策略。上前敷對。〔丑〕臣對。臣聞國家之患。在乎北虜。而經理之要。急於預圖。圖之有要。則虜可制而患自止矣。

〔前腔〕作民元后宰中原。在華夷當辯。竊惟禦外侮者。必主於內修。目今胡奴犯境呵。和親不足以結其好。歲幣不足以釋其貧。野心狼子慾無饜。伏願皇上居安思危。以圖治於未然。要足食足兵防範。武備旣修。邊方自固。順則綏之以恩。逆則示之以威。使知得天王分嚴。永稽顙向天南。〔外〕諸省元之策。條對詳明。識見超越。皆用世之才也。天顏甚喜。就有玉音傳降。〔小生末丑〕多謝老先生提攜。〔生淨扮內臣〕且貼扮女官捧冠服衆作鼓吹上。

〔滿園春〕彩筆光生日正暹。臚傳楓陛動觀瞻。青瑣名香。丹墀恩寵。朱衣頭點。  
〔生〕奉聖旨。王九齡策意以德化民。是欲致於王道。誠宰輔之器也。特冠多士。可第一甲第一名。賜  
進士及第。授翰林侍講。〔小生叩頭介〕臣伏蒙聖恩。無任感戴。〔生〕孫綱以節用愛民立議。深得濟  
時之略。可第二甲第一名。賜進士出身。授監察御史。〔末叩頭介〕臣伏蒙聖恩。無任感戴。〔生〕錢買  
的意在安邊。謀尊國體。占之他日。能當一面之寄。可第三甲第一名。授兵部員外郎。〔丑叩頭介〕臣  
伏蒙聖恩。無任感戴。〔生〕鴻臚寺具鼓樂送狀元歸第。謝恩。〔小生末丑換冠帶謝恩介〕萬歲。萬歲。  
萬萬歲。〔小生〕

〔二〕段鮑老催。柴桑素寒。分含章終身自淹。文升御覽。幸登庸榮生陛廉。天衢  
馳騁誇先占。英雄五百稱豪膽。似荆山玉鬱浦珠。豐城劍靈光瑞燄。乘時現。  
〔合〕長安夾道花欲然。春風十二珠簾面。〔末丑〕

〔前腔〕神龍出潛。際風雲飛騰廣淵。青錢中選。泥金信鄉閭喜談。幾年文價光  
磨閃。一聲霹靂乾坤撼。看蟾宮步。雁塔名瓊林宴。八珍異饌天廚薦。〔合前〕

〔滴滴金〕〔外〕宮袍柳色新醇染。杏苑歡聲壯吟膽。玉驄蹀躞康莊遍。近嫦娥。依袞冕。瑜瑕不掩。紅香十里人青眼。人青眼。追蹤晁董何忝。〔合〕

〔雙聲子〕功名會。功名會。造物從公典。胸襟展。事業期。弘遠榮兩監。榮兩監。須。須。須。龍。龍。龍。效。效。效。龍。龍。龍。匡。匡。匡。贊。贊。贊。斯。斯。斯。無。無。無。圭。圭。圭。玷。玷。玷。

〔餘文〕都俞吁咈黃金殿。誰不慶當今文獻。好把崇功振兩間。

龍旂姓字動長安。

九陌人人走馬看。

聖主勃興圖治急。

早輸抱負濟時艱。

### 第二十六齣 郵亭失珠

〔趙皮鞋〕〔末上〕服役在公門。差使日紛紜。南北東西走似騰。沿途不怕盤詰

問。自家是兵部一個軍校。蒙正堂老爺奉聖旨着本部備辦衣飾。護送宮女王慧姬到劍南道。配與軍

士陳時策爲妻。批差我去。批上有脚夫朱快。官婆田氏。卽刻就要起程。不敢遲誤。脚夫官婆走動。

〔丑淨內應上〕

〔大齋郎〕奉公文。不拘早共昏。登山涉水冒風塵。這番勞碌豈勝論。劍南迢遞。又得來往十餘旬。〔見介末〕你是田氏。〔丑〕老身便是。〔末〕你是朱快。〔淨〕在下便是。〔末〕本部批文已領。只等你們到了。請出宮女上路。〔丑淨〕事出官差。勢不容緩。長官就此起程罷。〔末〕田媽媽。你去請王貴人出來。〔丑做請介貼上〕

〔西地錦〕自分終淹宮壺。誰期勅賜連姻。雲山此去知遙近。依稀是夢中身。偶寓續衣詩。竊比題紅葉。紅葉締良緣。衣亦成姻業。物雖不爾同。先後均一轍。感沐君恩深。皇圖願如結。〔見介末〕告貴人知道。天色已明。請收拾上路。〔貼〕勞你衆人。不當穩便。且到劍南。自行相酬。〔衆〕俱是官差。何必計較。〔貼〕收拾已完。只索起程罷。〔行介〕

〔朝元歌〕纔離紫宸。平步蓮鞋穩。白霧黃雲。遶壑漫山滾。淡月疎星。殘輝隱隱。追憶昭陽宮嬪。數載同幽。知心劉鄭。惟二人。從此斷音問。淒清實可矜。〔合〕山遙水永。何處是劍南之郡。劍南之郡。〔丑〕王貴人。

〔前腔〕幸恁初離機筭。如魚脫餌綸。此去勝南金。得效于飛。鴛鴦交頸。願取情

隆合卷。鳳瑟鸞笙。和鳴白首無替陵。竊羨戍邊軍。緣深諧此親。〔合前貼〕

〔前腔〕堪羨浮蹤不定。行行過幾村。四顧景氤氳。日斷蒼荆。盈腔離恨。〔取珠看

介〕都是明珠牽引。遠聽前林。數聲啼鳥驚我心。行役苦生蠻。茫茫將斷魂。

〔合前末淨〕

〔前腔〕遙向天涯投奔。晴光蕩紫氛。觸景思難禁。行李一肩。回期無準。漸覺形疲神困。忽見河濱。漁樵彼此賡唱頻。烟暝日垂曛。歸鴉追及羣。〔合前〕

〔尾聲〕去心忙。行步緊。望中河岸度城陰。今夜古驛孤檠暫駐輪。〔貼〕這裏是何

所在。〔末〕此是潞洲褱亭驛了。天色已暮。請王貴人進去安歇。明日早行。〔貼〕正是這等。〔失珠介〕

啣命連姻向劍南。  
可知人在五雲端。

今宵古驛愁相對。  
炊盡黃梁夢怎酣。

〔淨上〕人無橫財不富。馬無夜草不肥。今日挑了行李。走了一日。不勝勞倦。方纔見那宮女。懷中落下一物。不知是甚麼東西。一時人衆。不好拾得。如今安置他們坐地。我假託登東。獨自出來尋取。多



少是好。〔拾珠介〕阿呀。我道什麼東西。原來是一顆明珠。想在宮中偷出來的。我拾他雖沒用處。且帶回去。換些酒肉喫也好。正是踏破鐵鞋無覓處。得來全不費工夫。〔下〕

### 第二十七齣 赴婚遇見

〔鳳凰閣〕〔外上〕將星明現。赫赫中原垣翰。張皇鈇鉞奮威權。大纛高牙掣電。整頓江山。聽轅門凱旋。〔玉樓春〕蟠胸萬甲英雄氣。宣勞制閩驅天驥。三秋風色繡裘輕。千里霜威金斧利。西陲保障憑忠義。會布王明勤恤意。月高犬吠自安居。天盡貔貅無警勢。下官乃總制劍南道軍務大元帥楊韜是也。素抱朴忠。蘊濟世經邦之略。幸叨科甲。傾捫天捧日之誠。薦陟崇階。允肩重寄。折衝千里。張國家九伐之威。決勝萬全。奠山河四維之固。敢自偷安於幃幄。益惟補報於涓埃。每懷後樂先憂。殊甚夙興夜寐。效虞庭振旅。舞干羽以來不臣。如周室修文。歸馬牛而示弗用。正是劉琨坐肅風生苑。謝朓裁詩月滿樓。向有胡虜攻打關西堡城。隨遣冠帶軍士陳士策。領兵一千。赴彼征勦。不料他有新到軍士王楫協力奮戰。遂能克敵。已將此功飛奏朝廷了。待旨意下來。定有陞賞。〔小外生上〕

〔步蟾宮〕〔小外〕平胡功就返金韉。山倚秋空劍氣寒。〔生〕姓名上逮建章邊。行看稽顙皇宣。〔相見介外〕你二人奮志勤王。不負遺大投艱之託。宣威克敵。足徵長驅遠馭之材。他日分節制於三邊。寄干城於萬里。此其選矣。下官不勝欣幸。〔小外生〕某等器非弘遠。幸荷提攜。謀本迂疎。誤塵任使。竊效些須之力。偶成尺寸之功。過辱吹噓。奚勝愧悚。〔外〕前日報捷之後。已將你二人功次。飛奏朝廷去了。不日旨意下來。定有陞賞。〔小外生叩頭介〕感謝元帥不盡。〔左右介〕稟老爺知道。朝廷勅使到了。〔外〕叫中軍官快排香案來迎接。〔小生捧詔上〕九虎天關明日。月。五雲丹鳳下絲綸。皇朝特重安邊計。寵錫恩榮報懋勳。聖旨已到。跪聽宣讀。〔外小外生跪介小生〕皇帝詔曰。朕惟爲國求賢。固大臣協恭之道。論功頒賞。尤當寧旌勸之機。邇者總制劍南道軍務大元帥楊韜奉稱。冠帶帶俸官校陳時策。參謀軍士王楫。秉心赴敵。合力宣勞。殄滅兇殘。事同拾芥。肅清土宇。勢若轟雷。歡聲洽於萬夫。勝氣橫於千里。用彰懋績。宜錫殊恩。茲特授陳時策爲平虜將軍。分鎮劍南東道。王楫爲靖虜將軍。分鎮劍南西道。仍聽大元帥節制。其餘有功軍人。每功給銀五十兩充賞。謝恩。〔外小生生叩頭介〕萬歲。萬歲。萬萬歲。〔小生相見介〕叫左右的請過聖旨。分付

中軍官。安排酒席。管待天使。〔小生〕復命緊急。不敢久稽。就此告別了。使節尋常銅柱外。天威咫尺。玉階前。〔下外〕二位。昨是軍中戍士。今爲闡外命臣。勢分相懸。恩榮可羨。叫左右的。取冠帶過來換了。〔左右遞冠帶小外生換介〕某等本葑菲下材。一旦蒙朝廷嘉典。自非大元帥援引之力。安能至此。受恩感激。撫己戰兢。〔拜介〕

〔皂羅袍〕竊忝元戎推薦。使駑駘策勵。驟爾驅前。戰兢殊覺切冰淵。枕戈衽革。惟黽勉。〔合〕文章炳煥。簪纓燦然。宣威耀武。干城允肩。從今謾把經綸展。〔外〕

〔前腔〕喜得英雄三箭。定天山。仍舊鞏固如磐。諸蠻無事樂耕田。春風和氣中原遍。〔合前貼丑末上〕

〔謁金門〕〔貼〕題續怨。不道遂諧鸞選。幸荷昭陽恩命遣。特地尋仙院。〔丑末〕雲擁嫦娥離月殿。今日星郎歡忭。〔合〕涉水登山來路遠。緣情應不淺。〔末〕告貴人知道。此是劍南帥府了。喜得府門正開。不免進見。〔左右白見介末〕小人是兵部差來的。奉聖旨護送宮女到老爺麾下。賜與冠帶軍士陳時策爲妻。〔貼叩頭介外〕你就是作詩在續衣內的麼。〔貼〕

奴家偶拂鸞牋。幸諧鳳侶。雖蒙聖天子推恩之命。實本大元戎核實之章。奴家不勝感愧。〔外〕看你儀容雅飭。翰墨清新。誠女中之傑出者也。昔爲宮姬。今爲命婦。亦無忝所生矣。吾當以禮相待。〔指小外〕這是陳將軍。〔貼見介外指生介〕這是王將軍。〔貼見悲介〕那將官好似我哥哥模樣。〔生悲介〕那宮娥好似我妹妹模樣。〔外〕朝廷賜與陳將軍爲配。你兩下裏素未相識。爲何下淚。〔生〕卑官有數年離怨。故觸目驚心。偶然傷感。〔背哭介〕

〔園林好〕止不住盈盈淚漣。禁不過衷腸痛煎。〔細看貼介〕那裏有恁般顏面。與我妹並嬋娟。苦雙眼注將穿。〔貼背哭介〕

〔前腔〕猛省着鵲鴿在原。瞥見了荆花舊妍。〔細看生介〕難信道形容皆變。語音在似當先。把骨肉意空懸。〔小外〕

〔忒忒令〕這宮娥愁容可憐。平白地淚拋如霰。〔又看貼介〕細覷他行藏舉止如曾見。莫不是夢中相善。枉教我詳顧盼。費躊躕。想不起是何年。〔外〕

〔前腔〕見他們眉攢翠尖。聽他們悲聲吞燕。兩下裏似嘗聚首生繾綣。這幾微

令人難聞。祇落得心悒快。淚潺湲。驚耳目。起猜嫌。你兩下裏倘有真情。各宜實道。勿得隱諱。徒生饒舌。〔生〕卑官有一妹。向被選入宮中。絕隔數年。適見宮娥。年貌相似。故此感傷。〔外〕宮娥。你是何姓名。籍貫那裏。上有兄否。〔貼〕奴家王氏慧姬。原籍涿州。有兄王楫。見在荆湖從軍。〔外〕若是這等。王將軍正是你兄了。〔生〕阿呀。果然我妹妹。〔貼〕天那。正個是我哥哥。〔生貼近哭介〕

〔尾聲〕同枝落落遭時蹇。詎料今朝趙璧完。信是骨肉悲歡意各專。〔小外〕軍旅之中。非哭泣之所。賢兄妹請省愁煩。且到私宅。再敘親情。〔外〕因寓詩而成夫婦之禮。因行禮而合兄妹之情。曠古奇逢。於今罕見。難得難得。叫中軍官取鼓樂轎馬。送陳將軍回去成親。〔左右介生小外貼謝介〕

勅降仙姬下九重。

笑啼交集敘行蹤。

今宵各把銀缸照。

猶恐相逢是夢中。

### 第二十八齣 吉筵敘故

〔生小外貼丑弔場衆扮樂人淨扮賓相上送行介左右〕

此是衙門首了。稟老爺夫人。請下轎馬。

〔衆介淨〕擯相磕頭。稟老爺行禮。〔小外〕軍旅之中。凡百不能周備。你可從簡些。〔淨〕得令。〔西江月〕絳燭高燒華屋。瑞烟香噴金爐。五雲遙映錦模糊。褥隱芙蓉滿座。屏展花叢孔雀。圖開鳳集高梧。玉人此日結絲蘿。欣幸風流無數。請老爺夫人拜天地。〔小外貼拜介淨〕〔西江月〕契合翠鸞好夢。蚤緣紅葉良媒。昭陽恩出聖心推。千里神交成配。路入桃源爛熳。橋橫銀漢昭回。巫山雨漫碧崔嵬。此際歡娛爲最。請老爺大人望闕謝恩。〔小外貼拜介〕萬歲。萬歲。萬萬歲。〔淨〕老爺夫人交拜。〔小外貼對拜介淨〕請王老爺受禮。〔小外貼拜生介淨〕伏以古者制禮。婚姻非受幣不交。今也從宜。男女以及時爲尙。肆在黃華之候。爰修紅葉之緣。秦晉同休。成兩姓綢繆之好。朱陳媲美。締百年嬾婉之歡。鳳鸞佇聽於佳占。烏雀歡迎於巧夕。今日乃正倫之始。此時爲倡道之初。琴瑟相調。葭莩共倚。宜其室。宜其家。允矣蘋蘩之潔。俾爾昌。俾爾熾。願言蘭桂之芬。請老爺夫人就席。〔小外遞酒介〕

〔畫眉序〕燈月照佳期。罨畫堂中繡筵啓。喜仙姝今夕。共挽紅絲。風光在珠翠叢中。和氣滿笙歌聲裏。〔合〕一詩感動宸衷憫。成就百年姻契。〔貼〕

〔前腔〕天向此中移。千里魂交似魚水。且杯銜合盞。喜色盈頤。妾應慚跨鳳嬌。

娃。郎何忝乘龍佳婿。〔合前生〕

〔前腔〕冰玉兩相輝。此會須拚共沈醉。把霞觴酬勸。笑語怡怡。正堪誇玉帛縱橫。還可愛絲蘿依倚。〔合前衆〕

〔前腔〕香霧噴金猊。珠履三千豔羅綺。羨室家相稱。琴瑟相宜。晚妝餘鏡掩紅鸞。酣飲處樽浮綠蟻。〔合前生〕酒多了。可把席面撤去。且將家事一講。〔衆收介貼〕哥哥。奴家

入宮數年。如隔塵世。不知母親一向安否。〔生悲介〕我在荆湖。久未得見。可問妹丈。便知端的。〔貼〕相公。既知家母消息。乞見教一番。〔小外〕夫人。聽我相告。

〔江兒水〕別後兵戈起。金湯頃刻危。生民塗炭難逃避。至親轉輾皆離棄。〔貼驚介〕會見我家母麼。〔小外〕亂軍中見恁老母同韓姊。匍匐崎嶇之地。〔貼〕好苦。我母親那曾受這樣驚恐。後來怎麼。〔小外〕此後音稀。未審更棲何處。〔貼哭介〕

〔前腔〕聆此驚心語。令人倍慘悽。不覺魂飛魄散難存濟。我那娘呵。最苦是桑榆遭末世。頽形寡跡知何寓。願死相從無計。只隔烟水雲山。母女一般愁緒。〔生〕

妹妹不必哀傷。待我差人多方打探下落便了。〔貼〕哥哥在荆湖從軍。何由到此做官。〔生悲介〕一言難盡。〔貼〕願聞其詳。〔生〕妹妹。我到那荆湖呵。

〔五供養〕命宮臨否。驀遇姦雄。調侮吾妻。你嫂嫂不從。我與那人爭毆一場。就遭他鼠牙并雀角。險健構虛詞。〔貼〕他告哥哥甚麼。〔生〕誣告我殺傷本管長官。律該絞罪。〔貼〕雖則

如此。問官自有公道。〔生〕咳。說那問官怎麼。羅吉偏私。鍛鍊成招擬死。〔貼〕那時嫂嫂姪兒。不勝苦楚。〔生〕你嫂嫂料我必死。先把我孩兒螟蛉爲客嗣。自盡太和嶠。〔貼悲介〕嫂嫂棄了孩兒。先去自盡。可憐可憐。〔生〕死別生離。心如刃錐。〔貼〕以後哥哥何由辯脫此罪。

〔生〕朝廷因北斗之變。特頒大赦。我得免死。調衛到此。不想正遇妹丈。同往勦賊。有功得拜官爵。〔貼〕相公。你素稱大儒。何不應舉。乃在此處立功。〔小外〕夫人聽我相告。

〔前腔〕兵荒極矣。城郭丘墟。靡有子遺。那時東奔西走。無計資身。只得棄文就武。來到此間。轅門爲旅士。仗劍效驅馳。我與舅舅同去勦賊。戮力衝鋒。克敵功奇。蒙元帥將此功申奏朝廷。舅舅授靖虜將軍。下官授平虜將軍。沾恩同拜爵。分鎮道東西。今日不惟我



夫妻得合。又喜你兄妹相逢。骨肉悲歡。交并此時。

〔尾聲〕〔貼〕續衣若不藏詩句。〔合〕那得相逢慰所思。猶恐音容真夢裏。〔生〕妹丈。你記得袁天綱之言否。〔小外〕所言皆驗。毫釐無差。〔貼〕既有此說。請言其詳。〔生〕當初在家之時。術士袁天綱相我遠行遇難。當重刑而貴。相妹丈飄流邊塞。以軍功而貴。〔貼〕果然皆驗。得非神僊之流耶。〔小外〕不只此事。我與夫人成婚奇遇。也曾斷過。〔貼〕若是這等。奴家與相公姻緣。皆由天數。〔小外〕舅舅還記得一言否。天綱斷我和你不由黃甲出身。今果然矣。他又斷孫天驛與令郎同年進士。豈不應乎。〔生〕若據前事已准。則小兒與天驛必有好日子。

談玄術士決將來。

妙應於今豈浪猜。

萬事不由人計較。

一生都是命安排。

### 第二十九齣 珠傳女信

〔醉落魄〕〔丑上〕資生欲覓蠅頭利。懸帘市酒爲恆計。算來強似荷鋤犁。也覺得便宜。老身在京城西市開酒肆。幫我姪兒營生。不想我妹妹與媳婦來此。求得袁天綱法力。招致七

僧到我家。飲了兩缸酒。朝廷知道。差內臣來宣他。他化作清風。都不見了。次日司天監官奏稱北斗不見。想就是七僧變化了。虧殺袁天綱奏勸朝廷。大赦天下死囚。因此我甥兒王濟川改調邊衛。又不知何地方。放心不下。終日被他婆媳婦兩個在此啼哭。一個思量兒女。一個思量丈夫。老身時常勸他。兀自不肯寬解。可憐可憐。今日閒暇。不免請他出來消遣一番。多少是好。〔叫請介老旦旦上〕

〔海棠春〕黃耳久忘機。聚首長吁氣。〔相見介丑〕妹子甥婦。王濟川遇赦。已得生了。你兩個

何苦啼哭。〔老旦旦〕雖得免死調衛。不知何處。遠近好歹。爲此傷感。〔丑〕說那裏話。我看你

〔羅江怨〕鸚鵡鬢已絲。斜陽易西。豈應旦夕兒女啼。人生能有幾期頤也。甥婦

你過來。若論你事姑之道。就養無方。不但供甘旨。〔旦〕婦人職主中饋。不供甘旨。還有甚的。

〔丑〕元來你不知道。當初老萊子孝奉二親呵。斑斕戲舞衣。斑斕戲舞衣。祇爲着娛親意。生離死別。都有定數。從今已後。做婆婆的自當寬解。做媳婦的須要小心承順才是。〔老旦旦〕

〔前腔〕終朝嘆別離。難舒兩眉。〔丑〕事出無奈。徒傷也何益。〔老旦旦〕衡陽迢遞歸雁遲。令人注瞬向天涯也。悶上心來。痛若傷流矢。哀至淚生。情不容已。當初韓娥之齊。鬻

歌假食。聞聲一里悲。聞聲一里悲。哀衷不比含辛淚。〔淨上〕有地岑成岳。無根草不春。橫財終日有。豈富命窮人。自家是軍餘。朱快前日蒙兵部差送宮娥往劍南。到褫亭驛前。那宮娥失落明珠一顆。被我拾取回來。沒有用處。將去酒肆中換些酒食醉飽。不枉這場辛苦。〔行又住介〕且住。這件東西。元是宮中之物。倘被傍人看破。反惹是非。惟西市韓家最好。那媽媽時常見我指引些主顧作成他。並不和我計較。不如逕往他家罷。迤邐行來。此間就是。〔見介丑〕朱快。你手中拿甚東西。〔淨〕是一顆明珠。〔丑〕要他何用。〔淨〕實不相瞞。連日沒有生意。將來換些酒肉喫。〔丑〕拏來我看。〔淨遞珠丑看介〕妹子。你看這珠。好像你嫁時之物。〔老旦〕物之不齊。物之情也。不信有這等事。〔旦〕或者偶然相像。婆婆須用仔細看。〔老旦看珠悲介〕

〔催拍〕忽覩明珠舊輝。頓驚心不覺涕洟。〔淨〕這珠是遠來之物。只恐不是你家的。〔老旦〕雙雙隨嫁貲。〔淨〕元來你的珠是兩顆。如今爲何只有一顆。〔老旦〕有子從軍。贈向邊陲。

〔淨〕還有一顆。卻在那裏。〔老旦〕有女之京。贈入宮闈。〔淨〕雖是這等。你不要錯認了。〔老旦〕親手製。線組纍纍。分明是復何疑。〔旦〕這珠莫不是婆婆與我夫妻的。〔老旦〕不是。

這正是與你小姑帶入宮的。已及數年。不知那人從何得來。〔丑〕你把這珠來歷。從實一說。多換些酒肉與你。〔淨〕列位奶奶聽我告稟。

〔前腔〕我本是公差健兒。送宮女劍南乍回。那宮女在褹亭驛前失落這珠。我便拾取。

〔老旦〕你既送他去。必知何方人氏。姓甚名誰。〔淨〕是涿州王慧姬。〔老旦悲介〕天那。正是我

女孩兒了。爲什麼官差你送他去。〔淨〕託物傳情。續服縫題。〔老旦〕他題詩在續衣內。後來

怎麼。〔淨〕那詩分在一個軍士。元帥知道了。申奏朝廷。感動宸衷。勅賜于飛。朝廷見了這詩。

不只是饒他罪責。反給與那軍士爲妻。〔三旦〕也是傳聞。恐不端的。〔淨〕親眼見端的無欺。

〔三旦〕不信有恁般希罕之事。〔淨〕如此事。古來稀。〔老旦〕

〔前腔〕荷得皇天鑒茲。於吾女不遽愁遺。〔丑〕我甥女雖嫁個軍士。也得遂室家之願了。

〔老旦〕遲歸幸有時。豈料囚鳳脫此金羈。克遂和鳴。其羽差池。今日裏骨肉

驩虞。相慶幸。免嗟咨。〔旦〕

〔前腔〕悵憶雙雙繫珠。昔姑氏分遺兩兒。這一顆呵。今朝得所歸。小姑有了信息。已

慰親顏。甚解憂思。那一顆呵。在九齡孩兒處。更適遐方。畢竟何之。〔哭介〕方纔見物是人非。怎禁得淚偷垂。〔丑〕我曉得了。婆婆見這珠。添得一喜。媳婦見這珠。添得一憂了。

〔前腔〕論憂喜出於秉彝。在物情尤宜類推。雙珠逢百權。兄妹多艱。彼此分攜。

〔旦〕此珠一在一亡。不能無感。〔丑〕合浦終還。緩速難齊。甥婦不必愁煩。看此物既着神奇。如趙璧有完期。〔淨〕伺候長久。韓媽媽打發我去吧。〔丑〕小廝取些酒肉。打發朱快去。〔淨〕怕一頓用不盡許多。〔丑〕後次再來。〔淨謝介〕

明珠今日報佳音。

水遠山長無計尋。

莫向杜鵑啼處說。

不關愁者也消魂。

### 第四十齣 與珠覓珠

〔淨上〕富貴從來別等倫。皆因造化不均匀。有福之人人伏侍。無福之人伏侍人。昨日將明珠與韓媽媽換酒肉喫了。受用不盡。今日正要去找帳。再喫他些東西。誰想兵部新任錢員外老爺撥差我。跟隨翰林王侍講老爺。我們錢老爺是王老爺同年進士。見他清冷衙門。乏人使用。故着我來伏侍。

正是往役庶人義。官差不自由。只得住在此伺候。〔小生上〕

〔緜山月〕富貴逼人來。視昔誠霄壤。天涯雙皓首。夢倚門閭望。〔臨江仙〕乍預曲江聚飲。坐先玉筍諸英。鳳池隨步路塵清。雁行聯北塞。鷗浪破南溟。十載依稀成一夢。此身雖在堪驚。幾番搔首憶飄零。風寒紅葉落。山障白雲橫。王九齡忝中狀元。官授翰林侍講。且喜驥足先馳。鰲頭獨占。榮適如志。流官罕比。只是雙親淪落天涯。未知消息。昨已上表辭官。欲往荆湖尋取下落。料聖天子以孝治天下。必准此奏。待旨意下來。打點前去。〔看珠悲介〕珠。你出於蚌胎。留於龍領。或能媚川。或能照乘。今而流在我手。終於埋沒。那再有光明之日。可憐。

〔解二醒〕歎明珠當時懸項。又不是韞櫝而藏。十年日夕相偎傍。若左右就高堂。珠。你夜光何事偏投暗。合浦無期得復還。〔哭介〕空思想。雖知物是。人在殊方。

〔淨低聲介〕這顆明珠。比我前日拾的恰似一般。更無二樣。〔小生〕朱快過來。你見我看這明珠。爲何自言自語。〔淨〕老爺問及。豈敢隱諱。小人向蒙兵部差往劍南公幹。路上拾珠一顆。與老爺手。中的相像。其間有個分離緣故。適見老爺有覩物思人之意。爲此傷感。不覺失聲。望乞恕責。〔小生〕

我不怪你。且說有甚分離緣故。〔淨〕既是這等。小人大膽。敢借老爺手中明珠一看。便見分曉。〔看介〕阿呀。

〔前腔〕觀明珠果然相仿。〔小生〕你那拾的。知是誰人之物。〔淨〕王嫗物兩顆聯光。〔小

生〕既是雙珠。爲何又拆散了。〔淨〕祇緣兒女難廝放。分贈別去遐方。〔小生〕他兒女往何處。作何勾當。〔淨〕兒從補伍荆湖往。女選宮娥赴上陽。〔小生〕雖則相似。怕不是一

樣的。〔淨〕同一樣。垂紉繫組。製度端詳。〔小生〕既同一樣。可取那顆與我看。〔淨〕那珠

雖小人拾的。今在韓媽媽家裏。〔小生〕你纔說是王老嫗分贈與兒女去了。爲何又在韓家。〔淨〕那珠是小人拾取宮娥王慧姬的。拏去韓家換酒喫。不想韓家妹子王媽媽見了那珠。啼哭起來。小人問其緣故。方知宮娥正是他女兒。荆湖從軍的正是他兒子。〔小生悲介〕天下有這等偶然之事。那媽媽還說甚的。〔淨〕那媽媽知道女兒蒙朝廷賜與軍士爲妻。卽時轉悲爲喜。媽媽有個媳婦。反啼哭起來。〔小生〕又是爲何。〔淨〕因見那珠不是丈夫原物。思想孩兒沒有下落。叫他名字。放聲啼哭。因此小人知其委曲。〔小生〕他孩兒叫甚名字。〔淨〕小我不敢說。〔小生〕但說不妨。〔淨〕好古怪。他

名字又與老爺尊諱相同。〔小生〕他也叫王九齡。〔淨〕正是。〔小生〕他家在那裏。〔淨〕只此城中西市賣酒。原是涿州人氏。數年前避兵來此。〔小生驚哭介〕天下事情怎麼有這般相像的。可憐可憐。〔淨〕老爺不必煩惱。若真的要真。待小人去喚那三個婦人來。當面一說便見明白。〔小生〕休胡說。只因你的所言。偶與我的所思相合。故此傷感。朱快。你聽我分付。〔淨〕老爺有何使令。〔小生〕你就將此珠再到他家。與那媽媽一看。又說換酒。看他有甚言語。我只在孫御史老爺衙內坐下。急來回報。〔淨〕孫衙也近西市。小人領命就往。〔末上〕

〔西地錦〕楓陛新瞻天仗。蘭臺人手風霜。繡衣白簡期寅亮。台斗夜吐光芒。聖主崇儒術。賢士翼帝躬。立朝防觸豸。行路避乘驄。筆底甘棠露。臺端古柏風。鈞衡真事業。接武有夔龍。孫綱忝中王。九齡榜進士。名在二甲傳臚。官授監察御史。今日輪直收掌諸司奏章。見王九齡一本辭官尋親。聖上不准。特來報知。〔見介〕殿元。班馬文章。夔龍禮樂。開經濟於一時。寄纂修於千古。人生至此。真丈夫矣。欣羨欣羨。〔小生〕孫叔與小姪禹門共躍。周制同榮。皇都聯故舊之歡。宦籍擅功名之美。可謂遂所願也。但雙親有故。十載無聞。〔悲介〕終日之間。愁腸九轉。教人如何是好。〔末〕



殿元且免愁煩。下官早間輪受奏章。見殿元棄官尋親一本奉聖旨。王九齡所奏。情雖可矜。職難擅離。既云親有定在。止合迎養。查無此例。不准所辭。〔小生哭介〕哀哀父母。生我劬勞。聖上不准此奏。則劬勞之恩。何由能報。〔末〕殿元不消啼哭。此事有何難處。你一面安心供職。一面差人迎請二親。就是。〔小生〕家父母是補伍軍人。急切不能來此。況路遙別久。存亡未知。小姪願棄此官。逕去尋親便了。〔末〕凡人未登仕途。由得自家主張。既有官守。則進退不能綽綽矣。自當遵法。勿得任情。〔小生〕小姪豈不知此。但心中急於尋親。何卹其他。

〔高陽臺序〕怙恃惟隆。乾坤罔極。蓬蹤兩地飛泊。乍忝成名。忠孝豈應乖角。〔末〕父子主恩。君臣主敬。你若爲恩而去。其如敬何。可請自加裁度。〔小生〕曾度。明王以孝先天下。怎說得慕親爲錯。論綱常忠由于孝。何須適莫。〔末〕殿元。下官忝爲世交。頗知你父子之事。

〔前腔〕淪落。月暗螺岡。雲深鶴禁。音容彼此寥廓。〔小生〕古人一日養。不以三公換。小姪尙未識父母顏面。而況於養乎。此心如何不痛。〔末〕無傷。有個古人。可比方你。〔小生〕願聞。

〔末〕漢驃騎將軍霍去病。生而不知其父。後擊匈奴。道出河北。始得與父相逢。傳舍歡迎。仍遂膝前娛樂。你如今爲朝廷命官。拘縛。須知此身糜宦籍。況又在文章臺閣。殿元。看王言如綸如綍。奉依當恪。〔小生〕孫叔。小姪此舉。亦曾考古證今。〔末〕請道來。〔小生〕

〔前腔〕探索祖子旁求。朱卿歷訪。都是孝思先覺。富貴忘親。實爲教中夷貉。心忤墨徒之愛。由親始。在吾儒顧安其薄。古人一舉足而不忘父母。小姪身非出於空桑。頂

冠束帶。立於天地之間。列於縉紳之末。錦衣玉食。未識父母何等顏面。謂之人子可乎。便做到紫閣黃扉。何益於事。我效他們掛冠解綬。棄茲銜爵。〔末〕

〔前腔〕你落莫。十載飄風。兩萍浮海。行藏未保如昨。〔小生〕因是這等。小姪親自要去尋取。〔末〕聖上不允。你若去了。方命違君。暴虎自拚。徒搏。〔小生〕此心若得少盡。雖得罪於

朝廷。亦所不辭。〔末〕言有可從事。有當重。殿元不要差了念頭。關鑰。忠言逆耳。須斟酌。利於病。怎嫌毒藥。處事權宜。不獨在你爲然。雖古之豪傑。個個皆如此。看他們時。初未遇。跡

能脫略。

〔尾聲〕芻蕘不擇希然諾。〔小生〕攸行恐負平生學。〔合〕忠孝惟人務先著。〔小生〕

今早小姪正要造謁。反辱先施。今隨孫叔同去。聊申拜意。乘便訪一鄉曲。〔末〕如此請卽同行。

聞道有鄉音。

千金不可得。

眼望旌捷旗。

耳聽好消息。

### 第四十一齣 西市認母

〔玩仙燈〕〔老旦旦上〕信杳鴻魚。姑婦久熬居。傷至親。倏傾泉世。恨此孤身似風

飄絮。望斷關河。家園何處。〔長相思〕〔老旦〕經跋涉。傷跋涉。中道分離成永訣。此恨何時滅。

〔旦〕將剖說。怕剖說。贏得鵲啼紅兩頰。誰知腸欲裂。〔老旦〕媳婦。我和你以孤寡之身。處亂離之境。

正好在此相依度日。不料昨日韓姨暴疾身亡。〔悲介〕教人如何是好。〔旦〕婆婆。韓姨在日。十分安

慰。他今棄世。頓覺淒涼了。〔老旦〕前日因得明珠。已知女孩兒信息。少解愁煩。但你夫和子音耗未

通。好生放心不下。〔旦〕遠隔天涯。久違人願。彼此遼絕。如隔塵世。正是天入五溪無雁過。地經三峽

有猿啼。只索忍耐罷了。〔淨上〕爲人謀而當忠。終上事之謂義。方纔王老爺着我拏這明珠。往韓媽

媽家探問來歷。着我先行。他便自到孫御史老爺衙內坐待回報。我想王老爺與這媽媽。定有些瓜葛。迤邐行來。此間是他家了。不免逕入。〔見介老旦〕朱長官。我前日許你相謝。爲何不來。〔淨〕有些公幹。未得領命。且請韓媽媽出來說話。〔老旦〕他昨日已沒了。你兀自不知哩。〔淨〕咳。隔得一日。有此變故。可傷可傷。〔出珠介〕我另有明珠一顆。再要換些東西。怎生是好。〔老旦〕這珠又是那裏得的。借我一看。〔取珠看介〕天那。又是一個古怪。〔淨〕前日那珠。是我拾的。不打緊。今日這珠。原有主的。不要錯看了。〔老旦〕這珠也是我家之物。緣何又在你手。可說個明白。〔淨〕有些來歷。不好輕言。你且仔細猜一猜。〔老旦悲介〕好苦。物雖見在。言則可疑。他不吐真情。只得試猜一猜。

〔紅衲襖〕莫不是有人遺在路歧。〔淨〕不是。〔老旦〕莫不是向經商相易取。〔淨〕不是。

〔老旦〕莫不是素往來報此代瓊琚。〔淨〕也不是。〔老旦〕想他狼狽難賦歸與。先繫燕足。託渠傳寄。〔淨〕也不是。〔老旦哭〕敢則是窮途橫禍。不幸身填溝壑也。畢竟委卻明珠伴土蛆。〔淨〕老奶奶。你都猜不着。〔旦〕婆婆。可與奴家一看。〔淨〕正是正是。小奶奶一看。定有分曉。〔旦取珠看哭介〕

〔前腔〕珠。我和你赴荆湖曾與俱。〔淨〕爲何帶這珠去。〔旦〕荷姑娘贈別。後會期歸此。〔淨〕怎又失了。〔旦〕爲良人遭誣當刑市。發哀誠直陟太和嶠。〔淨〕上去何幹。〔旦〕明夙志自行捐軀。因此上把兒先棄。繫明珠寓意如初。屈指十有餘年也。豈是數極機通還洛渚。〔老旦出珠比旦珠介〕朱長官。你看兩顆珠是同樣的麼。〔淨〕正是一對。〔拜介〕太夫人。〔拜旦介〕老夫人。小人不知。故此搪突。不要見罪。〔老旦〕我家雖有兒孫。流落在外。不曾做官。何必如此稱呼禮拜。你只將這珠來歷說知詳細。免得猜疑。〔淨〕這是我們老爺差小人拏來。尋問二位夫人下落。〔旦〕你老爺是何人。必須說個明白。〔淨〕二位夫人聽小人告稟。我們老爺呵。

〔前腔〕本是蘊經綸年少儒。今日裏筆生香。冠禮闈。〔旦〕已高中了。〔淨〕似潛龍伏虎。際卻風雲會。朝丹闕。率羣英御道先馳。〔旦〕又是狀元。授何官職。〔淨〕珮玎咚腰掛金龜。近天顏談道經幃。〔旦〕除了翰林侍講。是何籍貫。姓甚名誰。〔淨〕論他籍貫姓名與恁俱同也。難道瓜葛無干。問是誰。二位夫人。不要推拒。今早我老爺手內拏珠。眼中流淚。小人請問緣故。要知端的。特差小人到此。〔旦〕我家孩兒已在陝西。怎得此高魁美秩。只恐你錯認了。

〔淨〕我老爺生於涿州。長於陝西。又是鄖陽軍籍。纔年一十六歲。如今見坐孫御史老爺衙內。那孫老爺也是你同鄉。〔老旦〕孫老爺叫甚名字。〔淨〕他名是綱。表字天彝。〔老旦〕果是真麼。〔淨〕小人在登科錄上見的。有甚不真。〔老旦〕媳婦。既是孫天彝在此。料無虛假。〔旦〕婆婆。若得如此。感謝天地不盡。〔淨〕待小人去請老爺過來相見。〔請介小生上〕

〔前腔〕眼望着咫尺間似天涯。〔淨〕稟老爺知道。兩顆珠正是一對。〔小生〕驟聞說事驚心。淚滿衣。〔末上〕恰便是萍歸大海還相遇。〔淨〕太夫人老夫人都在這裏。〔末〕誰料得祖孫母子今日敘離居。〔老旦旦迎介〕尙未卜是否何如。悲喜集中生猶豫。〔末〕殿元果然不差。前邊的是你令祖。後邊的是你令堂。〔小生老旦旦抱哭介〕親骨肉此地相逢也。疑在華胥夢覺餘。〔小生拜老旦介〕婆婆。數年輕棄。宛似雲迷。一旦重逢。真如天合。〔老旦〕孫兒。我未通子信。先覩孫容。你久離親懷。遽沾帝祿。可喜可喜。〔小生拜旦介〕母親。劬勞未報。恨抱終天。邂逅相遭。歡傾大地。〔旦〕我兒。昔傷死別。割肉多年。今幸生逢。置身若夢。〔末相見介〕分珠既合。不負初懷。遺子能還。仍連滴血。如此之事。誠曠古所無。於今罕有者也。欣羨欣羨。〔老旦旦〕昔領豐

儀未遑答謝。茲逢異地。無任欣榮。〔小生〕請問母親。我爹爹在獄。別後如何。〔旦哭介〕

〔東甌令〕思量起淚雨揮。〔小生悲介〕一向有信息否。〔旦〕魚沈雁杳事已非。筆端幸有青蠅集。恩澤霽丹書。〔小生〕爹爹遇赦。可得生矣。〔旦〕雖得免死。又調邊衛。未知衽革戍何區。兩地望雲迷。〔小生〕我爹爹呵。

〔前腔〕你延殘喘。調邊隅。劍老燕山甚日輝。做孩兒的不能夠得見你一面。升天縮地。渾無計。〔哭介〕惟有淚支頤。昨日孩兒上表辭官。欲去尋取。〔旦〕朝廷曾准這奏本否。〔小生〕天王不諒慕親詞。解組赴征途。今日拜過婆婆母親。明日就要起程了。〔老旦〕

〔前腔〕休流淚。勿顰眉。纔得庭幃樂只且。他既調衛。不知在何地方。關河迢遞齊秦楚。怎忍又分睽。人有善念。天必從之。你能孝感。終有所應。從來天理與人符。終慰壽昌思。〔末〕太夫人說得有理。殿元。

〔前腔〕聆言語。貴思維。孝感曾無間顯微。〔小生〕孫叔。今小姪之處變。豈能如江革之故實。〔末〕事親雖不同。江革準舞老萊裾。〔小生〕孝子有愛日之誠。功名富貴。皆身外物耳。

〔末〕辭榮信是盡天彝。慎戒逆鱗披。

〔尾聲〕〔老旦旦〕一家天地春和煦。〔末〕堪羨鄉間觀會美。〔小生〕要致稱觴具慶時。

趨表重婦日。

悲歡向此并。

會真猶認夢。

淚定尙沾襟。

### 第四十一齣 並拜榮陞

〔一疋布〕〔生上〕離狴犴。擁熊羆。功成領節麾。干城萬里壯施爲。威聲震四夷。罪

釋九泉開白日。時來六翮起青雲。浮生一任皆春夢。禍福榮枯總未真。〔嘆介〕王楫向自荆湖遇赦。

改調劍南。幸同陳獻夫勦虜成功。官拜靖虜將軍。分鎮劍南西道。且喜名列鷄班。身持龍節。權叨玉

鑑。秩亞金吾。雖不由丹陛傳臚。亦自得碧幢耀武。平生之志。可少遂矣。只是老母飄於亂兵。亡妻阨

於非命。孩兒九齡。流落陝西。不知下落。〔悲介〕骨肉冰消。肝腸瓦裂。每一思之。豈勝傷感也。正是淚

痕有盡情無盡。一日思親十二時。



〔二郎神〕愁無底。望天涯亂雲迷遠視。罔極劬勞成永棄。蓬飛木落。西風幾動。哀思。古人事親。出不易方。復不過時。今我身當顛沛。親在流離。彼此不能相聞。使我戚戚心常驚。嚙指豈能毅。卽承容止。〔哭介〕我與母親。天各一方。情懸十載。暗魂飛。怎禁得盈盈玉筋雙垂。母親雖無下落。倘皇天有靈。或者使我有相逢之日。但亡妻棄世。今生那得見面了。

〔轉林鶯〕可憐視死輕鴻羽。銜冤九地難追。一朝之忿亡其身。這是婦人常事。緣何你把九齡孩兒呵。忍分襁褓先期棄。剖心剜肉。左計欠思維。妻你將謂我秋後處決。故先爲死別生離之計。誰料我呵。蒼穹默相。使微軀不應流星墜。我是該死的。乃僥倖而生。你是不該死的。反自盡而死。如今我處富貴之鄉。你在幽冥之境。他日便有贈諡恩典。也濟得甚事。生共死。幽明異致。雖貴亦奚爲。〔小外上〕

〔七娘子〕男兒不負窮居志。展弘謨遂成經濟。〔貼上〕虎奮三軍。鷹揚千里。可信是青雲器。〔相見介小外〕尊舅旣得功名。已舒蘊抱。當此無事之時。爲何又生悲嘆。〔生〕事不關心。關心者亂。下官蒙妹丈提挈。一旦富貴。豈不欣幸。想昔荆湖之行。老母贈我明珠一顆。欲爲後

會之圖。今日人物俱亡。爲此傷感。〔貼旦〕哥哥。奴家入宮之時。母親亦贈明珠一顆。懷藏數年。未嘗釋手。向因賜婚來此。中途遺失。有負親懷。怎生是好。〔小外〕物以寓情。事皆有數。賢兄妹請免愁煩。  
目下太平。岳母必歸故土。那時骨肉重歡。豈不愈於見珠。〔丑捧公文上〕

〔番鼓兒〕承差委。承差委。闡令傳恩旨。禁苑鶯遷。黃封褒美。那二位將軍呵。西府佐兵機。天顏密邇。緩帶輕裘。尊榮無比。自家是帥府聽事官。只因陳王二將軍俱陞樞密

院僉書。元帥老爺差我齎文書報稟。不免進見。〔見介〕稟二位老爺知道。元帥老爺差小官送朝報。

〔生〕接上來看。〔取看介〕兵科給事中祝淮一本。爲擢用將材。以固根本重地事。竊惟京畿爲萬

國之尊。輦路通三關之要。龍盤虎踞。武備當嚴。璞隱珠沈。奇材莫顯。照得劍南道平虜將軍陳時策。靖虜將軍王楫。受圖黃石。法合奇謀。學劍白猿。時稱善戰。笑談卻敵。能傾項籍之八千。尊俎折衝。智

破苻堅之百萬。久淹邊境。屢奏膚功。宜置密司。允肩機務。奉聖旨是。陳時策陞樞密院左僉書。王楫

陞樞密院右僉書。着速赴任。以副朕側席之望。〔丑〕元帥老爺多拜上二位老爺。朝命旣下。事不宜

遲。明早請卽起馬。〔生小外〕這個我們知道。連夜收拾完備。明早拜辭老爺。赴京到任便了。〔丑〕羽

檄傳音紫髯將。轅門復命黑頭公。〔下小外〕才得微功。遽膺顯擢。況我輩與祝黃門素未荆識。何得見知若此。令人不勝感愧。〔生〕當宁能用賢。當道能薦賢。在彼非納交。在我非要譽也。若無妹丈汲引。安有今日。〔貼旦〕相公。你與我哥哥異地萍逢。同時鸚薦。真可謂不負所學矣。〔生〕

〔雁來紅〕蛟龍久在池。挾風雲。鼓化機。羣生踊躍沾霖雨。勳業鳴當世。不枉塵沙一鐵衣。〔合〕時遭際。伊吾志。馳羨浮生誇拔萃。〔小外〕

〔前腔〕風淒鼓角悲。分鷓鴣。寄一枝。指揮經濟邊戎地。王錫驚繁庶。密勿崇階翼帝畿。〔合前貼旦〕相公。你與我哥哥呵。

〔朱奴兒〕下不盡羊曇幾棋。謝安屐便能折齒。唾手功名脫穎錐。真射雉不亡一矢。〔合〕惟願取忠義。敢披芳銘鼎彝。〔生小外〕

〔前腔〕嘆李廣侯封數奇。今做了腰印季子。要把施爲配兩儀。贊國連永圖休否。〔合前〕

玉塞宣威震遠戎。

天書夜到冊元功。

近來廊廟多西帥

出相誰言只在東

### 第四十三齣 棄官尋父

〔賀聖朝〕〔小生上〕天涯骨肉飄零。那堪十載哀鳴。壽昌豈憚解簪纓。親歷遍修程。歲月椿庭闕問安。征途不管上天難。金多位重非吾願。三釜還期養志歡。〔嘆介〕下官欲往荆湖。尋取父親。願棄此官。昨又進一本。聖上亦不准奏。可憐可憐。臣道固有所拘。子情則當自盡。難道教我終身不認父親罷了。以法論之。凡官員擅離職者解見任。我拚不做這官。飄然長往。逕自尋取。有何妨礙哉。

〔金索掛梧桐〕天親本至情。人爵安能勝。十載睽違。心鹿渾無定。眼前軒冕也。視塵輕。羞殺瓜前感邵平。這是處常之事。還有處變的呵。司農續愛由于性。驃騎知恩豈爲名。皆明證。古先達貴。方冊布休稱。〔合〕嘆連章不允辭榮。且莫恤身烹鼎。下官幼離親懷。長承師訓。偶爾應試。遂得成名。

〔前腔〕遭逢起一經。蒙此三不幸。少年登高科。一不幸。有高才能文章。二不幸。這都是小節。

下官雖非籍父兄之勢爲美官。如今身在玉堂金馬。不能與父同享富貴。正是大不幸了。俯仰之間。愧忤虧曾省。混然中處也。負平生。制行難期。畫虎成事。親肯被官箴縛。盡孝何愁世網嬰。人之所爲。取法乎上。僅得乎中。而況中人之事。其可不盡心乎。賢希聖。綱常倫理。心法要常惺。〔合前〕且把衣飾換了。扮作常人模樣。方好去行路。〔脫換衣巾介老旦上〕

〔三三臺令〕相逢乍破愁城。又苦兒郎遽行。〔旦上〕蹤跡兩浮萍。恐此去得失難

憑。〔相見介旦〕骨肉流離久。遺孤靡所依。〔老旦〕大江限南北。何處訪庭闈。〔小生〕月暗魂隨夢。雲深

淚滿衣。〔合〕相逢如隔世。細認在明珠。〔老旦〕孫兒。你今日解了公服。換了常衣。行色匆匆。料往荆

湖之計。但我兩人久別初逢。正好相依。道日。不免又有此行。如何是好。〔小生〕婆婆與母親飄泊十

年。骨肉不能完聚。今幸相遇。已得所安。請各寬心。不勞掛念。〔旦〕孩兒昨以少年而膺美選。已動觀

瞻。今以孤身而歷長途。怎經跋涉。教娘好生放心不下。〔小生〕母親。這個不妨。前日孩兒陝西來此

應試。原是隻身。今日解了冠帶。扮做常人。輕囊健步。有何不可。〔旦〕只因要知你父親下落。故此由

你遠去。在路須要小心。〔小生〕孩兒理會得。不必吩咐。〔拜老旦介〕婆婆。就此告別前去。

〔玉胞肚〕烟波雲嶺。挾孤囊踽踽遠征。敢辭他冷月酸風。知何時得拜椿庭。

〔抱哭介合〕牽衣分影。驪歌忍聽斷腸聲。不覺交頤淚雨傾。〔老旦〕孫兒此去呵。

〔前腔〕微行捷徑。可知非衣錦晝榮。急回頭款段加鞭。免慈闈久蕩心旌。〔合前旦〕孩兒。你父雖調衛。不知是何地方。還到荊湖一問。〔小生〕母親此事不勞丁寧。〔拜旦介〕

〔前腔〕荊湖萍梗。這行藏必要探明。若知他改戍何方。再驅馳定遂歡迎。〔抱哭

合前旦〕孩兒。你自幼相失。未識父親顏面。卒然得遇。無以證明。〔付珠介〕原將此珠與你帶去。做個色認。〔小生〕母親。謹受命。〔老旦〕孫兒。我聞你姑娘賜配劍南。〔付珠介〕也將此珠與你帶去。雖非順路。倘客伴之中。偶遇便人。通得一信也好。〔小生〕婆婆。謹受命。〔旦〕孩兒。這雙明珠原是婆婆所蓄。昔因離別。分而爲二。今又合而爲一。你帶將去。不可輕覷了他。

〔前腔〕雙珠明瑩。解人情素已著靈。冀豁然指示相逢。管教他悲喜交并。〔合前〕

孤雲飛去望無蹤。

淚眼穿空計莫從。

十數年間勞夢想。

幾千里外冀躬逢。

第四十四齣 僧榻傳音

〔拋誦子〕〔末扮僧上〕天理人心心有天。天人相應豈虛言。人生禍福皆天理。莫道人心果可瞞。南無無量壽佛。小僧法名悟真。乃荆湖道鄖縣禁子葉清的便是。只因絞罪犯人王楫在監。見他娘子生得嬌美。圖他爲妻。早晚供給。那王楫感激。許說死後將這娘子嫁我。不想這娘子心性如火。節操如冰。聽得丈夫此言。就把孩兒賣與陝西商人去了。逕往太和山上投淵自盡。可惜可惜。這是李克成張有德同謀陷害。誰知天道昭昭。那兩個都被天雷打死。兩家又被天火燒盡。後來王楫遇赦免死。改調劍南。正是善惡到頭終有報。只爭來早與來遲。小僧追想當初。見了王娘子。只因我一念之貪。王楫一言之錯。遂使母子二人生離死別。我之罪過。必遭惡業地獄。故此發心出家爲僧。來到西嶽華山下正覺庵中棲住。修行度日。免墮輪迴。不免誦些真言。消磨災障者。

〔拋誦子〕生死輪迴在眼前。何須拜佛與求仙。只耕方寸心田好。廣結三千世上緣。南無無量壽佛。〔小生背包裏行上〕

〔似娘兒〕跋涉一空囊。形瀟灑意氣洋洋。雲山縹緲椿容遠。不知甚日得同還。

路歷三千里。腸迴十二時。思親無盡日。惟有淚沾衣。王九齡棄了官職。別了婆婆母親。前往荆湖尋問爹爹下落。背着包裹。行了一日之程。身子疲倦。此間是個僧院。不免進去借宿則個。〔相見介末〕小官人何來。〔小生〕小生從京都來。欲往荆湖探親。今夜敢借上刹一宿。明早奉謝。〔末〕十方所在。隨意穩便。只是簡慢。安敢望謝。〔小生〕黃昏打攪。甚爲不當。〔末〕天晚不及奉茶。請安歇罷。正是禪燈澄性地。客榻斷魂時。〔下小生睡介〕曲肱而枕。權宿一宵。再作區處。〔起坐介〕我精神雖倦。情思可傷。如何睡得去。好生惱人也。

〔祝英臺序〕事參商。心悒快。岐路苦亡羊。我爹爹被人誣陷呵。狐媚妄侵。鷓喙交攻。驀地禍生蕭牆。〔哭介〕堪傷。那些兒公道天開。端的是羅鉗吉網。我爹爹是個大儒。指望立身行道。今遭此患難。那有出頭之日。這時節難道是當刑而王。〔末上〕

〔前腔〕休愴。你是少年郎。遠道旅宿有何嚷。〔小生〕有些心事傷感。不覺驚寢。長老休怪。〔末〕當此居靜夜闌。月白風清。怎不夢熟黃梁。〔小生〕家事關心。故生饒舌。長老。你若長夜無眠。可來坐講一講。〔末〕同講。欲聆世界塵緣。暫撇瞿曇經藏。恁心事乘閒



可白端詳。〔小生〕長老請坐了講。〔末坐介〕小官人高姓貴表。仙鄉何處。〔小生〕小官王九齡。本貫涿州。自幼隨父母到荆湖當軍。被人誣陷。家父在獄。家母把我螟蛉與陝西王子循爲子。到今十年。不知下落。近聞遇赦調邊。未曉是何地方。特往探問。〔末〕小官人。你記得令尊令堂名氏否。〔小生〕這個記得。家父諱楫。家母郭氏。〔末驚介〕呵呀。你就是濟川的令郎。久仰久仰。〔小生〕長老何以知之。〔末〕小僧原是涿縣一個禁子。俗名葉清。令尊在獄。我憐他受枉。朝夕供看。令堂見決單將到。先把小官人棄了。自去投淵而死。誰想令尊遇赦。改調劍南去了。請問小官人去陝西時。才年五歲。如今長成。作何生理。〔小生〕長老聽我相告。

〔前腔〕誰想我萱親發忿投淵。神救免身亡。〔末〕上有天理。且喜令堂得生。你何由得知。

〔小生〕小生今年十六歲。往京應試。忝中第一名。官授侍講。〔末揖〕原來是殿元老爺。小僧失敬了。

〔小生〕母祖既逢。〔末〕令祖令堂都會着了。可喜可喜。老爺既做美官。爲何如此打扮。〔小生〕官爵難糜。願歷異鄉風霜。〔末〕老爺棄官尋親。乃天下大孝事。難得難得。〔小生〕恓惶。那堪水遠山長。今遇長老。得知家父消息。一似黑雲開障。到明日逕往劍南尋訪。請問長老。

爲何出家在此〔末〕只因李克成張有德害了令尊令堂。都有果報呵。

〔前腔〕影響感皇天禍福無差。疾速報明彰。〔小生〕惡有惡報。感應之常。〔末〕善有善報。

誰料你一家呵。骨肉再完。爵祿兼隆。乃見吉人天相。老爺令尊是個大儒。令堂是個烈婦。堪仰。都是盤根錯節經來。利器光芒明朗。從今後表表名盈霄壤。〔內雞叫介〕小生說話煩多。不覺林雞報曉。天色將明。就此告別起程。〔末〕此去逕往劍南。相見令尊。乞多致意。〔別介〕

邂逅僧房敘客蹤。

得聞消息辨西東。

人生異地能相遇。

大海浮萍一葉逢。

### 第四十五齣 月下相逢

〔浪淘沙〕〔左右引生小外貼旦行上〕應召覲君王。行色匆忙。登山涉水苦風霜。城帶斜陽聞鼓角。且息油幢。〔生〕百折馳驅度畫輪。〔小外〕經行終日不逢人。〔貼旦〕雨晴潮沒

汀洲遠。〔左右〕日落荒烟草樹深。〔生〕妹丈。我們自劍南起程。行了數日。才到此處。不知是何地方。

〔小外〕舅舅。你看那邊像個館驛。天色已晚。可就此歇罷。〔左右〕稟老爺知道。這是漢中嘉陵驛了。  
〔生〕既到館驛。分付驛丞。抄關應付。〔左右介內應〕上房鋪陳。天字號稟給。一應隨行人役口糧。俱已完備。〔生〕左右的各自迴避。〔左右介〕候館送迎千萬客。郵亭匍匐二三更。〔下小外〕阿呀。你看金波搖水。玉鑑掛林。客路之中。有此明月。可喜可喜。〔生〕連日貪躋路程。未得片時寧息。今夜月明。我與妹丈卸了冠帶。出外閒步一回。妹妹可先安歇。〔貼旦〕哥哥與相公既去閒步。奴家且未安歇。坐待回來罷了。〔小外〕如此更好。〔合〕正是天傾蓬島十洲外。人在浮黎一黍中。〔並下小生上〕

〔前腔〕猿嘯暮天長。景色淒涼。盤迴百里路。蒼茫。林外寺鐘催倦鳥。霧潤蟾光。雲湧橫山紫翠氛。未投荒店日先昏。今宵只傍梅花宿。贏得分清入夢魂。下官前日遇着葉清和尚。知了父親調衛消息。逕往劍南尋取。只因貪躋路程。不覺天光已暮。〔嘆介〕我以孤獨之身。走荒蕪之地。前不逢村。後不着店。怎生是好。你看前邊有兩人行來。問他覓個宿處也好。〔生小外上〕暫解冠裳輕宦況。聊憑風月慰離愁。〔步介生〕妹丈。你看流天素彩。至淨無塵。〔小外〕舅舅。可知盈手冰光。雖寒不溼。〔小生〕當此境界。果然身世兩忘。〔生〕此生甚有曾點氣象。想亦是吾道中人。迎他一

話如何。〔小外〕孔門之樂。不拘物我。相與少敘。料無不可。〔相見介小外〕好古怪。此生面貌與舅舅  
尊容甚相肖。〔生〕孔子且似陽虎。何足多訝。〔小生〕素與二位。未嘗荆識。爲何邂逅之初。遂蒙私議。  
〔生〕適見尊容。與下官相類。故爾偶談。其實無他。〔小生背介〕看他自稱下官。必是縉紳流品。我且  
問他。〔問介〕乍瞻雅範。頗露官儀。二位莫非微服過宋者乎。〔小外〕既承洞察。焉敢韜藏。〔生〕下官  
初授平虜將軍。今陞樞密右僉。〔小外〕下官初授靖虜將軍。今陞樞密左僉。〔小生揖介〕未通交際。  
殊失企瞻。恕罪恕罪。二位先生情無隱教。下官理合明言。〔生小外〕願聞願聞。〔小生〕下官瀛洲奪  
錦。翰院談經。得接丰儀。自知欣幸。〔生小外揖介〕久慕輝光。未承動履。今夕之遇。豈曰偶然。〔小生〕  
二位何來。今將焉往。〔生小外〕來自劍南。往京赴任。〔小生〕既在劍南歷宦。得聞續衣寄詩之事否。  
〔小外〕事屬奇遇。人皆喜談。殿元之問。亦爲是歟。〔小生〕非也。此女與下官有些瓜葛。乃敢求教。  
〔生介〕人固可疑。言亦可駭。待我先問他來歷。便知分曉。〔問介〕殿元。你既擢大魁。已屬台望。爲何  
寒夜獨行到此。〔小生〕一言難盡。〔生小外〕聞中偶敘。願悉其詳。〔小生〕下官與二位。所仕雖非同  
途。斯文原是一脈。且聽一言相告。〔悲介〕

〔瑣窗郎〕念椿庭補伍荆江。被姦謀陷禁牆。〔生〕尊翁被人誣陷在獄。問何罪名。〔小生〕虛招刃殺。抵罪應償。〔生〕罪該抵死。可向問官訴辯。〔小生〕一切是羅鉗吉網。〔生〕問官不明。枉了性命。〔小生〕幸朝庭忽然宣制蒙疏放。得減死戍邊壤。〔小外〕既調邊衛。是何地方。〔小生〕一向不知。近遇僧房借宿。始知調在劍南。〔小外〕父親事情。怎麼近日方知。〔小生哭介〕有個緣故。未赦之先。家母將謂家父必死。欲圖自盡。那時把下官呵。

〔前腔〕螟蛉與陝地王商。十餘年蒙教養。〔小外〕青春幾何。某年及第。〔小生〕弱齡二十八。僥倖賓王。卽願得辭官尋父。表章連上。奈朝廷不准呵。逕自輕身長行。至中途逢僧夜話。知方向。今轉足劍南往。〔生向小外輕悲介〕

〔前腔〕乍聽他訴罷行藏。驟令人竟驚惶。〔小外〕李下整冠。嫌疑當辨。〔生〕待我細問他。〔問小生介〕明通姓氏籍貫居方。〔小生〕下官王九齡。涿州人。〔生〕尋骨肉有何色仗。

〔小生出珠介〕有明珠在此。家父自能相認。〔生〕殿元。借我一看。〔看珠哭介〕天那。這原是萱親贈別妻拋漾。今復覩舊形像。〔向小外介〕妹丈。此人有些古怪。下官心忍至痛。言不成聲。

你爲我問他一個端的。〔小外〕舅舅且免愁煩。待我再問。〔問介〕殿元今庚一十六歲。已別父母十有餘年。據此論之。則去陝西之時。止可四五歲耳。你離別長久。

〔前腔〕恐椿萱諱氏將忘。〔小生〕這個都記得。家父諱楫。字濟川。家母郭氏。〔小外〕兩年庚知少長。〔小生〕這個也記得。家父年四十一。家母年三十九。〔小外〕你有無重慶苦樂存亡。

〔小生〕祖父棄世久矣。祖母盛氏。遭安祿山之亂。飄流數年。今與家母萍聚在京。〔小外〕殿元。你說要尋尊翁。若如此何須遙訪。〔小生〕不去遙訪。怎得見我家父一面。〔小外〕今日裏管教

骨肉胥無恙。〔小生悲介〕敢是先生曉得家父下落。〔小外〕或可得慰伊想。〔小生〕請問先生。

上姓貴表。仙鄉何處。〔小外〕下官陳時策。忝爲殿元同鄉。〔小生〕貴表是獻夫否。〔小外〕然也。〔小生〕認得孫天彝否。〔小外〕是吾故友。殿元何以知之。〔小生拜介〕老叔正我父執也。孫叔與小姪

同榜。官授監察御史。在京相敘。常誦盛德。〔生〕孫天彝也中了。可喜可喜。袁天綱之言。於此甚驗。

〔小外〕天彝中式。未足爲奇。但與此君同榜。可見數皆前定。〔小生〕二位道及袁天綱之事。甚合區區所聞。必知家父住向。可賜明言。〔小外〕殿元。你果要尋尊翁。我先問你一個親戚。可認得否。〔小

〔生〕是誰。〔小外〕適承所問。續衣寄詩宮女。在殿元有何瓜葛。〔小生〕小字慧姬。家父的妹也。〔小外〕既是這等。你要見尊翁。〔指生介〕此公便是。〔小生驚介〕果然。〔小外〕天親不可以人爲。豈容誤耶。〔小生跪介〕天那。真個是我爹爹。〔生〕好苦。果是我孩兒。〔抱哭介合〕

〔十一時〕流離彼此如迷瘴。誰料陽烏仍昶。怎禁得悲喜交相。〔小生拜介〕恩分襍。祿定省曠于十年。地阻江山。音問疏于千里。孩兒不孝之罪。惟爹爹矜恕。〔生〕情出倉皇。事成苟且。雖由我之不幸。實汝母之失裁也。可憐可憐。〔小外〕令姑在宮寄詩。正被下官所得。特蒙聖恩賜配。如今見在驛中。請過相見。〔小生〕向者姑娘在途。失落明珠。仍被婆婆所得。〔出珠介〕今帶在此。〔小外〕如此請行。〔叫介〕夫人有請。〔生〕妹妹快些出來。〔貼旦應上〕

〔秋蕊香〕徙倚欄杆懸望。何遽歡呼廝嚷。〔二生小外合〕連年骨肉嗟離曠。今日相逢翻掌。〔貼旦〕哥哥與相公閒步回來。爲何欣欣然俱有喜色。〔生〕妹妹。你母親嫂嫂都有下落了。〔貼旦〕謝天地不盡。有誰說來。〔生〕孩兒過來。拜了姑娘。〔貼旦看介〕郎君面貌。甚類哥哥。莫非九齡姪兒麼。〔小生拜介〕姑娘。正是小姪。〔貼旦悲介〕十餘年之別。不意又有今日。你婆婆母親今

在那裏〔生〕孩兒你把婆婆母親細說一番〔小生〕爹爹聽孩兒告稟

〔五更轉〕奪龍旗。魁虎榜。身羈在玉堂。〔貼旦〕且喜姪兒高中。又做美官。〔小生〕思親無替空悽愴。每握明珠。自傷凋喪。左右一個健兒。見孩兒啼哭。每有不忍之色。問其緣故。他

說曾在劍南途中。拾珠一顆。是一老嫗贈女入宮。與此無異。〔小外出珠貼旦看介〕此珠正是奴家所遺。〔小生〕那時孩兒不信。就把此珠付與他。忙比對。果同樣。這健兒回話。婆婆母親都在那裏。雖如此。孩兒不識面貌。將信將疑。又承孫叔同去。相逢細認。殊非妄。〔合〕母祖重歡。幸終祿養。〔貼旦悲介〕

〔前腔〕聆此語。情悵惘。潛然淚兩行。我那母親嫂嫂當初。只料死無葬身之地。不想今日再逢滴血相依傍。缺月重圓。昏雲開障。悲喜并。互笑啼。難消暢。人生可信萍浮浪。〔合〕此夕形神如酣醇釀。〔小生〕請問爹爹向來動履。〔生〕

〔前腔〕荷卹詔。脫覆盆。劍南歷戰場。〔小生〕何由得此大官。〔生〕不料你姑夫先已在彼從軍。蒙他帶挈。去殺虜得勝。同功拜命爲名將。西府榮陞。趨承仙仗。邂逅間。親父子



眞天降。猶疑似夢還。疏爽。〔合〕賴此明珠。機靈影響。〔小生〕姑夫何爲先往劍南。〔小外〕

〔前腔〕自那日。兵戈攘。勤王效奮揚。下官方在軍門用事。只見你爹爹呵。蒙恩改調同營帳。汗馬聯勳。皆膺殊賞。〔小生〕旣授顯爵。又與姑娘連姻。可喜可喜。〔小外〕製續衣。藏雅句。堪嘉尙。玉音特賜。諧隨唱。〔合〕是豈人爲定。由天相。〔小生〕前日經過西岳華山。偶遇鄖縣禁子葉清。在彼爲僧修行。言及爹爹之事。故知改調來此。〔生〕此人是我恩家。此去先將俸銀百兩相送。待後另行酬答。

浩蕩風塵阻雁魚。

相逢骨肉共欷歔。

眼前跋涉勞無怨。

膝下從容樂有餘。

### 第四十六齣 人珠還合

〔粉蝶兒〕〔老旦〕氣序嚴凝。遙憶征人。恁德。〔旦〕日望歸鞭。寒逼倚閭。孤聳。〔錦堂春〕門閉瀟瀟落葉。天空黯黯彤雲。鉤簾鵲噪閒庭晚。寂寞不堪聞。〔旦〕絕域書迷雁足。函閨鏡掩

驚氛。相思兩處愁千斛。應斷夢中魂。〔老旦〕孫兒九齡。棄官尋汝丈夫。蒙孫御史薦舉一本。備道他重親輕爵之意。天顏大喜。不惟免乎落職之虞。將來且有褒旌之美。謝天地不盡。〔旦〕婆婆。人事雖爾。天意難期。孩兒此去。孤身遠道。知他父子會否。好生牽掛。〔左右引生小外貼旦小生上〕

〔青玉案〕西山雪淡雲將凍。凜冽威侵飛鞚。〔左右〕稟老爺知道。已是京城了。〔生貼旦悲介〕身入皇都神思竦。離懷舒展。親顏咫尺。〔合〕甘苦今朝共。〔小生〕爹爹。此是我家了。〔生〕既是到家。不免逕入。〔左右報介老旦〕我孩兒在那裏。〔旦〕天那。果是丈夫。小姑娘回來了。〔抱哭介〕

〔謁金門後〕骨肉飄零堪痛。福患雲蒸霧滂。恍惚十年蕉鹿夢。可憐彼此同。〔生貼旦遞珠介〕奉還母親明珠。〔老旦介生貼旦哭拜介〕

〔急板令〕念曩時胥遭阨窮。違母氏兒西女東。到今真幸孔。天篤桑榆。未即衰癯。慶及芝蘭。並茂芳叢。〔合〕雙珠合。骨肉重逢。悲喜集。感蒼穹。〔生日哭介〕

〔前腔〕嘆荆湖永訣禁中。比翼鳥分飛溟鴻。視此身等空。棄子捐生。感動玄宮。

改戍勤王。譽逮宸聰。〔合前小外〕夫人向奉王命。嬖姻岳母未曾受禮。今日可同一拜。〔小外〕

〔前腔〕愧鱗生元由菲葑。又不是鱗腹虎胸。喜恩推帝衷。〔拜生旦介〕特俾絲蘿得附喬松。濫受簪纓。忝匹名宗。〔合前老旦〕

〔前腔〕我頽齡罹彼百凶。甘沒齒犛犛寡終。何期兒女封。〔小生〕父奮宏謨。風虎雲龍。母矢貞心。露菊霜桐。〔合前左右〕稟老爺知道。孫御史老爺齊聖旨來了。〔生〕安排

香案迎接。〔末捧詔鼓樂上〕

〔寶鼎兒〕奎章出自彤宮。真個恩榮天送。聖旨已到。跪聽宣讀。〔衆跪介末〕皇帝詔曰。君

親同一體。忠孝非兩途。惟其所在。致是道焉。矧綱常之大。風化攸基。不加獎異。天下罔知所勸。爾翰

林侍講王九齡。談經佐治。化已垂成。解綬尋親。志不少奪。既能自盡厥孝。益見可移爲忠。其祖母盛

氏。淑慎爾止。克相夫賢。刑於有家。勗成子德。其父樞密右僉書王楫。勤兵薄伐。戮彼犬羊。傳檄宣威。

清我疆宇。民旣寧矣。功曷懋焉。其母郭氏。艱貞自持。心同化石。慷慨就死。淚欲崩城。太古之完人。惟

今之至寶。再照得樞密左僉書陳時策。薦士同征。保西陲不淪于左衽。致身耀武。俾大業能底于中

興。其妻王氏。入宮無不舉之職。爲憲椒房。染翰有旁逸之才。追休雪詠。茲數人者。並可嘉尚。王九齡。陞授禮部尙書。王楫。陳時策。俱授樞密副使。盛氏。封涿鹿郡君。郭氏。封燕國夫人。王氏。封譙國夫人。嗚呼。載錫新綸。用彰懿行。服此休征。尙期後圖。謝恩。〔衆拜興山呼介生〕請過了聖旨。〔左右介末見衆揖介〕

〔一封書〕我趨承葉拱。欽捧綸音。宣帝寵羨。一家瑞靄。擁更庭闈。具慶重。數載艱辛。堪曲踊。一旦欣榮。人企崇。〔合〕孝忠貞貫日虹。從此流傳天下風。〔老旦〕

〔前腔〕兒和女。并婦屬。聚首膝前。致婉容。看祥輝正鬱葱。荷昭陽銜詔鳳。兩地珠還。仍合捧。今日裏情非昨同。〔合前生日貼旦〕

〔前腔〕苦災危。洶湧。母子夫妻。沒倚蹤。奈洪濤巨浪春。這顛連無訴控。豈料周旋完趙玉。藩翰王家成大用。〔合前小外小生〕

〔前腔〕闔門享天祿。喜氣恩光。棟宇充。最堪憐親骨肉。偏稱在錦繡叢。數極時通往者復。苦盡甘來車曳踵。〔合前〕

〔永團圓〕從來名教綱常重。德行徹重瞳。褒旌寵錫如天縱。忠和孝難伯仲。況  
堅貞膠鞏。從容成義勇。卓異尤超衆。雙珠迎送。悲歡離合中。綴入宮商調。旬日  
諷傳奇粗況。幽響泄潛莖。按拍醒懵懂。願高明矜作俑。訂謬補遺成雅頌。千古  
知音同翫弄。

忠孝賢貞具秉彝。

雙珠離合更神奇。

明王超格頒恩寵。

留得餘風作世維。

雙珠記終



尋



親





目錄

第一齣 開宗

第二齣 對雪

第三齣 修築

第四齣 遣役

第五齣 告借

第六齣 催逋

第七齣 傷生

第八齣 移尸

第九齣 唆訟

第十齣 枉招

第十一齣 遣奴

第十二齣 省夫

第十三齣 發配

第十四齣 賄押

第十五齣 託夢

第十六齣 邀賞

第十七齣 遙奠

第十八齣 局騙

第十九齣 得胤

第二十齣 妄想

第二十一齣 剖面

第二十二齣 誑妻

第二十三齣 誚夫

第二十四齣 就教

第二十五齣 訓子

第二十六齣 勸勉

第二十七齣 應試

第二十八齣 選場

第二十九齣 報捷

第三十齣 遇恩

第三十一齣 血書

第三十二齣 相逢

第三十三齣 懲惡

第三十四齣 完聚

尋親記 目錄

四一開明書店



# 尋親記

明 無名氏 著

## 第一齣 開宗

〔滿庭芳〕〔末上〕文墨周生。糟糠郭氏。家道蕭然。因官差役。無錢使用。遣妻張郎告債。張郎見色。將實契虛填。信僕奸謀。殺人性命。屈把周生陷極邊。單身婦。因財被逼。此際實堪憐。節婦貞堅。遺腹孩兒要保全。剛刀立志。毀傷花面。詩書教子。喜中青錢。棄官尋父。旅館相逢話昔年。歸來日。冤仇已報。夫妻子母再團圓。

張員外爲富不仁。

周維翰因妻陷身。

背生兒棄官尋父。

守節婦教子尋親。

## 第二齣 對雪

〔稱人心〕〔生上〕彤雲靉靄。茅屋頓成銀界。淒涼寥落。更兼凍餒。對梅花間竹。

不堪憔悴。柴門半掩。有誰訪戴。不爨井晨凍。無衾牀夜寒。囊空恐羞澁。留得一錢看。小生姓周。名羽。字維翰。本貫河南府封丘縣人氏。有妻郭氏。夫妻兩口。半生命蹇。百事無成。書讀五車。空勞困苦。箪瓢陋巷。人不堪其憂。雷轟薦福。天何苦相迫。正是歲月無情。頭漸白。乾坤許大眼。誰青。要學楚國屈原。好似江潭見放。貧如首陽伯夷。也待採薇而食。寶劍瑤琴。雄心尚在。玉堂金馬。望想徒賒。縱然酒飲千鍾。其實難逢開口笑。便做詩成七步。多應吟出斷腸聲。正是富貴盡從勤苦得。讀書何事尚饑寒。我想起來。有等讀書人呵。

〔懶畫眉〕鳳閣鸞臺做了棟梁材。芸省蘭堂做了詞賦魁。也有玉堂金馬轉天街。也有做閩帥琴堂宰。書偏我讀你呵。教我十謁朱門九不開。

〔前腔〕蓉褥花茵暖相偎。穿的是紫綬羅欄錦繡堆。用的是銀瓶犀筋薦金杯。睡的是翠被香衾蓋。書偏我讀你呵。教我撥盡寒爐一夜灰。

彤雲密布海天低。

可畏連朝六出飛。

江上晚來舟滿載。

漁翁披得玉簑歸。

第二齣 修築

〔菊花新〕〔小生上〕歌謠滿道傳揚。果然四海名香。黃河水決。恁恁洶茫。那風波怎當。下官封丘縣宰是也。才非製錦。政忝鳴琴。桃李爭開。河陽一縣之吏治。松菊無恙。彭澤三徑之襟懷。桑雉未馴。粟雞難飯。黃河水決。波濤激怒于蛟龍。瓠子堤崩。民俗將隣于魚鱉。早上差人打聽去了。未知若何。待他回來。便知分曉。

〔劉袞令〕〔末上〕黃河決。黃河決。千里怒波生。百里民居漂沒已盡。風波稍平。息災禍猶可憫。築了瓠子堤。風波始平定。〔見介小生〕探聽黃河水決。事體若何。〔末〕甚

是來得洶湧。〔小生〕怎見得。〔末〕只見日月昏暝。雷霆大震。慘慘黯黯數重雲霧。罩定乾坤。凜凜烈烈幾陣猛風。撼開山岳。只見浪滔滔似雪山萬丈。打着天拍着太陽。雨瀟瀟似銀燭千條。瀉平地頓成滄海。鎮日間只聽得淅淅瀟瀟。豁豁喇喇。房屋吹得東倒西歪。滿縣中只見傾傾動動。倥倥惚惚。唬得百姓每脚慌手亂。巉巉岩岩。崎崎嶇嶇。高山中樹木盡皆拔倒。可惜嘩嘩剝剝。叮叮噹噹。房簷上瓦片捲起如飛。溼溼淋淋。有眼難開。嚇得客人每不敢出路。戰戰兢兢。有足難行。打得蟲蟻兒半

死深林。須臾波濤之間。頃刻雲霧之內。只見神光萬丈。閃閃爍爍。燦燦爛爛。似掣電爭明。殺氣數重。昏昏沉沉。陰陰深深。似奇花亂吐。拂拂霏霏。似三春驟雨。轟轟劃劃。如九夏雷鳴。不知是陽侯神。靈胥神。憑夷神。海若神。天吳神。壬癸神。和誰鬥戰。多應是涇川君。洞庭君。南海君。宮亭君。丹陽君。北海君。各顯威靈。正是黎民遇難實堪哀。瓠子堤崩潮正來。高似禹門三汲浪。險如平地一聲雷。〔小生〕這地方什麼人管的。〔末〕黃德保正。〔小生〕你快喚來。〔末應下叫介丑上〕

〔奈子花〕保正身役難當。差科日夜常忙。修築瓠子多勞攘。那由咱半些三說謊。差遲口。落得取着吃捧。〔見介小生問介〕保正。黃河洶湧。瓠子堤崩。快報人戶修理。〔丑〕爺爺叫小的報那一個修理。〔小生〕把人戶三等開着。上等出銀兩買木石。中戶做夫。下戶不要。科擾生員吏戶量情。限半月修完。〔丑稟介〕地方廣闊。望老爺寬限幾日。〔小生〕也罷。限一月。叫快手你就同黃德去。

〔柳絮飛〕疾忙修築河堤。河堤管取目下完備。完備併力同心去修理。要救百姓民居。民居。〔合〕萬事免災危。一縣始平治。



〔前腔〕〔丑末〕小人謹領台旨。台旨修築。怎敢差遲。差遲。儻有頑民不從的。望老爺與我行提。行提。〔合前〕

千里築河流。

堤防及早修。

懼法朝朝樂。

欺公日日憂。

〔丑末弔白〕若依官法。一棒打殺。將大戶放在一邊。要他銀子。中戶買木石。下戶做夫。〔末〕何官無私。何水無魚。到那一家開手去。〔丑〕到周羽家去。他是一個懦儒。就把他開手。

計就月中擒玉兔。

謀成日裏捉金烏。

### 第四齣 遣役

〔青玉案〕〔旦上〕奇花不得東君力。深院無人與栽植。嫩臉嬌姿甘岑寂。淒涼寥落。等閒虛度。兩泪時頻滴。妾本郭氏女。今作周家婦。良人家素貧。賤妾豈辭苦。採桑南陌頭。汲水西澗澗。荆釵不值錢。布衣綻且補。只恐婦道虧。何以謝父母。譬如憔悴松。絲蘿托非所。陽春一且生。枯松在翹楚。此是女蘿根。豈爲荆布伍。願言執婦儀。秉心事君子。奴家周秀才之妻。丈夫只爲

家貧。每日憂慮。待他出來。勸解一番。多少是好。

〔一翦梅〕〔生〕鎮日愁來懶看書。誰念寒儒。誰濟寒儒。謾思家裏有賢妻。難解愁眉。難展愁眉。〔見介旦〕官人。古云君子謀道不謀食。憂道不憂貧。原憲鶉衣百結。顏子簞瓢陋

巷。阮宣子家無擔石。范史云甑裏生塵。此數君子。何嘗不知命。你且安貧守道。以待一舉成名。終不然常如此狼狽不成。〔生〕娘子。文章雖滿腹。不如囊裏錢。又道是饑來據空床。一字不堪煮。安貧守道。我豈不知。爭奈身衣口食。無所措辦。交我如何是好。〔嘆介旦〕官人。

〔醉太平〕何須嘆息。算從古聖賢。都經災厄。簞瓢陋巷。那顏子未有憂色。思昔絕糧陳蔡。自絃歌。那夫子幾曾憂戚。讀書守道。他日自然榮貴赫奕。

〔前腔〕〔生〕然則家徒四壁。論安貧樂道。吾豈不識。爭奈衡門掛席。家空更無擔石。悽惻。幾番空甌暗生塵。這光景怎生捱得。空有五車書籍。不能勾救半霎時貧窘相迫。

〔不是路〕〔丑末〕事體已逼。文書緊急在朝夕。此間就是。不免徑入。〔生〕保正首領何

來〔丑末〕爲築河堤。官司差你做夫役。〔生日〕好難測。瘦怯怯書生沒氣力。身  
隻單丁口欠食。把別人選擇。可憐見將咱一名換易。〔末〕好不識。官司立下文  
籍。點起花名都上冊。到官司。〔生〕這個我去不得。〔丑〕伊頑不去我受責。〔生日〕泪空  
滴。萬苦千辛皆遍歷。夫婦分離誰痛惜。這堤怎塞。料做鬼在黃河岸側。〔丑末〕  
慢空憂鬱。慢空憂鬱。

〔白搗練〕〔丑〕我待說將來。又道相逼。也非干過分取索。周先生。若有錢來買  
放。何必怨嗟。何必疑惑。〔生日〕受饑寒。甘岑寂。要錢時那取貫百。〔丑〕有甚麼釵  
梳也罷。又沒釵梳解當。誰行告求。誰跟底尋覓。〔末〕聽他言。不明白。〔丑〕沒錢  
時須當借易。日下文書緊急。官司限期。莫誤時刻。〔生日〕形單影隻。淒涼已極。  
誰知道遭着官差。把夫婦散折。

〔尾聲〕〔末〕兩兩悲啼有何益。〔生日拜介〕若得週全感大德。〔丑〕你這等拜也沒用。  
惟有青蚨是上策。〔生〕保正哥你卻差了。生員吏戶都是免差。怎麼差我。〔丑科介末〕本縣大老

爺差他不勸的。就與你去見大老爺。〔丑勸介末〕黃保正你不容我拿人。違了限期。我若去受苦。你也一定不免。〔丑〕你且坐定。不要忙。待我對他說。〔末〕有甚麼說。去見官。〔丑〕拿他去見官。不過打二十板子。撈一撈罷了。難道問他死罪不成。周先生。這是甚麼東西。〔生〕這是鎖人的索。〔丑〕你就不聰明。這不叫做鎖人的索。叫做穿錢的繩。你有銅錢銀子拿些出來。替你顧人做夫。就是了。〔生〕一貧如洗。從何而來。〔末〕不要錯打了帳。我若要銀子。拿去買棺材。燒死人也不要他。只要你去見官做夫。〔丑〕他怎麼去做得夫。〔轉身介〕容我算計□□□□〔丑〕我有一條門路在此。〔生〕有甚麼門路。若有就依你。〔丑〕前村張敏員外。廣放生錢。你何不去借些來。我和你是好朋友。看你這等苦楚。難道不與你出力。我就替你煎些江山白兒。上下用一用。顧一個人代替就是了。〔生〕我與他平生不曾識熟。他怎麼肯借與我。〔丑〕他只要利錢。不管生熟。〔生〕既如此。牌子放我一放。我去借了便來。〔末〕你是在官人役。你倒去了。我那裏去尋你。〔生〕要銀子。必須我去。〔丑〕周先生。你是在官人役。他怎麼肯放你。叫娘子去借便了。〔生〕他是女流。怎麼去得。〔丑〕卻又不明白了。到此田地。還說得太平話。〔生〕娘子沒奈何了。你只得去走一遭。快取紙筆過來。〔旦遞介丑〕多借些。少也

不穀。〔生寫介〕立借契人周羽。爲因缺欠使用。情愿借到張處白銀。〔住介〕且住。娘子。張員外不知肯借與我。不肯借與我。我將文契空着。你去借得一錠。填上一錠。借得兩錠。填上兩錠。切不可忘了。〔旦〕我自來不出閨門。怎麼去得。〔生〕你終不然看我死。

〔旦〕我去人家怎告求。

〔生〕不然差我築河流。

〔末〕路當險處難迴避。

〔丑〕事到頭來不自由。

〔旦先下介末〕我同你到縣前去。〔丑扯介〕他銀子已借去了。不消是這等。到我家去便了。〔生朝內叫介〕娘子。你借得銀子。竟到黃保正家來。〔內旦應介〕

### 第五齣 告借

〔小蓬萊〕〔淨上〕巨萬家私頗有。聲名播滿皇州。只愁白首時光短。可惜少個風流。肥馬輕裘得自然。一生不惜買花錢。東君不與行方便。人未圓時月已圓。自家姓張。名敏。字好學。家住封丘。名揚一郡。富足堪並于陶朱。機謀不下于黃石。見佳人卽起謀心。遇嬌娥不顧親識。只被院君不從。故此心中鬱鬱。幾時得遂念頭。那時燒香禮佛。言之未已。院君早到。〔老旦上〕

〔前腔〕造物安排已久。人世裏空設機謀。早知老矣。不思無後。又不早回頭。

〔見介〕員外。要知前世因。今生受者是。欲知後世因。今生作者是。你如今萬廩千倉。粟陳貫朽。每日勞勞碌碌。使盡機謀。如今半百之秋。又無男女。還不修善。更待何時。〔淨〕院君。那錢財田土。是累人之物。我有巨萬家私。怎得不用機謀。你教我修。修不得了。

〔八聲甘州〕〔老旦〕錢財雖有。暫借人權管。令伊看守。你說豪富。我將古人比與你

聽。石崇豪富。〔淨〕也不讓他。老王戎謾把牙籌。〔淨〕他怎趕得我。老桑田尙然曾變海。豪富如何常保守。勸君何不及早回頭。

〔前腔〕〔淨〕何必恁過憂。論爲財主。須用機謀。當今時世。使不得良善溫柔。今朝有酒今朝醉。明日愁來明日愁。勸伊且開懷暢飲歌謳。

〔前腔〕〔老旦〕休休。北邙山多古塚。盡是昔日英雄。奪相爭侯。惟有江山依舊。前人田土。後人收留。〔嘆介〕孤身旦夕誰送老。兩鬢瀟瀟。今已秋。細思來。休得要使盡機謀。

〔前腔〕〔淨〕兒孫注定有。說甚麼修與不修。如今天道管什麼。有後無後。竇十郎有五子。終是死。鄧伯道無兒名譽留。勸伊把閒言閒語都勾。叫張千。〔末上〕〔淨〕西莊上那個欠銀子的。可鎖在水牢裏。東莊上叫你去討銀子。又討不來。你好不了事。如今再有不還的。可發到火牢裏去。油也逼出他的來。〔旦上〕

〔賞宮花〕家貧勢孤。只有夫和婦。築堤官差役缺少鈔支吾。求人須求大丈夫。救人須救急時無。奴家少長閨門。那識路途。一路問來。此間已是張員外門首。有人在此麼。〔末〕

娘子何來。〔旦〕要見院君。煩請通報。〔末〕員外。有個娘子在外面。要見院君。〔淨〕生得如何。〔末〕生得標致。〔淨〕待我自去。〔老旦問介淨〕院君。有個婦人在外面尋你。還你生錢的。〔老旦〕我那裏有生錢借人。待我去見他。〔淨〕待我去見他。〔老旦〕男有男行。女有女伴。怎麼你去。〔見介淨老旦〕裏面請坐。娘子誰家宅眷。到此何幹。〔旦〕奴家是後街周羽之妻。〔淨〕原來是周維翰令正。學生爲何不曾識面。〔旦〕奴家甘貧守道。不敢妄出閨門。因此不識富豪長者。〔淨〕今日來此貴幹。〔旦〕奴家丈夫被官差役缺少使用。特來府上要借兩錠生錢。有一紙文契在此。院君請收了。〔淨〕借多少。

〔旦〕只要兩錠。〔淨〕便多借幾錠何妨。〔老旦〕他只要兩錠。如何要多與他。〔淨〕院君有本多生利。你取銀子來。〔老旦〕員外。周娘子在此。你放尊重些。不可囉唆。我去取銀子來。〔下淨科介老旦上〕員外。銀子在此。〔淨〕待我與他。〔老旦〕還是我與他。周娘子。銀子在此。請收了。〔淨〕周娘子。利錢一些也不要。〔旦〕員外院君請上。待奴家拜謝。

〔剔銀燈〕念奴家時乖運乖。告求人出于無奈。多蒙大德深感戴。事畢後償還恩債。〔合〕官差只不過費財。得錢去兒夫事解。

〔前腔〕〔淨〕又何勞娘子自來。要錢時小生當貸。從今利息吾不愛。愧倉卒無物相待。〔合前〕

〔前腔〕〔老旦〕這佳人莫非是禍胎。引得他瘋狂顛怪。〔淨〕留周娘子吃飯去。〔老旦〕他兒夫望得錢來解。事關心怎留他在。〔合前〕

〔旦〕得錢便去救兒夫。

〔淨〕再要錢時只問吾。

〔旦〕求人須求大財主。

〔老〕救人須救急時無。



〔老旦下淨弔場〕着意種花花不活。無心插柳柳成陰。〔老旦暗上聽介〕周維翰的娘子十分美貌。來借銀子。他這文契也不及看他的。就與他兩錠銀子去了。且看他文契。怎麼樣寫的。〔讀介笑笑介〕妙妙妙。這文契原來是空頭的。正中吾計。我如今要圖他也不難。多填他娘幾十錠幾百錠。也不打緊。他沒錢還我。這老婆就是我的了。〔老旦下在內叫介淨〕來了。〔落文契下老旦上〕虧心折盡平生福。行短天教一世貧。〔拾文契介〕這是周維翰的文書。員外方纔說空頭文契。要多填上些。准折他妻子。天理難容。我且藏過了。〔欠身坐介淨上〕走開待我尋。〔老旦〕尋什麼。〔淨〕不要取笑。在這裏了。〔老旦〕員外。那周羽秀才。出于無奈。着妻子問你借銀二錠。你怎麼見文契空頭。就起不良之心。要虛填文契。准折良人之妻。此事斷然不可。豈不聞呂紀公唐太宗之事乎。那呂紀公要奪劉職之妻。那劉職發憤自殺。以致亡國。那唐太宗要取鄭仁基之女。聞其女已許嫁陸爽。遂深自責。他萬乘之君。尚且若此。你是庶民之家。如何虛填實契。謀奪人妻。是何道理。〔淨〕我若有此心。今生早死促滅。〔老旦〕

〔川鮑老〕平生莫作虧心事。世上應無切齒人。君無子孫。休把陰隲損。他去婦

怎交兩分。夫妻廝守。誰無百夜恩。須思忖。必竟是人心相似。休折害子孫。

〔前腔〕〔淨〕區區一個招不得。十二金釵是甚人。若論富翁。誰不貪紅粉。他容貌見着喜欣。若得他來。還你尊卑分。都休論。若得他生男育女。到添得個子孫。〔四時花〕〔老旦〕你若娶秦樓女。楚館人。我也甘心不論。若還他果少錢債。從君折准。評論。你這裏虛飄飄填寫契文。他那裏實杯杯擔着戰兢。直待要喜孜孜。意欲做親。怎忍見眼睜睜夫妻兩分。你爲富不仁。心腸忒狠。豈不聞石崇劫掠。

商賈。將三斛明珠。換得綠珠。後來只因那綠珠呵。將金谷園變作榛荆。

〔四時花〕〔淨〕心腸小。見不深。有甚十分打緊。總有萬語千言。只是不聽。詳論。你這裏氣咩咩。惡發怒噴。我心中喜欣欣。意欲做親。古昔賢妻也從夫順。不是。

老張誇口。管交綠窗女。自到吾門。〔老旦〕員外欺心上有天。〔淨〕院君休把我埋冤。〔老旦〕分明指與平川路。莫把忠言當惡言。〔下淨〕咄。還不走。〔科介〕正是見物不取。失之千里。終不然罷。

了。還叫張千出來商議。張千那裏。〔末上〕簇簇花街遠。潭潭華屋深。忽聞呼喚語。側耳聽清音。員外。

有何分付。〔淨〕我有一事對你說。不可泄漏了。〔末〕男女怎敢。〔淨〕張千。後街周維翰妻子來與我借錢。生得十分標致。將一紙空頭文契來。不曾填上數目。竟自去了。我如今欲多填上些。他斷然不得還。妻子就屬了我。你道好麼。〔末〕好。員外填多少。〔淨〕填上一千錠。〔末〕太多。〔淨〕填五百錠。〔末〕也多。填二十錠勾了。〔淨〕忒少。〔末〕一本一利算來也該四十錠了。〔淨〕你明日去討。〔末〕未該月。怎麼去討。〔淨〕未該月。明日到他家去。只說往南莊取債。在他門首經過。員外問尊相前日訟事如何了。他若說起借錢的事情。你就對他說生錢早還。早一日免一日的利錢。問他有甚麼田園房屋。有甚麼金珠首飾。員外都要。他若兩件俱無。你就踹將進去。便說員外家中有的是空房。不若搬到員外裏邊住下。先生與員外管些帳目。娘子在裏邊權做當頭。看他怎麼說。〔末〕小人到他那裏還有婉轉的話與他說。

〔好姐姐〕〔淨〕最喜周家美妻。吾心下貪他嬌媚。文書空頭。落吾圈套裏。〔合〕作區處。不施萬丈深潭計。怎得驪龍領下珠。

〔前腔〕〔末〕婦人全沒見識。只求個安貧拙計。來日取錢。將言說與伊。〔合前〕

索錢說合只憑伊。

只爲佳人美貌奇。

不施萬丈深潭計。

怎得驪龍領下珠。

### 第六齣 催逋

〔喜遷鶯〕〔生上〕雙眉頻皺。問乾坤爲何令人不偶。花縣征徭。衡門貧困。兩事不堪搔首。〔旦〕九萬鵬程須展。五百青蚨終有。〔生〕娘子。二月賣新絲。五月糶新穀。醫得眼前瘡。剜卻心頭肉。只因做夫生受着你去張員外家借生錢。如今又該月了。本利算來應得還他。〔旦〕官人。別人家欠了一二百錠。不似你這般煩惱。待他來時。轉幾個限期。奴家做些女工。漸漸還他。不須熬煎。

〔雁過聲〕〔生〕思之這一籌。朝夕爲此耽生受。不要說兩錠錢。我身衣口食尙且不能勾。許多錢終不得干休。〔旦〕那有干休之理。〔生〕他來索錢。教我如何措手。

〔旦〕轉幾個限期就是了。〔生〕也不會思前算後。你只說轉限呵。過了一日又添一日利。〔旦〕官人。今朝有酒今朝醉。〔生〕早難道明日愁來明日愁。

〔前腔〕〔旦〕何必恁過憂。也不將伊僝僽。〔生〕教我把甚麼還他。〔旦〕兩錠銀我自

旋補還湊。〔生〕本利算來。就該四錠了。〔旦〕前日張員外也會說來。〔生〕說甚麼。〔旦〕他道利錢

並不收。〔生〕自古道吃酒圖醉。放債圖利。那有不要利錢的。〔旦〕他是財主家。終不然將虛言

相誘。〔生〕倘不依前言如何。〔旦〕那其間只得告求。〔生〕終不然下禮與他。〔旦〕事出無奈。正

是路當險處難迴避。事到頭來不自由。〔末上〕要將頰舌說嬌娥。未審嬌娥意若何。紅粉

無情留意少。青蚨有數謾填多。此間已是周秀才門首。有人在此麼。〔生〕有人在外面叫。莫非又是

差築黃河的。〔旦〕黃河事情完了。又來怎麼。〔生〕待我去看來。〔見介〕足下何來。〔末〕在下是張員

外家裏。〔生〕原來是掌事哥。失敬了。少待。〔轉身介〕娘子。你教我不要憂。言之未已。討債的已來了。

如何是好。〔旦〕留他進來吃茶謾謾把言語回他。〔生〕掌事哥裏面請坐。待茶。〔末見旦介〕前日

寒荆到府。多蒙員外應付。又蒙院君款待。重承足下扶持。〔末〕不敢。院君說大娘子來促了。甚是多

慢。〔旦〕多謝多謝。〔生〕娘子你去看茶來。〔旦下末〕員外早間說你到南莊討債。打從周先生門首

經過。可進去問一問周先生。訟事如何了。故此輕造。〔生〕沒有什麼訟事。前者爲因黃河水決。差學

生做夫的事。多蒙員外掛念。〔末〕築河的事。只消員外一個帖兒。或府或縣說一說就罷了。何須使錢。不要說員外。就是在下。也認得一二分。〔生〕正是。學生全不知。適纔正與房下在此說起生錢的事。偶爾掌事哥到來。〔末〕生錢還未該月。何必掛懷。〔生〕雖未該月。學生日夜在心。〔末〕倒是先生講起。我在下纔敢說。員外的生錢。早還一日。省了一日利錢。若到該月來。就是四十錠了。〔生〕休要取笑。學生止得兩錠。本利止該四錠。〔末〕四十錠。〔生〕若是四十錠。不是我家。差了。〔末〕怎得差。其時有親筆文契麼。〔生〕怎麼沒有文契。〔末〕員外一應文契。都是在下掌管。不知今日曾帶得來否。〔生〕若是帶得來。借看一看。大家明白。〔末作檢介念票介〕立票人周羽。羽字是羽毛之羽。在此。〔生〕借來一觀。〔末〕前者一個好朋友也討去看。就扯碎了。以後是我代還員外。〔生〕我學生不是這樣人。〔末〕雖然如此。君子小人不同。遠觀觀罷。〔生念介〕是了。不好了。娘子快來。〔旦上〕怎麼說。〔生〕當初我與你空頭文契。教你借一錠填上一錠。你可曾填得麼。〔旦〕我救你心忙。不曾填得。〔生〕只道我埋冤你。這些小事托你不得。如今怎麼好。〔旦〕員外這等欺心。幹這等沒天理的事。〔末〕你夫妻二人。休得喬廝埋冤。難道四十錠生錢。終不然不還罷了。〔生〕那有不還之理。若是四

錠該月送還。若說四十錠。自然沒有得還。〔末〕不要是這等講。過來與你商量。你家有甚田園房屋。值十兩的擡做十五兩。我與你在員外面前方便。就是了。〔生〕明明當面笑人。若有田園變賣。不來告求了。〔末〕有首飾金珠。員外也要。〔生〕怎麼得有。〔末〕兩件俱無。怎麼了。且來。我與你外面講話。〔旦〕那裏去。就是這裏說罷。〔生〕當小心不小心。前日文契上填了兩錠。那見如此。〔末〕我有一句知己話對你說。我家卻有空房屋。先生與娘子在此生受。莫若搬到我員外那裏住下。先生門前管些帳目。娘子在裏面吃些安樂茶飯。權做當頭如何。〔生〕我是欠債寒儒。豈是賣老婆的保傭。〔打末介〕

〔女冠子〕我妻借錢將文約去。又誰知中他謀計。虛填二十錠來胡覓。反說道不要利。上覆員外。君子愛財。取之有理。只怕人惡人怕天不怕。人善人欺天不欺。〔合〕到今教人怎生區處。

〔前腔〕〔旦〕那時一刻花言語。又誰知中他毒計。早知落在圈套裏。寧甘死做夫役。一身拚死。誓無他志。勸君莫作虧心事。東嶽新添速報司。〔合前〕

〔前腔〕〔末〕欠錢休得埋冤財主。終不然有不還之理。當初好意相憐濟。到今日卻推拒。我把好言勸你。不信由你。我負外心性不是好的。只怕臨崖失馬收韁晚。船到江心補漏遲。〔合前〕周羽。你打便打得好。還了生錢去。

〔生〕要索錢時眼下無。

〔旦〕口甜心苦意何疎。

〔末〕酒中不語真君子。

〔衆〕財上分明大丈夫。

〔末下生旦弔場旦〕官人。不該錢又沒得還他。怎麼又打他。〔生〕你不知道。他教我到他家裏櫃上管些帳目。把你權做當頭。我到是那話兒。〔旦〕這等可惡。少打這狗才。〔下〕

### 第七齣 傷生

〔青香兒〕〔淨上〕周娘子儀容絕妙。見了他皮膚發燥。張千昨日去索錢。緣何更無消耗。劉郎一見武陵花。從此春心蕩也。昨日張千去索錢。待他來便知分曉。

〔前腔〕〔末上〕終日與人尋鬧。說着這般堪笑。他們守節甚青標。東人枉自焦躁。〔淨〕張千你回來了。索錢之事怎麼了。〔末〕〔西江月〕男女登門取索。便將錢數教知。夫妻兩口盡



驚疑。都說虛填文契。並無田園房屋。又無首飾金珠。那佳人心如磐石不差移。這段姻緣想未。〔淨〕想未。你倒吃了周家的酒。倒來我面前支吾。取板子來。打這狗才。〔末〕那裏會吃他的酒。〔淨〕既不。吃酒。怎麼臉是紅的。〔末〕吃了酒滿面紅的。那有半邊紅的。半邊白的。〔淨〕這是怎麼說。〔末〕小人。被周羽打了一掌。所以紅的。〔淨〕罷了。罷了。我家一隻犬子。也無人敢打。快去拿了周羽來。〔末〕不要拿他。若要他妻子成事。除非殺了周羽。〔淨〕此言一似針和線。從頭釣出是非來。你且訪問。差周羽做夫的是誰。〔末〕是黃德。〔淨〕把黃德殺了。〔末〕爲何殺了黃德。〔淨〕當初黃德差他做夫。曾得他兩錠銀子。如今民安事妥。與黃德討錢不肯還。將他挾仇殺死。這個人命。不怕周羽不認。我如今。着人殺了黃德。把尸首擡在周家後門。潛地令人伺候。待他回來。必然移屍。登時叫破。地方告到官府。害了周羽。他妻子卻不是我受用。此計如何。〔末〕此計甚妙。只是沒有人去。〔淨〕你就與我去。〔末〕小人去不得。養馬的宋清。此人心粗胆大。倒去殺得。〔淨〕叫他出來。〔末〕員外。宋清來時。只說要打他。待小人勸。後面謾謾與他說。〔末〕叫介丑上。聽得叫宋清。兩腳不會停。不是飯兩碗。定是酒三瓶。〔見末介末〕員外惱着你哩。須要仔細。〔丑〕大哥。員外惱我。望你方便。〔末〕曉得。宋清當面。〔淨〕宋

清你在那裏。叫你纔來。〔丑〕我在後園看爹。〔末〕看馬。〔淨〕你爲何把我的馬養瘦了。取板子來打這廝。〔丑〕不是瘦了。昨日下一個駒兒。〔淨〕既是昨日下駒。怎麼不來報。〔丑〕正是貴人多忘記。昨日爹在林學士家吃酒。宋清來報。說爹馬下駒兒了。爹說甚麼顏色。我說點子青。爹說我正喜的是點子青。可賞。〔淨〕我且問你。你吃那個的。穿那個的。〔丑〕吃爹的。穿爹的。〔淨〕老婆誰討的。〔丑〕爹討的。〔淨〕兒子誰養的。〔丑〕爹養的。〔淨〕胡說。我心上有事。你可替我幹得事麼。〔丑科〕休言世上無難事。就是偷天我也行。〔淨〕天都會偷。也罷。我諸般寶貝俱有。只少一塊五色天鑲一個屏風。你去偷來。〔丑〕爹與我一根梯子上去。〔淨〕那裏有上天梯。〔丑〕我也沒有拿雲手。我受了爹爹厚恩。無恩可報。故此說偷天我也行。不過是奉承爹爹。若說天果然偷得。這便是欺天了。〔淨〕我要去殺個人。〔丑〕殺人。〔淨〕不要嚷。恐外邊人聽得。〔丑〕殺幾個。〔淨〕殺一個。〔丑〕殺兩個。好做一担挑。〔淨〕我要殺黃德保正。你可認得麼。〔丑〕認得。只是沒刀。〔淨〕取刀與他。〔末〕刀在此。〔丑〕你看。純鋼打就。久煉成之。斬人無血。削鐵如泥。我先殺個。看你們怕也不怕。〔淨末〕怕。〔丑〕你們怕。他也怕。〔淨〕殺了黃德。把屍首擡在周羽後門首。〔丑〕爹又來沒志氣。我家殺人。倒與周羽粧門面。還

擡到自家廳上放下。把大門開了。放人進來看。人說張員外好狠。人都殺一個在家裏。〔淨〕我有計。你二人躲在一邊。周羽見了屍首。必然移屍。你二人就叫破地方。成事回來。重重賞你。〔末丑〕曉得。

〔淨〕

〔刮鼓令〕他家裏最貧。我威風。人共聞。要他妻房歸順。做事不成。被人笑哂。今夜裏去殺人。把屍首擡在周家後門。〔丑〕殺人。〔合〕恐隔牆有耳。且低聲。那窗外豈無人。

〔前腔〕〔丑〕蒙驅使宋清。既知恩。當報恩。今夜持刀潛去。管教他一命傾。若取那佳人。先請宋清吃幾瓶。〔合前〕

事到頭來不自由。

三人不可泄機謀。

教他雖無紀信難。

算來也有屈原愁。

〔淨下末丑弔場〕受人之托。必當終人之事。如今就去黃德家裏問一聲。〔丑〕正是轉灣抹角。此間便是黃保正在家麼。〔內〕不在家。縣前去了。你是誰。〔丑〕我是宋。〔末〕差了。周羽。〔丑〕我是周羽。前

日他差我做夫。得我兩錠銀子。原來沒有我的名字。今日特來問他討銀子。他還了我便罷。若不還我。殺也殺他一刀。〔內〕周先生使不得。叫他明日還你。〔丑〕叫他仔細些着。〔末〕我和你在此等他回來。道由未了。黃德來也。〔淨扮黃德醉上〕吃了卯時酒。昏昏直到酉。〔末〕他醉了。我和你正好動手。黃保正那裏吃得這樣醉的。過來。我與你這裏講話。〔殺介〕宋清哥好手段。如今把屍首擡在周羽後門首去。〔移屍介下〕

## 第八齣 移屍

〔天下樂〕〔旦上〕風動柴門客到家。瀟瀟疎雨打梨花。殘燈剔盡無聊賴。盼不歸時懸望他。我丈夫從早出去。這時候還不回來。教我望得眼穿腸斷。好恓惶人也。

〔步步嬌〕莫不是寄跡在誰門下。莫不是友朋們相攀話。他平日不肯多言。莫不是醉倒麼。他從來不會飲酒。莫不是與人相爭。有些牽掛。他也不是生事的。這早晚我也不該在此久站。我是個婦人家。只合閉門在家中坐。〔旦下末丑移屍上〕只教他閉門家裏坐。禍從天上來。此間已是他門首。且放下。我和你只躲在一邊。待他移屍。我們就叫。〔虛下生

上

〔步步嬌〕滿頭風雪歸來晚。羞覩妻兒面。身寒步不前。雪慘天昏。路迷不見。〔跌介〕什麼東西。把我絆這一跌。又道天上與人間。第一要行方便。

〔忒忒令〕天教我時乖運蹇。不知是何物。待我移過了一邊。免教人又遭一絆。原來是個醉漢。漢子去罷。天色晚。何不將身回轉。一任徑風穿。又不是被兒溫。衾兒暖。猶貪着醉眠。漢子起來。呀。怎麼溼漉漉的。想是他吃醉了。都吐在身上。

〔玉交枝〕這般腌臢寒賤。我周羽沒得吃的。不濟事。似你有得吃的。又吐在身上。也不濟事。又未知發跡甚年。這等不成才的。不要管他。我自開門進去罷。又一件。若還凍死在門兒畔。雖然不償他的命。少不得做個干犯。不免叫娘子掌燈出來。與他些熱湯水吃。救他一命。却不是好。娘子開門。〔旦執燈上〕日暮空山遠。天寒白日貧。柴門聞犬吠。風雪夜歸人。官人你回來了。怎麼出去這一日。〔生〕娘子。我有一把米在此。你且收了。〔旦〕你爲何兩手都是鮮血。〔生〕不好了。將燈來看。我只道是吃酒醉的。原來是殺死的。怎麼好。雪天家裏沒半錢。閃得人雲陽市上

遭刑憲。送周羽一番兒。不能勾見天。天見周羽不相憐。娘子四顧無人。我和你擡他別處去罷。

〔一撮棹〕心驚戰。急扶擡。莫久延。〔旦〕擡在那裏去好。〔生〕禁聲。只恐怕有耳在隔牆。只恐怕有耳在隔牆。那其間風聲怎免。爲冤家添淚漣。爲冤家添淚漣。〔生旦抬屍下末丑上叫介〕周羽殺人。同妻郭氏移屍。〔內〕曉得了。〔末〕如今地方已叫破了。你去說與黃德哥哥。黃文知道。我去報與員外得知。〔丑科〕正是一心忙似箭。兩脚走如飛。〔下〕

### 第九齣 唆訟

〔普賢歌〕〔淨上〕張千一去。到更深。爲甚今朝沒信音。料想他用心。不怕事不成。可笑周家。周家災禍侵。做成鸞鳳青絲網。牢卻鴛鴦碧玉籠。昨晚着張千宋清去殺黃德。怎麼這時候。還不見回報。〔末上〕

〔前腔〕殺人不覺戰兢兢。忙走歸來說事因。周家災禍侵。員外喜事臨。管取教君。教君成此親。〔見介淨〕張千事體如何。〔末〕員外聽稟。只見瀟瀟疎雨夜。慘淡正黃昏。更闌人

靜。寶刀光照雪霜痕。當時殺死黃德保正。屍首抬在周家後門。小人隨時用計。潛地去藏身。須臾周羽至。一絆一跌已無魂。便叫妻子將燈照。只見死屍橫路正當門。唬得夫妻驚戰。移屍奔走如雲。當時被張千叫破隣里。今朝發覺怎生伸。小人雖做不得劍誅無義漢。員外也須金贈有恩人。〔淨〕有賞。宋清那裏去了。〔末〕他去報黃德哥哥黃文去了。黃文必然來投靠員外。員外先推不管。謾謾的管纔好。〔淨〕我曉得。〔丑上〕

〔前腔〕夜來兄弟已亡身。知覺前來報四隣。思量不可聞。冤屈怎能伸。特到張家。張家說事因。老漢黃文便是。黃德是我兄弟。前爲築堤差周羽做夫。因詐他些錢鈔。不想他昨夜挾仇殺了兄弟。聞得張員外專一扛幫教唆。我如今投他做主。此間是他門首。有人在麼。〔末〕黃文來此怎麼。〔丑〕我兄弟被周羽殺了。特來見員外。〔末〕員外。黃文來了。〔淨〕你對他說。員外心慈。叫他不要苦。〔末對丑〕員外心慈。你見他。不要苦。〔丑〕我把這苦寄在這裏。進去。〔末〕苦怎麼寄得。〔丑〕記得苦中苦。方爲人上人。〔見哭介淨〕你來怎麼。〔丑〕我兄弟被周羽殺了。〔淨〕爲何被他殺了。〔丑〕爲黃河水決。我兄弟差他做夫。得了他幾貫錢鈔。他昨日來說。我又沒名。如何詐我的銀子。

若還我罷了。不還我殺也殺他一刀。不想昨夜真個被他殺了。今要告他。來投員外。與小人做主。  
〔淨〕你差了。兩邊都是隣里。我怎麼好管。我不管。〔丑〕員外不管。我就死在這裏。〔淨〕我管。〔丑〕跪  
淨〕起來。我替你寫一紙狀子。你去告衙門。一應使用俱是我管。〔丑〕員外一發替我告一告。〔淨〕  
我是你什麼人。好去告。〔丑科淨〕只怕你年老了不伶俐。我與你私場演。官場用。我做官。張千做阜  
隸。你進來告。〔末叫介淨〕告什麼狀。〔丑〕告什麼狀。〔末〕你不要說。〔丑〕不要說。做啞子。〔淨〕你說  
挾仇殺死人命事。有弟黃德。不合生前指官勒詐周羽銀兩錠。今見事妥。取討原銀。無得還他。昨夜  
把我兄弟殺了。特來具告。〔丑依淨念介淨〕是那個叫你來告。〔丑〕張員外叫我來告。〔淨〕不要說  
出我來。〔丑〕不說你。不顯得你這般好情。〔淨〕到那裏再說不得是我。〔丑〕曉得。〔淨〕  
〔雙鷓鴣〕我如今心歡意喜。這人命周羽殺死。屍在他門首。要他招一定無疑。  
你火速辦狀詞。到官司伸理。係干人命難逃避。〔合〕經官驗死人屍。看周羽故  
殺是實。

〔前腔〕〔丑〕又堪憐我卑人舍弟。充保正家住方隅。因差周羽做夫役。爲愛錢



故有是隙。是他謀計。係殺人命。周家罪。〔合前〕

殺害平人禍早來。

官司必定檢屍骸。

會施天上無窮計。

難免今朝目下災。

### 第十齣 枉招

〔紫蘇丸〕 〔小生上〕 不才愧乏絃歌政。嘆垂簾未能安靜。做不得河陽桃李萬

家春。致使閭閻小輩相爭競。兩袖天香下九重。牛刀小試宰華風。但教百姓皆安樂。頓覺仁風

百里同。下官封丘縣宰是也。依法奉公。有犯無私。左右拿放告牌出去。〔衆放告介丑上〕告狀告狀。

〔小生〕告什麼事。〔丑〕告人命事。〔小生〕取狀子上來。〔遞看介小生〕怎麼被人殺了。〔丑依前白〕

介小生〕左右。且把黃文監候聽審。快拿周羽同妻郭氏來。〔衆應下縛生日上〕

〔武林花〕是否吉凶尚未明。都拘係到公廳。〔見介點名介小生〕周羽。你是讀書人。何不

守分。那黃德與你有甚冤仇。將他殺了。從實招來。免受刑法。〔生〕城門失火。殃及池魚。楚國亡猿。禍

延林木。周羽是守道曾參。豈肯做殺人周處。望老爺筆下超生。〔小生〕咄。人命事不打不招。左右與

我打二十。〔打介小生〕拿那婦人上來。你丈夫在此招了。刀藏在那裏。快取來。〔旦〕沒有。爺爺。〔小生〕撈起來。〔撈介小生〕周羽快招上來。〔生〕

〔梁州令〕篋瓢陋巷。居貧守靜。半步不敢胡行。況平日以儒爲業。又何曾害物傷生。〔小生〕黃德差你做夫。有此仇隙。就把他殺了。〔生〕差役科夫常例。又無殺父母之仇。豈敢傷人命。〔小生〕如今見有見人。〔生〕他的言語怎依憑。都是積勢合謀做得成。爺爺須仔細。望詳情。〔小生〕不招再打。〔生〕其日小的不在家。出外回來。〔小生〕你回來。什麼光景。〔生〕

〔前腔〕天寒晚景。歸來已暝。腫腫門戶都扃。小的行至門首。被絆了一跌。覺一物當路。唬得人戰戰兢兢。小的將手去摸着。是一個人。將謂是何人沉醉。怕凍死街頭。未審何名姓。小的叫妻子張燈來。要扶他到暖所在。救他一命。比及將燈照。〔小生〕正是了。若是別人。你要救他的情也是有的。因見是黃德。頓想前仇。就殺了他。〔生〕原是個死屍形。只這供招是實情。〔小生〕是誰下手殺的。〔生〕若論誰下手。周羽也難明。〔小生〕你家又無深

堂宅院。豈不知外面事情。況屍首在你門前。情弊顯然。還不招。左右與我撈起來。〔撈介生〕

〔前腔〕葫蘆提不辯個分明。怎教我一筆招認。看這般磨折。有口難分。打得我十生九死。捱不過六問三推。枉了甘執證。〔旦〕丈夫寧可棍下死。不可刀上亡。〔生〕比似我做殘疾鬼。何不早招成。〔旦〕這等說。真個你殺了人。〔生〕難保曾參不殺人。早難道君子的會懷刑。〔小生〕這潑婦好無禮。你丈夫倒肯招了。你倒不肯招。左右與我再敲。〔敲介生〕

〔前腔〕使氣力頻打黃荆。那里是辯是非高臺明鏡。況拘留在此。怎訴不平。〔小生〕還不肯供招。〔生〕小的情愿招了。兀的是死別生離。料想已前定。〔旦〕你怎麼就招。

〔生〕不須更等。若論殺黃德。周羽是正身。〔小生〕放了。取紙筆下去畫招。〔衆介生〕

〔尾聲〕今日招成罪非輕。雲陽市上冤怎伸。夫婦相看珠淚零。〔小生〕婦人雖有移屍之罪。罪坐夫男。把婦人趕出去。〔生旦〕

〔哭相思〕萬苦千辛同受盡。誰知又作刑囚。夫妻分散不容留。在他簷下過。怎

敢不低頭。〔旦下小生〕叫刑房吏。快申文書到上司去。叫左右。上了枷鎖。〔衆介小生〕

〔四邊靜〕牛馬枉穿儒衣服。殺人心太毒。休得順人情。依條例拘束。〔合〕殺人罪惡已招伏。除是拜天恩。方得離牢獄。

〔前腔〕〔生〕縲紲之罪無偏曲。不恨受誅戮。只怕身喪與家亡。宗支有誰續。〔合前〕

〔小生〕牢獄關防須要勤。

〔生〕無辜將我做囚人。

〔衆〕馬前空有三千卒。

今日方知獄吏尊。

### 第十一齣 遣奴

〔似娘兒〕〔老旦上〕香閨寂靜。見花開花落。傷情。星霜兩鬢。豈長青。只愁秋風

景暮。丹桂一枝絕影。良藥苦口。利於病。忠言逆耳。利於行。我員外做事不明。屢屢勸他不聽。今日

假粧一病在此。待他來時。勸他一番。多少是好。〔包頭介淨上〕

〔撻破歌〕周家罪犯招成了。想必是身亡分曉。院君爲何這般模樣在此。〔老旦〕員外

你好快活。我就死在這裏。你也不顧我了。〔淨〕希奇。我早上出去。你好好的。怎麼就病將起來。敢是頭疼。〔老旦〕

〔紅衲襖〕可知道頭腦疼。〔淨〕不是頭疼。敢是發熱。〔老旦〕只爲你犯法的傷了結髮情。〔淨〕你敢是受了風寒。〔老旦〕只爲賊風邪做出不仁症。〔淨〕你敢是受了驚。〔老旦〕果然受驚來。我爲你實杯杯擔着戰驚。〔淨〕你有甚麼話。可對我說。〔老旦〕逆耳言。不利聽。〔淨〕討藥與你吃。〔老旦〕苦口藥。難濟生。〔淨〕有病不吃藥。怎麼得好。〔老旦〕你直待癆鬼纏身也。正是妙藥難醫冤病深。〔末上〕身充差使役。甚日罷驅馳。呀。員外院君都在堂上。〔淨〕叫梅香拿粥湯與院君吃。張千。周羽的事怎麼了。〔末〕周羽打了二十板。搥了一搥。敲了一百二十。罪名招成。監候了。〔淨〕他妻子。〔末〕也搥一搥。〔淨〕苦惱。不要搥他便好。〔末〕官法如此。〔淨〕張千。院君身子有些不自在。你來只說問安。〔末〕曉得。〔淨〕院君。張千那小廝倒也孝順。聞得你身子不好。特來問安。〔末〕院君。張千磕頭。〔老旦〕你不是張千。〔淨〕他怎麼不是張千。〔老旦〕他是個賣藥的郎中。〔淨〕明明是張千。怎麼是賣藥郎中。〔老旦〕他既不是賣藥郎中。爲何懷揣毒

藥〔淨〕張千你有甚麼毒藥。〔搜介末〕小人沒有甚麼毒藥。〔老旦〕你還說沒有。

〔前腔〕你下挑生。拆得人夫婦分。下蠱毒。令人做鬼魂。〔淨〕院君。他好意來問安。怎麼有這許多說。〔老旦〕員外。你道他報將來好消息。我道他毒似砒霜尤更狠。〔淨〕你身子有病。且自保重。〔老旦〕我病根源猶未除。張千你這狗才。禍根苗都是恁。員外。你要我的病好。也不打緊。除非是趕出張千去。牢中救出周家也。〔淨〕周家與我有甚麼相干。〔老旦〕正是心病還將心藥醫。〔淨背介〕張千。院君惱你。他身子不好。也罷。你到南莊去住幾時。待院君病好回來。〔末〕小人就去。〔下淨〕咄。這狗才還不走。〔轉身介〕院君。張千趕出去了。你身子不好。待我扶你進去。〔老旦〕我的病倒不打緊。你的病看看沉重了。〔淨〕我有甚麼病。〔老旦〕員外。你的

心病還將心藥醫。

自家有病自家知。

善惡到頭終有報。

只爭來早與來遲。

第十二齣 省夫

〔末丑上〕牢內並無良善。眼前惟有囚徒。假饒人心似鐵。怎當官法如爐。前日發下一名犯人周羽。到我牢中。分文銀子不見面。不免喚他出來。奈何他一番。周羽死囚在那裏。走過來。〔生枷鎖上〕

〔遶地游〕遭陷害。實堪傷。可憐柔弱體。怎生當。〔末丑〕終日爲你多勞攘。從來

一口水那曾嘗。〔末丑〕周羽過來。管山靠山。管水吃水。從你下監來。燈油錢又沒有。柴火錢又沒

有。卻怎麼說。〔生〕押獄哥。家信不通。〔丑〕今日也待家信通。明日也待家信通。待我們匣他起來。

〔生〕小人被誣陷到此。那得錢來與你。〔丑〕我也管你不得。〔匣介生〕大哥。冤枉事。沒奈何。可憐。

〔銷金帳〕終朝受餒。自覺神魂蕩。〔生求放丑打介〕強扶擡。又遭幾棒。若還果去

殺人。果是不良。甘心受死。也不怨拷棒。天呵。旣恁蒼蒼。怎不鑒良民冤枉。那些三個作惡降殃。作善降祥。

〔前腔〕〔旦〕一來到此。〔生叫介旦〕聽得呻吟響。是何人遭拷棒。〔末丑打生哭叫介

旦〕聽得這般聲音。好似兒夫模樣。一棒打着。使奴一寸斷腸。押獄哥開門。〔丑〕

什麼人。好大胆。在此呼開門。這是嚴禁所在。不許閒人進來。〔旦〕天呵。直恁關防。到此還遭

攔擋〔生〕好疼。可憐。〔旦〕聽得一聲痛苦。使奴一點痛腸。可憐見。開一開門。〔丑〕什麼人。  
〔旦〕奴家送飯與丈夫吃的。〔丑〕你丈夫是誰。〔旦〕周羽。〔丑〕買乾魚放生。不知死活。上司發下明文。絕了你丈夫飯了。〔旦〕可憐見。放奴家見丈夫一面。〔丑〕自古牢獄。不通風走。

〔前腔〕〔旦〕監牢念取。權把門開放。可容奴見夫主行。一旦死別生離。怎生撇漾。容奴話別。略到那廂。你若哀矜。使奴霎時相向。這的便是你的恩德。怎忘。

〔末〕李大哥。與人方便。自己方便。周羽妻子來。決定拿些東西與我們。便開門放他進來。〔開門介〕  
〔旦〕我丈夫在那裏。〔丑末〕走過來。在這裏。〔旦見生哭介〕

〔香柳娘〕你一身杻械。你一身杻械。開眼覷着你頭。怎擡。搨扒吊拷。如何捱。我無錢計。我無錢計。要見你怎生來。我和你。饑寒共守。七八載。今日你做囚徒。我不得同受。狼狽。〔合〕嘆一家破敗。嘆一家破敗。骨肉何年再諧。傷心垂淚。  
〔前腔〕〔生〕我今番押解。我今番押解。好歹去雲陽市上。做死屍骸。妻呵。擔擱你孤身誰倚賴。我向黃泉瞑目。我向黃泉瞑目。管不得你心志改。妻呵。我死之後。



但把我屍骸收埋在。休教我做無主孤魂。這便是夫妻恩愛。〔合前〕

〔前腔〕〔旦〕你吃人粧配。你吃人粧配。啣冤負屈無甚罪。〔拜介〕望乞監牢相擔待。把繩索放解。把繩索放解。一口飯略救饑餒。你若抵死不容。要救我兒夫。奴身當代。〔合前〕

〔前腔〕〔末丑〕看他們說拜。看他們說拜。夫妻兩口真可哀。李大哥。不要說我和你。便是鐵心腸。見了愁無奈。略寬伊半晌。把繩索權放開。若還果有啣冤債。何不到官司去伸訴來。〔生日拜介合〕謝監牢憫哉。謝監牢憫哉。骨肉一朝通泰。感恩難載。

〔前腔〕〔生〕我吃人陷害。我吃人陷害。訴不盡萬千怨懷。妻呵。生離死別。只有今番會。我終須是死。我終須是死。休教我添幾棒柴。〔旦〕我拿飯在此。你吃一口。〔生〕你若有一夫妻之情。速將此飯法場內。奠一口涼漿。我的魂靈感戴。〔合前末〕周羽。你

兩人啼哭也沒用。新任太爺甚是清廉。你着妻子去訴一狀。或者饒了。也不見得。〔生〕娘子。多蒙押

監哥指引。你可倩人寫一紙訴狀。到太爺處訴。倘天可憐見。訴得准時。我夫妻還有重會之日。〔末〕周娘子。以後不要送飯來。我自與他吃。〔生日〕多謝了。

〔臨江仙〕這苦無處訴。不平事天知我。〔末丑〕官府常來點監。快出去。快出去。

〔生〕多蒙押獄轉回心。

〔旦〕抱屈含冤訴此情。

〔衆〕惟有感恩并積恨。

萬年千載不生塵。

### 第十二齣 發配

〔水底魚兒〕〔外上〕五馬臨州。自誇賢太守。郡人都道龔黃難抗手。詞清訟簡。陶情詩與酒。簾垂清晝。唐民得自由。

〔前腔〕〔旦〕抱屈啣冤。投詞來馬前。望停鞭凳。聽取奴訴言。〔外〕衙門裏來。〔旦〕怕衙門上下都來相隱瞞。吏人作弊。不能勾到案前。〔外〕叫地方帶那婦人同來。〔丑扮

總甲上介衆〕開門。〔外〕叫總甲。〔丑見介〕我已曾分付你潔淨街道。不許閒雜人喧嚷。怎麼容留婦人叫喊告狀。〔丑〕爺爺。小的趕得肅靜。不知那裏走出來的。〔外〕這等可惡。與我着實打。〔打丑

科外」帶那婦人過來。「旦見介外」那婦人。我自放告日期。怎麼攔街叫喊。「旦」爺爺冤枉事的。  
望老爺超生。「外」取狀子上來。「衆介外」婦人。你是那縣人氏。有甚冤枉。照狀上從實說來。「旦」  
「鎖南枝」封丘縣百姓家。「外」你丈夫叫甚麼名字。「旦」周羽媳婦投詞下。「外」你丈夫  
與黃德有甚冤仇。「旦」平日與黃德有甚事爭差。「外」這屍首在那裏來的。「旦」不知誰  
把屍骸撇下。「外」撇下後來怎麼。「旦」誣告官司不容夫回話。「外」既將屍首陷你丈夫。那  
官府怎麼問。「旦」官不審都向他。把殺人罪案定下。「外」人命重情。你丈夫怎麼就認了。  
「旦」一時被拷打。屈招是虛假。「外」既招定了。你又來訴什麼。「旦」正爲剛刀雖快。  
不斬無罪之人。冤屈事難甘罷。「外」這事情已經縣家問明。難道他問枉了你。「旦」下苦  
情。難上達。便做日月明。照不到覆盆下。「外」日月雖明。怎照得覆盆之下。其時你丈夫在  
家不在家。「旦」

「玉交枝」正遇天寒雪下。我兒夫遠出到家。「外」他回來什麼時候了。「旦」歸來路黑  
無燈火。「外」既無燈火。怎麼曉得有人在門首。「旦」其時被絆了一跌。覺一物倒臥當途。起初

呵。只道是謫仙醉眠芳草坡。其時丈夫叫小婦人將燈來照。卻原來是霸王自刎烏江渡。〔外〕既是個屍首。後來怎麼了。〔旦〕急扶擡登時散也。〔外〕這就移屍了。〔旦〕怎知他指鹿作馬。〔外〕指鹿作馬。趙高的故事。終不然官府錯拿了你。〔旦〕

〔沉醉東風〕誰想被官司妄拿。全不審事情真假。〔外〕可有知見麼。〔旦〕若論殺人。知見並沒一個。我丈夫呵。況兼凍餒。終日受波查。〔外〕又無知見。又無凶具。怎麼就問得死罪。〔旦〕被逼勒。只得把虛詞招寫。〔外〕一個死罪不是當耍。怎麼就招了。〔旦〕威靈勢加。受不過他萬千拷打。怎不低頭。在他簷下。〔外〕這訴狀敢都是虛情。〔旦〕

〔玉胞肚〕詞非虛詐。〔外〕若虛詐怎麼說。〔旦〕若虛時。怎敢到府衙。〔外〕這婦人倒也會說話。〔旦〕這的是痛苦真情。使不得俐齒伶牙。豈不聞賤人寇薪。飛霜激於燕地。庶女告天。振風襲於齊唐。東海出孝婦。旱二年天無雨墮。怎做得蒲丞相錯斷了賊波查。〔外〕這訴狀我這裏不准。〔旦〕若不准婦人訴狀呵。怎教我夫做曹伯明。屈死在天涯。

〔外〕也罷。我准了你這狀詞。且在外邊伺候。〔旦出介外〕叫卓隸去封丘縣提周羽一起。就弔原卷

來聽審。〔衆應下淨扮主簿上〕叫民快把周羽帶上來。〔衆押生上〕

〔玩仙燈〕聽喚周羽名。想是天憐憫。〔淨〕周羽。太爺到任。單問起你這一件事情。你去見太爺。不可多說。〔生〕是。只望老爺方便一聲。〔淨〕也罷。我與你方便。〔報門介〕封丘縣官進來。〔淨見介〕封丘縣主簿參拜老爺。〔外〕不須拜罷。我且問你。周羽一起會解來麼。〔淨〕已解在外面聽審。〔外〕周羽事情你也曾問來麼。〔淨〕知縣朝覲。主簿署印。也曾問來。〔外〕怎麼問。〔淨〕主簿這等這等問他。他那等那等答應。〔外〕他殺人可有凶器。〔淨〕他沒有兄弟。〔外〕不是。可有刀麼。〔淨〕也不刁。〔外〕你是那裏人。〔淨〕福建。福州虎門前。一個大老府。〔外〕這主簿好糊塗。且出去。帶那周羽一起進來。〔淨對生介〕周羽過來。我再三替你稟了。你去見太爺。不要多說。認個晦氣罷了。〔生〕別的事認得晦氣。這人命事。小的怎麼認得晦氣。〔淨〕你你你這狗奴。還說活敲死你。〔下報門〕犯人進來。〔見介外〕周羽。〔生〕有。〔外〕郭氏。〔旦〕有。〔外〕黃文。〔衆〕有病。〔外〕其餘什麼人。〔衆〕護送民快來。〔外〕俱外面伺候。〔衆下外〕周羽。你殺人情真罪當。已招認了。怎麼又教你妻子來訴狀。〔生〕爺爺冤枉。〔外〕你且從實供來。〔生〕

〔五供養〕家貧儒素。爲絕糧奔走道途。〔外〕其時你回來什麼時候了。〔生〕黑瞳瞳歸來。天已暮。那時被絆了一跌。覺一物當途倒臥。將爲是何人撇下物。卻原來是個屍橫路。只此情實實懇訴。望推詳盤覆冤禍。〔外〕既不殺人。其時在縣家如何就認了。

〔生〕

〔月上海棠〕遭冤苦。不由人不認殺人罪。況無錢計囑。有口難訴。老爺。我是個瘦怯怕犯法的儒生。怎做得慘刻刻殺人周處。〔外〕那時可有知見麼。〔生〕有誰知見。〔外〕有凶器麼。〔生〕怎生樣持刀把人殺死。〔外〕且住。周羽口詞。與婦人狀詞相同。況且又沒有證見。又沒有凶器。怎麼縣家就問了他死罪。好糊塗。他既要殺人。怎麼不殺在別處。到殺在自己門首。自古罪擬惟輕。功擬惟重。與其殺不辜。寧失不矜。又云五刑之疑有赦。五罰之疑有赦。古人有矜恕之心。下官豈無出罪之條。叫左右劈了枷。〔生日〕爺爺使不得。〔外〕饒你死罪了。〔生日〕謝爺爺。〔外〕我如今把你從輕發落。問你在廣南離州爲民。〔生日〕望老爺附近些。〔外〕死罪饒了。還說路遠。叫解人張文上來。〔末見介外〕你是長解短解。〔末〕小的短解。〔外〕我這裏僉你做個長

解。〔末〕小的是短解。縣家自有長解。〔外〕我知道你是短解。我到縣取長解。擔擱了日子。就僉你去罷。〔末〕老爺。小的是短解。去不得。〔外〕這等可惡。拿下去打。〔末〕小的願去。只路途遙遠。沒有盤纏。〔外〕也罷。縣家取十兩銀子與做盤纏。〔末〕謝老爺。〔外〕那婦人雖有移屍之罪。罪坐夫男。這也罷了。叫保正。〔丑見介外〕你就帶婦人出去。追他十兩燒埋銀子。給與苦主黃文。補領狀來。〔生日〕小的家貧。寸草俱無。望老爺可憐。〔外〕趕出去。

〔外〕饒伊一命配他鄉。

〔生日〕謝得恩官作主張。

〔衆〕若非郭氏伸冤枉。

怎得周生脫禍殃。

〔外下生日末丑弔場末〕我該死。也有這晦氣。原是個短解。換做長解。直要解到廣南離州。若干路。怎麼能勾就到。〔生〕大哥可憐見。夫妻分別只在一時。略容我說幾句話。也是大哥恩德。〔末〕好嘴臉。就起程了。還要說話。好自在生性。〔丑〕大哥。可憐他夫妻分散。也待他分付一聲。〔生〕沒奈何。把小人扭來鬆一鬆。〔末〕還要鬆扭。〔丑〕便罷麼。〔末鬆扭介丑〕等他們說話。我和你去那店裏酌壺白酒去。〔丑扯末下生〕我的妻。今日與你活分離。〔旦〕丈夫。你去只終須去。留卻怎生留。我有七個

月身孕。不知是男是女。生下來終爲無父之兒了。〔生〕妻。我是個該死之徒。顧不得你身後之事了。

〔旦〕

〔小桃紅〕和你同甘同苦。受盡饑寒。誰想道遭磨難也。此去程途有誰見憐。何況涉山川。披枷鎖。捱風霜。這苦我也無由見也。我這裏孤單伊怎管。〔合〕一旦恩情斷。再合甚年。只指望結來生未了緣。

〔前腔〕〔生〕疋羸身已跋涉山川。料想我終須死也。誰收吾骨瘴江邊。我便得生還。何況路途遙。沒盤纏。我也難回轉也。妻。我料今生再不能彀與你相會了。除死後魂魄與你來相見。〔合前末上〕快走。快走。

〔望歌兒〕〔旦〕艱難。我欲待要隨伊去。又被官府牽。我欲待拚死相隨。奈已身又將分娩。縱有孩兒。永不識父親之面。〔合〕生不能彀相看和你同飽暖。死不能魂魄和你相留戀。

〔前腔〕〔生〕難言。妻呵。你若耍重婚嫁。我也難將你管。〔旦〕丈夫。你說那裏話。〔生〕你



如今有七個月身孕。若生下女兒。將往事休題。若生下男兒。取名瑞隆。我那妻。〔拜介〕與我教道他成人。說與他終身怨。〔背介〕我周羽好癡。此行生死尙然不知。何況遺腹孩兒。我只怕他叫別人做爹爹。那時節忘了維翰。〔倒介旦〕丈夫甦醒。〔醒介合前旦〕

〔黑麻令〕君疑我將身變遷。丈夫不因這個遺腹子。目今就死在你眼前。丈夫。你慮我有再嫁之心。只怕我捱不過饑寒。不久亡身。不能教教子報冤。〔合〕夫妻淚漣。心事萬千。〔丑末逼介〕最苦是催促登程。我也說不盡言。

〔前腔〕〔生〕不須煩惱痛埋冤。只這一個遺腹子。須索保全。妻無倚靠。只望你心堅。若得子孝共妻賢。我周羽呵。就死也瞑目九泉。〔合前〕

〔尾聲〕生離死別何足嘆。兩下裏愁懷萬千。再得相逢。知他是甚年。

〔哭相思〕但願夫妻情不斷。再圖後世重相見。〔末扯生下旦丑弔場〕郭氏。大爺着我追你十兩燒埋銀子。快處置與我。好回覆官府。〔旦〕保正。

〔玉胞肚〕奴是荆釵裙布。受饑寒朝不保暮。況兒夫遠配邊隈。尙沒有半分資

助。要徵燒埋銀。怎支吾。奴家與丈夫就死了。誰與燒埋夫共婦。

〔前腔〕〔丑〕不須推故。命緣乖相逢此途。非干是我們相逼。只怕你捱推不過。免教刀下喪兒夫。納幾錠燒埋銀。值甚麼。

〔丑〕勸伊不必淚漣漣。

官司必定要銀錢。

〔旦〕保正略容三兩日。

待奴處置辦還官。

### 第十四齣 賄押

〔梨花兒〕〔淨上〕周羽殺人構禍胎。違條犯法臨邊界。他妻羈管方正家。燒埋銀少吾當貸。事不關心。關心者亂。只爲周娘子。費盡多少心機。不想官府饒了他的死罪。發配

廣南離州爲民。差張文押解。我如今有計。將十兩銀子送與張文。教他中途打死。有何不可。迤邐行來。此間已是張文門首。有人在此麼。〔末上〕一身奉差遣。指日離封丘。是那一個。〔見介〕呀。原來是員外。貴人踏賤地。員外請裏面坐。〔淨〕且不要嚷。閉了門。〔末〕員外到此。有何見諭。〔淨〕我聞說差你押解周羽。〔末〕便是。活晦氣。我小人原是短解。不想太爺要我做長解。止取十兩銀子與我做盤

纒。況且路途遙遠。〔淨〕是那裏。〔末〕廣南離州有三千里路。快去快來也得半年。〔淨〕咳。老弟。那周羽是個惡人。活活把人殺死。問了死罪。到也與地方除害。太爺好沒分曉。饒了他。差你押解。只是累了你。這許多路程。十兩銀子怎麼設盤纏。我有十兩銀子送與你湊用。〔末〕小人無功受祿。怎得還員外。〔淨〕我不要吃你還。老弟你可仔細。當初那黃德一個錢也不曾得周羽的。被他殺了。你如今一路上早晚要防他。〔末〕多謝員外好言。我小人解周羽到得那地方。討得批迴回來。纒是我張文。〔淨〕老弟何難之有。解到前途僻靜之處。攔頭一棍。打死了他。你把銀子幹了一張地頭文書。只說中途病故。一樁事卻完了。〔末〕多謝員外分付。〔淨〕若了事回來。再找十兩銀子。〔末〕謹領。〔淨〕

〔卓羅袍〕財帛非同容易。請君家收取。不必疑猜。必須牢記在心懷。中途打死。卻與民除害。〔末〕不須多囑。料然事諧。一言已定。再無變改。〔淨〕方纔所說的。佳音到日。一一當酬拜。〔淨〕這話我爲你干繫。對你說。你在朋友妻子面前。不可洩漏。

〔末〕員外不必細叮嚀。

管取教他作滯魂。

〔淨〕若得留心當厚贈。

從今翹首望佳音。

第十五齣 託夢

〔掛真兒〕〔小生扮金山大王上〕堪憐周羽遭邊配。論殺人果非其罪。善哉。善哉。人

間私語。天聞若雷。暗室虧心。神目如電。吾乃金山大王是也。今日出游山岳。至晚歸殿。鬼判何在。〔鬼判上介末上〕上命遣差。蓋不由己。自家解子張文是也。蒙太爺差我押解周羽到雒州爲民。此去有三千里路程。正在煩惱之際。不想張員外與我十兩銀子。叫我途中打死周羽。回來再找我十兩。連日在途。人烟湊集。不敢下手。且攢到前途沒人之所。再作區處。周羽死囚。快走上來。

〔水紅花〕〔生〕家鄉回首暮雲低。淚空垂。愁腸千縷。〔末〕雒州若干路。你這等樣走。幾時得到。〔生〕非干違慢步行遲。體單衣。腹中饑餒。〔末〕死囚。腹中饑餒。買些點心與你吃不成。還不快走。〔生〕哀告大哥見憐。望賜與慈悲。略略的款行遲也囉。大哥。我小人棒瘡疼。行走不動。〔末〕

〔梧葉兒〕你犯殺人罪。配邊隅。今日裏怨着誰。又不是有花並有酒。一步做兩步移。〔合〕你好愚癡。那個人憐伊來念伊。

〔水紅花〕〔生〕周羽屈受這災危。拚殘軀便做他鄉之鬼。可憐賢達我荆妻。便做有男兒也難存濟。遙望鄉關何處。真好傷悲。休得要苦相催也囉。

〔梧葉兒〕〔末〕你好不知理。說甚的。〔生〕大哥。不說甚麼。說那妻子。〔末〕怎顧得那妻兒。我也爲伊連累。愁煩心自知。趲行期。早不覺紅輪西墜。且住。此間有一所古廟在

此。〔看介〕原來是金山大王神廟。你看兩扇金釘朱門。四邊粉壁瑤塔。陰風吹送紙錢灰。聖像威儀古怪。大王爺。弟子張文。是河南開封府封丘縣解子。今押解犯人周羽到廣南離州爲民。大王爺。保佑弟子一路平安。脚輕手健。〔叫周羽介生睡介〕你看這死囚。到處就睡着了。〔踢介〕就是你也該拜一拜神道。祈保於路平安。好行好走。你不信神佛見得如此。〔生〕是。大哥說得有理。寶殿香焚金鼎。花街雨潤蒼苔。黃昏時候少人來。扣齒三通禮拜。大王爺。我周羽果是殺人。望神明差陰兵即時打死。我周羽若是屈情。望神明鑒察。〔末〕吓。死囚。大王是泥塑木雕的。又不是本府太爺。又不是本縣大爺。你告訴他。難道饒了你。〔生〕告訴神道。也要你管。〔末揪跪介〕死囚。我不管你。誰管你。〔生〕大哥是該管的。〔末〕你看日落啣山。前面去不及了。也罷。就在這廟裏宿了罷。〔生〕大哥。這廟

中又無壁落。況無燈火薦蓆。怎麼歇得。到前面市鎮上。熱湯水也討一口吃。〔末〕死囚。你既要熱湯水也買些吃。苦惱我小人是該死的。怎麼要吃。〔末〕死囚。白鐵刀兒轉口快。睡罷。〔生睡蓆上介末看神介〕你看神像。雖金瀝粉。就是活的一般。〔轉身介〕你看只有慈悲公人。沒有慈悲犯人。他這一領蓆兒也捨不得與我睡。自己睡了。我問你這死囚。〔打介生叫介〕不是我連累你。你連累我。〔生〕小人連累大哥。〔末〕可又來。你這一領蓆兒不割捨得與我睡。自己睡了。〔生〕是。大哥打得是一時間沒見識。〔末〕若有見識。不去殺人了。〔生〕是。大哥那裏睡。〔末〕攤在這裏。〔攤蓆介末〕把包兒放在這裏。〔生放包介〕把這棍子放在這裏。〔生放棍介〕大哥請睡。〔末睡介〕自古輕囚重管。我一路辛苦。倘睡熟了。被他走了。怎麼是好。待我叫他起來。做他一索。周羽。〔生〕大哥要尿瓶。〔末〕不是。我教你一覺好睡。〔生〕大哥這等真好睡。〔末〕不是。我睡熟了。你走了。我那裏來尋你。〔生〕大哥。我插翅也飛不去。〔末〕待我網將起來。〔生〕大哥。沒奈何。〔末〕把這碗兒與你做枕頭。便是人情了。〔生〕大哥。可憐見。

〔五更轉〕望你們寬容恕。休得苦禁持。更深夜靜。夜靜圖一睡。待等天明拚死前去。大哥沒奈何。我終是死。且放鬆。免做殘疾鬼。咳。大王爺。若得好夢。好夢還鄉里。便死在黃泉。我也不忘你恩義。

〔前腔〕告聖賢乞垂庇。這冤屈神自知。若還果有果有殺人罪。神理昭彰鑒察。周羽。若還是命運蹇。天道危。難脫離。陰兵打死。打死心無悔。免教途中受盡狼狽。〔睡介末起介〕正是受人之托。必當終人之事。臨行之時。張員外與我十兩銀子。着我中途打死周

羽。回來再找十兩。一路人煙湊集。難以下手。今晚在此古廟中。人跡罕到。不要說一個周羽。便是十個周羽。打死了也沒人知道。待我腦蓋上打他一下。〔打生鬼判扯介末〕怎麼打不下。想是不該在腦蓋上死。且待我脅肋上打他一下。〔打生鬼判扯介〕好古怪。每常這根棍子。拿在手裏。如燈心一般。今日爲何有千觔之重。我想起來。周羽不該在這個時辰上死。不免再睡一睡。正是閻王註定三更死。定不留人到五更。〔睡介小生〕看禁子張文。殺氣騰騰。犯人周羽。怨氣沖沖。叫鬼判。將二人睡魔了。把周羽索子綑了張文。張文張文。你受了張敏財物。途中打死了周羽。回去又找十兩銀子。你

卻得利肥家。害人性命。聽吾分付。

〔玉胞肚〕堪憐周羽。是河南本郡附儒。論殺人果非其罪。是張敏使宋清殺的。休教打死在邊隅。這段冤讎必報取。

〔前腔〕周羽聽取。且寬心不須痛悲。他年後定享榮貴。終有日光耀門閭。汝妻必產貴孩兒。這段冤讎必報取。〔末醒介〕呀。周羽走了。好古怪。這繩兒我網在周羽身上。怎

麼倒網在我身上。周羽又不走。正是吉凶猶未見。夢寐早先知。我正睡之間。明明見大王爺站在我面前。說周羽果非其罪。是張敏使宋清殺的。又說道此冤必報。且住。這個事在封丘縣幹的。怎麼鄂州界上神明也曉得。正是人間私語。天聞若雷。又說是張敏與我十兩銀子。教我中途打死周羽。回來又找銀十兩。我想來今生不報。來世償還。正所謂暗室虧心。神目如電。罷罷。他既受此冤枉。我與他做什麼對頭。我且叫他起來。放了他罷。周兄起來。〔生作驚醒介〕咳。大哥沒奈何。放了我的索子。〔末〕方纔與你放了。〔生看大王介末〕你怎麼做這個模樣。〔生又看哭介〕周兄。你只管看這神道怎麼。有什麼話。可對我說。〔生〕咳。大哥不要說去罷。〔末〕不是對我說不妨。〔生〕說來要打。〔末〕我



不。打。你。對。我。說。〔生〕大。哥。我。正。睡。之。間。夢。見。大。王。爺。站。在。我。跟。前。說。我。果。非。其。罪。被。人。陷。害。後。面。還。有。兩。句。咳。不。要。說。〔末〕還。有。什。麼。說。話。一。發。對。我。說。了。〔生〕咳。荒。唐。之。言。不。要。說。他。只。是。去。罷。〔末〕何。妨。一。發。說。了。〔生〕他。說。我。生。什。麼。貴。子。夫。妻。相。會。還。有。報。冤。之。日。咳。荒。唐。之。言。不。該。說。去。罷。〔末〕周。兄。我。夜。來。也。得。一。夢。〔生驚介〕大。哥。也。有。夢。〔末〕我。夢。與。你。一。般。的。我。今。日。就。在。廟。中。放。了。你。〔生〕咳。大。哥。又。來。取。笑。我。周。羽。一。路。上。少。打。我。周。羽。幾。下。這。就。是。大。哥。的。情。怎。麼。說。放。了。我。〔末〕我。果。然。放。了。你。〔生〕大。哥。你。果。然。〔拜介〕

〔畫眉序〕謝慈悲。救我殘生放周羽。大哥。勝造浮屠七級。再生功德。我如今未卜生還。便死後不忘你恩義。〔合〕悄似禽鳥脫籠去。直飛到九霄雲裏。

〔前腔〕〔末〕憐伊受禁持。免在他鄉作怨鬼。把行枷鎖杻盡皆脫離。周兄。逢大赦纔可回來。免把我一身連累。〔合前〕

〔滴溜子〕〔生〕思量起。思量起。欲寄紙書。只怕人去後。書去後。漏泄此機。〔末〕且在他鄉居住。〔生〕我的妻呵。〔末〕休得要想妻思故里。路上閒言閒語盡除。

今生脫放謝君恩。

免使他鄉作滯魂。

雙手劈開生死路。

一身跳出是非門。

請了。〔末下介生〕大哥轉來。〔末〕怎麼說。〔生〕大哥放了我周羽。到貽累了大哥了。〔末〕怎麼貽累我。〔生〕大哥回去。那得批迴收管回銷。不是貽累了大哥。只是解去。〔末〕咳。你倒是個好人。我於路錯打了你。這批迴收管不妨。本府給我盤纏。用了一半。還有一半。我到前途。或州或縣。告一紙文書。說你中途病故了。〔生〕死了到乾淨。請了。〔生下介末〕周兄轉來。〔生〕我說你不放我。大哥只是解去。〔末〕不是。我看你這般行徑。怎麼路上行得。我有一個睡帽兒。有一件衣服。與先生穿了。在此也好看些。〔生〕多謝大哥。請了。〔末下生拜神介〕多謝大王爺托夢。張文放了我。待我去地方上討得香燭來。拜謝神明。〔下小生〕鬼判與我好生護送周羽。〔應介〕大抵乾坤只一照。免教人在暗中行。〔下〕

第十六齣 邀賞

〔卜算子〕〔老旦上〕

歲月相催人易老。空堆積滿堂金寶。夫婿心癡兒孫夢杳。

羞觀宜男芳草。萬事分已定。浮生空自忙。我家員外一心只戀着周娘子。倘做出事來累我。怎生是好。〔末上〕渡水方知水。登山始見山。雖州何太遠。得見故鄉難。此間已是張員外門首。不免逕入。〔見介老旦〕大哥何來。〔末〕小人是解人張文。〔老旦〕到此何幹。〔末〕要見員外討賞。〔老旦〕討甚麼賞。〔末〕當時起程之際。蒙員外賞小人十兩銀子。分付要中途打死周羽。回來再找銀十兩。〔老旦〕曾打死麼。〔末〕到鄂州金山大王廟裏。三更時分打死了。特來討賞。〔老旦〕員外莊上去了。不在家。待他回來我說。一定謝你。〔末〕員外不在家。明日來。〔老旦〕請回。員外不在。多慢了。〔末虛下〕

老旦〕大哥轉來。此事不可對別人說知。〔末〕曉得。全憑三寸舌。打動外來人。〔下老旦〕員外。你害別人猶自可。別人害你待何如。當初周羽人命一事。我就疑他。原來用此機謀。久後必然做出事來。貽累着我。待他回來。索取休書。要他改過。看他怎麼。〔淨上〕

〔西地錦〕一從周家邊配。不知音信何如。若還果作他鄉鬼。方可營構他妻。〔見介老旦〕員外賀喜。〔淨〕何喜可賀。〔老旦〕賀了事的喜。〔淨〕昨晚事了。〔老旦〕周羽已死。豈不可賀。〔淨〕他死了。干我什麼事。有何病症死了。〔老旦〕不是病死的。被人打死的。〔淨〕這下手的人好

硬心腸。〔老旦〕這等人教他衣不遮身。食不充口。天不蓋。地不載。〔淨〕那下手人好心狠。〔老旦〕那打死他的不心狠。主謀的心狠。〔淨〕主謀的是誰。〔老旦〕只在眼前。〔淨〕眼前不是你。就是我。〔老旦〕不是你。倒是我。〔淨〕是誰來說的。〔老旦〕方纔解子回來。問你取賞。我纔曉得。〔淨〕他來騙你酒吃。我要出去。〔老旦〕那裏去。自古饒人是福。欺人是禍。你幹這等的事。久後必然貽累我。你如今快寫一紙休書與我。我自出家去罷。〔淨〕夫妻之情。怎麼割捨得你。〔老旦〕休要纏。快寫。

〔解二醒〕你虛飄飄把文書填寫。實杯杯指望他做渾家。眼睜睜陷他牢中坐。痛煞煞把他配在天涯。猶兀自喜孜孜賞着張解。教他打死。直待要慘刻刻行兇。害了周秀才。非是我埋冤你。這都是那無情張解。錯報奴家。〔淨〕什麼休書。我不寫。〔老旦〕

〔瑣寒窗〕寫休書休得蹉跎。自向空門冷淡過。〔淨〕享榮華。受富貴。倒不好。出什麼家。和尚不是好的。〔老旦〕非甘冷淡。厭你繁華。只怕乾坤造惡。不容伊做。一朝裏相算結果。只怕周秀才一樣受波查。我做他的媳婦如何。〔淨〕休書怎麼寫。〔老旦〕婦

人有七出之條。憑你寫。〔淨〕說甚七出之條。〔跑下老旦〕怎麼好。你看他又扯淡去了。我只爲勸你不聽。故意如此。員外。員外。

作惡須防災禍侵。

勸君仔細自沉吟。

夫妻且說三分話。

未可全拋一片心。

### 第十七齣 遙奠

〔鷓鴣天〕〔旦上〕夫配邊城已喪身。孤魂無主我無親。可憐漠漠沙場鬼。猶是深閨夢裏人。啼哽咽。淚交加。賤妾腸千結。良人天一涯。滿擬終身同白首。爭知撒手臥黃沙。風瀟瀟。雨漠漠。魂飛障海頭。骨冷蠻山角。從此王孫夢不歸。斷腸芳草年年綠。奴家指望丈夫再有相逢之日。誰想張解回來。說我丈夫死在途中。丈夫。我和你不能再能覓相會了。從此恩情斷絕。今日聊具涼漿水飯。紙錢一陌。不免望空遙奠一番。以表夫妻之情。丈夫。你被人陷害死無辜。鸞鳳分飛隔兩途。遙想天涯埋白骨。且將杯酒奠兒夫。

〔香羅帶〕兒夫周解元。新亡逝魂。空中暗聽妻訴言。共偕夫婦。指望到百年也。

丈夫。誰想沒福分享安然。饑寒共守七八年。待死和你重相見。細思量難上難。丈夫非是我貪生也。你臨別之時。曾分付我來。懷抱孩兒要保全。含冤告奠妾心酸。兩淚滂沱落未乾。未審一靈知覺否。且將烈火紙燒殘。

〔前腔〕燒殘這紙錢。怎的隨風亂翻。紙灰。怎生得到我夫骸骨邊。囊中留得一錢看也。只這銀錢紙尙猶慳。可知道與錢沒分緣。丈夫。你只爲借錢喪。莫不是見錢心轉酸。張員外。你只爲一十錠生錢也。拆散夫妻不再圓。〔淨末上〕金將石試方知色。人爲財交始見心。張千。說我在外面。〔末見旦介〕周娘子。員外在外面。〔旦見淨介淨〕周娘子。一拜還一拜。省欠來生債。你欠我許多生錢。沒得還我。你丈夫又死了。在此孤單獨自。有何主意。

〔旦〕員外。義重如山。山不重。恩深如海。海非深。奴家丈夫方死。骸骨未冷。待孝滿。備辦還員外。〔淨〕那有許多長本錢。太歲頭也被你哄白了。我不管。若無錢還。你隨我回去。〔旦〕

〔雁過沙〕兒夫喪天涯。做不得孟姜女。千里送寒衣。沒盤纏。取他骸骨歸。有何顏。更隨別人去。受饑寒。只爲全節義。這兩錠生錢權且放遲。〔淨〕

〔前腔〕見你哭啼啼。不由人也傷悲。你一身在此無倚依。不如寄跡吾家裏。這兩錠生錢方可放遲。周娘子。你欠我許多銀子。終不然罷了。〔旦背介〕我若不順從。必遭毒計。且詐許他。〔轉介〕員外。待奴家生兒月滿。方可隨員外去。〔淨〕服藥墮胎如何。〔旦〕服藥墮胎。終有一失。壞了腹中孩兒。猶自可。倘壞了奴家身體。負了員外許多心情。〔淨〕張千記了。待娘子分娩之時。可多送些米肉來調理。〔旦〕不勞掛心。

〔淨〕佳期已定一言中。

頓使吾心喜氣濃。

〔末〕有緣千里能相會。

〔旦〕無緣對面不相逢。

## 第十八齣 局騙

〔鳳凰閣〕〔生上〕家鄉何處。回首重重烟水迷。鴛幃幾度夢空歸。他那里應疑我是鬼。音書難寄。淚頻滴。烟嵐瘴雨。僵屍豈是曾參殺。天救寒儒身苟活。單衣怕見楚天秋。餒腹欲餐胡地雪。梧桐巢破鳳凰分。雲水程遙魚雁絕。天涯別恨五更鐘。旅邸離愁千里月。周羽。自從金山廟中。神明托夢。張文釋放。未得恩宥。不敢還鄉。只得街頭上叩謁豪門。胡亂度日。不知家中

妻子分娩不會。又不知是男是女。幾時再得完聚。正是夫妻兩地愁無盡。身類孤蓬恨怎消。你看這等天氣。好淒涼人也。

〔小桃紅〕寒侵短褐。饑攪空腸。舉目無親黨也。只聽得嘹嘹嚦嚦。雁兒過瀟湘。疎辣辣兩三行。雁兒。你吃的是稻和糧。宿的是蓼花汀。游的是蘆花蕩也。煞強似我饑寒無所傍。比似我被拘囚。怎如得雁過衡陽。

〔下山虎〕一似蘇卿海上牧。守羝羊。他那裏怎知我到在大澤久藏。慇懃要寄個音書。無奈上林路長。慢回首家鄉。珠泪汪。苦我妻子應無恙。未審何年情再講。我周羽好癡。竟不想饑寒死在衰草路傍。說什麼松菊猶存。二徑荒。

〔蠻牌令〕遺腹子也生養。若是生得個男兒。如今漸年長。只怕我妻重婚嫁。不教他學文章。我好癡。教孩兒學甚文章。比似我書讀五車。那曾上金馬玉堂。我欲待潛地逃回。又沒有盤纏。少不得乞丐遶街坊。早難道衣錦還鄉。

〔前腔〕幾度夢還鄉。妻子又驚惶。只道我是沙漠鬼。問我魂魄在何方。休道夢裏



回還。便是今日回去。似這般憔悴形骸。一逢着故舊妻房。他道我是活骷髏。不是舊日才郎。

〔尾聲〕千愁萬恨都撇漾。未知素餐淡飯在何方。那些個酒解愁腸。

〔亭前柳〕〔淨丑上〕咱兩個。每雙雙。終日恣猖狂。請人來吃酒。把他做錢當。遠

觀有個窮酸相。請他來吃酒。騙他一場。〔淨〕老兄作揖。一向久違。久別。久疎。久闊。〔丑〕一

向久仰。外日深擾。〔生〕學生不是這裏人。〔淨〕貴處。〔生〕學生是河南開封府封丘縣人。〔淨〕正是。

兄的姓百家姓上有的。〔生〕學生姓周名羽。〔丑〕我正思量得起。貴表是兩個字的。〔生〕字惟翰。

〔丑〕正是。兄爲何到此。〔生〕被人誣陷。〔淨〕被人誣陷。快拿他來。〔生〕不是這裏人。是我學生那裏

人。〔淨〕若是我這裏人。不敢欺說。聞愚兄弟名。都是怕我的。〔生〕老兄上姓。〔淨〕姓丟。〔生〕貴表。

〔淨〕丟不孫是我學生。〔生〕此間。〔丑〕條才盛就是在下。〔生〕怎麼有這等姓。〔淨〕丟得來。條得去。

纔爲好漢。那一年在貴省做些小買賣。偶逢一陣驟雨。在宅上躲雨。多蒙老兄何等款待。謝之不盡。

〔生〕多有慢了。〔丑淨〕老兄曾有貴寓麼。〔生〕還沒有。〔淨〕這等就不家懷了。既沒有。到弟家裏住。

兩三個月。〔丑〕到小弟家裏。住四五個月。〔淨〕到我家裏住半年。〔丑〕到小弟家裏住八九個月。〔淨〕到我家裏住十來個月。〔丑〕到我家裏住一年。〔淨〕兄弟看將起來。光陰易過。扯來扯去。一年就過了。如今請周兄到酒店中接風。〔生〕不曾相識。何以克當。〔丑〕四海之內皆兄弟也。轉東過西。此間就是。酒保在那裏。〔末上〕味招雲外客。香引洞中仙。二位又來了。〔淨〕不要做聲。〔末〕吃多少酒。〔淨〕盡醉方休。〔末下淨〕周兄請上坐。〔生遜坐介丑〕周兄。不要說我兄弟名。就是見了我這帽子。也嚇一跌。看帽。〔淨跌介〕周兄。還有一件。我這裏人最欺生。你如此打扮。認你是別處人。就要欺你。把這帽子與我換了。〔換介〕你看帶了這帽子。就像我這裏人了。〔末持酒上〕斷送一生惟有。破除萬事無過。酒在此。〔丑〕哥哥。把酒來嘗一嘗如何。〔淨〕拿來我嘗。〔丑〕如何。〔淨〕問急了。〔丑〕如何。〔淨〕又問遲了。〔丑〕如何。〔淨〕好在這裏。兄弟你也嘗一嘗。〔丑〕哥哥嘗了。我不消嘗。周兄。你那裏酒。不知怎麼樣吃。〔生〕我那裏主人整酒。客出令。〔丑〕與我這裏不同的。我這裏主人整酒。主人出令。〔生〕怎麼到是主人出令。〔丑〕主人整酒來奉客。行一個難令。如行不出。多奉幾杯酒。若是客出了令。都罰了主人家。所以主人整酒。主人出令。這等哥哥舉一令。〔淨〕我學生沒有甚麼令。就

把曆日爲題。遇時節飲一杯。無時節經過。〔生〕取酒介丑。得令得酒。〔淨〕我說起。正月元宵。我飲酒。  
〔丑〕什麼酒。〔淨〕賞燈酒。乾。二月是周兄。〔生〕二月無節。〔淨〕無節逕過。三月是兄弟。〔丑〕三月清  
明。我飲酒。〔淨〕什麼酒。〔淨〕掃墓酒。乾。四月是周兄。〔生〕四月無節。〔丑〕無節逕過。五月是哥哥。  
〔淨〕五月端陽。我飲酒。〔丑〕什麼酒。〔淨〕解粽酒。乾。六月是周兄。〔生〕六月六。〔淨〕你洗浴。逕過。七  
月是兄弟。〔丑〕七月七夕。我飲酒。〔淨〕什麼酒。〔丑〕乞巧酒。乾。下半年從左轉。八月是哥哥。〔淨〕八  
月中秋。我飲酒。〔丑〕什麼酒。〔淨〕月華酒。乾。有來有往。禮無不答。九月是兄弟。〔丑〕九月重陽。我飲  
酒。〔淨〕什麼酒。〔丑〕登高酒。乾。十月是周兄。〔生〕十月朝。〔丑〕鬼節不准。十一月是哥哥。〔淨〕十一  
月冬至。我飲酒。〔丑〕什麼酒。〔淨〕一陽酒。乾。十二月是周兄。〔生〕十二月歲除夜。〔淨〕難得歲除夜。  
請一杯。周兄那裏糯米糰多少一担。〔生〕不過五六錢銀子一担。〔淨〕不當什麼貴。一年吃得一杯  
酒。兄弟你奉菜。我奉周兄一杯酒。

〔排歌〕今日相逢。喜氣甚濃。一杯解開愁容。劉伶每日喜匆匆。但願樽前酒不  
空。〔合〕歌一曲。飲數鍾。人生何處不相逢。容顏醉。廝和哄。一齊拚卻醉顏紅。周

兄在此沒什麼吃。待我去買些什麼來。〔生〕不消得。〔丑〕快來些。〔淨下丑〕我也奉一杯。

〔前腔〕解佩留貂。喜氣甚濃。勸君且自從容。休將酒數問石崇。歌罷桃花扇底風。〔合前丑下末上〕叫小廝拿等子來會鈔。〔生〕酒保。丟條二兄在那裏。〔末〕他兩個去了。〔生〕原來他兩個去了。我也去罷。多謝了。〔末〕酒錢也不還。往那裏去。〔生〕實不相瞞。學生是異鄉人。他二人替我接風。酒錢不該我還。〔末〕誰來請你。快稱銀子。〔生〕我身邊分文沒有。那得還你。待我叫他轉來。丟條二兄轉來。〔末怒介生看帽介末〕

〔雙鷓鴣〕看伊家孱弱瘦臉。怎說出無理之言。既來飲酒。怎推得囊裏無錢。枉被人打數拳。到底難免。

〔前腔〕〔生〕非干是我相輕賤。聽哀告望相憐。念我是他鄉流落此間。驀然見他兩個。抵死相牽。要請歸。誰知他先自分散。

〔前腔〕〔末〕聽詐言未必然。休得要喬廝埋冤。到官司廳上明台判。〔生〕你若要到官。拚一命先喪黃泉。〔末結打介生〕救人。救人。〔外上〕慈悲勝念千聲佛。作惡空燒萬炷

香。放手。放手。你爲何扯着他。〔末〕李公公。這漢子領兩個人來。吃了五百文錢酒。竟沒得還我。如今扯他到官府去。〔外〕漢子。你爲何吃了酒。不還酒錢。〔生〕公公容稟。我學生是異鄉人。偶到貴處。適間遇着丟條二人。請我到此吃酒。不知他兩個那裏去了。〔外〕你被他騙了。我這裏鄂州界上騙賊極多。你被他哄了。酒保。他身邊沒錢。結他也沒得還。這銀子明日到我櫃上來取。〔末〕好造化。正是合放手時須放手。得饒人處且饒人。〔下生〕多謝公公。〔外〕

〔高陽臺〕聽汝言談。觀伊舉止。君家甚處居住。姓甚名誰。爲何來到此處。〔生〕聽啓。我是封丘縣裏世業儒。表字維翰。姓周名羽。被他人陷害。配來邊地。

〔前腔〕〔外〕聽取。君有何能。今從何業。離家還是何時。家有何人。一一說與吾知。〔生〕非虛。胸中頗有萬卷書。奈饑來一字不堪煮。有妻郭氏。別來已經年矣。

〔外〕原來是位飽學。失敬了。也罷。你到我家下。訓幾個蒙童。你心下何如。〔生〕若得收留。感恩非淺。

〔簇御林〕〔外〕聽言語。真可悲。果是知書本分儒。可憐流落無依倚。不如寄跡吾家裏。〔合〕好傷悲。相逢到此。不由不泪如珠。

〔前腔〕〔生〕蒙收錄。感大德。自愧無能。難塞責。猶如失壘燕孤飛。向畫堂深處。雕梁語。〔合前〕

〔生〕自嘆一身如轉蓬。

荷君收錄我孤蹤。

〔外〕今日得吾提掇起。

免教落在污泥中。

### 第十九齣 得胤

〔憶秦娥〕〔旦上〕遭磨難。遭磨難。可憐挨得身分娩。身分娩。兒身雖在。父身不見。夢叶熊羆喜氣舒。家貧難寫弄璋詩。奴家自從兒夫別後。饑寒度日。只爲保全腹內孩兒。受張敏無限禁持。感謝天地。已得分娩。生下孩兒。方纔滿月。我有萬千之事。難對你說。望你長成。與父親做個報冤之主。

〔霸陵橋〕七個月在娘懷抱間。早沒了親爹。卻教娘受孤單。有誰與孩兒做主。只得告取蒼天。我親的只有孩兒在眼前。念你是周家骨血。異日繼祖宗香烟。嗟。願你容易長。容易養。休忘了四不知荆娘愿。

〔字字雙〕〔丑〕娘行孤苦白孀居。獨睡見說生下好孩兒。奇異他爹邊配未回歸。憂慮寡婦孤兒受慘淒。何濟。〔見介〕周娘子。且喜令郎彌月。老身特着小廝煮一碗羹湯。少刻就送來。〔旦〕多謝婆婆。〔丑〕借令郎與我看一看呀。眉清目秀。與周秀才一般模樣。可慶。〔末〕持米肉上。白粲表芹意。紅葉不須題。〔見介旦〕掌事哥到此何幹。〔末〕員外特着小人送米肉在此。〔旦〕何勞員外費心。我決不受。請收回去。〔末〕

〔綉停針〕員外傳語。休得錯寫弄璋詩。令男女特來賀喜。〔旦〕賀什麼喜。〔末〕賀你掌上明珠。喜今朝彌月之時。聊藉此略表芹意。將來薄禮肉和米。望娘子休怪物輕微。幸笑留勿罪。休推。

〔前腔〕〔丑〕寡婦孤兒。員外相憐芹意美。送將來米肉甚周濟。可收留在此充饑。〔旦〕你不知他們就裏。只指望同諧連理。這些小意我先知。送將來禮物雖週備。還少一件。〔末〕還少甚麼。我去就取來。〔旦〕只少一紙休書。請收回。我決不受。〔末〕若不。受。莫非悔嫁員外之心。〔旦〕員外既要娶我。教他親自登門。方可成親。〔末〕娘子請受了這米肉。

〔旦〕米肉無功怎受之。〔末〕一言已定做夫妻。〔丑〕根深不怕風搖動。〔旦〕樹正何愁月影移。〔末〕下丑〕娘子。米卻不受他的罷了。肉該受了他的。〔旦〕趙婆婆。受了他這一塊肉。我這一塊肉着於何處。

〔山坡羊〕我孩兒方纔出世。奈家貧如何存濟。何時等得。等得他成器。兒長成。只愁娘做鬼。黃河尚有。尚有澄清日。豈可人無得運時。思之。頓教人泪暗垂。傷悲。頓教人泪暗垂。

〔前腔〕〔丑〕嘆娘行亡卻夫壻。最堪憐。遭他毒計。你孩兒長大。長大必聰慧。他異日終須報父隙。張員外。你這等欺心。一朝罪滿。罪滿盈餘日。也有收綸罷釣時。〔合前〕

烈女須當守困窮。

絕交不近富豪翁。

假饒就有烏江難。

誰肯沉埋枯井中。

第二十齣 妄想



〔長汚歌〕〔淨上〕多想那佳人。今朝一定爲姻契。花不香兮蜂不採。酒不美兮人不沽。自家爲周娘子不能設一宵恩愛。且喜他生下孩兒。已曾着張千送米肉去。怎麼還不見回來。〔末上〕蘭香本是無心物。着意栽時不肯香。〔見介〕稟員外。周娘子米肉不受。〔淨〕他怎麼不受。〔末〕小人說不受這米肉。莫非悔嫁員外。周娘子說多多上覆。既要娶奴家。選定吉日良時。親自登門。就可成親。〔淨〕今晚就去。〔末〕今日晚了。明日去罷。〔淨〕今晚怎麼熬得過。

〔烏夜啼〕昔日癡迷。抵死推辭不肯隨。他今朝夫死。難受饑寒。怎守節義。安排筵席赴佳期。嫦娥自降臨凡世。〔合〕銀燭交輝。從今整頓做乘龍佳婿。

〔前腔〕〔末〕守志難移。潔似秋霜清似水。若不是機關奇巧。怎得嬌姿許諾無辭。今宵神女下瑤池。襄王親降巫山底。〔合前〕

專待嫦娥離月宮。

洞房花燭影搖紅。

若還果得成姻契。

堪効天邊翼鳥同。

## 第二十一齣 剖面

〔遠地游〕〔旦上〕冤家亂道。心事多奸狡。逼婚姻強來鬧炒。寧甘死誓。不同偕老。象爲牙而身喪。翠爲羽而體分。奴家只因一貌。被張敏起不仁之心。害我丈夫性命。豈有再嫁之理。爲因懷着孩兒。只得佯言詐許。我尋思起來。曾聞烈女有斷臂剔目。以守貞節。奴家豈惜一貌。玷辱此身。他今日若來。只得毀壞花容。絕他狂妄之念。天呵。只爲奴家。害得家破人亡。可知道貴妃亡國。綠珠敗家。

綠珠敗家。

善

〔集賢賓〕臨鸞任取紅臉消。管甚麼粉悴脂憔。斷送我兒夫。只爲奴一貌。配千里。只爲秋水多嬌。魂消夢杳。隔萬山。只爲眉山生得恁巧。人去遠。眼中人。只爲鏡中人好。

〔鶯啼序〕荆釵裙布。還有甚妖嬈。張敏。忍把我一家都壞了。可知道壞唐朝貴妃豔冶。石季倫爲綠珠嬌巧難描。那毛延壽故畫了漢昭君。未爲錯了。

〔啄木兒〕若得容顏破。節義高。身體髮膚何足道。奴若要青史名標。少不得血污剛刀。便做受之父母難全孝。自知早被嬋娟誤。卻不道承恩不在貌。

〔普賢歌〕 〔淨末衆上〕 洞房花燭瑞香浮。今日乘龍結鳳儔。花貌正嬌羞。及早

下粧樓。勝似廣寒孤眠虛度秋。〔淨分付介末報介淨〕 娘子拜揖。〔旦〕 員外。今日到我寡婦

之門何幹。〔丑掌禮科淨〕 家中筵席完備。請娘子回家做親。〔旦〕 員外宅上。少什麼金釵十二。娶寒

家貧賤之婦。〔淨〕 家下雖有幾個賤內。怎如得娘子一貌如花。〔旦〕 原來只爲奴家一貌。故見如此。

正是漆爲有用膚裂。龜因殼勝剝腸。只爲奴家一貌。平地生波。員外少待。我開鏡梳粧。纔好上轎去。

〔淨〕 不須梳洗。帶孝也倒俏。〔旦對鏡介〕 今日只見我的面皮。不見丈夫之面。卻不痛殺我也。

〔黃鶯兒〕 開鏡使人愁。舊日容顏消瘦了。鏡臺我多時不見你。只爲鸞孤羞把菱花

照。面皮面皮。只因窈窕。〔淨〕 窈窕淑女。君子好逑。〔丑科旦〕 招人鬧炒。使奴家失業無依

靠。若不爲兒曹。一身拚死。我將這段妖嬈呵。都喪在蓬蒿。〔丑〕 銀臺燧燭月光高。嘹亮笙

歌遶畫梁。畫鼓輕敲龍笛響。新人移步出蘭房。〔丑科旦〕

〔前腔〕 擔擱度年少。擔擱添煩惱。面皮禍根芽。做出災不小。原來你誤我。如今有

何難處。將伊壞了。免得此身落在他圈套。〔淨〕 等久了。好心焦。〔旦〕 你且免心焦。

〔淨〕真個如花似月。〔旦〕謾道如花似月。管教月缺與花飄。〔丑〕蓬萊仙子試新妝。蓮步徐徐出畫堂。前唱後隨夫婦禮。笙歌合奏鳳求凰。〔丑科旦〕

〔尾聲〕傷心提起這剛刀。要全身難全美貌。張員外你放心前去。〔淨科旦〕將一段禍根苗。與君斷送了。〔剖面介衆下介淨〕

〔念佛子〕潑賤人。忒執拗。口欠食。身上無衣。我憐伊美貌。欲做夫妻。你無知把面皮剖破。看滿身鮮血淋漓。自傷殘貌美。空費我心機。

〔前腔〕〔旦〕畜類奸謀輩。爲富不仁不義。論他弓莫挽。他馬莫騎。我自思家貧貌美。陷我夫身喪溝渠。有何顏中伊毒計。

〔前腔〕〔淨〕貧窮輩。太無知。買柴如束柱。有朝餐。沒夜食。你守節成何濟。〔旦〕我守節貞潔如冰。不比你畜類之輩。肯重偕犬羊爲壻。

〔前腔〕〔淨〕太不是。太不是。不肯重婚配。毀壞花容。再作區處。〔旦〕更言癡。更言癡。少什麼人家女。誓不將身來輕棄。請出去。請出去。論疾風暴雨。不入寡婦

門兒。

毀貌太無情。

心中忿不平。

相逢不下馬。

各自奔前程。

〔淨末下旦弔場嘆介〕

〔鎖南枝〕張員外太不仁。無端把我夫喪身。逼奴強爲婚。寧死不依允。今割破。兩放心。待兒長成。說與報冤恨。

剖破花容真可悲。

冤家從此兩分離。

從今不染乾紅色。

免被傍人講是非。

### 第二十二齣 誑妻

〔出隊子〕〔老旦上〕貞烈賢女。貞烈賢女。凜似秋霜清似水。我夫相約赴佳期。爲甚麼霎時忙走歸。莫不是佳人守節未許。

〔前腔〕〔淨〕思之叵耐。思之叵耐。潑賤婆娘沒道理。面皮割破太無知。毀壞花

容惹是非。激得我怒從心起。萬般皆是命。半點不由人。可惡可惡。剖壞花容。真乃可惜。我如今見院君。須索說一個謊。〔見介老旦〕員外親事成了。〔淨〕成了。〔老旦〕我不信。〔淨〕不信。問張千。〔老旦〕你去時。周娘子怎麼待你。〔淨〕他見我一到。就請床上坐。〔老旦〕不信。〔淨〕只問張千。他就來了。我去接他。〔下老旦〕路遙知馬力。日久見人心。我只道周娘子心如鐵石。一旦改了。且住。知他是真是假。我如今潛地到他家。看他動靜。便知分曉。正是渾濁不分鱧共鯉。水清方見兩般魚。〔下

旦上〕

〔杜韋娘〕冤家難脫離。只得把花容傷毀。〔老旦上〕蓮步忙移。且到周家門裏。

〔見介〕爲甚好容顏。卻被刀傷毀。〔旦〕院君忽到寒門裏。仇人一見噴先起。家有好賢妻。嗟夫見識迷。〔老旦〕伊家休假意。切莫心疑忌。昨日已應承。今當姊妹稱。〔旦〕當初只道伊賢惠。今朝激得奴心碎。不及共追陪。有勞尊步回。〔老旦〕娘子。你出言何太燥。真偽猶難道。你且謾寧心。聊爲試石金。娘子你休急性。知我是真是假。此來必有緣故。〔旦〕院君。你來的意兒。我曉得了。院君請坐。聽奴告稟。

〔二〕鶯兒〕遭貧困。受饑寒。有誰來管取。被你兒夫廝禁持。千般苦。萬般推拒。何  
不看我花容傷毀。這顯跡如何瞞你。細思之。卻見來張員外家有這般賢妻。  
〔前腔〕〔老旦〕非是我從來敬你。從來羨你。苦諫我兒夫不肯依。他歸來說你  
和他完聚。真偽未知。特來採取。今見你花容傷毀。細思之。方信道周秀才家有  
這般賢妻。

〔集賢賓〕〔旦〕奴聞院君賢惠。也將言苦諫多時。只爲花容恁遭際。今割破從  
此分離。難提怎語。怨只怨我兒夫做鬼。苦只苦我孩兒無倚。〔合〕傷心處。提起  
舊恨新愁。多少泪滴。

〔前腔〕〔老旦〕娘兒兩口難度時。少不得忍餓耽饑。這都是我兒夫相連累。你  
淒涼便是我的孤恓。休疑慮。我有釵兒與你權充口食。念你貧別無他意。〔合前〕  
〔啄木兒〕〔旦〕蒙尊賜。豈敢辭。院君的釵兒是員外的。既割面迴避惡名。死也  
難受你的東西。我兒幼小。望你相憐濟。此恩勝似錢和米。〔合〕泪空滴。有誰人

不可憐。要相逢又被嫌疑。

〔前腔〕〔老旦〕貞潔意清似水。這些兒真可取。只怕你貧受饑寒。壞了周氏孩兒。天若可憐周家主。保全此子能成器。〔合前〕

見你孤窮受慘淒。

花容割破你休疑。

雪隱鷺鷥飛始見。

柳藏鸚鵡語方知。

第二十三齣 誚夫

〔卜算子〕〔淨上〕周氏太愚癡。空把花容毀。佳人有意郎君俏。紅粉無情浪子村。周娘子割破花容。不敢對院君說。若是知道。如何是好。〔老旦上〕佳人守節凜如霜。不惜金刀壞素妝。萬事未成休指望。從今過去莫思量。〔見介〕員外。周娘子叫你來。〔淨〕我不信。〔老旦〕只問張千。請你去牀上坐。〔淨〕不信。〔老旦〕問張千。周娘子要告你。〔淨〕怎麼告我。〔老旦〕告你持刀割破花容。〔淨〕他自家割壞的。干我什麼事。〔老旦〕

〔駐雲飛〕將我胡瞞。卻被傍人作話傳。不肯聽奴諫。割壞佳人面。只指望夢



巫山。卻被雨收雲散。花本無心。蜂蝶空飛倦。到不如紙帳梅花獨自眠。早難道心堅石也穿。

〔前腔〕〔淨〕嘆我興盡空還。譬如訪戴山陰雪夜船。他不肯偕姻眷。我再不將他戀。嗟。花貌賽嬋娟。果然堪羨。不肯相從。稱不得吾心願。不指望郵亭一夜眠。誰把鸞膠續斷絃。

〔老旦〕當初不肯聽忠言。

剖壞花容我意歡。

〔淨〕今世不思花裏宿。

終年休向酒家眠。

### 第二十四齣 就教

〔風馬兒〕〔旦上〕玉碎香消鏡臺荒。綠雲繚亂懶梳粧。十一年來無倚傍。孤兒寡婦。苦志傲冰霜。百年光景如擲梭。三月韶光似箭催。奴家丈夫因遭遠配。別時有七個月身孕。

不幸丈夫身喪。吃盡萬千苦楚。如今孩兒長成一十二歲。叫名瑞隆。爭奈家貧力薄。不能送他讀書。如今林學士家。開一義學。不用束修。不論親疎遠近。都去就學。不免教他出來。送他去瑞隆那裏。

〔小生上〕

〔前腔〕月冷萱堂夜迢迢。感風木。動悲號。父骨何處沙場草。從離娘懷抱。恨無由得報劬勞。〔見介旦〕孩兒。玉琢方成器。木揉始作輪。勤學爲君子。不學爲小人。你是沒爺的孩兒。你父親臨別之時。再三囑付。教你讀書。只是頑劣。不肯勤學。後街林學士家開義學。我如今送你去讀書。休得仍前兒戲。〔小生〕謹依母親慈命。〔旦〕

〔宜春令〕兒今去。讀聖書。步花街。穿柳衢。人烟聚處。市井闐闐。書生輩。學堂中。俱是富室之兒。〔內讀書介〕猛聽得讀書聲沸。我只得引領孩兒。步入街除。此間已是孩兒。你去請先生出來。〔小生〕先生有請。〔外上〕

〔翫仙燈〕兀坐書齋。有誰人來就學。〔小生〕先生拜揖。〔外〕小官是何處。〔小生〕家母在外。面。〔見介外〕娘子到此。有何見諭。〔旦〕奴家特送小兒求教。〔外〕書是我學生教。館是林大人開的。還等林大人出來問他。書童請老爺出來。〔末上〕

〔稱人心〕玉堂金馬無心戀。一經教子相傳。〔見介末〕娘子是何處。〔旦〕奴家是前街周

羽之妻。〔末〕失敬了。原來維翰令正。到此何幹。〔旦〕特領小兒就學。望乞容納。〔末〕周維翰別後。沒有令郎。〔旦〕乃是遺腹之子。〔末〕可憐。〔外〕周維翰是何等人。〔末〕乃是吾輩朋友。被人陷害。遠配他方。不想令郎如此長成了。可曾取名麼。〔旦〕取名周瑞隆。〔末〕取得好。何人取的。〔旦〕拙夫臨別。取下此名。〔末〕周娘子。老夫開的是義學。來者不拒。去者不追。令郎在此。就吃我的飯。讀我的書。待朔望日。方便他回來。不須掛念。〔旦〕多謝。孩兒過來。拜了先生。〔小生〕望先生開我愚蒙。啟我茅塞。他日成名。不敢有忘厚恩。〔外〕讀書以懈惰荒淫爲戒。勤勵不息自強。〔旦〕大人與先生請上。妾身有一拜。〔外〕弟子拜先生。禮之常也。豈有父母拜先生的禮。〔旦〕此一拜。求生大人可憐。此子是無父之兒。

〔一封書〕蒙容納。意美。望哀憐。無父兒。兒頑劣無知。望示罰。休恕罪。我那兒。若得你讀書成大器。莫忘了先生指教迷。〔合〕讀詩書。但勤劬。期取功名天下知。〔前腔〕〔外〕吾開學在此。要人才來聚會。伊令嗣貌美。想是聰明智慧的。老先生。他寡婦貧居。猶教子。富室緣何不讀書。〔合前〕

〔前腔〕〔末〕觀此子可喜。〔外〕大人何喜。〔末〕那容顏多秀麗。看此子可悲。〔外〕大人何悲。〔末〕父身亡。母教兒。先生。你與我專心勤教誨。娘子。管取你孩兒成大儒。

〔合前〕

〔前腔〕〔小生〕爹何處未歸。嘆家貧教娘慘淒。今日裏訓誨。守娘親豈敢違。便做成名榮貴日。早難道雙親未老時。〔合前〕

終日攻書莫憚勞。

賢哉娘子教兒曹。

世上萬般皆下品。

思量惟有讀書高。

〔旦〕我兒。你在此讀書。不要頑。先生要打。〔小生欲隨介旦〕我去就來看你。〔下外〕林大人。令郎爲何兩日不出來。〔末〕待我叫他出來。書童。叫大叔出來讀書。〔下書童馱丑上〕

〔大齋郎〕我是富家兒。不怕肚中饑。先生教我讀詩書。讀書有何益。一日還我吃三二廚。〔丑科外〕放了書包。過來作揖。〔丑揖介外〕過來與這學生作揖。〔丑〕他姓周。〔外〕怎麼你

曉得。〔丑〕他的娘與張員外要子的。〔外〕咄。過來作揖。〔丑揖介外〕周瑞隆讀什麼書。〔小生〕讀古

文。〔外教小生依讀介〕滕王高閣臨江渚。佩玉鳴鸞罷歌舞。畫棟朝飛南浦雲。珠簾暮捲西山雨。拿去謾謾讀。醜驢拿書過來。教你山水歌。〔丑〕皮匠阿哥。〔外〕良工善得丹青理。輒向茅茨畫山水。〔丑〕張公慣會裁靴底。日出卯時方做起。〔外〕地角移來方寸間。天涯寫在筆鋒裏。〔丑〕檀頭放在皮擔間。鑽兒放在皮盞裏。〔外〕一片石。數株松。〔丑〕一塊蠟。數根踪。〔外〕遠又淡。近又濃。〔丑〕皮又爛。底又鬆。〔外〕不出門庭三五步。觀盡江山千萬重。〔丑〕出門走得三五步。脫了兪兒轉來縫。〔外〕你兩人在此讀書。我到城中探一朋友就來。不可頑。消盡平生志氣。結成童稚冤仇。〔下丑〕周瑞隆。我和你耍子。〔小生〕我不曉得耍子。〔丑〕我和你跌交。〔小生〕不曉得。先生回來要打。〔丑〕我和你扎朦。〔小生〕怎麼扎朦。〔丑〕把帕兒包了眼睛。我拿住你。我打你。你拿住我。你打我。不許賴。先扎你。〔包介小生摸住丑打介小生〕如今該扎你。〔丑〕先生來咳嗽爲號。〔包介小生哄丑介外上丑摸住外打介外〕那個教你的。〔丑〕周瑞隆。〔小生〕學生在此讀書。〔外〕也罷。拿書過來背。〔小生背書介丑背介外揪跪介外〕周瑞隆過來羞他。〔羞介丑打小生介〕

〔駐雲飛〕打你無知。偏你聰明把我欺。我吃飯強似你。你會讀成何濟。打你

沒爹兒快出門去。再後休來。惱我肝腸碎。〔合〕多謝先生指教迷。

〔前腔〕〔小生〕枉做男兒。鳳入深林被鵲欺。空受喬才氣。〔丑〕放你娘的屁。〔小生〕

自恨時不遇。若得金榜掛名時。報娘恩義。他日身榮。方顯男兒志。〔合前外〕不

許爭鬧。若再鬧。打二十板。天色晚了。收書放學。〔丑科外〕周瑞隆明日早來些。〔小生〕是。

〔外〕讀書休得恣猖狂。  
〔丑〕枉會讀書沒住房。

〔小生〕休道朱門生餓殍。  
〔合〕也曾白屋出朝郎。

〔外下丑〕周瑞隆。你走那裏去。方纔先生來。你卻不說一聲。〔小生〕一時間說不及了。〔丑〕放屁。

〔打下〕

## 第二十五齣 訓子

〔疎影〕〔旦上〕愁雲障海頭。月冷空閨裏。生離死別。兩處傷悲。夢裏人歸。應嫌是沙場鬼。空留遺腹讀詩書。願取儒風不墜。獨學無友。孤陋寡聞。想我孩兒在學讀書。敢

勝似前番了。若得他成人。也不枉了。正是黃金滿籩。不如教子一經。〔小生上〕

〔臨江仙〕蒙娘嚴命去攻書。受盡萬千羞恥。〔哭跌介〕我那娘。〔旦〕呀。我那兒。爲何不在學中讀書。怎麼就回來了。〔小生〕

〔紅衫兒〕母親教孩兒從義學。早被人欺。〔旦〕莫不是林醜驢欺你。〔小生〕被那同窗朋友。搬碟是非。〔旦〕他怎麼樣欺負你。〔小生〕怎禁他打罵禁持。這冤屈訴誰。〔旦〕怎麼不去稟先生知道。〔小生〕那先生呵。憐他是富室之兒。又何曾問取。

〔前腔〕〔旦〕莫怪人欺你。自恨家無主。父身亡。娘獨自。林公子呵。便打死我的孩兒。有誰來救取。〔小生〕母親好傷悲。〔旦〕雖只是好傷悲。且寧耐。到書館中去。攻書休得要懶癡。若得你一舉成名。那時呵。誰不來敬你。

〔獅子序〕〔小生〕他頑劣。娘怎知。況終朝他飽食暖衣。不似我守着幾盞黃齋。又怪我楊修捷對。班馬勤讀。琢磨不就。反生疾忌。他罵我窮酸寒賤。管封侯萬里。索甚毛錐。

〔前腔〕〔旦〕家貧窘。難度時。況娘身力薄勢卑。只愁我日夕喪在溝渠。〔小生〕

連母親也不護孩兒了。〔旦〕非是娘不護。也有憐兒意。爭奈我家不如。力不如。勢不如。與他們爭不得閒氣。〔小生〕學堂中朋友都是向他的。〔旦〕正是世情看冷暖。人面逐高低。孩兒起來。我送你到學裏去。先生不打你。〔小生〕我死也不到他家裏去讀書。〔旦〕還不去。〔小生〕我決不去。〔旦打介〕

〔東甌令〕娘言語。兀自不遵依。可知朋友中間生是非。一番打罵不成器。虧娘受十餘年吃遭際。他年若得錦衣歸。端的是男兒。

〔前腔〕〔小生〕男文墨。女針指。教子讀書爹所爲。可憐不得趨庭訓。斷機將兒誨。他年便做錦衣歸。早難道身掛老萊衣。

休得與人爭是非。

從今學內去攻書。

龍逢淺水遭蝦戲。

鳳入深林被鵲欺。

## 第二十六齣 勸勉

〔末上〕養子不教父之過。訓導不嚴師之惰。前日周娘子送周瑞隆在此從學。因見他家貧。故留在



家中吃些茶飯。不想我那醜驢。把他打罵去了。是何道理。不免叫他出來。訓誨一番。醜驢那裏。  
〔丑〕朝爲田舍郎。暮登田舍郎。將相田舍郎。男兒田舍郎。〔末〕怎麼有許多郎。〔丑〕郎多好種田。  
〔科介末〕我且問你。周瑞隆爲何打了他回去。〔丑〕他吃我的飯。讀我的書。倒又來羞我。怎麼教我  
不要打他。〔科介〕

〔賞宮花〕〔末〕文章教爾曹。須當擇友交。有人來就學。不肯好相交。只把家私  
來比並。不思量。惟有讀書高。

〔前腔〕〔旦扯小生上〕不合鬧炒。把君家書院擾。〔見介〕大人。小兒不合傷犯令郎。念兒  
年幼小。有罪望相饒。〔末〕非干令郎之事。〔旦〕自是村童無禮義。非干富室小兒驕。

〔丑小生相打介〕

〔前腔〕〔末〕你孩兒真可教。我那畜生。因怪他讀書易曉。〔指丑介〕況又是爲人之  
道。尙兀自與他厮鬧。是你欺他幼小。懶讀書將他聒噪。你在學堂內。如何比富  
豪。朋友當擇其善。如何魚水不相交。

〔前腔〕〔旦〕主人家勤教道。一會間打罵數遭。他那裏汪汪垂泪。猶兀自道他虛驕。〔丑小生科〕你多言聒噪。可知道與人爭較。你在人門下。須當要做小。〔末〕莫教令郎做小。〔旦〕若無漁父引。怎得見波濤。〔末〕叫書童快請先生出來。〔外上〕白日莫閒過。青春不再來。〔見介末〕先生。二子昨日爲何爭鬧起來。〔外〕昨日背書。周瑞隆背得出。令郎背不出。我着瑞隆羞了他一羞。就打將起來。〔末〕先生還該痛治他。〔外〕有處。我如今出一對。對得出的不打。對不出的就打。〔末〕醜驢過來。先生要出對。怎麼好。〔丑〕爹爹對是對不出。要打便打了。桃開。〔小生〕李長。〔丑〕老人。〔外打介丑〕里長不打。倒打老人。〔末外〕

〔生姜芽〕他娘親特地來。憚勤勞。從今學業須精造。聽娘道。休要頑。休要攪。一時非禮相干冒。從今有過須當教。〔合〕只願他日上青霄。功名皆賴天公造。〔前腔〕〔旦小生〕從今望琢磨。謝甄陶。自憐無可爲師報。真堪笑。得進身。別圖報。封親顯祖添榮耀。一時紋變南山豹。〔合前〕

〔尾聲〕閒是閒非休爭鬧。學堂中繼晷與焚膏。努力攻書莫憚勞。

閒是閒非不足論。

主人只合讓三分。

試看滿朝朱紫貴。

紛紛盡是讀書人。

〔外〕試期將近。周瑞隆可與醜驢同去赴考。〔末〕大娘子。一路盤費。都是我的。〔旦小生〕多謝了。

〔下丑〕先生走來。〔外〕怎麼。〔丑〕要我去赴考。取個老婆與我纔去。〔外對末介末〕小兒未曾成人。不討與他。〔丑〕那裏有家火。教我做人。〔下〕

## 第二十七齣 應試

〔一翦梅〕〔旦上〕月滿孤房。泪滿衣。痛憶良人。屈喪天涯。黃沙骨冷。夢難歸。爭奈家貧。難教孩兒。奴家家貧力薄。勉以詩書教子。今當大比之年。欲着孩兒求取功名。不知他學問如何。不免叫他出來商議。瑞隆那裏。〔小生上〕

〔前腔〕寡婦孤兒共守貧。兀坐書齋。墮淚紛紛。黃昏獨自掩柴門。我做孤兒。爹做孤魂。〔見介旦〕孩兒。大比之年。你可上京求取功名。倘得一官半職。一則可以繼周氏家聲。二則

可以雪父母之恥。〔小生〕孩兒也只願如此。問寢承顏。難效三牲之養。扇涼溫暖。可報十月之恩。父死母孤。合當在家侍奉。應舉求名。又是顯親之道。爲此兩難。如何是好。〔旦〕孩兒。三年一度。不可錯過。就此起程。〔末上〕大比因時舉。鄉書以類升。有人在此麼。〔見介小生〕原來社長公公。請進。〔見旦介旦〕公公。今到寒家。有何話說。〔末〕老夫此來。別無他話。如今春試在邇。令郎有此才學。不去應舉。更待何時。〔小生〕功名之事。非不要去。爭奈母親在堂孤獨。囊橐蕭然。以此兩難。不敢遠行。〔末〕何爲此小節。有誤前程大事。老夫薄禮相贈。〔小生〕多謝公公。〔旦哭介末〕娘子。送子求名。乃是美事。何故啼哭。〔旦〕社長公公。你不知道。古人云。男子有行。則父送之。女子有行。則母送之。教子讀書。送子求名。俱是他父親之事。今日只有我在。不見他的父親。不由我不傷感也。

〔二一郎神〕愁無極。只爲送孩兒。不見親爹在側。曾送我兒夫。遭配役。不想今日又送孩兒科場求取官職。兒去科場必有榮貴日。爹去後絕無信息。〔合〕離別泪把當年離恨提起重滴。

〔前腔〕〔小生〕卽日堂前拜別。促裝往上國。娘在家中。莫爲兒慘感。兒去途中

思娘越添悲憶。便做蟾宮折桂客。要榮我靈椿怎得。〔合前〕

〔三段子〕〔末〕勸君此行赴南宮。文場戰敵。下筆有神。頃刻賦日華五色。若還果得文章力。謾自步躡雲梯路。管取榮登仙桂籍。

〔歸朝歡〕〔小生〕孩兒去。孩兒去。自免嘆息。怕光陰如梭過隙。〔旦〕若榮耀。若榮耀。早歸馳驛。莫留戀花街柳陌。倚門望你身脫白。須作禹門驚雷客。莫比庸凡空點額。

〔尾聲〕〔末〕此行穩作蟾宮客。休戀紅樓顏色。〔旦〕早早回歸。休教娘泪滴。

〔小生〕今朝拜別赴春闈。〔旦〕欲上青霄未可期。

〔末〕若得錦衣歸故里。〔衆〕果然端的是男兒。

第二十八齣 選場考試照常科

第二十九齣 報捷

〔剔銀燈〕〔旦上〕孩兒去京華。拜紫宸。一別後杳無音信。知他有着荷衣分。知

他是依舊白身。思之教人斷魂。無由得音信到我門。

〔前腔〕〔末〕我當初原是個解人。周秀才不曾身殞。中途放他逃得命。都道他果作孤魂。如今他孩兒步雲。特來報父子喜音。自家解人張文是也。當初張敏與我銀

子。教我中途打死周羽。若打死了他。如今孩兒高中。必然報仇。我也難免。如今買下登科錄。逕到他家報喜。說出前因。有何不可。此間已是不免逕入。〔見介旦〕押獄哥。多年不見。到此何幹。〔末〕特來報喜。〔旦〕有甚麼喜。〔末〕令郎高中第九名進士。除授吳縣尹。請看登科錄。〔旦〕果然孩兒中了。謝天謝地。〔末〕令郎是小喜。還有大喜。〔旦〕還有什麼大喜。〔末〕娘子請猜一猜。〔旦〕

〔傾盃序〕悶積愁堆。恨經年冤苦。無由得解。見說孩兒乍登甲第。略展愁懷。聞伊賀喜。你說道這般喜事。使奴驚怪。更不知這樁喜事。還從那得來。

〔前腔〕〔末〕堪哀。你丈夫記當初配廣南。是我親押解。恨張敏不仁。與我錢財。要將伊夫婿打死天涯。感得神明托夢。放他脫離。免他災害。若要尋親。相見須到鄂州界。

〔前腔〕〔旦〕如今謝你們得放身。便死也相感戴。二十年來永絕音耗。每日憂懷。愁鎖粧臺。報道兒占大魁。我夫還在。擔擱狼狽。大哥。你說這椿喜事。到添我一般哀。〔末〕周先生在鄂州地方。令郎回來。若要尋取。逕往他處便了。〔旦〕小兒回來。登門相謝。

〔旦〕定將恩怨說孩兒。

你是恩人我怎知。

教子喜登黃甲第。

尋親須到鄂州岐。

〔末下小生衆上〕

〔似娘兒〕平地一聲雷。桃浪暖已化龍魚。曲江賜罷瓊林宴。宮花帽簇。天香袍染。高步雲梯。一子受皇恩。全家食天祿。下官承母命赴試。且喜一舉成名。蒙聖恩除授平江路吳縣縣尹之職。回家請取母親。一同赴任。此間已是自家門首。左右迴避。〔衆下見介〕母親請上。待孩兒拜見。〔旦〕你且不要拜我。先去拜你的父親。〔小生〕母親差矣。孩兒在娘懷抱。就沒了父親。如今那裏去尋父親。〔旦〕我只道是孝順之子。原來是忤逆之兒。兀的不氣殺我也。〔小生〕

〔入破〕衣錦還鄉里。誰不生歡喜。我娘親緣何番成一段愁緒。欲問還疑。未審

孩兒有何罪。望娘恕責罰。從娘命。兒不敢違。〔旦〕你怎知我吃盡萬千狼狽。不  
因你我也喪溝渠。肯受他人禁持。〔小生〕料想我爹行。必受何人冤屈。我是個  
不孝兒。長養成人。兀自不知娘的就裏。〔旦〕爲築河堤。無錢使用。告求張敏借  
錢使。誰知他虛填了空頭文契。把他人殺死。誣告你爹做殺人重罪。他計囑官  
司。把你爹屈招認罪。後來逼我強婚不從。只因你在娘身。已無可推辭。只得把  
花容剖破。方得兩分離。只這刀痕。是你娘傷心痛處。

〔衰〕〔小生〕聽說痛言。聽說痛言。使兒心碎。二十載。娘受苦。兒不聞。逆天大罪。  
恨張敏不仁。恨張敏不仁。把我爹娘謀計。這奸賊誓不同天。難容在世。拚棄了  
官。拚棄了官。縱殺他。只准復讎罪。〔旦〕孩兒。殺了人。要做囚犯。〔小生〕寧做重囚。寧做  
重囚。不殺他。被人笑好羞恥。〔旦〕休得差池。爹陷他鄉里。不去尋親。  
在此閒爭甚的。〔小生〕母親。孩兒此事。必定要報仇。〔旦〕若去報仇。必落囚  
牢裏。兒遭罪。娘思憶。爹不歸。一家裏都荒廢。〔小生〕不審爹行。不審爹行。災禍



如何脫離。目今流落何方。還是甚處。〔旦〕解人張文說。押解你爹爹去時。神祠裏。感夢相憐。放他脫離。〔小生〕要尋父親。到那裏去尋。〔旦〕你若去尋親。若去尋親。只在鄂州界裏尋端的。目今便作行計。又添我別離泪垂。〔小生〕孩兒怎敢不去。二十年沒了父

親。今日見說爹在他鄉。孩兒千歡萬喜。豈不聞朱壽昌之事乎。幼年失了母親。後來長成。棄官尋母。訪于西川相會。朝廷以爲盛事。只不知爹爹怎生模樣。望母親說與孩兒知道。〔旦〕

〔金落索〕說起真可憐。那有孩兒不識親爹面。自別後二十年。略略彷彿些儀容。說與孩兒看。身材小更短。瘦容顏。白淨臉微鬚。一雙清秀眼。他平昔在家呵。寬服博帶。做個儒生扮。只怕流落他鄉不似前。堪憐。念爹行不在。孩兒不識。使娘難言。

〔宜春令〕〔小生〕爹容貌兒一般。得相逢在途路間。若還認得。怎生拆散。只愁他寄跡深院。何由得尋覓方便。儻得見。如何說得許多根緣。

〔梧桐樹〕〔旦〕怕他棲身在店肆間。怕他寄跡在誰門館。怕他酒肆茶坊。寺院

和宮觀。我那兒。你逢人下禮。先訪問周維翰。說道邊配邕州。身幸免。說臨別。妻子方懷孕。說離了家鄉二十年。終須見。只愁你囊無挑藥。那取盤纏。

〔宜春令〕〔小生〕盤纏事。說又難。說將來恐娘心痛酸。程途路上。自能幹辦。

〔旦〕把什麼做盤纏。〔小生〕行醫賣卜尋覓。〔旦〕行醫賣卜。阻了路程。〔小生〕參官貴也。須緝探。〔旦〕終不然去求告人。〔小生〕孩兒刺血寫經爲念。

〔梧桐樹〕〔旦〕養你二十年。誰把你相輕賤。今日把身體傷殘。怎不教娘怨。毀傷身已。使娘痛難言。一點血流。使娘一點淚漣。不將手指刺破在人前告。怎能勾骨肉團圓一處歡。天憐念。恁娘留戀。兒莫留連。

〔宜春令〕〔小生〕辭親去。怎敢延。辨行程。把衣裝改換。兒今去也。勸娘休念。途中邂逅相逢。知爹是恁般丰範。望娘親將何憑據。與爹一觀。〔旦〕你也說得是我寫

一封與你去。

〔一封書〕妻郭氏。寸箋上達兒夫周解元。從別後。苦萬千。張敏不仁難盡言。今

喜孩兒得中選。棄職尋親到海邊。見鸞箋。莫留連。及早回來雪大冤。

〔羅帳裏坐〕從他別後。心事萬千。我欲盡寫。那取長箋。略略寫些大綱。教他放下心寬。欲將兩字報平安。等不得封皮泪乾。

〔前腔〕〔小生〕兒今拜別。辭娘去遠。急忙便走。自覺步履不前。〔旦〕我兒去了。如何又轉來。〔小生〕欲言心事。教我珠泪漣漣。〔旦〕有何心事。〔小生〕未審爹爹幾時還。誰把我娘親看管。

〔前腔〕〔旦〕我辛勤慣歷。吃盡萬千。你若掛心。怎得爹見。與我仔細遍尋。莫憚長遠。直須尋見父方還。莫爲娘行便轉。

〔前腔〕〔小生〕今日兒去。愁懷萬千。有人問起孩兒。只說孩兒赴任之官。〔旦〕爲何。〔小生〕恐張家賊子。又逞兇頑。若還中路稍遲延。只恐孩兒不免。

〔尾聲〕傷心只得強分散。兩下裏懸懸望眼。何日母子夫妻一處歡。

〔哭相思〕〔旦〕莫爲娘行便轉歸。〔小生〕勸娘寬取莫思兒。世上萬般哀苦事。

無非遠別共生離。〔小生下〕

〔前腔〕〔旦〕兒去也。泪雙垂。兒行千里母心隨。教娘望斷南來雁。一日思兒十二時。〔下〕

### 第三十齣 遇恩

〔西地錦〕〔生上〕天恩大佈均瞻仰。喜一身幸脫羅網。彩鳳朝啣五色書。陽春忽佈網

羅除。已將心變寒灰後。豈料光生腐草餘。思故里。意躊躇。咫尺天涯音信稀。可憐收錄恩難報。刻骨

銘心不敢違。小生幸遇天恩。欲回故里。不免請李員外出來。拜辭而去。言之未已。員外早到。〔外上〕

幾載相看勝嫡親。笑談詩酒樂晨昏。今朝又向陽關別。唱徹驪駒不忍聞。〔見介生〕多蒙大恩。感之

不盡。得遇恩宥。欲歸故鄉。〔外〕你要回去。敢是家下有慢先生。故此思歸。〔生〕恩深難報。何出此言。

〔外〕先生一向在此。情投契合。正好盤桓。意欲屈留幾日。爭奈你離家日久。故此不敢強留。〔生〕小

生有拙詞一帖。名曰臺卿集。送與員外。留爲後會表照。〔外〕多謝佳章。我有白金十兩。奉爲路費。

〔生〕重承厚賜。何以克當。

〔錦堂月〕命蹇時乖。萍蹤梗跡。多蒙大恩提攜。此身生還。沒齒怎忘恩義。便待要結草啣環。更未卜何時重會。〔合〕分別去。冷落書齋。朝夕與誰相對。

〔前腔〕〔外〕應知。數載蝸居。相看淡薄。斯文彼此相會。契合情投。臨岐怎忍分袂。但願你早到家園。親骨肉仍同歡會。〔合前〕

〔僥僥令〕〔生〕恩多難撇漾。欲去意遲遲。只恐水遠山遙難相會。欲報這深恩知甚日。

〔尾聲〕蕭蕭行李西風裏。西出陽關無故知。如遇鱗鴻寄便書。

此別恨綿綿。

恩多難盡言。

不辭千里遠。

保重到家園。

### 第二十一齣 血書

〔縷縷金〕〔小生上〕蒙娘命。去尋親。奔波涉遠水。好艱辛。來到鄂州界。人烟相近。向人前刺血寫經文。慇懃問緣因。慇懃問緣因。周瑞隆承母命來尋父親。此處已是

鄂州界上。人煙湊集。不免上前刺血寫經。

〔拋誦子〕刺血寫經結良因。七軸蓮花字字新。身體髮膚受父母。毀傷身己爲尋親。〔合〕南無佛。阿彌陀佛。〔外〕賓客不來門戶俗。詩書不教子孫愚。呀。道人着地而坐。你在

此怎麼。〔小生〕小道刺血寫經的。〔外〕刺一字要幾文錢。〔小生〕

〔前腔〕休言一字值千金。刺血寫經有來因。父母在堂不恭敬。何用靈山見世尊。〔合前外〕你家住在何處。〔小生〕

〔前腔〕小道家住本河南。涉水登山有萬千。刺血寫經心自苦。尋親到此萬般難。〔合前〕

〔香柳娘〕〔外〕你刺血寫經。刺血寫經。歡喜敬承三寶。緣何未寫先有恹惶貌。看出家人做作。看出家人做作。只合散誕與逍遙。這般哭號陶。若惜疼怕痛。若惜疼怕痛。別作生涯計較。何須苦惱。我且問你。爲何不會刺破。先啼哭起來。〔小生〕小子不是刺血寫經的。只爲尋父親不見。將此做行頭。〔外〕你父親那府人氏。〔小生〕

〔前腔〕開封府住居。開封府住居。〔外〕你父親離家幾時了。〔小生〕離家二十年了。

〔外〕姓甚名誰。〔小生〕周羽姓名。維翰是表。〔外〕爲甚事到此。〔小生〕被人陷害。被人

陷害。母親泣別時。我小子呵。七個月娘懷裏。〔外〕後來怎麼。〔小生〕別後生下小子呵。教

讀書應舉。教讀書應舉。棄官尋父親。都是母親教道。〔外〕敢問門下尊諱。〔小生〕學生

周瑞隆。今科得中第九名進士。〔外〕原來是位大人。失敬了。你令尊周維翰。在我家二十餘年。今遇

天恩大赦。辭別老夫回去了。早來得一兩日。也得相見。〔小生〕既然如此。待我趕上去。〔外〕休要急

性。你是他背生之子。路上相逢。皆不認得。留一本臺卿集。是令尊賜我的。今送與你。沿途看去。有人

認此詩。這就是你父親了。〔小生〕多謝了。大恩人請上拜謝。

〔清江引〕嚴父在府。謝你週全不小。粉骨碎身恩難報。不因漁父引。怎得見波

濤。〔合〕尋親見了。骨肉團圓歡笑。

〔前腔〕〔外〕令尊在此留詩稿。離寒家不久休焦燥。你棄官尋父親。憐伊受劬

勞。〔合前〕

伊父飄零二十年。

荷蒙收錄得週全。

分明指與平川路。

莫把忠言作惡言。

### 第二十二齣 相逢

〔縷縷金〕〔生上〕家鄉遠。路途貧。多行十數里。不覺又黃昏。鼓角聲悲咽。斷柴門。此間投一宿。奔前程。途中寂寞暗消魂。寂寞暗消魂。江靜潮初落。林昏障未開。暗

香浮動處。應是隴頭梅。天色已晚。此間借宿一宵。明日早行。店主人有麼。〔丑〕門庭洒掃絕埃塵。月

色風光照四隣。門外大書天下館。家中安歇四方人。那個。〔生〕我是投宿的。〔丑〕來晚了。沒有房子。

〔生〕年老行不上。以此晚了。〔丑〕還有什麼人。〔生〕單身又無行李。但得一席之地。便可安身。〔丑〕裏邊有一間書房。你且進來睡了罷。〔下生〕多謝。正是一覺放開心地穩。夢魂從此到陽臺。〔睡介

小生上〕

〔前腔〕心悒快。好艱辛。孤村聞犬吠。風雪夜歸人。此間一宿店。投奔好安身。思親回首望孤雲。回首望孤雲。疊疊遙山望白雲。疎疎微雨弄黃昏。松聲更帶溪聲急。不是離



人也斷魂。自家來到鄂州界。得遇李員外。說我父親回去了。趕上來多行幾步路。不覺天晚。不免此間借宿一宵。店主人有麼。〔丑上〕誰人。〔小生〕是借宿的。〔丑〕來遲了。沒有所在。〔小生〕單身又無行李。但得一席之地。便可安身。〔丑〕裏面書房裏。有一個老客長。你與他同睡何如。〔小生〕多謝。店主人有火借些。〔丑〕有。正是一葉浮萍歸大海。人生何處不相逢。〔下小生〕三冬客旅嘆悲辛。抱膝燈前影伴身。暗想家中人夜坐。沉吟憶着遠行人。蒙李員外與我一本臺卿集。乃是我爹爹所作。天呵。周瑞隆收得父親詩一本。帶得母親書一封。只見二親筆跡。不見二親之面。好傷感人也。

〔駐馬聽〕梗跡蓬飄。跋跬山川。豈憚勞。只爲尋親到此。母親懸望。目斷魂消。恹惶兩字在懷抱。不眠愁對孤燈照。誰與我伴寂寥。惟有隨身瘦影。與我不相拋。我心上有事。睡不着。他心上無事。這等好睡。

〔前腔〕意逸心驕。熟睡鼾齣無事老。他那裏安然寢睡。高枕無憂。其樂滔滔。事不關心。一任自清高。關心者亂添煩惱。一般爲客在今宵。如何兩般煩惱。教我痛不了。〔生〕這人不達時務。行路辛苦。圖覺好睡。只管絮絮叨叨。豈不聞食不語。寢不言。〔小生〕是。

小生不是了。〔生〕不是你不是。倒是我不是。〔小生〕好沒來由。他自睡。我自睡。被他搶白了這一場。也不要怪他。這是我命該如此。李員外與我臺卿集。連日在路不曾看得。今晚燈前展開看一看。〔念介〕幾載藏名鬻餅家。半生逃死客天涯。當時不遇孫賓石。應對東風怨落花。這是東漢趙岐的故事。被他人陷害。逃于北海。幸得孫賓石收錄。我父親得李員外收錄。感此意。作此詩。

〔前腔〕寫怨揮毫。不是逢人作解嘲。似孔明吟梁甫。趙岐危述。屈子作離騷。二十年離恨可知道。筆端寫不盡淒涼調。好笑我母親。周瑞隆十二十三。不省人事。十五十

六。也知人事。那時不教我尋父親。今日叫我尋。卻不遲了。情況最難熬。早一日尋親見了。免得受煎熬。更深夜靜。神思困倦。不免睡了罷。正是蝴蝶夢中家萬里。杜鵑枝上月三更。〔睡介生〕

正是愁人莫與愁人說。說與愁人展轉愁。我正睡之間。聽得小客語言。好似河南人聲音。又說什麼臺卿集。這是我做來送與李員外的。如何到在他手裏。他如今睡了。待我起來看一看。〔看驚介〕

〔忒忒令〕這詩集是我親手做來。不審他緣何收在。且住。若是李員外家中之人。一個個都是我認得的。且待我將燈照看。是那一個呀。覷着他龐兒俊。似我妻廝類。試將他

語言猜。他丰範似開封府。這因由怎解。

〔前腔〕〔小生醒介〕你爲人真個好呆。不肯睡。只管驚怪。有何事將人恁懟。你起初可不道來。卻不道食不言。寢不語。將人好夢驚回。〔生〕小客長休怪。方纔我聽得你言語。好似我河南開封府聲音。以此冒犯。〔小生〕小生正是開封府人。〔生〕老夫也是開封府人。正是鄉人遇鄉人。〔小生〕不覺也動情。老客長。請坐過來講一講。〔生〕我如今要回去。不知小客長何往。〔小生〕也要回家。〔生〕既然如此。做一個伴兒同行。〔小生〕長者高姓。〔生〕

〔園林好〕念我是周羽秀才。〔小生〕家中有什麼人。〔生〕妻郭氏臨別懷胎。〔小生〕貴

表。〔生〕表字維翰相代。〔小生〕離家幾時了。〔生〕離家有二十載。離家有二十載。

〔前腔〕〔小生〕聽原因令人可哀。呀。你是我的爹爹了。〔生〕我沒有孩兒。你不要認差了。

〔小生〕我是背生兒。逆天罪大。〔生〕你既是我背生兒。叫什麼名字。〔小生〕叫周瑞隆。〔生〕

原來果然是我孩兒。我那兒。〔抱哭介小生〕二十一年教爹爹飄散。不廝見。淚盈腮。相見後。喜盈腮。

〔江兒水〕〔生〕憶昔當年別。方纔在母懷。如今已有二十載。兒今成人身長大。但你爹娘兩下愁無奈。我幸遇恩人相待。想你娘親必受十分狼狽。

〔前腔〕〔小生〕爹陷他鄉外。娘親受苦哉。只因張敏廝禁害。〔生〕張敏無狀。你母親

立志何如。〔小生〕要保全孩兒甘寧耐。〔生〕怎麼絕得那冤家之念。〔小生〕把花容割破。

方得他心改。〔生〕割破了面皮。好苦惱。曾教你讀書麼。〔小生〕教子讀書登第。〔生〕你登第

了。謝天地。〔小生〕棄職尋親。萬里特來南海。

〔五供養〕〔生〕兒今大魁。懊恨你爹身流落天涯。只愁你娘做了別人婦。爹做

死屍骸。誰想道守節婦教子成大才。背生兒尋父臨邊界。〔合〕提起當年事愁

滿懷。骨肉相逢。喜中變哀。

〔前腔〕〔小生〕我無錢欠財。刺血寫經。走遍天涯。天憐兒受苦。尋見父親來。爹

須見兒心眼開。娘凝望兒愁無奈。〔合前〕

〔川撥棹〕〔生〕彈珠淚。我孩兒真孝哉。若非你刺血寫經。若非你刺血寫經。父

子們何由再會。苦娘親。怎佈擺。苦娘親。怎佈擺。

〔前腔〕〔小生〕娘也應知爹貌改。〔生〕把什麼爲憑揣在懷。〔小生〕乍見爹歡喜顏開。乍見爹歡喜顏開。頓忘了娘書在懷。舊啼痕。方展開。新泪痕。滴下來。

〔臨江仙〕二十年前多少事。離愁別恨休論。將書尋父我兒身。痛憐親骨肉。重返舊家門。〔丑上〕自不整衣毛。何須夜夜號。你二人絮絮叨叨一晚。攪得各房都睡不着。是何道理。

〔生〕店主人。實不相瞞。這是我背生兒。二十年不曾相見。今日偶在寶店相逢。不覺傷感。爲此驚動了列位。〔丑〕天下歡娛。不及父子相會。今在我店中相逢。豈非異事。恭喜。恭喜。〔生〕些須房金請收下。〔丑〕多謝。多謝。〔生〕店主人。我目動問。你鄂州界上李員外。你可認得麼。〔丑〕我這裏店房都是他的。怎麼不曉得。〔生〕原來如此。學生有一本書。煩店主人寄去。說道周維翰父子在店相會。千萬與我多多致意李員外。〔丑〕當得。當得。

百夢不如書一封。

百書怎比一相逢。

今朝賸把銀缸照。

猶恐相逢似夢中。

第三十二齣 懲惡

〔水底魚兒〕〔末上〕開設茶坊。聲名滿四方。煎茶得法。非咱胡調謊。官員來往。招接日夜忙。盧仝陸羽也來此處嘗。也來此處嘗。自家生居柳市。業在茶坊。器皿精奇。鋪排洒落。招接的都是十洲三島客。應付的俱是四海五湖賓。來千去萬。耳邊廂聽了多少清談。小心奉承。眼面上頓成幾多歡喜。真個是風流茶博士。瀟洒酒家人。恐有吃茶的來。不免在此伺候。

〔外上〕

〔夜行船〕日永黃堂無外事。潛蹤跡暗察民情。白叟休猜。黃童莫覩。違者斷無輕恕。山城無事早休衙。閒逐東風看落花。行處莫教高喝道。恐驚林外野人家。下官范仲淹是也。本

隨朝寶謨閣侍制。蒙聖恩除授河南開封府尹。廉知河南一郡。俗惡民頑。倚強凌弱。恃富欺貧。我如今扮作客商。改換衣裝。閒行市井之中。訪察民間之事。此間一所茶坊。不免裏面一坐。茶博士那裏。〔末〕客官可是吃茶的。〔外〕你有什麼好茶。拿來吃。〔末〕有茶在此。〔外〕此茶從何而來。〔末〕

〔好姐姐〕此茶十分細美。看烹來過如陸羽。一泉二泉。試嘗君自知。休輕覷。路

逢俠客須呈劍。不是才人不獻詩。

〔前腔〕〔外〕此茶風生兩腋。要乘此清風歸去。三鍾四鍾。非吾苦要吃。只愁取。蒼生命墮巔崖裏。地位清高總不知。

〔前腔〕〔淨上丑隨〕我們薰薰醉歸。〔丑〕員外。許多相公在此送。〔淨〕請了。多謝得諸公陪侍。到茶坊坐地。好茶吃幾杯。〔末〕茶博士接員外。〔丑〕起去。〔淨〕茶博士。好茶且請張員外。醉倒王公舊酒壚。〔末推外介〕快起來。張員外來了。走過。走過。〔淨〕這是什麼人。〔末〕

是遠方買茶吃的。〔淨〕怎麼見我也不迴避。〔末〕遠方人不曉得員外的。〔淨〕既是不曉得的。你何不與他說。可打這廝。〔末〕員外請茶。〔淨〕這茶不中吃。拿去。可惡。〔末〕小的本錢欠少。〔淨〕宋清。他舊年領我多少銀子。〔丑〕領十個。還了一二十個了。〔淨〕宋清。再與他十個。〔末〕利錢望員外饒些。

〔淨〕饒你些。只還一十五個。明日來領。不來領要打。〔末〕曉得。〔淨〕走不動了。取轎來。〔外走介淨〕你這狗才。我起初饒了你。怎麼轉來又捱我一捱。你來討死。宋清。與我鎖了。你不認得我張老爺。本府知府范仲淹。也讓我一馬頭。〔外〕范仲淹。你也認得。〔淨〕前日在京中與我求玉帶。我就送兩三

條與他。他只是這一兩日到任。我着人去接他去了。你若無禮。取個帖子。送到府裏。擺佈你。〔外〕怎麼擺佈我。〔丑〕你不曉我家火牢也有。水牢也有。張千慣會使計。那宋清慣會殺人。你若無禮。我就殺了你。〔外〕清天白日。難道殺人。〔丑〕希罕殺你一個。我也曾殺幾個人過。我怕那個。拿他家去。〔外〕我是斯文人。拿我家去怎麼。〔淨〕既是斯文人。饒他去罷。〔末〕茶博士送員外。〔丑〕去。〔淨丑衆下外〕茶博士。他是那一部的員外。〔末〕不是中進士的員外。當地土豪。稱爲員外。〔外〕怎麼這等強橫。你將他平日事情。說與我知道。〔末〕小人不說。倘他知道。小的身家就難保了。〔外〕不妨。你且說來。〔末〕

〔孝順歌〕張員外。太不仁。家私巨萬。把人併吞。〔外〕怎麼不與他爭論。〔末〕有錢可通神。誰敢與他相爭論。若有冒犯他的。拿到官府去。有甚麼十分打緊。〔外〕你爲何這等怕他。〔末〕量我小小茶坊。怎不容忍。多少人家。被他陷作齋粉。〔外〕他的勾當。可細說來。〔末〕若說他做作。教君不忍聞。〔外〕但說不妨。〔末〕若說是非者。便是是非人。〔外〕你這裏有什麼人被他害了。



〔前腔〕〔末〕有個周維翰。家最貧。官差做夫身受窘。他有妻。貌娉婷。無錢去告張敏。那張生喜欣。〔外〕敢是多要他些利錢。〔末〕將一紙文契去。把實契虛填。索錢甚緊。

〔外〕可曾還他。〔末〕無可償還。要他妻兒折准。〔外〕那婦人從也不從。〔末〕他守節不允情。又使機謀害人命。〔外〕又是那個吃他害了。〔末〕

〔前腔〕他一朝怒生嗔。把黃德枉殺身。把那尸首呵。擡在周家後門。誣告官司。屈教他認。〔外〕那周羽怎麼了。〔末〕把他邊配邕州。做了無主孤魂。休泄漏這段情。咱和你不安穩。〔外〕想是要營構他妻子。故下這般毒手。〔末〕

〔前腔〕要他妻子強逼婚。那佳人抵死不肯允。一朝把花容割破。做瘡痕。方得離分。他有個背生孩兒。生得十分聰俊。〔外〕孩兒怎麼不與父親報仇。〔末〕方纔及第回來。那佳人教子尋親。〔外〕周羽去幾年了。

〔前腔〕〔末〕去了二十載。沒信音。人來報說周羽存。若得蒼天憐憫。令他見父親。說起傷情。〔外〕當初怎麼不告。〔末〕那有廉吏清官。斷雪冤恨。〔外〕他做這樣歹事。再

有何人被害。〔末〕說不盡爲富不仁。〔外〕多謝茶。三錢銀子在此。〔末〕多謝了。

〔外〕此人如果太奸豪。

天網恢恢豈可逃。

〔末〕不如閉口深藏舌。

到底安身處處牢。

〔末下外弔場〕有名豈在鐫頑石。路上行人人口似碑。開封府封丘縣有此等頑民。下官怎麼不懲治他。叫左右拿公服。到公館去。〔末衆拿袍帶上介開門介外〕叫地方。〔丑見介外〕我問你。地方上有一個張敏麼。〔丑〕有。〔外〕他平日有什麼惡跡。從實說來。不可穩瞞。〔丑〕他倚恃土官名分。虛填巧取人財。飢荒穀米價高抬。私置牢獄桎械。強佔良人妻女。故殺人命堪哀。把持官府也忒該。爺爺拿下與萬民除害。〔外〕叫左右。與我快拿來。〔末應介朝內叫介〕張員外在家麼。〔內〕是誰。〔末〕本府范爺請。〔淨上〕來了。叫宋清快牽羊擔酒。去賀太爺。叫張千送帖子。〔末〕稟老爺。張敏正來賀老爺。〔外〕他進來之時。把大門閉了。着他低頭進來見我。〔末〕員外。稟過太爺了。着你低頭進去相見。〔淨〕作怪。每常太守待我出來迎接。這個太守教我低頭進來。待我進去。張敏拜賀老爺。〔外〕咄。抬起頭來。〔淨〕不敢呀。就是茶坊裏見過的。〔外〕叫左右剝了他的衣服。〔淨科外〕你是什麼人。敢戴

大帽。〔淨〕遮陰而已。〔外〕你怎麼轎馬出入。〔淨〕代步而已。〔外〕你怎麼重簷滴水房子。〔淨〕門面而已。〔外〕你怎麼私置牢獄。〔淨〕禁治而已。〔外〕你怎麼強佔人妻。〔淨〕高興而已。〔外〕你家日日鳴鑼擊鼓。〔淨〕作樂而已。〔外〕你怎麼私剝耕牛。〔淨〕當小菜而已。〔外〕我且問你二十年前。故殺隣人黃德保正。誣陷周羽。可是實情麼。〔淨〕這些小事。已經大赦。也問我不得了。〔外〕這斷還要調嘴。人命大事。十惡不赦。好好快供上來。〔淨〕

〔普天樂〕供狀人。名張敏。年四十。圖家慶。自不合強佔民田。高擡米價。又不合逼人人家女子婚配。私置牢獄將人禁。是此供招。並無一字虛認。〔外〕他的妻子。怎麼不拿來。〔末〕出家去了。〔外〕這也罷了。把張敏家私給散與被害之人。把張敏上了枷。待我申奏朝廷。候旨發落。

〔五馬江兒水〕天網疎而不漏。張敏這斷呵。你爲人太不悛。從前作過。赦後結冤。萬剛凌遲誰見憐。〔合〕休想再生還。押配邕州路遠。如履深淵。

〔前腔〕〔淨〕自小生來豪傑。家中頗有錢。誰想今朝受罪。多與盤纏。好酒請咱

吃幾碗。〔合前〕

張敏爲人毒太多。

天網恢恢怎恕他。

嫩草怕霜霜怕日。

惡人自有惡人磨。

第二十四齣 完聚

〔破陣子〕〔旦上〕幾載離夫別子。終朝少喜多憂。爲怕愁來眉不掃。卻被愁來

白了頭。凝眸兩泪流。受屈飄零海角。尋親應到天涯。此行見否事如賒。獨守誰憐孤寡。空把柴

門倚徧。黃昏數盡歸鴉。敢因反哺不還家。游子未歸膝下。奴家教子尋親。離家半年。並無音信回來。

知我孩兒安否若何。知我丈夫存亡如何。教奴家睡寢不寧。昨夜燈花結蕊。今朝喜鵲聲喧。不知喜

從何來。

〔剔銀燈〕靈鵲噪。何喜可報。莫不是爹兒歸早。牛郎織女伊通報。一歲裏一度

河橋聽噪。一聲聲漸高。有何事卽忙便到。

〔掛真兒〕〔生小生上〕跋跣山川知幾許。今朝喜見故園桃李。此間已是自家門首。孩

兒你先進去。〔小生見旦介〕孩兒回來了。〔小生〕爹爹在外面。〔生日見哭介〕

〔哭相思〕誰料今朝重廝見。似珠還合浦鏡重圓。〔生〕自別家鄉二十年。脫離災難荷

天憐。〔旦〕今朝喜得重相見。〔小生〕滿捧明香拜謝天。〔生〕深虧娘子守節。教子成名。感激不盡。

〔旦〕想起當年分別。只道夫妻沒有相見之日。今朝又得團圓。一家猶如再生。〔小生〕爹爹母親請坐。待孩兒拜見。〔生日〕行路辛苦。不須拜罷。〔小生〕

〔刮鼓令〕兒不孝有罪。嘆當初在娘懷抱裏。恨殺仇人張敏。起謀心將惡計施。嚴父配邊隅。逼勒母親偕伉儷。要全節義損芳姿。家無主。囊又虛。朝思暮想鎖雙眉。今日裏重再會。一家門裏喜無虞。

〔前腔〕〔生〕思昔日困危。被官差去築堤。只爲無錢支應。將空約張家去告取。因見我嬌妻。誰知從此起禍危。虛填錢數恣非爲。殺人命。誣陷取。官司不辨是和非。屈招罪。遠配離。今朝喜得返鄉閭。

〔太平令〕〔末上〕奉奏丹墀。節孝情詞已備知。都堂勅令臨邊地。辦香案。秉威

儀。

〔前腔〕〔生〕家本寒微。受祿無功。空自愧。多蒙保奏。承恩庇。勞使臣。到寒居。

〔末〕聖旨已到。跪聽宣讀。皇帝詔曰。朕惟教化者。刑政之本。刑政者。輔治之基。今有河南開封府知府范仲淹。奏聞吳縣知縣周瑞隆。有母郭氏。早相夫而同受甘苦。夫遭陷而奮不顧身。勢逼臨危。毀容以全節。課書教子。棄職而尋親。同歸故里。能復父仇。此人情所難。朕實嘉焉。張敏懷狼虎之心。合當處斬。已經赦宥。遠配萬里爲民。周瑞隆陞蘇州府知府。父周羽封封丘縣尹。母郭氏封貞潔宜人。各加褒異。以厲風俗。仍賜冠帶。以榮終身。毋負朕意。望闕謝恩。〔生日小生〕萬歲。天使大人請坐。待茶。〔末〕不勞。〔下衆合〕

〔大環着〕感慈親教子。感慈親教子。跋跡山川遠尋取。千辛萬苦皆經歷。刺血寫因依。去鄂州界裏。感得恩人與父臺。卿集偶來旅邸。父子相逢。一旦真奇異。喜重相會。從今暮樂朝歡。休把良辰費。爲富不仁。今已遭邊配。方遂吾心意。〔尾聲〕一還一報君須記。古往今來放過誰。賢者賢來愚者愚。

東

郵







目錄

第一齣 離婁章句下

第二齣 人之所以求富貴利達者

第三齣 少艾

第四齣 井上有李

第五齣 則將摟之乎

第六齣 齊東野人之語

第七齣 媒妁之言

第八齣 綿駒

第九齣 則得妻

第十齣 日攘其鄰之雞者

第十一齣 鑽穴隙

第十二齣 以利言也

第十三齣 一妾

第十四齣 先名實者

第十五齣 其良人出

第十六齣 他日歸

第十七齣 與之偕而不自失焉

第十八齣 出而哇之

第十九齣 吾將矚良人之所也

第二十齣 蚤起

第二十一齣 徧國中

第二十二齣 卒之東郭墻間之祭者

第二十三齣 與其妾訕其良人而相泣於中庭

第二十四齣

頑夫廉

第二十五齣

將有遠行

第二十六齣

妾婦之道

第二十七齣

丈夫生

第二十八齣

爲人也

第二十九齣

與之大夫

第三十齣

鬱陶思君爾

第三十一齣

而獨於富貴之中有私壟斷焉

第三十二齣

右師不悅

第三十三齣

讒

第三十四齣

託其妻子于其友

第三十五齣

爲將軍

第三十六齣

戰必勝

第三十七齣

爲衣服

第三十八齣

詔

第三十九齣

妻妾之奉

第四十齣

百工之事

第四十一齣

其妻妾不羞也

第四十二齣

所識窮乏者得我與

第四十三齣

殆不可復

第四十四齣

由君子觀之

# 東郭記

明孫仁孺箸

## 第一齣 離婁章句下

〔西江月〕〔末笑上〕莫怪吾家孟老也。知徧國皆公。些兒不脫利名中。盡是乞墦登籠。長袖妻孥易與。高巾仲子難逢。而今不貴首陽風。索把齊人尊捧。

走東郭的齊人英雄本色。

訕中庭的妻妾兒女深情。

隱於陵的仲子清廉腐漢。

爭壟斷的王驩勢利先生。

## 第二齣 人之所以求富貴利達者

〔破齊陣引〕〔生青袍儒巾扮齊人上〕高算已空赤縣。孤蹤尙困青齊。妾婦名流兼金世界。說甚清廉道義。笑餓士西山無氣色。大盜東陵有面皮。吾徒聽不羈。〔鷓

「鳩天」落落男兒未有妻。隻身猶爾滯全齊。世人無眼空談笑。吾輩多才愈滑稽。能變豹。會攘雞。英雄那得效羣黎。他年衣錦歸來日。應使鄉閭共口提。不佞齊人是也。昔爲姜氏之齊。今爲田和之齊。齊一變矣。未爲富貴之人。且爲飲食之人。我何人斯。普天下東西南北。乞食吹竽者。皆爲咱四海兄弟。盡宇內秦楚燕韓。傍門依戶者。共是俺一家友生。或在此。或在彼。真如千百萬億之化身。或在前。或在後。更似高曾祖禰之一派。未奠臨淄之雁。久爲卽墨之鰥。吐氣揚眉。是予後來之面目。垂頭俯首。乃吾今日之神情。彼一時。此一時。君子亦有窮乎。爾爲爾。我爲我。丈夫當如此矣。由他笑罵。固自英雄。死生只命一條。朋輩有齊庶士。稷下淳于髡。滑稽多智。里中王子敖。諧媚能容。更有小友二人。合之是爲四傑。相與浪游街市。狂走塵埃。雖則一時暫安。恐非終身長策。不免待他每來時。再商出處。我想俺齊人如此抱負。不知何時發跡也。

〔太師引〕待雄飛海內。應無幾。縱飢寒。心寬體肥。奈枳棘鳳鸞失勢。儘榆枋斥鷃偏譏。道胸中奇奇異異。怎年來流離瑣尾。笑不了時人口皮。分何年男兒吐氣揚眉。

〔前腔〕把先齊豪傑還援比。釣竿兒飛熊渭涯。痛羈囚夷吾淹滯。笑牧豎甯戚寒微。一般兒相投魚水。轉眼的勳名俊偉。羨高風鴻逵可儀。一任俺齊人驥尾攀躋。呀。卻早二弟來也。〔扮淳于髡王驩並衣巾上〕

〔一翦梅〕男兒未際歎無衣。空欲飛飛。那得飛飛。〔王〕更兼飢餓不勝啼。心事齊齊。人物齊齊。〔相見介生〕伯夷甘忍飢。商山歌采薇。〔淳王〕我輩病其隘。用是道相違。

〔生〕二兄。我與你一貧如洗。日不聊生。聚首一隅。終非高見。不佞想起來。當今之日。賄賂公行。廉恥道盡。我輩用其長技。取富貴如拾芥耳。焉能鬱鬱久居此乎。〔淳王〕大兄言之然也。

〔二學士〕〔生〕高節清風今已矣。英雄須識時宜。堪憐街上惟餘我。更歎閨中未有姬。〔合〕念此青雲須早致。免塵埃共笑嗤。

〔前腔〕〔淳王〕自古賢豪從困起。吾儕應此爲期。而今跨下無完袴。他日街頭着錦衣。〔合前生〕俺可就此分袂前去。各自求取利達。毋貽朋友之差。〔淳王〕旣然如此。俺二人

就此分別。但大兄何以教我。〔生〕吾聞規小節者。不能成榮名。惡小恥者。不能立大功。惟去西山之

面皮。乃有東陵之氣焰耳。〔淳王〕多謝大兄明教。俺每就此分別。〔相拜別介〕

〔香柳娘〕望天涯奮飛。望天涯奮飛。相看短氣論先資。全在無廉恥。〔各拭淚介〕  
嘆知交別離。嘆知交別離。千里勉同馳。十年作歸計。〔合〕盼夕陽已西。盼夕陽已西。相逢莫期。倉皇揮涕。〔淳王先下生〕他二人已是分途前去。俺不免改換行裝。變易衣服。執荆藜以前進。持筐篋而遠行。咳。這都是近來求富貴的機關也。〔改乞態介扮二小齊人乞態疾走上〕

〔前腔〕笑雙雙在齊。笑雙雙在齊。庸庸無濟。有齊人兄長堪依倚。到如今傍誰。  
到如今傍誰。牛後我甘隨。馬腹兄何及。〔合前見生介〕兄長。虧你兩三人丟了俺小齊人去也。〔生〕兄弟。俺此去富貴。便來看你。好自珍重。〔二小哭介〕哥哥。俺兩個是沒用的花子。你去了。決是餓死也。〔生〕舌在你口中。脚在你腿下。何處不得衣食乎。俺就此相別。你不索深悲。〔二小〕既如此。則索送大兄一程。〔生二小並走介〕

〔前腔〕爲功名太急。爲功名太急。衣裳變易。從教諳盡江湖味。執青青杖藜。執



青青杖藜。一似狗彘。還愁彪也吠。〔合前〕

止爲名利走山川。

孤身分手各淒然。

丈夫會應有知己。

悠悠俗態何足纏。〔共下〕

### 第二齣 少艾

〔憶秦娥〕〔旦小旦豔妝扮二女上旦〕人間少。雙雙姐妹紅顏好。紅顏好。幽居冷落。

深閨空老。〔小旦〕奴年十五真真小。春光提着心兒曉。不堪花外一聲啼鳥。〔迴

文菩薩蠻〕〔旦〕早來春恨雙蛾掃。〔小旦〕掃蛾雙恨春來早。〔旦〕鶯語怪聲聲。〔小旦〕聲聲怪語

鶯。〔旦〕寂寥空麗色。〔小旦〕色麗空寥寂。〔旦〕腸斷欲昏黃。〔小旦〕黃昏欲斷腸。〔旦〕奴家齊之二

女。先君姜氏之裔。不幸棄世之後。止留下俺姐妹二人。藉有餘貲。聊以度日。但奴年亦已十八。妹子

正在三五。寂寞門庭。蹉跎歲月。如何是好。〔小旦〕姐姐。俺看王孫公子。結駟連騎。好不繁華。俺與姐

姐適人。須是這般人兒方好。〔旦〕你所言正合我心。但俺門戶荒涼。姓氏未著。恐富貴者不免棄之。

惟擇一孤窮而佃儻者。正自有富貴之日耳。妹妹你道如何。〔小旦〕然也。

〔金落索〕〔旦〕嬋娟體度嬌。綽約姿容俏。姐妹相隨兩下鸞凰杳。東風翠翹步  
妖嬈。三五年華爾正饒。似俺蹉跎歲月人應老。兀的埋沒容顏心轉焦。何時好。  
歎青春十八暗中銷。〔背介〕那能勾秦樓鳳簫。明河鵲橋。雙雙的鸞鏡還同照。  
〔前腔〕〔小旦〕閨中兩寂寥。花下齊歡笑。只恐于歸不得同歸了。看王孫富饒。  
鬪奢豪。羅帕鈿車陌上挑。他纖穠玉貌應非少。我窈窕柔姿只自嬌。何時好。嘆  
青春並姐暗中銷。〔背介〕那能勾蕭郎共招。牽牛共邀。翩翩的吉士還偕老。〔旦〕  
妹妹。雖則如此。所爲歸妹愆期。遲歸有時。俺則索等待時來便了。

〔劉潑帽〕愆期歸妹終須好。算二星可待非遙。天桃看取佳期早。標梅會有冰  
人巧。〔小旦〕姐姐。聖人云。二女同居。其志不同行。似俺姐妹相得。又未必然矣。〔旦〕妹妹。你若有此  
心情。我與你共適一人何如。〔小旦笑介〕

〔前腔〕同居二女歸期貌。冀同心鳩鵲雙巢。大姨應得謀蘋藻。小姨聊可同綦  
縞。

姐妹雖同居。

所志不同行。

我願不爲此。

效法在皇英。〔共下〕

### 第四齣 井上有李

〔小生高巾破衣扮陳仲子上〕吾友夷齊在首陽。只今留得姓名香。滔滔濁世誰堪比。仰止高風去故鄉。小生陳仲子是也。齊君不義而竊國。齊人無恥以成風。舉一國之人若狂。卽仲子之兄不免。是以甘心于遯。易姓爲陳。偕隱同志之妻。卜居於陵之地。因辟地以辟兄。頗有同清之望。因辟兄以離母。時懷陟屺之思。室人辟纒。小生織屨。萬鍾如履。遠違朝市之風塵。十乘可捐。清掬瀟湘之日月。近來捆屨不足。織作無餘。因之餓以三旬。不復能爲一飽。耳目若喪。聞見如無。只索強捱幾步。雖然餓死道旁。俺廉士甘心也。

〔北脫布衫〕避紅塵霞韻清孤。坐青山雲骨蕭疏。弄白石跡寄樵漁。倚蒼松游同豕鹿。

〔小梁州〕覩他每盡日營營走穢途。汎汎如鳧。爭趨顯者似奴僕。全無骨。應自

愧妻孥。

〔么〕俺因此呵。孤身獨自奔荆楚。卜於陵此地堪居。謝狂且。離兒母。偕來室子。老死在吾廬。

〔上小樓〕飲河偃鼠。無過滿腹。俺可也女執懿筐。自鬻芒鞋。飲食些須。常則是夫婦每爲農學圃。昔日箕穎輩也。於斯得趣。呀。十分餓得緊了。可將何物療飢乎。

〔么〕俺待要吸霜華。飲露濡。乘雲氣。凌碧宇。當不得這枵腹空虛。兩眼糊塗。兩足趑趄。況又這於陵並沒卻田幾畝。何來稻黍。夷齊兀的死山墟。陳仲子誰人及汝。呀。俺耳目雖昏。鼻中頗聞香氣。莫不是天公未絕廉士也。只索向前去着。〔匍匐介〕

〔耍孩兒〕鼻中香氣來何處。敢天帝心憐予苦。神農虞夏忽焉徂。怯書生願與爲徒。黜聰爲厭談諧聒。不見隨他伎倆殊。我神凝注。清芬自合。俗物還逋。呀。這卻是井邊也。井邊復有何物乎。

〔五煞〕問清流何物乎。井中蛙。士大夫。總來不掛巢由目。烟風蘿月無煩買。流

水高山味可咀。他來脈兒深堪取。清清似我。淡淡如余。呀。上邊乃有一果乎。此非不

義之物。可以嘗之。〔作嘗介〕原來卻是一李。李呵。陳仲子於足下有緣。暫屈爾於清人之腹矣。

〔四煞〕憐予苦似渠。井欄香若敷。須知此物非周粟。一時酸澀喉。三咽。數口清甘體半舒。這滋味全無。俗人之所棄。取不爲汚。呀。可可耳有聞。目有見也。誰知俺廉士

之命。竟生於一李乎。〔視井介〕呀。這井上卻有蠶蟲在上。蠶呵。得罪了。

〔三煞〕囑伊蠶休怪吾。非是咱奪汝餘。偶然昏憤叨卿俎。黃泉不免慚蚯蚓。竹實應堪比鳳雛。況與汝同斯土。鄉鄰之義。空乏應需。俺不免入告細君。免其憶念。我想

仲子有如此之遭逢。可知天生廉士。不偶然也。

〔二煞〕報與他美且都。這夫君可偶無。天生廉士超今古。蛾眉旣使予心醉。蠶食還將我口餬。這都是天張主。野人之味。隱士家蔬。

〔煞尾〕靜玩楚天霞。閒成山澤癯。看瀟湘雲夢還吞吐。想着我清操。只一片首陽山石可語。

第五齣 則將搜之乎

〔遶地游〕〔生衣巾上〕浪游曲徑蹤跡真無定。爲功名四方馳騁。資斧蕭然窮途清冷。嘆英雄時兮未乘。四海無家只浪游。飄零卻似水東流。男兒苦沒資生策。長嘯塵中何處求。齊人散羣以進。望貴而投命之未亨。其人不遇。思量俺資斧既乏。卽次未定。只索覓一人家。暫爲逆旅。庶可以營求富貴。守我些須。趁步行來。又是這般幽徑也。

〔金井水紅花〕四海尋姬媵。三齊誰舅甥。聽伐木響丁丁。鳥嚶鳴友聲相應。怎似俺孤身逆旅。未得叶秦盟。嘆吾儕枉一生也囉。朱唇玉貌。弱骨豐肌。蕙質蘭心。知何日雙雙照鏡。想那巫臣竊夏。總是齊人此行。便那宋郎豔孔。何異齊人此情。從來游俠。偏有紅妝興。〔暫下〕

〔遶地游〕〔旦素妝上〕齊姜本姓采采參差荇。歎時光柳殘花剩。一種柔腸。數年愁病。怪容顏春來瘦生。愁來頻蹙兩眉尖。總爲春風相滯淹。幼女未知心下事。朝朝強我看銀蟾。奴家姐妹孤窮。婚姻未定。此逕從無人跡。只索強行幾步。以消悶懷。俺妹子年兒弱小。兀自獨守

閨中也。

〔金井水紅花〕吉士人何在。齊姬心早縈。聽芳樹語倉庚。愧吾生關關不應。甚日得良人雄俊。相與叶鸞笙。枉教人淚偷零也囉。親親未遇。妹妹嬌癡。姐姐情深。因此上獨來幽徑。想那夷光困守。何異咱每此情。想那陶朱閒訪。未必他每此行。從來淑女。偏苦紅顏命。〔生上見介〕慢道齊東野真成越苧蘿。小娘子拜揖。〔旦〕客官。萬福。〔生背介〕我齊人今日遇仙也。

〔玉胞肚〕齊人煞幸。陡相逢西家美英。乍驚他環佩珊珊。還看他羅襪盈盈。趨前便欲問卿卿。可是瑤臺舊有名。〔旦背介〕是何方俊雅。偶然一盼。便爾躊躇。天下有此多情之士。

〔前腔〕郎君可敬。負昂藏丰姿性成。覷着他顧盼徐徐。還兼他襟帶青青。狂童狂也太多情。有女懷春我未曾。〔生向前介〕小娘子何方居住。豈非齊之姜乎。〔旦〕妾身姐妹二人。先君姜氏之裔。〔生〕果然名族。小生何幸得逢我卿。敢問小姐已許人否。〔旦〕妾已十八。尙

未字人〔生〕卿既無家。我亦未室。倘小姐不棄。願言偕老。意下何如。〔旦〕君實英雄。妾非淑女。幸締姻好。實媿我心。〔生〕何言之謙也。小生明日便當央媒納采。幸勿鄙我。或有後言。〔旦〕君子。俺家便在此徑中。不越數步是也。願毋遐棄之耳。〔生〕小生怎敢。

〔前腔〕聆音細省。俏喉嚨聲聲可聽。看烟光織柳成絲。又東風翦草齊榮。桃花回首不勝驚。那得逢仙忘世情。

〔前腔〕〔旦〕相逢一頃。早教人心懷暗傾。動離愁是落花風。送春歸有子規聲。標梅豈敢負深盟。君若歸妻須迨冰。夕陽遙西。就此告別。〔生〕敬當遣聘。願俟佳期。

〔尾聲〕一時便把紅鸞訂。〔旦〕愧沒瓊瑤爾贈。〔合〕他日還當枕上盟。

〔旦〕幸妾姻緣卻還未。

〔生〕何殊范蠡來諸暨。

〔合〕此身既已許君家。

便復同行不相諱。〔別下〕

### 第六齣 齊東野人之語

〔西地錦〕〔扮公行子東郭氏尹士各深衣幅巾上〕稷下素誇佳勝。齊東況聚名卿。清



談妙論堪人聽。看喙長二尺偏稱。田駢慎到舌鋒長。長在齊東關講堂。自是竊將餘論好。

共揮玉塵任荒唐。〔公〕不佞臨淄公行子是也。〔東〕不佞東郭氏是也。〔丑〕小生尹士是也。〔公〕俺與東郭先生讀禮多聞。清談少憩。俺這齊東稷下。向來是田駢慎到惠施公孫龍一班兒羣聚高談。喜的這尹先生正乃及門高足。今日約同開講。看有甚人來聽也。〔淳于髡上〕

〔番卜算〕口舌已天成。緒論還竊聽。〔王驢上〕試來莊嶽拜先生。學取些兒佞。

〔撞遇介〕呀。卻是淳于兄。〔淳〕子敖。俺與大哥三人別後。不想又會於此。〔王〕小弟聞得此中士大夫講學。特來一聽。〔淳〕俺亦爲此而來。如此一同進見便了。〔進見介公〕二君何來。〔淳〕小生淳于髡。這是契弟王子敖。久慕諸公高論。敬此竊聽餘談。〔東〕野人鄙論。竊媿大方。旣荷辱臨。敢藏醜拙。尹先生。俺每就此坐下閒談何如。〔淳〕三公請登高座。小生輩侍立以聽。

〔惜奴嬌〕〔公東〕稷下儒生。早詞鋒無兩。堪資談柄。慚余輩未獲門墻躬請。私幸高足非凡。講席齊推。玄風嗣聽。不佞也。只爲暫優閒。聊戲與齊諧一訂。

〔前腔〕〔尹〕閒評黃馬堪賡。雞胥三足。輪非躐徑。毛生卵。飛鳥何嘗動影。想應

雄辯高談。惠子公孫。多方廝競。休病不讀。卻五車書。那能勾辯才無罄。〔公東〕

諸君。古來還有多少異事也。

〔鬪寶蟾〕難明。古跡堪徵。那堯囚舜。何須深病。更來朝瞽瞍。蹙然不定。宣聖一言正大經。千秋感不寧。更堪衡。似這魯國名儒。又主卻癰疽。嬖幸。〔尹〕老先生。豈但此老而已。

〔前腔〕阿衡負俎。調羹與羊皮牛口。秦臣輝映。甚鼓刀誇呂。披裘說甯。還訂人情似犬情。周聲遜夏聲。莫紛爭。似着過泥詩書。索向齊東釐正。〔淳王〕竊聽佳談。

頓開茅塞。二生今日真幸會也。

〔錦衣香〕謬悠語。談天逞滑稽舌。懸河挺甚。倏忽分王。觸蠻爭境。南箕北斗。總堪憑。公行開社。東郭持盟。何處士尹先生。齒牙餘勁。王子開茅徑。淳郎鞭影。真堪西席。何妨北溟。

〔漿水令〕〔合〕覷臨淄犬雞爭應。儘莊嶽蛙蚓齊鳴。嘈嘈橫議耳偏盈。楊朱墨

翟慎到田駢借唾沫。邀餘剩。就中暗把吾徒醒。談和論。談和論。不妨偏逞。名和利。名和利。要得旁行。

〔尾聲〕與君一話真成幸。抵多少丸僚斲郢。這的是齊東野語。索分明。〔淳王別

介〕承教了。〔公東〕好說。汚耳汚耳。

〔淳〕先生妙論真不刊。

〔公衆〕還媿諸君義未安。

〔王〕自此愈知游世術。

〔合〕割烹五穀復何難。〔共下〕

### 第七齣 媒妁之言

〔字字雙〕〔淨扮媒婆上〕媒婆卻把兩緣擔。重擔。世間惟我巧言談。善探。個中事

體人未諳。黑暗。卻教幼女早逢男。硬嵌。自家齊東一個有名的媒婆。便是。昨日遇一官人。

央我爲媒。說有一女在此徑中。不免逕入。則個裏面有人麼。

〔意遲遲〕〔旦上〕憶昨郎君相過探。早是增傷感。愁緒復何堪。閨中小妹還譏

俺。〔小旦上〕笑嫦娥空把悶愁耽。那兒郎恐怕心情泛。〔旦〕何人到此。〔媒入見介〕二位

小姐是媒婆到此。前日有一官人逢大小姐於此徑中。說道親口許他。特央俺作伐。〔旦背介〕那人真信人也。

〔集賢賓〕記前宵出門閒自覽。陡逢伊好是懷慚。那風流浪子將咱探。語悠悠好不情酣。我傷心慘淡。竟自許問咱朱檻。〔合〕紅顏減。只爲此粉慵花懶。

〔前腔〕〔媒〕那郎君爲伊深戴感。央咱特地相探。他翩翩濁世風標湛。是英雄好駕鸞驂。你盈盈菡萏。正合配那青青橄欖。〔合前〕

〔前腔〕〔小旦〕婚姻簿中應細覽。俺姐姐只解清談。陪不得尋常俗物胡淫濫。使不着暮四朝三。卿須少跼。詳說着蕭郎風範。〔合前媒〕並不須疑。俺說將來。大小姐

自然理會得。

〔琥珀貓兒墜〕軒昂眉宇。端的是奇男。一種多情兩眼含。不修邊幅會高談。真堪好打疊鴛衾。翦下春衫。

〔前腔〕〔旦〕聽伊摹擬。半喜半羞慚。好弄簫聲子晉巖。憑將青鳥寄鸞緘。心耽。

更莫笑齊東。待接周南。

〔前腔〕〔小旦〕勞卿傳語。禮度索深諳。戎服憑教似子南。私親應得數刑談。情含。這後範前模。要得相參。〔媒〕如此別了。明朝乃是黃道吉日。那官人就入贅也。娶夫如之何。匪媒終不得。〔下旦〕妹子。我和你一胞姐妹。那忍先有室家。今日雖爾應承。不免爲卿快快。〔小旦〕姐姐說那里話。你妹子年小。正可從容。

〔皂鶯兒〕〔旦〕爲爾復愁含。一胞兒我獨耽。你春深不免還悽慘。空房那堪。我雙棲自慚。問嬌花果否甘清淡。〔小旦〕念奴穉齒。婚姻未諳。論奴心緒。孤幃自甘。賢姐姐何必將咱探。〔旦〕慢私談。秦公五女。曾並晉侯驂。

〔旦〕有姐青年先許姻。

〔小旦〕小姨應是未成人。

〔旦〕勸卿不必深相諱。

〔小旦〕他日時來自惜春。

## 第八齣 綿駒

〔扮綿駒時樣衣服琵琶簫管上〕郢中歌白雪。下里笑巴人。高唐有綿老。一曲賽陽春。自家非別。齊

國中有名會唱的綿駒是也。俺開口成腔。轉喉合拍。不論風流子弟。窈窕佳人。或爲倚門賣笑之資。或作徧國吹簫之計。都來俺處傳授。嘴皮兒可也叫破。唾津兒可也嚙乾。幾番要戒了這事。三日不唱。便覺喉嚨痒了。呀。遠遠兩個小娘兒來也。〔扮二妓上〕未歌先會舞。有色卻無聲。自家齊東有名妓者。大花風小花風是也。我每姊妹家第一會唱。纔鉤引得人心動。俺索去綿老官人家學一二套兒。來此已是。〔見介〕呀。綿老官人。萬福了。〔綿〕二位大姐。是要學唱麼。〔妓〕然也。〔綿〕少停一會。待人齊了。一并教你。〔王驥上〕待試穿窬術。先傳乞丐歌。自家王驥。別了齊人之後。稷下聽講一回。頗悟涉世之術。待把穿窬一試。匆匆未果。今者來到這高唐地面。聞得有綿駒善歌。雅俗共賞。思量俺一身空乏。前進無資。須索學些歌兒。沿門乞食。卻也便當。來此已是他門。不免徑入。〔綿〕客官何來。〔王〕小子從臨淄來。聞得綿老官人善唱。敢求指教一二。〔綿〕卻要唱甚的。〔王〕只上好新曲兒。指教數套便了。〔綿〕這容易。待我先與二位大姐唱來。你二人先學兩個打棗竿去。〔綿撥琵琶教妓唱介〕

〔掛枝兒〕小娘兒卻待要從良罷。恨悠悠待撇下這琵琶。幾番兒舊事難撇下。

那大娘兒不當耍。俺門戶裏儘風華。老實的不從良。再莫妝這般假。

〔前腔〕小娘兒大半喉嚨啞。唱將來有幾個到得家。遶梁音會的添聲價。當筵  
眞愛殺。到處盡偷他。但得箇俏聲兒打也隨你打。只將這兩調唱會了。明日又教你。這

位要唱新曲兒。隨我唱一套寄生草罷。但得合簫唱來更好。二位大姐可會吹寄生草。〔妓〕這倒卻  
纔學會的。〔綿〕如此卻湊巧。我唱你每吹便了。〔綿王唱妓吹介〕

〔北寄生草〕第一笑。書生輩。那行藏難掛牙。賤王良慣出奚奴胯。惡蒙逢會反  
師門下。老馮生喜就趨迎駕。不由其道一穿窬。非吾徒也眞堪罵。

〔二〕第二笑。官人輩。但爲官只顧家。牛羊兒芻牧誰曾話。老羸每溝壑由他罷。  
城野間尸骨何須詫。知其罪者復何人。今之民賊眞堪罵。

〔三〕第三笑。朝臣輩。又何曾一箇佳。諫垣每數月開談怕。相臣每禮幣空酬答。  
諸曹每供御慚無暇。不才早已棄君王。立朝可恥眞堪罵。

〔四〕第四笑。鄉閭輩。更誰將古道誇。盼東牆處子樓來嫁。儘鄰家雞鶩偷將臘。

便親兄股臂拳堪壓。豺狼禽獸卻相當。由今之俗真堪罵。〔綿〕客官。近來齊國的風俗一發不好。做官的便是聖人。有錢的便是賢者。這是俺稷下諸儒田駢慎到所度新曲。專一笑罵此輩。你可記熟了唱去。〔王〕領教了。只怕學生後來早被他笑着了。〔妓〕好嘴臉。你難道會做官不成。〔王〕你識得甚。做官的正是我輩。〔綿〕客官果是個中人。只日後富貴時莫忘卻唱曲的日子。

〔王〕新音一曲間琵琶。

喜得嬌娘幫襯佳。

〔衆〕爲問青雲貴公子。

此中聲調莫須差。

### 第九齣 則得妻

〔謁金門〕〔旦〕紅衫豔妝小旦素妝隨上。〔梳洗罷。妝束十分瀟灑。報道兒郎來繡榻。

芳心還復怕。〔小旦〕尙有小姨未嫁。權作小姑陪話。〔合〕這段姻緣真可詫。一言

親許下。〔相見介〕〔更漏子〕〔旦〕試新妝。凝翠黛。好個朱顏今壞。〔小旦〕嗟寂寞。盼歡娛。看看卻有

夫。〔旦〕眉自鎖。羞難躲。今夜如何則可。〔小旦〕姐和妹。恨孤單。今朝獨我寒。〔旦〕妹妹。昨日媒婆說。

那人來贅。俺則索花燭雙燒。豔妝以待。〔媒送禮物上〕報道新郎到。須將簫鼓迎。大小姐。那人來也。



這是隨身來的贄物。便可收下了。〔小旦收介〕就勞你贄拜便了。

〔女冠子〕〔生時式巾衫上〕衣冠俊雅。爲姻親青藜拋下。相逢一話。便央媒氏爲予傳語。那人肯嫁。〔到介媒〕請新人並立。贅壻成雙。〔旦並立介〕含羞非是假。見夫壻眞來。如何對答。〔合〕並雙雙燭下。齊右嬌姝。山東豪俠。〔內鼓吹媒贄拜介與小旦拜介〕

〔旦送酒介〕

〔錦堂月〕喜就蒹葭。歡調絲竹。齊姜幸配豪華。耀我門楣。笑把文鸞雙跨。成就了百世良緣。早圖箇一朝撐達。〔合〕傳杯罌。看春日遲遲。慢銷銀蠟。

〔前腔〕〔生送酒介〕堪誇俺四海無家。一身逆旅。逢伊憐取天涯。姐妹雙雙。粉面雲鬟相亞。覷姐姐嫩蕊可親。望妹妹嬌枝如畫。〔合前〕

〔前腔〕〔小旦〕無他。爲姐姐韶華。姐夫禮意。周旋錦席朱紗。相見何妨。知是嫡親姻婭。覷了他兩意綢繆。好教我一身羞怯。〔合前〕

〔前腔〕〔媒〕如花二女嬌娃。一人俊傑。眉來眼去歡洽。一捻姨娘。到底投他門

下大姨夫終作兒夫。舊女壻還爲新姪。〔合前〕

〔醉翁子〕〔生〕嬌姹。覷姐妹每龐兒沒價。與令姐相投。小姨終嫁。〔旦低介〕羅帕。今晚交加。一點新紅綴玉紗。〔合〕同游耍。願琴瑟調和。弄璋及瓦。

〔前腔〕〔小旦〕一搭。做阿姨的如何說話。便年紀無多。終須長大。〔媒〕休怕。久在伊家。託熟佯羞自叫他。〔合前〕

〔僥僥令〕〔生日〕和風纔啓甲。嫩蕊正含葩。記取此夜恩情如天大。更漏再三。搗新孔嘉。

〔前腔〕〔小旦媒〕嬌鶯啼欲罵。雛鳳笑微譁。只恐他日芳時也十八。不免及時花。將破瓜。

〔尾聲〕〔生〕齊人喜得齊姬嫁。中饋裏得人查察。從此方堪做室家。

〔生〕自憐出世獨鍾情。

〔媒〕偶爾姻緣巧訂盟。

〔旦〕相逢慢道初相識。

〔小旦〕昨日門前遇此生。〔共下〕

第十齣 日攘其鄰之雞者

〔普賢歌〕〔王驩賊態衣巾上〕

謳歌講學煞匆忙。悟得穿窬我輩當。帶巾不礙方。

逢人面不惶。笑我這賊衣冠偏用罔。俺子敖。自稷下講學之後。省得求名覓利。須要不羈。伊

尹聖人。尙且割烹媚主。我獨圖甚廉恥乎。近來把高唐歌兒念熟了。沿街賣唱。卻也取利不多。只得

改做穿窬之賊。爬牆挖壁。頗是獲利。所恨這城中雞犬頗繁。夜來大是不便。前日綿老官唱個鄰家

雞鶩偷將臘。我今便試一試。把這鄰鄰舍舍雞兒每日偷他一隻。一來免他夜啼。二來充我飢腹。且

是受用。昨夜爬牆辛苦了。今日起來。早是午飯時候。肚兒有些飢了。不免再撈他隻雞兒煮煮。〔行

介〕這家養了十餘隻嫩雞兒。也被我五六日間偷了一半。今日看手段也。〔攘雞介鄰人趕上介〕

〔前腔〕何來狗盜太無良。隻隻雞兒葬腹腸。今朝見了賊。原來是老王。笑殺你

號冠裳忒不像。〔生〕罷了。被你識破了。還了你罷。只是你這鄰舍家。便請我隻雞兒。也不爲多。

〔鄰〕老先生還說這話。這般沒行止勾當。不是你這樣人做的。〔王〕不是我做。待那個做他。〔鄰〕咳。

老大人。這非君子之道也。

〔玉山頽〕藥言陳上。論攘雞豈我輩行藏。聽鄰家詬罵何安。問清夜捫心堪愴。況伊家模樣。又博帶峨冠廝像。太覺風斯降。請回腸。幸把餘雞惠赦報秋窗。

〔王笑介〕老兄。我如今改過了罷。每常日取一隻。以後月取一隻便了。

〔前腔〕不須相謗。論攘雞比竊國田常。祇緣咱盜小無名。還則是賊多受賞。俺權依卿講。但一月一雞充臆。可也廉堪獎。慢寬商。把這餘雞壁上任鳴桑。〔鄰〕這等多謝了。

小用則割雞。

小盜則攘雞。

攘雞何足論。

冠裳盜不齊。

### 第十一齣 鑽穴隙

〔夜游宮〕〔旦上〕嫁得夫君豪壯。會溫存更復情長。所恨情兒太廣。偷覷姨娘。妝臺邊。枕簟上。繡簾旁。偶爾相期共嫁他。誰知自是會豪奢。但嫌有意窺嬌妹。可道男兒情易邪。奴家自許良人。匆匆好合。頗稱得意。果是知心。看他雖則孤貧。要自終能富貴。自春間成親來。早

是初夏天氣。所恨他情兒太廣。頗有竊吾妹妹之心。俺思量起來。昔日原與妹妹相期共嫁一人。若果妹妹心允。便索成就也罷。如今且冷眼看他兩下。又作區處。正是郎君多薄行。房幃有二心。〔下生上〕

〔月兒高〕忽來天上。幸得嫦娥傍。含羞上牀。妖豔應無兩。有箇姨娘。知趣長陪講。嬌模樣。令人懷想。喜吾妻不甚防。新婚燕爾趣偏饒。有個人兒還更嬌。朝夕令予長盼盼。何時愛我復相招。小生自贅他家以來。又早春盡夏初矣。撞着這等標致的妻兒。怎不愛惜。又添一位俊俏的阿姨。更自徬徨。喫一看二。可知令人心痒。所喜俺尊夫人賢慧。不甚隄防。我因此得朝夕窺覷。雜之戲謔。得此一姨。方成二美。他如今半親半疏。或近或遠。真弄得人苦也。新夏初炎。聞得他時常洗浴。不免竊一窺之。方見他內體的妙處。爲愛鸞鳳好。幾成禽獸行。〔暫下小旦紗衣上〕

〔前腔〕春寒已往。新夏神情爽。心兒暗傷。不奈這風清朗。怪那兒郎。冷處來挑講。他情兒廣。令人悒快。我時時淚幾行。知趣郎君真不凡。爲卿淚點透羅衫。妾心豈不懷君子。爭奈姻緣兩有妨。自姐夫來俺家後。日日眼角相挑。微詞半引。我看他個儻風神。昂藏氣骨。善

爲談笑。巧于滑稽。當是不羈之士。知非長困之人。俺姐姐也看得着也。想當初許聘之時。原有共俺同嫁之意。如今看他朝夕光景。真是難爲發付。目下春去夏來。好生傷感人也。

〔懶畫眉〕想着他朝朝繡戶把人張。眼去眉來直恁忙。恨當初不共效鸞凰。到而今可是難依傍。只落得一水銀河隔兩廂。

〔前腔〕見了俺親親姐姐日濃妝。靜夜相偎共玉牀。有時攜手出蘭房。不禁冷眼生淒愴。妹自孤單姐自雙。今日天氣覺暖。不免蘭湯一浴。俺生怕他又來張也。須索把門縫兒都遮了。素手下朱簾。香肌浴蘭水。〔暫下生作緩步上〕

〔不是路〕爲覓紅芳。悄悄輕輕過畫堂。斜凝望。那多嬌可是試蘭湯。〔張介〕呀。在裏面洗浴哩。解羅裳。金蓮倚處香飄蕩。玉體窺時室渺茫。尋方向。那門邊隱

隱些三兒亮。鑽他明朗。〔鑽介〕鑽他明朗。〔張介〕呀。卻早張得見了。好有趣也。

〔前腔〕仔細偷張。膚若凝脂乳正芳。翻銀浪。纖纖束素細腰香。俊嬌娘。如何不教人兒想。爲甚偏將那好處藏。無由向他春羅半幅中間放。沒些疏曠。沒些疏

曠呀。如何不再洗一會。又起來了。呀。他敢待出來也。〔小旦披衣上〕

〔前腔〕浴罷新涼。笑向妝臺試晚妝。誰來往。敢娘行環佩。我速趨蹌。〔見生介〕呀。是伊郎。教人含笑歸羅幌。何事藏蹤向綺窗。〔生揖介〕姨娘告揖了。〔小旦回介〕他深深唱。鞠躬而揖多謙讓。意兒堪諒。意兒堪諒。〔生〕姨娘。小生來久了。姨娘敢是洗浴哩。

〔前腔〕〔小旦背介〕不住姨娘。語語聲聲意態狂。還疏放。道多時久。立在迴廊。〔對生低介〕對伊行。傳聞我阿姐應相諉。只道俺爲姨沒主張。須深想。奴非怨女。君非曠。慢勞相訪。慢勞相訪。〔生〕姨娘不說罷了。姨娘如此說。小生也有一言。姨娘呵。你怎知俺做姐夫的肝腸斷也。

〔園林好〕細說向聰明女郎。俺爲伊一身多恙。日相望。怎心兒不想。況值着這清晝永。綠陰香。黃鳥叫。紫薇芳。

〔嘉慶子〕〔小旦〕告郎君休把人錯快。未知俺姐姐心腸也。須問如何情況。雖則親女弟不須量。也要賢令政兩相商。

〔伊令〕〔生〕聽了你一朝細講。可正是聰明沒兩。則道你將人輕相。誰知你情兒醞釀。若沒你姐姐頻來。便待將卿抱上牀。

〔品令〕〔小旦〕笑伊狂婿。直恁的意兒忙。便就是佳期報可。也索要禮相將。昔日承筐毫無爽。問名納采。俺姐姐纔歸繡帳。難道我不如他。草草私談便嫁郎。〔荳葉黃〕〔生〕我躬身訴向。說與你好姨娘。覷着你螓首蛾眉。覷着你螓首蛾眉。兀的不心迷意恍。花期已往。薰風正涼。早成就百年中情好。早成就百年中情好。休孤負紅顏。趁此青春未央。

〔玉交枝〕〔小旦〕期君心諒。論婚姻終須酌詳。雖然姐妹無他講。怕人情久有參商。況奴弱質未堪霜。望君慢俟花將放。且受用俺姐姐象牀。且放鬆俺姨姨繡窗。〔旦潛上窺介〕

〔么令〕〔生〕雖則卿卿不爽。我這裏心兒怎降。便就是你姐姐豔妝。便就是你姐姐豔妝。齊國之姜。可知你是弱柳柔楊。乳鳳雛凰。一縷粉花香。親姻婭人良。



意長。

〔江兒水〕〔小旦〕蓮葉看池長。薔薇滿院香。雙雙野鴨銀塘漾。盈盈紫燕泥梁唱。翩翩粉蝶園亭撞。早是令人惆悵。又可奈這浪子言長。不免留他心上。〔旦下

生揖小旦介〕

〔川撥棹〕非吾浪。把親親只索強。但得你衣袂兒輕揚。但得你衣袂兒輕揚。不由俺心情欲狂。是何時解繡裳。是何時捧俊龐。

〔尾聲〕〔小旦〕兒家何事心粗莽。笑你個齊人太妄。可正是敗化傷風輕薄郎。

〔生抱小旦介〕姨娘成就了罷。〔小旦推生介〕啐。怎這等忙麼。推出窗前月。應爲夢裏雲。〔下生〕我看小姨十分心肯。只怕姐喫醋耳。我想俺那妻兒賢慧。定是相成。不免去求他罷。

纏卿不免一身汗。

何日雙雙共跨鸞。

令姐應知是賢達。

豈知人世十分酸。

第十二齣 以利言也

〔霜天曉角〕〔扮田戴冠帶丑外扮從人隨上〕齊中衣錦全爲宗支蔭。吾家仲子老山林。落得一人富甚。齊邦今日已爲田。喜得宗支一派連。清廉介弟於陵去。不義家兄蓋祿纏。下官田戴齊之宗支也。以天潢之巧合。更人謀之克臧。官拜蓋大夫之職。母弟仲子。迂僻爲心。矯子自好。私其妻子。逃于於陵。近聞他飲食不充。聞見自廢。因之匍匐井上。邀惠糟餘。咳腐儒酸子。何自苦如此乎。這也不在話下。俺位居上僚。職司取士。齊國之賢。仰如山斗者久矣。但俺原以財致貴。故人必以賄取憐。如此者是吾門生。不然者亦吾家弟耳。左右。看有人請謁。即便通報。〔丑外應介王驩衣巾包袱上〕

〔前腔〕盜泉慣飲。積得囊中稔。齊人似我實堪欽。早向朱門求廕。俺王驩別了齊人兄輩。旣作乞人。還爲盜賊。囊中積有百金矣。聞得田大夫好財愛得。竟此自獻他家。求爲小小官兒。倘因此起家。從斯發跡。那時纔見俺子敖是能人也。〔見丑外介〕大哥通報。道臨淄王驩拜見。〔丑外稟介田〕快請。〔王入拜介〕王驩本國之人。有志之士。聞大夫廣羅才俊。故小子敬入微貲。聊備百兩之金。用充一茶之費。願策名于門下。或效職于官班。是望高賢。敢陳先達。〔田〕看你言詞出

世意氣超人。數倍才華。十分學識。可嘉可敬。不佞卽當上薦我君。並升公室。願通家之好。如同氣之親。相助羅財。毋私取士。〔王〕敢不勉遵台命。用效愚忱。若或負恩。須教惡死。

〔皂羅袍〕〔田〕滿眼齊人識。甚你擔囊揭篋。實獲予心。他孤窮反欲我捐金。你賢豪更復來添錦。當今才士。惟君可欽。當今先達。惟僕可尋。囑相知。好共把這機謀任。

〔前腔〕〔王〕喜得吾師細審。果憐財愛得。賄賂知音。我感恩應復效愚忱。若忘師便可酬凶讖。俺門生發跡。你杯中滿斟。若先生剩物。俺頭邊略簪。望師翁早賜我三分廕。〔田〕願子如此。我不敢忘。明日就薦你同升矣。〔王〕這多謝老恩師。

〔尾聲〕〔田〕銓衡久秉少同心。賢契呵。人間似子聰明甚。且和俺後堂中把杯酒飲。

也知才學獨君高。

〔王〕可識吾徒是俊豪。

〔田〕道德文章且休矣。

〔王〕銓衡夫子在錐刀。

第十二齣 一妾

〔掛真兒〕〔旦上〕俺的郎君情太厚。把小姨絮得相投。〔生上〕內子賢哉。丈夫狂也。近日衷情憐否。〔相見介〕〔南鄉子〕〔旦〕新荷四月天。小院清清籠翠烟。郎君偏爾能知趣。身邊。往往來來倚妾肩。〔生〕未敢爲卿言。有個人兒我亦憐。算來不是分情者。嫣然。渠與卿卿共久眠。姐姐。俺承你十分寵愛。同衾共枕。好是歡娛。但小生還有一樁心事。久欲見憐。不知肯否。〔旦笑介〕此身已許君矣。有甚的不肯來。〔生〕如此。小生稟上。願毋深罪。我的娘。我爲你的阿妹害也。

〔三換頭〕向妝臺妄求。爲伊家閨秀。自知非偶。奈心情已投。這一樁婚媾。與卿卿可正是連枝並頭。兩下情都有。三人成好逑。他年少含羞。況妹妹招夫敢自由。

〔前腔〕〔旦〕何須訴休。知君已久。我容顏愧醜。應把姨娘解愁。他閨中之幼。望卿卿須念着身裁嫩柔。可是三生就。應他兩意投。早與綢繆。不索郎君暗裏偷。郎君。俺就教妹子梳妝易服。與恁今日成親。你意下何如。〔生〕旣蒙賢妻許俺。便遲數日何妨。〔旦〕

你心中等不得。眼前怎說此話。待我進去與他梳妝易服便了。願爲皇與英。同心事君子。〔下生〕天下有如此賢慧妻子乎。我齊人真造化也。〔望介〕姐妹每。可快些麼。〔旦小旦豔妝同上〕

〔滿江紅〕〔小旦〕我有姐姐全不妒。爲咱成就。許妹妹同歸君子。共操箕帚。〔生〕今日齊人福果大。紅妝兩兩扶衣袖。〔旦合〕一雙白璧付郎君。君知否。〔內鼓吹旦贊拜介〕拜了姐姐。再拜謝主婚。并拜謝媒人。〔生笑介〕總是一拜罷。新郎喫不得辛苦。〔旦〕既如此。免你罷。請進合巹之酒。〔生〕今夕何夕。見此粲者。

〔賀新郎〕偶爾閒游。遇卿卿。一時成偶。又逢他綠衣嬌秀。相挑逗。還着你賢姐。爲媒鵲引鳩。看今夕三星恰湊。解羅帶。鬆衣釦。笑問我誰情厚。〔合〕兩姐妹同消受。

〔前腔〕〔旦〕覷爾風流。道尊姨一家骨肉。逞風情暗中相誘。伊年幼。也似俺姐姐當初不自由。今日個同牀共宿。無嫌忌。相前後。笑飲盃中酒。〔合前〕

〔前腔〕〔小旦〕相好無尤。在閨中雙雙聚首。怕于歸不能相守。今依舊。待學個

肅肅宵征抱爾裯也。只爲那風魔顏厚。恃伊善欺儂幼。日日窗前走〔合前〕

〔節節高〕〔生〕相將夏日游。詠韓攸。祁祁美姊如雲湊。家貲有。內閨修。專房又看

茂萱翠映眉山秀。更榴花紅妬羅裙鬪。俺何緣卻與粉香謀。拚將老向溫柔宿。

〔前腔〕〔二旦〕相親復自羞。爲情柔。小星江汜重歌奏。須心厚。要恩稠。還意守。

莫于姐妹分新舊。莫因容易成虛謬。俺一家爲甚兩相投。你心兒索要思量透。

〔尾聲〕〔生〕帷簿從教謗不修。這姊姒須知古有。抵多少大小夫人醉畫樓。

子兮子兮如之何。

〔旦〕見此粲者爲情多。

〔小旦〕而今不用相違避。

〔生〕也是愚夫小老婆。

### 第十四齣 先名實者

〔番卜算〕〔淳于冠帶僕從上〕稷下士名髡。寸舌能爲隱。一言半語合齊君。富貴須

臾瞬。獨我生來巧舌尖。君王有意會微規。一言卻教龍顏喜。此種機關大是鈿。俺淳于髡。生成滑稽。

絕世。自別了齊人大兄。去聽諸生閒講。倍覺長我談諧。助予遊戲。昨者來此都下。聞得個君王喜隱。

好爲淫樂。沈湎不治。百官荒亂。諸侯並侵。國且危亡。在於旦暮。左右莫敢諫之。俺思量起來。俺不過稷下贅壻耳。何畏於死。況俺之舌頭原自辯捷。又何畏不行乎。前日竟入見君王。說之以隱語曰。國中有大鳥。止王之庭。三年不飛。又不鳴。此何鳥也。于時君王省悟了。便答曰。此鳥不飛則已。一飛冲天。不鳴則已。一鳴驚人。乃召諸縣令長七十二人。誅一人。賞一人。奮兵而出。諸侯震驚。皆還侵地。君王大悅。歸功於髡。拜俺主客之職。一霎時早富貴也。

〔九迴腸〕也。則是君王喜隱。一言兒便愛臣髡。談言微中。人情順。虧這三寸舌口內猶存。雖然七尺長不滿。爲問三齊誰可倫。俺淳于真是千人俊。兩三言解卻人紛。卻教俺齊中大鳥冲天舉。嚇得那泗上諸侯掩耳聞。這齊東郡能勢利。趨炎熱。看朱履。客早晚好盈門。

〔生查子〕〔王驩冠帶僕同上〕窮命喜逢春。好友齊交運。投刺特相親。結綬堪同奮。俺王驩受知田大夫。已拜官爵。近聞得淳于遇主。陡致亞卿。原是俺貧時舊友。旣已同升。合應交結。

特此進賀。左右通報。〔衆稟淳接見介〕聞子敖高選。未及趨賀。何當辱顧。〔王〕好說。弟兄每今日同

升小弟十分私慶。凡百長兄清目。〔淳〕自當彼此同之。只齊人大哥尙無消息。不知羈留那里。〔王〕此兄自會逢時。不消得長兄過念。淳于兄。你道如今做官。須是何等方好。〔淳〕子敖何須問得。只像兄這等面孔。便儘意做得去了。〔王〕依小弟愚見。第一要銀子多的。便爲美缺。

〔黃鶯兒〕〔淳〕喜共步青雲。宦途中大不羣。只花斑面孔堪相譚。官精是君。官行莫倫。好教行老官兒運。慢榮神。弟兄遭際。尙有老兄貧。

〔前腔〕〔王〕幸得列朝紳。舊知交豈別人。雙雙幫襯能升進。休題士民。須爲子孫。從教老卻臧官鬢。慢閒論。從來好缺。羨的是多銀。

〔王〕自幸官星好。

君王爲寵愛。

〔淳〕還思貧賤交。

何時作寮窠。

## 第十五齣 其良人出

〔生破衣持棒作乞態上〕吾儕原是真英傑。得此嬌花共歡悅。姐妹雙雙不相妒。夜來含笑吹燈滅。俺齊人半年之中。得他姐妹。紅衫兩整。秀眼雙拋。姐姐賢而雅。妹妹慧且嬌。俺可是受用也。但俺與



王驢每兄弟相別。原爲求彼利達。不宜戀此好姻。今日暫且出門行游。以觀世態。棄頭上之巾。執手中之棒。又是當初打扮也。

〔二犯江兒水〕英才游宦。俺是個英才游宦。止爲着些個趕。喜幽居深巷。弱蕙芳蘭。識英雄。丟嬌眼。姐姐秀堪餐。姨兒更弱孱。鸞佩珊珊。鳳履彎彎。這歡娛士夫。每還則罕。孤身有鰥。熬殺俺孤身有鰥。相偎彼粲。喜的個相偎彼粲。出門游爲功名兩字間。早來到大街上也。則索向朱扉以投。望畫閣而進。圖個醉飽。充我肺腸。你看街市上酒肉好香人也。

〔前腔〕朱門玉饌。待乞那朱門玉饌。又何須言拙赧。想驢腸鴟炙。兔首熊蹯。滿華筵。多奇產。俺乞食效昭關。男兒自厚顏。青竹爛斑。破袖翩翩。這形容在吾徒。應不罕。橫襟縱看。請諸兄橫襟縱看。一街討飯。滿目中一街討飯。笑衣冠那人兒。應自汗。那一個與俺些酒肉兒麼。呀。那人家正請客哩。〔執棒舞疾走介〕

〔北對玉環帶清江引〕此際雲鬢。閨中正自閒。媿我孤寒。人前笑有攀。一眼望

銅環筵中想已闌。不用門關無多求爾餐。況復餘殘何須復吝慳。晉家公子方蒙難。險阻誰青盼。多將擲塊來。那復堪壁反。想那餽盤餐。僖大夫千古罕。〔舞下〕

第十六齣 他日歸

〔杏花天〕〔陳仲子傘袱上〕俺是個齊國之廉。對夷齊應知沒玷。只家兄見我憎嫌。論家慈頗自愛。咱清檢。一別慈親已數年。教人陟屺一潸然。爲斯復走齊東路。回首閨中獨自妍。小生幸藉糟餘。得全微命。思量高堂老母。時時不忘。想夷齊就養文王。猶然暫離北海。況仲子歸寧母氏。何妨再入東齊。前日別了辟纒之妻。早過了許多山水也。

〔山坡羊〕想生平清名雖占。爲慈親終朝言念。別於陵暫赴臨淄。道途中並不宿二家店。養清恬。步步有人。瞻鞠躬踧踖。踧踖還如歉。回首荆蠻。吾家嬌豔。纖纖爲我遙征悶緒添。慊慊爲憶行人淚雨淹。行路倦了。不免暫息片時。〔扮一盜上〕盜

跖親支派。莊躄嫡友朋。俺弟兄兩個剪徑爲業。數日生意不濟。纔方尾着一書生。背着包袱。就中量有物在內。不免劫了他去呀。可可還在此間。漢子留下行李。〔陳〕大王。小生是陳仲子。別沒甚東西。

奉敬〔盜〕我那管你仲子不仲子快將行李來〔陳〕俺仲子真窮命也。

〔前腔〕怯書生窮形堪驗。那些兒隨身書劍。〔呈袂介〕大王請看。一些些麻縷粗鞋。破茸茸舊布單衾。欠犯台嚴。休將羶行兼。那莊躑躅遺臭。遺臭千人厭。何似儒酸。甘心寒儉。〔盜〕腐儒莫多說。〔陳〕休嫌。敢學尼山編虎髯。〔盜〕再說就一刀殺了。〔陳〕還謙。敢把窮肝膾斧尖。〔盜〕活活腐儒。饒你去罷。鼈殺兩強盜。爲遇一儒酸。〔下陳〕不幸又遇此二位。擔閣了半日。天色已晚。躑行幾步。

暴客陡相值。

夕陽忽已晚。

何日進臨淄。

日暮途還遠。〔下〕

### 第十七齣 與之偕而不自失焉

〔搗練子〕〔生執杖乞態上〕郊以外暫游之。龍蛇之蟄未遭時。慢自道男兒終若此。丈夫之未際。不免類餓殍。執杖問何之。蹤跡故矯矯。塵埃不知我。應復爲予藐。縱步天壤間。吾志原不小。齊人乞食市中。杖藜郊外。皮相者謂我乞人。肉眼者笑予無賴。惟有室人不知。終日雙雙款拜。

因此愈益風騷。自覺神情豪邁。今日只索郊外走一回也。

〔步步嬌〕俺是個未際英雄天之使。弄得窮如此。飄零寄一枝。天作之合。新婚燕爾。想他姐妹兩西施。俺齊人只索爲情死。呀。遠望着。一腐儒來也。〔陳仲子上〕

〔前腔〕久矣於陵相棲止。爲甚閒來此。爲看陟屺詩。我意傷悲。劬勞母氏。雖然避地遠臨淄。又道的箇我母還思子。〔見生介〕老丈。告揖了。〔生笑介〕何處豎儒。向乃翁作揖乎。〔陳〕老丈聽稟。

〔孝順歌〕吾翁丈聽鄙詞。俺卜居楚荆非一時。問余安所之。舊家還相邇。老丈莫怪我說。你執青青竹枝。託翠翠花瓷。豈丈夫之事。你指望人施。只恐怕還蹴爾。勸你須改矣。莫勤斯。我非他。於陵子。〔生笑介〕原來食糟餘的陳仲子。就是你。怪道如

此模樣。識時務者謂之俊傑。你豈儒焉。知時務乎。〔陳〕小生狂言。還請尊教。〔生〕聽俺道來。

〔前腔〕聞卿久。纔會之。果然面顏酸若斯。伊兄良可師。如卿不堪齒。你撇哀哀老慈。戀款款嬌姿。豈獨非人子。你試一深思。可道是今堪死。我也深愛你。故孜

我非他。齊人是。〔陳〕原來是齊人老丈。承教了。其人不甚非。其言亦大是。〔下生〕這腐儒去了。

滔滔世中。應是難得此輩。令世皆若人。吾又何必喬妝至此乎。不免歸語妻孥。爲之笑笑。

世上如君是丈夫。

滔滔濁世不應無。

吾非故爾輕談笑。

只爲而今不重儒。

## 第十八齣 出而哇之

〔田戴共母夫人僕從上〕朱門槩戟獨陰森。齊國之中人共欽。高堂不免多長嘆。難轉於陵游子心。俺蓋大夫田戴是也。與母親享萬鍾之祿。安簪纓之貴。頗是安樂。奈家弟未歸。下官不免有在原之歎。俺老夫人不免有子季之思耳。〔母〕我兒。我憶念仲子。昨日夢他來家。好生歡喜。今朝只你在前。好生悶鬱也。〔田〕母親且自寬懷。倘仲子或有歸來之日。也未可知。〔老僕上〕旣作蓬華人。何來朱門裏。稟老爺。二相公回來了。〔田母〕回來了。謝天謝地。〔母〕你見誰說來。〔僕〕小的見街上喧喧嚷嚷。說廉士來也。故此知二相公歸了。〔田〕快去門前俟候。來時疾忙通報。〔僕應下陳傘袱上〕

〔北醉花陰〕爲甚麼離卻衡門赴青瑣。好幾日奔馳道左。俺長領卻那烟蘿走。

風塵好是難過。便待回西山臥。〔僕報介〕二相公到了。〔田接介陳打躬介〕哥哥久違了。敢勞着你這錦衣哥。早則是出華堂來接我。〔共進見母介〕不孝兒久違膝下。望母親恕罪。

〔揖田介〕長兄拜揖。〔母〕我兒。這幾日想殺我也。你在於陵可好麼。〔陳〕托母親哥哥之福。幸爾粗安。孩兒因記掛母親。故此不遠而來。〔母〕生受你了。〔陳〕哥哥嫂嫂好麼。小弟造次不敢請見。〔田〕不勞了。〔母覷陳介〕我兒直恁餓的瘦也。

〔畫眉序〕吾已鬢成皤。見汝容顏更摧挫。歎齊荆途路遠。隔煙波。你餓三朝。幸藉鱗鱉。怎生只兩口未甘藜藿。不然怎的形容弱。好教我肝腸如割。〔陳〕這是生成如此。不必過慮。孩兒倒忘記了。你小媳婦沒有甚孝順。績得麻兒半斤。聊充母親一線之費。〔對田介〕長兄。小弟窮苦。也沒甚相敬。所織粗鞋一雙奉上。〔解包取送介母田〕你那里來路。好要你的。還自用罷。〔陳〕這是我與娘子一點薄意。定要笑留。

〔北喜遷鶯〕窮困兒並無奇貨。只些須自愧微薄。娘也麼哥。這履兒是男親做。這麻是你媳婦將來孝阿婆。雖輕約。也是俺夫妻生活。望尊親鑒此如何。〔母笑〕

介〕既如此。哥哥可收了他的。〔僕提鵝上〕先來一條曲蟾。後送一隻肥鵝。稟老爺。王驩大夫送一隻鵝在此。〔出〕收了他的。〔陳蹙眉介〕哥哥收這東西做甚。丈夫寧餓而死。惡用是醜醜者爲哉。〔田笑介〕賢弟。我每士夫交際。豈止一鵝。況他既送來。卻之不恭矣。

〔畫眉序〕收此未云多。吾輩簪纓禮儀大。有金珠錯落。璧玉嵯峨。你高隱輩雖則嫌憎。俺士夫每常收些三個。卿來無物爲卿樂。權把做一餐消餓。〔陳〕俺眼也不欲見他。況於食之乎。〔田笑介陳〕哥哥。你尙不知你阿弟的苦操也。

〔北出隊子〕想着咱清操頗頗。考槃間獨晤歌。若是出於陵俺賤。也不賤。只俺夫妻一口水兒嗑呀。這醜醜之聲好是聒。〔田〕明日公行子家開靈。士夫每約同相弔。待去備辦禮儀。兄弟且暫坐一坐。再來陪話。〔下母〕叫院子。可將這鵝宰了。〔僕應下母〕我兒。不道你這般瘦了。你不來也罷。你既來了。俺做娘的怎看得你過。今日可可的送這鵝來。便宰了請你。〔陳〕母親再不要如此。孩兒就去了。〔母〕你不要苦違了老娘這點意思。便嘗也要你一嘗。

〔滴溜子〕勸我兒。勸我兒。須當允諾。從母命。從母命。有何不可也。消得你遠來。

口渴。〔陳搖頭介〕這實難從命。〔母〕難道你母親言都厭我。央殺你仲子孩兒聽娘攛掇。〔僕捧熟鵝上介母〕我兒。可趁熱喫些。也使我老娘歡喜。〔陳接介〕俺陳仲子若非從母之命。怎食此醜醜之肉乎。

〔北刮地風〕呀。一霎時鼎中調。席上羅。好教咱幾度沈哦。是萱慈再四央着我。須不似黿汁招訛。較不比羊頭伏禍。俺只得脣外微過。〔母〕兒是必嘗一塊。纔是孝

順的兒。〔陳〕定要兒嘗也麼可。教俺奈若何。真逼勒的無方躲。也索盡些些些沒奈騰那。只怕陡遇着俺那官哥。〔田上陳忙遞介田指介〕

〔雙聲子〕腸兒餓。腸兒餓。一口的還偷撮。言何左。言何左。一眼的輕瞧破。沒處躲。卻怎可。卻怎可。笑靈龜舍爾。朵頤觀我。〔陳慚介〕大兄責之有理。俺陳仲子真沒得解

說也。〔走介〕

〔北四門子〕猛然間熱語閒提掇。〔唾介〕唾唾唾唾出他這片鵝。好教咱嘔的肝腸脫。他在喉嚨可也還未磨。好也唾出來了。〔母出哭介〕我的兒。朝着風這樣唾。便喫這



一塊也不做肉。〔陳〕喫也幾何。唾也沒多。卻教老親娘放不落俺。臨風唾。俺可也。把眼兒慢抹。肚兒慢挪。這的是福消不過。〔母〕快取茶來與二相公。〔遞茶介〕我的兒呵。

〔鮑老催〕淚珠兒掙墮。生刺刺敢搥的咽喉破。是哥哥不合來相聒。是娘親愛惜他生來禍。一杯苦茗休推託。口中酸氣須搜括。且將息坐一坐。〔陳放茶鍾怒走介〕

〔北水仙子〕呀呀呀俺來甚麼。險險險險把俺半世清名累的訛。〔母扯介陳〕苦苦苦苦的這白髮婆婆。想想想想着俺紅顏娜娜。怎怎怎知咱遭此磨。可可可不如并李也多。去去去依舊於陵老薜蘿。再再再不來朱戶親花萼。〔揖田介〕拜拜拜別了你這好哥哥。〔欲下母扯介〕我兒便要去。今朝去不得也。

〔雙鬪雞〕癡兒忍割娘心似挫。便去於陵怎麼。怎麼把娘親闊。且須擔閣暫留將家裏臥。〔陳〕既如此。孩兒暫且歇下。只久別了於陵也。

〔北尾〕碩人邁松桂雲應鎖。〔嘆介〕俺好一似舊蘇秦遭摧挫。從今歸去呵。須老死在陵阿再不向這蓋大夫門下過。〔共下〕

第十九齣 吾將調良人之所也

〔駐雲飛〕〔旦小旦上〕嫁得多才。日日街頭去復來。欠了俺冤親債。不奈他風情大。乖笑對俺兩裙釵。十分恩愛。消受他款軟溫存。好教俺羞無奈。姐妹雙雙眼怕擡。〔旦〕妹妹。良人自夏中與你成親後。又不覺仲秋來矣。他日日醉飽而回。好是風情蕩漾。俺姐妹每也當不過這浪子也。還有一件。他朝朝醉飽。未知何來。今日回時。須問他個端的。倘有勢交貴友。也是俺爲妻小的榮耀也。〔小旦〕待他來時。問他便了。〔生禿頭披衣作醉態上〕

〔前腔〕破帽丟開。又作翩翩美俊來。〔小旦迎介〕郎君回了。〔生〕小的前來拜大的。人何在。〔搜小旦介〕孩。愛你小身裁。把羅裙索解。〔旦出笑介〕可又醉了。〔生揖介〕俺將伊令妹偷親。你休要心兒怪。〔旦笑介〕可是怪哩。〔生〕一笑知卿不介懷。〔生倚旦介〕〔前腔〕〔旦〕故意相挨。爲問卿卿何處來。怎不把巾兒戴。直恁的風魔態。〔生摸

旦懷介旦〕歪。何處錦筵排。將伊留在。弄得你酒興顛狂。活把人兒害。試屈指良朋笑口開。

〔前腔〕〔生〕俺一品人材。盡處交游富貴來。相與的皆冠蓋。邀飲的都豪邁。〔旦〕是那幾位顯者呢。〔生〕猜齊國幾人哉。晏嬰不在。便那管氏夷吾。他可也違時代。一任閨中女酌裁。

〔前腔〕〔小旦〕俺對語妝臺。兩兩何曾出戶來。不似你常游外。那里問三千客。獸怎的爲伊猜。瞞咱索奈。只看你言語支吾。未必交游在。料得相知也有涯。

〔前腔〕〔生〕醉矣難捱。快抱衾裯上榻來。苦爲這賢豪愛。也只爲交情大。咳。我未際困塵埃。他故人情藹。消受他鳳髓龍肝。我寸舌應嚼壞。愧沒歸遺兩女才。我睡去也。〔旦扶下復上〕

〔前腔〕好是疑猜。常道豪華席上來。又不把名兒賣。胡亂將言詒。唉。他覷俺似嬰孩。大言相駭。果是他顯者相投。應出形骸外。怎不高車辱顧柴。

〔前腔〕〔小旦〕慢爲差排。試與夫君共去來。識破他生平態。自沒得胡遮蓋。挨今晚且寬懷。明朝先待蹤跡相隨。看甚樣人兒采。判取這多情才不才。〔旦〕妹妹言之有理。你年紀弱小。且自在家。待俺明日早起隨他便了。今夜你可陪他睡去。

敢避五更寒。

明朝早起看。

爲愛情親極。

閨中不自安。

第二十齣 蚤起

〔七娘子〕〔旦持燭上〕清秋早起羅衣顫。爲良人盼望心穿。玉漏將終。明星猶爛。淚痕界破殘妝面。〔小重山〕八月秋風起。嘆吁。通宵愁不寐。意何如。寒蛩唧唧似憐予。妝臺露冷。一身孤。奴家昨日與妹妹商量。瞞我良人。一夜等不到曉。只索燃燭梳妝。隨他蹤跡也。〔梳妝介〕

〔漁家傲〕爲甚麼曉絕梳鬢八月天。對着這玉露商飈。繁霜冷烟。如雲鬢髮粗。粗展蛾眉低偃。也只索垢面蓬頭。淨洗朱鉛。生恐怕窈窕風姿。風姿兒炫市塵。

頭已梳完。再把衣裳易換了。〔易衣介〕

〔剔銀燈〕脫下了輕羅細絹。早換上粗衣一件。一搦搦腰係着一絲絲裙兒旋。一丢丢脚用着一星星綾兒纏。嫣然還須小扇。一路上把紅顏遮着半邊。我想此一出門。若良人果與豪華爲友。也不枉俺一片心兒。倘有不然。兀的不羞殺俺施從的妻子也。

〔擲破地錦花〕好難言。只願得朱門宴。便早早旋。待傳向俺在室嬋娟。若或差池。怎不埋冤。好姻緣恐未必出人前。呀天已明了。他將次出門。俺索隨他去也。〔行介〕

〔麻婆子〕良人良人將出戶。知卿何處延。室子室子相隨步。爲君不自憐。內家誰共外廂鶩。恨儂早不將伊勉。如今呵。秋風蓮步離庭院。抵多少繡被日高眠。覓得男兒諧白首。出門日日豪杯酒。

未知果否好知交。

妻子相隨簾外走。

### 第二十一齣 徧國中

〔出隊子〕〔田大夫僕從上〕春秋合渙。春秋合渙。日月雙輪疾似丸。素冠聊擬棘人爨。蕭索西風暮木盤。慢薦蒸嘗。淒淒夜漫。下官田戴。今日乃清秋節屆。隕霜殺草。爲子

孫者有先祖之思。先塋卻在東郭之外。只向前去祭也。慢薦蒸嘗。淒淒夜漫。〔下〕

〔前腔〕〔王驩僕從上〕先塋親灌。先塋親灌。地脈培予已做官。從今齊國重王驩。一路鏘鏘鳴遠鑿。風景依然。青山碧湍。下官王驩便是。前日進賄於田戴。聞之吾君。拜爲大夫之職。俺子敖是個能人。百方媚主。當今極爲寵幸。思量起來。此皆俺祖宗之福也。今日秋祭之時。只索東郭一奠。以盡俺心。家僮前面與馬是誰家的。〔僕〕便是田大夫老爺。〔王〕既是田老師。讓他前去。風景依然。青山碧湍。〔下〕

〔前腔〕〔生乞態上〕荆條木盃。荆條木盃。名利場中儘意搬。雕鞍繡轂與盤桓。要路閒門揀着鑽。且自英雄。城東一歡。你看紛紛秋祭的都往東邊去了。俺索跟他一游。且自英雄。城東一歡。〔下〕

〔前腔〕〔旦走上〕暫離朱幔。離暫朱幔。嗟彼無良涕淚酸。那些口裏士夫團。出外原來醜行完。覷這行藏。紅顏命拚。奴家早早尾他出來。誰知出了門兒。便作這般打扮。咳。我姐妹好苦。怎生嫁着這樣的人。且自遠遠的隨他。看又做甚的勾當也。覷這行藏。紅顏命拚。

〔下〕

〔前腔〕〔生上〕危樓飛觀。危樓飛觀。半掩朱簾隱鳳鸞。呀。卻早雨來也。〔遮頭走介〕

白雲一片出烟巒。秋雨沾衣風帽寬。〔向內揖介〕列位長兄請了。呀。他公然不采。還指着俺

罵也。咳。汝輩豈遂勝我乎。妄自尊高。同吾一般。〔下〕

〔前腔〕〔旦上〕爲君腸斷。爲君腸斷。徧國無人青眼觀。還誇飲食盡衣冠。終日空將妻妾瞞。步步難行。雙眉自攢。咳罷了。分明嫁了個乞丐了。且隨他到東郭。看待如何。

丈夫不成器。

兒女太傷心。

### 第二十二齣 卒之東郭墻間之祭者

〔田僕上〕早到俺墳邊也。〔王僕上〕早到俺墳邊也。〔王見田介〕老恩師拜揖。〔田〕賢契。敢亦來祭

祖麼。〔王〕然也。聞老師令弟亦已歸府。怎不同來。〔田〕他矮子太過。不屑同來。〔王〕原來如此。俺每

就此祭祖。旣灌之後。共享祭餘。家僮。可把禮物擺下。〔衆動樂器祭祖介生上〕早出了東郭。到此墻

間也。我想徧國之人俱勢利小人耳。焉能物色我於塵埃之內乎。呀。那兩個貴官卻已祭祖也。〔衆

祭畢介王〔老師我每可就此共享餽餘猜拳行令王田飲酒介生近前介〕呀那鬍子好似王子敖他怎麼就得到此。況既是子敖怎生不認得我。可是狀貌偶同不足介意。一路遠來饑餓不免向前求些祭餘者。〔向王田介〕老大人可把俺些酒肉充饑者。〔僕罵介〕呢花子我每還未受用你便來討喫哩。〔生〕呀這些家僮大是欺人也呵。

〔北新水令〕風塵寥落自興嗟。嘆齊人傷哉貧也。骨緣令氣老恨向楚天賒。對景淒絕。倍教人壯心烈。

〔步步嬌〕〔旦上〕看秋容一片荒郊寫。盡處霜紅葉。愁來不可遮。滿眼蒼山妝點出兒郎劣。羞他廉恥沒些些。對野花黃蝶增悲咽。你看他立於祭者之旁。多是乞其餘矣。俺且遠遠的睨着他。〔生〕老大人我肚兒饑得緊了。快賜與酒肉者。

〔北折桂令〕您可也是三齊兩位英傑。須念俺不速而來。興致豪俠。雖然你受用華奢。有的是流蘇錦帳。油壁香車。須索把孤寒提挈。方顯得富貴超軼。不是俺饒舌。不是俺言邪。只足下可早些兒成業。與不佞也不甚差迭。〔田〕這花子卻



是個風的。不要多說。俺賞你酒肉去。〔僕與介〕兩三塊鵝肉賞了你去。〔生接食介〕酒也賜兩鍾麼。  
〔田〕再把酒與他些。〔僕與生飲介且〕虧他一口兒喫得下也。

〔江兒水〕齷齪齷齪虧他咽。腌臢腌臢怎下舌。這般口嘴真不潔。這般態度真無藉。  
也教人兒替你爲妻妾。想着俺伊前風月。好是羞慚。祇爲箇乞人周折。〔生〕再  
求這一位大人賜些。〔王〕你也勾了。〔生〕當得甚的。你這大人模樣。我有些認得你。〔王〕你認得我。  
我卻不認得汝。俺富貴的人。便親知故舊。那一個看他在眼睛哩。〔生笑介〕俺又有甚麼人在眼中  
乎。肚兒儘是未飽。索與俺酒肉者。〔王〕家僮。省得他纏俺。也與他些去。〔僕與介〕造化你。又是半碗  
雞骨頭。一瓶老酒。〔生接飲食介〕

〔北雁兒落帶得勝令〕領了那老大人鵝半截。又待領這老先生雞一碟。不是  
俺做男兒圖口舌。可道你做尊官有交接。想着俺好賓朋素俠邪。指望你賢主  
人休拋撇。爲甚麼把諸兄酒肉賒。可道俺享子孫的春秋節。權把俺做了您祖  
與爹。權把伊做了俺枝和葉。瓜瓞。您爲俺享祀兒能豐潔。非別。這是咱血食兒

不應絕。〔衆僕推介〕花子醉了。胡說亂道怎的。〔旦頓足介〕你看他憑人推拽。好是沒氣魄也。

〔僥僥犯〕看他箇扯去推來身半斜。要人憐無多說。陪着臉妝聾作呆。那心情太劣。只貪這口酸膿血。憑他扯得皮膚裂。好教我恨着他還爲擔疼熱。〔生〕那盤

中還有許多剩下。一發把了俺罷。〔田王〕真真可厭。推他開去。〔僕推介生怒介〕

〔北收江南〕呀眼前尙未辨龍蛇。休把我便摧折。一會價人兒做兩截。前番恭敬總虛竭。恁悠悠可嗟。恁悠悠可嗟。您可也爲德不卒未豪奢。〔僕推生倒介旦〕

苦直推倒也。這賤骨頭呵。

〔園林好〕在家中將他愛也。又何曾經湯半些。似這樣的一交橫跌。敢捏得手兒癢。敢撞得脚兒折。〔生持棒舞介僕〕還不去。〔生〕這青山綠水都是你家的麼。

〔北沽美酒帶太平令〕這的是古今來相共者。這的是古今來相共者。須不是您兩家的私產業。覷了這古塚纍纍白日斜。那些個久驕奢。可是沒方法把春賒。看蕭蕭白楊丹葉。狡狐兔穿透了荒穴。莽牛羊踹蹋了殘碣。你呵。誇甚的豪

傑大俠。到斯時存耶否耶。呀。笑殺了齊景公牛山嗚咽。〔舞棒下田王〕這分明是個風子。倒被他攪這一場。家僮每快些收拾回去。〔衆應介王田上車行介〕

〔清江引〕暮光又早生新月。野曠西風冽。狂夫直恁邪。心喪應難說。俺且歸臥紅妝談笑也。〔共下旦〕人之無良。我以為夫。他已是爛醉去了。這兩個官兒也去了。俺索從舊路早赴家中。說與妹妹知道。

〔尾聲〕他在家可是心兒熱。指望他做嘉賓歡悅。又誰知底樣兒。郎難訴說。

### 第二十三齣 與其妾訕其良人而相泣於中庭

〔菊花新〕〔小旦上〕留余小妹在深閨。也自關心鎖欲啼。姐姐未言歸。敢覷着良人高會。小婦閨中心快快。人兒未返還深想。夫妻何事戀秋風。明月依稀窗外朗。俺姐妹有疑夫主。俺姐姐竟爾施從。不知他是好是歹。好教人放心不下。今早去了多時。怎雙雙還未來也。

〔二犯傍妝臺〕爲君淚點溼羅衣。男兒何事卻教脂粉疑。俺盈盈兩眼參差盼。他小小雙尖左右隨。莫教路上啼紅頰。已分閨中鎖翠眉。娟娟月照。行行可歸。

敢香車共載一齊回。如何許久還不歸也。且到中庭一候着。

〔前腔〕中庭款步自心疑。怎披星而出又復見星輝。敢柔姿怯走繁華境。倘遠道難教紅粉窺。應知結駟歸家晚。底是追蹤覓路遲。倘爲歡卜夜。相邀永夕。望凌波羅襪早些回。

〔紫蘇丸〕〔旦上〕墻間一盼心兒碎。怎說向孤幃佳麗。他心中滿望笑顏歸。俺只可頻吁氣。〔小旦接介〕姐姐來了。〔旦歎介小旦〕呀。姐姐爲何歎息。

〔紅衲襖〕只指望你笑歸家心事怡。爲甚的卻交門長太息。敢則你行沾霜露心兒氣。敢是他路入烟花你因此悲。想着你趁雞鳴着膝衣。想着你聽蟲飛離繡被。可甚的沒箇輝光淚眼歸。

〔前腔〕〔旦〕只情願盼朱輪俺羅襪隨。也指望飲豪家俺小脚兒尾。又誰料去衣冠打扮類。又誰知走風塵蹤跡異。那些個在家中意氣巍。全不似俺跟前口嘴兒。會覷了他一路行藏俺羞自提。

〔前腔〕〔小旦〕他敢是避豪華姑委蛇。他敢是養清高輕酒醴。止不過對前言他舉動違。有甚麼辱衣冠把體面廢。若只是諱清貧將妻妾欺。俺也索守孤窮和夫主對。爲甚的含涕盈盈似欲啼。

〔前腔〕〔旦〕便就是恁孤寒無所依。也不教挈空囊沿路乞。猛見了破篋瓢手自攜。並沒有半衣冠相與立。猛可的走東郊望祭者啼。又則見乞其餘還過彼。俺姐妹今日雙雙是乞丐妻。〔小旦淚介〕原來是如此勾當。俺兩人終身倚靠還望誰人咳。

這樣不長進的人兒也。〔旦〕妹子當初只我嫁了他也罷。如今又累着你。我替自苦。還替你苦。天呵。俺姐妹每直恁命薄也。〔泣介〕我聞得昔日晏平仲爲相之時。其御者之妻從門間而窺其夫。其夫爲相御。擁大蓋策駟馬。意氣揚揚。甚自得也。旣而歸。其妻請去。夫問其故。妻曰。晏子長不滿七尺。身相齊國。名顯諸侯。今日妾觀其出。常有以自下者。今子長八尺。爲人僕御。子之意猶以爲足。妾是以求去也。其後夫自抑損。晏子怪而問之。御以實對。晏子乃薦爲大夫。俺齊國之中以爲美談。傳聞至今。似着他這般光景。又僕御不如者矣。日日歸來。揚揚自得。可不道羞死人也。

〔江頭金桂〕想那日門前偶會。輕可的一言兒許嫁伊。只道衣冠濟楚。好個門楣。便一心兒情願隨。也只爲常不家食。揚揚得意。又則道交游豪富。教俺不免孤疑。誰知你爲人直恁的。嘆終身無倚。嘆終身無倚。心兒自悔不堪提。那里有一點男兒氣。俺可也深慚御者妻。

〔前腔〕〔小旦〕見了你歸來況味。俺便道這兒郎不甚奇。又誰知沿門俯仰。乞食吹箎。受嗟來厚臉皮。好教我一會心癡。慚顏無地。既做了同歸二女。不比得做妻姨。可教俺青年女兒還望誰。笑伊家真鄙。笑伊家真鄙。羞吾姐妹悔應遲。可道自古紅顏子。常自蛾眉掩淚啼。〔二旦哭介生衣巾上〕

〔不是路〕東郭緣奇。祭者遭逢傾蓋。如今歸矣。喉間回味尙依稀。二位姐姐何在。問妻妻怎生不笑臉來相媚。〔覷二旦介〕爲甚的顰眉似共啼。知何意。敢親親姐妹閒淘氣。看好好夫君且解眉。〔揖介〕卿卿歡喜。卿卿歡喜。〔二旦拭淚介〕去這

一日你那里來也。〔生〕顯者家來。那里來。二位姐姐好不盛的筵席也。〔旦〕擺在那里。〔生〕在他

家里在那里。〔小旦〕還則怕擺在城外哩。〔生背介〕咦。這說蹺蹺。〔回介〕我今好醉飽也。快扶俺牀上睡去。

〔憶多嬌〕好盛席。有的喫。至友公卿膠與漆。水陸珍羞椿椿特。吾心喜極。吾心喜極。飲食真堪一石。

〔前腔〕〔二旦哭介〕真可泣。羞不識。敢是播間虛左席。還道雙雙好瞞得。爲君赧極。爲赧君極。地縫鑽來沒隙。〔生大笑介〕呀。卻被妮子瞧破也。你姐妹也不須啼哭。這是俺玩世之意。汝輩婦人女子耳。焉知丈夫行事乎。〔二旦泣介〕好丈夫行事。教你播間跼着。〔生〕癡妮子。那有如此良人而長貧賤者乎。呀。我看他哭泣之態。更自可人意也。

〔鬪黑麻〕我玩世之心。卿須未識。你紅粉之流。知些甚的。看着你兩相泣。西子嬌顰。增尤愛惜。〔合〕不須苦憶。男兒自發跡。我輩鄉紳。我輩鄉紳。簞簞由來不飾。

〔前腔〕〔二旦拭淚介〕俺待學懷羸。將君鞭策。況身在艱難。怎懷安逸。情旣剖。愁

還釋。且自回嗔。我心匪石。〔合前生〕賢哉妻也。勝於蘇季子之妻矣。但問你在此閨中。何以知之。〔小旦〕若要不知。除非莫爲。難道俺姐妹真是好騙的麼。〔生笑介〕得罪得罪。這遭再不了。〔旦〕好說。再去去。〔生笑攜二旦手介〕

〔生〕拭卿雙淚痕。

〔旦〕只得轉溫存。

〔小旦〕從此須賢達。

〔合〕高車輝華門。

## 第二十四齣 頑夫廉

〔陳仲子傘袱上〕糟餘食卻不傷廉。生鵝一語使兄嫌。從今永謝朱門去。還歸荆楚樂香奩。小生陳仲子。念母而歸。剛剛到家。便有送家兄生鵝者。勢利場中。竟是如此。俺不免多說了一句。誰知俺那母親又殺是鵝以食我。俺以親命難違。只得取他一塊。真個好難下咽也。不想家兄憤俺前語。陡然走來相譏。只得哇而出之。此時好難過活。我想如此之兄。豈堪與之久處。祇因母親之命。強住了兩日。今日別了母親。依舊歸家。但昨聞家兄與王子敖祭掃之時。有一乞丐相纏。模其光景。乃向日所遇之齊人也。我想此人襟度。倒不比家兄一輩。轉堪提醒。俺不免蹤跡他家。將言語打動一番。倘或



回頭好共俺於陵隱也。

〔黃鶯兒〕仰止首陽高。向於陵避市朝。歸寧母氏遭談笑。慈親惠叨。嚴兄語嘲。出門嘔的肝腸倒。老蓬蒿。淒淒秋雨。長憶室中嬌。〔暫下生二旦上〕

〔夜游湖〕〔生〕郭外遨遊爲汝笑。嘆英雄好是無聊。〔二旦〕餬口播間。驕顏枕畔。早覷破一生虛套。〔生〕自是卿卿望我深。卻來郊外慢追尋。陡然挑動英雄氣。敢負相期一片

心。二位姐姐拜揖。〔二旦〕花子免禮。〔生笑介〕有這樣的花子。〔二旦〕難道沒有。〔生〕二位姐姐不要取笑。發誓再不幹這事了。但昨日播間之地。有一鬚子官兒。好似王子敖兄弟。他怎麼就得到此。

〔旦〕不要又攀貴人。既是兄弟。怎教你旁邊立着。〔生〕姐姐不知。此子一富貴。便眼中無人矣。那里認得我來。俺如今索自家爭氣。倘日後富貴。看此子何顏見我。〔旦〕你昨日有顏見他。他明日自有顏見你。〔生〕姐姐又來取笑。這遭再不許談及舊事。再談者罰做花子妻兒。〔二旦〕也差不多。〔生〕謫也。

〔黃鶯兒〕矢志上扶搖。奈時窮鍛羽毛。妻孥交謫眞堪弔。相知志驕。相逢眼高。

一貧一富情難料。負粗豪。他年貴顯。好問舊知交。

〔前腔〕〔二旦〕姐妹嫁英豪。望鸞封兩惠邀。何當鼎食。播間道。腰金草綠。衣朱布條。贈雙雙乞婦花冠誥。敢相嘲。嫡親骨肉。不過愛卿曹。

〔前腔〕〔陳上〕風露冷蕭蕭。志同清望爾曹。如君應是塵埃少。他神情自超。風期頗高。俺西山化得這東陵盜。把門敲。清人惠顧。豈是等閒交。〔生出見介〕呀。原

來是仲子先生。俺齊人怎屈得你伯夷貴步也。請進請進。〔陳進介〕老丈拜揖。二位老嫂見禮。〔生〕請坐了。〔陳〕尊嫂在此。小生告退。〔生笑介〕通家之誼。固自不妨。敢問先生何以光降。〔陳〕昨日家兄與王驩大夫秋祭東郊。其時有一漢子。再三乞食家兄。模其光景。儼似足下。故此造府奉拜。略有  
一言。〔生笑介〕先生昔日草草一遇。便爾不忘小生了。有何清談。便請見教。〔陳〕老丈勿笑。聽俺道  
來。

〔啄木兒〕吾家孟自遠郊。道與奇蹤心了了。解東君一世豪雄。對西風半會牢騷。熱心腸應把塵埃笑。望同余偕隱眠雲壑。濁世回頭鳳羽高。〔生〕雅承厚意。但

當粗爲妻子之榮。然後接踵清人之跡耳。

〔前腔〕鴻堪慕。燕正嬌。不奈雄姿滯翠翹。寄齊東暫了柔情。望荆南空仰清操。承君幽徑來相造。敢將雞黍當東道。自是於陵井上螭。〔陳〕君旣未肯同清。小生就此告別。〔二旦〕久聞得先生高雅。更有室人同志。俺姐妹雅是相羨。狂夫雖鄙。雞黍相留。自是蔬水之常。不比世家之祿。旣荷辱臨。還求惠享。

〔前腔〕蒙清盼。敢妄邀。雅慕先生氣節超。出東門聊樂綦巾。走西山困守篋瓢。良人自是承尊教。妾身也慕你閨中俏。敢望高賢鑒我看。〔陳〕多謝了。小生賤腹還是飽的。斷不敢領。〔生〕旣如此。先生高誼。俺不可強。纔聞得說王驩大夫。敢昨日與令兄同往者乎。〔陳〕然也。〔生怒介〕他是俺至友。今日富貴。就不認得俺也。〔陳〕而今世態自是如此。老丈何見之晚乎。

〔二段子〕官情紙薄。更誰人風霜誼高。窮途寂寥。便家兄言詞煞佻。君家朋友何須道。翻騰雲雨都當套。抵多少白首相知。按劍同袍。

〔前腔〕〔生〕臨風怒號。儘知他談交量交。神情太囂。算將來名邀利邀。休提管子遭逢鮑。偏他以薄爲其道。須有日自致青雲。笑殺兒曹。

〔前腔〕〔二旦〕君須自高。那教伊嗷嗷遠郊。非渠太驕。祇緣卿卑卑自招。而今須聽冥鴻教。清貧自隱南山豹。管有日龍虎風雲。傲彼鷦鷯。〔陳〕賢哉二位。老丈有

此室人。須當努力。莫負賢令政也。吾聞得近來有個淳于髡。主上所悅。拜爲主客之職。頗薦賢豪。不索財賄。大非家兄之比。君欲致身。可枉見之。〔生〕承教了。原來淳于兄弟也發跡了。咳。弟兄每只留得我齊人也。〔陳〕就此告別。竟歸於陵。從此老於荆楚矣。

〔歸朝歡〕淳于子。淳于子。君王寵褒。英賢輩齊齊媚寵。功名事。功名事。不能便拋。君須去那桃李的門牆乞巧。望君榮顯歸來早。山靈有約終須了。莫教那流水桃花馳檄嘲。〔下生〕仲子先生去了。他所謂淳于髡。又是學生至友。此人不比得王驩那廝。可便備些禮物去見他也。〔旦〕俺姐妹妝奩。略有些須。盡數收拾。助君前去便了。〔生〕多謝姐姐。明早便起身前去矣。

〔生〕感此西山好叔齊。

〔旦〕男兒自此振塗泥。

〔小旦〕豈徒莫負陳夫子。

〔合〕也念閨中兩淑妻。

### 第二十五齣 將有遠行

〔遶地游〕〔旦上〕留他不住。要取功名去。話通宵。三人款語。〔小旦上〕好是風流。不禁委曲。在牀頭低言愛奴。〔旦〕我有郎君忒愛妻。〔小旦〕戀戀牀頭恩寵齊。〔旦〕歡情好似魚穿水。〔小旦〕一會東來一會西。〔旦〕妹妹今日良人壯行。俺將妝奩爲贈。但是提起一去字兒。好教俺捨不得也。〔小旦〕既然捨他不得。留他幾日何如。〔旦〕他旣在必行。那里阻他高興。只索送他便了。

〔卜算子〕〔生上〕一宵恩愛餘。兩足渾難舉。笑語低低共戀余。趣味平分取。〔見介〕姐姐。俺只爲功名二字。不免離卿。怎生是好。〔旦〕好不長的日子哩。只要你富貴回來。俺姐妹正好服事起了。但此去須當保重。免俺記掛。〔生〕姐姐不須在意。途路上俺儘自小心。只你姐妹孤單。好生放心不下。且大姐姐近日身兒覺粗。敢是有了喜也。更須十分將息。

〔朱奴兒〕你不須念我良人在途。則慮着你姐妹雙孤。可鎮日里兩兩珠簾慢自娛。耐幾個黃昏夜雨。〔合〕傷心曲。秋風綠蕪。丟不下情親去。

〔前腔〕〔二旦〕儘妝奩盡交子都。儘肝腸都送狂且。俺姐妹相妨難盡抒。怎了得芳心縷縷。〔合前生〕行囊早已端正。小生就此拜別。〔旦〕且慢着些兒麼。俺姐妹還有魯酒一

杯。爲君餞行。〔送酒介〕

〔雁來紅〕〔二旦〕酌金罍送我夫。在征鞍莫念奴。一心心休得思兒女。路上還調護。若愛惜尊軀勝愛吾。〔合〕叮嚀語。三人共獻。淚珠兒怎留住。

〔前腔〕〔生〕本齊東一酒徒。他一家兒肯贅吾。又齊齊促我上功名路。之子真賢淑。況又儀容美且都。〔合前〕

〔尾聲〕〔二旦〕君本翩翩豪俠徒。割恩情索把功名掙取。休得又錯向那墻間舊路趨。〔拜別介〕

〔旦〕夜來共把良人擁。

〔小旦〕分離不免心悲恐。

〔生〕秋風蕭索苦征人。

爲難別此多情種。

〔生先下二旦隨後下〕

## 第二十六齣 妾婦之道

〔小蓬萊〕〔王驪引衆上〕自笑權奸得主。一時威震齊都城。狐有勢。驪龍可參。羣羊競趨。金多職顯任橫行。目羨男兒名利成。欲斷掃門那可得。世人煞是會逢迎。下官齊國右師王是也。俺自田師薦引之後。君王特簡拜爲今職。舉前之人無出吾上。〔笑介〕真不負王子敖也。近者這些勢利老兄時時拜謁。卻也懶於交接。但難爲他每來意。索與傾倒一番。左右。如果有人來。即便通報。〔扮陳賈景丑共田戴上〕

〔紫蘇丸〕同朝臭味偏無妒。結就了一番黨與。而今顯者是誰與。索與高攀去。

〔賈〕下官下大夫陳賈是也。〔景〕下官中大夫景丑是也。〔田〕下官蓋大夫田戴是也。〔賈〕田老先生。今王右師大人當朝第一。卻在老先生門下。俺與景老先生因此借重吹噓。約同進謁。〔田〕少停見子敖。便與導達二位盛意便了。〔景〕些須禮物。都是俺二人薄敬。煩老先生一言。須得右師全納。

〔田入衆稟介〕稟爺。田爺和兩個官兒來到。〔王〕便請進。〔田遜見介王迎介〕老師請轉。〔田〕今日右師尊貴。朝廷序爵。區區師生名分不必提了。〔王〕豈敢。這二位一向未會。〔賈〕晚生陳賈。〔景〕晚生景丑。〔田〕二君久仰子敖高誼。特以禮幣爲贄。央不佞導達。幸爲俯存。〔王〕老師見教。便當權領。二君多謝了。〔賈景〕些須孝敬。媿不成禮。〔王〕二君初會。杯酒一談。不知可屈留否。〔賈景〕不敢。右師老大人留酌。晚生輩爲榮多矣。〔王〕如此。教左右看酒過來。〔王把酒衆遜謝介王〕不佞菲才。何當厚雅。

〔排歌〕市井凡才。穿窬鄙夫。何當長者之車。更多儀斐。鬢燦金珠。禮意周旋。敬有餘。羞當路。慚要樞。高賢不識是余辜。須脫略。休過拘。高歌暢飲屬吾徒。陳郎少年美如冠玉。若作婦人。不知得人多少愛也。〔賈〕旣明公過愛。便當改作紅妝。以侑明公之酒。〔賈去冠帶作婦扮介王〕妙人妙人。怎就曉得俺子敖酷愛南風。備此物色。〔賈奉酒介〕右師爺請酒。〔王笑飲介〕

〔前腔〕〔賈〕喜值青年。全然未鬢。何妨巾幗羅襦。搽脂抹粉。媚如狐。不數龍陽。



和子都。深深拜。款款趨。衾稠願抱夜深餘。無陽氣。不丈夫。朝中仕宦盡如奴。

〔田〕王子敖。就將陳卿作如夫人何如。〔王笑介〕

〔前腔〕〔田〕何物陳娘。偏教美都。渾身膩滑如酥。豐肌弱骨。是名姝。皓齒明眸。女不如。須垂盼。還借噓。使君有婦願爲夫。憐新妾。存小奴。齊卿唾手笑姑姑。

〔景〕俺原與陳兄同來拜謁。倒冷淡我沒趣了。難道他會作婦人。我不會作婦人麼。不免也扮作婦人着。〔田〕你卻多幾根鬚鬚了。〔景〕這何難拔而去之。〔拔鬚扮婦介〕右師爺請酒。

〔前腔〕腐鼠堪驚。黔驢技孤。也應狼跋其胡。便教搖尾竹籬呼。何似簪笄枕席。娛名節掃。廉恥無。一班兒妾婦笑誰乎。看顏色。躬起居。門前常有婦人輿。〔賈

景〕晚生暫此告退。惟願大人青目。〔王〕中心藏之。何日忘之。〔田〕一日不見。如三月兮。〔王田先下景〕小陳。你委實標致。可惜多了那話兒。〔賈〕老婆子莫胡說。看你這般行狀。一發丑了。〔景〕我每如此模樣。怎生家去。路上傍觀不雅。〔賈〕怕他甚的。遮了扇兒。只作女子走去便了。

兩個大老先生。

忽然妾婦其行。

莫笑陳娘景姥。

而今都是卿卿。

第二十七齣 丈夫生

〔金蕉葉〕〔小旦抱子上〕憐卿愛卿。喜新添兒男歡慶。好似他龍虎人材。端的是熊羆天幸。〔添字招君怨〕纔別老兒半載。可是光陰難買。俺耿耿待待。暮秋哀。春又來。□姐姐喜添一個。姐妹合爲奇貨。這親親嫡嫡像爹爹。鎮相睦。自良人去秋別去。倏爾今春。十日前喜得姐姐添下這個孩兒。十分像爺得緊。他產中未健。朝夕是我抱他。但雖然添得一子。半年來怎沒個音書也。

〔羅江怨〕新添一小嬰。啼聲頗英。儼如爾父一般形。待歸來還爲起伊名也。且叫親親。料未解相呼應。喜春來芳草生。問王孫尙遠征。弄嬌兒踏徧了繁花徑。

〔金蕉葉〕〔旦上〕心驚夢驚。乍生兒十分多病。幸得俺小妹殷勤。略放我親娘安靜。〔小旦見介〕姐姐起來也。你今日身子可好些麼。〔旦〕身子雖覺好些。奈記掛他爹。好生愁悶。

〔小旦〕你產中未健。且自將息。〔旦〕我想他出去多時。不知有了一官半職否。如今雖然添得孩兒。怎的放心得下。

〔羅江怨〕雖然添一丁。親爹遠行。教人洗目盼歸旌。不知得個小前程也。乳燕鳴鳩。好是魂難定。〔兒啼介〕嬌兒啼一聲。慈親淚暗零。小齊人未得你爹來慶。〔旦〕妹子。我許久不出。你看花事恁般繁盛了。

〔香遍滿〕妖紅滿徑。流鶯錯亂啼相應。聲聲似語還如慶。緣君猶未返。教儂悲不勝。記當年兩訂盟。正值着花開盛。

〔前腔〕〔小旦〕韶光絕勝。知他旅邸能豪興。敢馬蹄兒賞遍桃和杏。知郎何日返。好攜咱共踏青。勸娘行且遣情。怕春色兒增人病。

〔旦〕夢蘭喜得慰金釵。

〔小旦〕親父還羈天一涯。

〔合〕此子看來是英物。

病中爲爾少寬懷。

### 第二十八齣 爲人也

〔秋夜月〕〔淳于冠帶上〕淳于髡口嘴生成泛。巧把君王心事探。便老鄒的孟夫子爲咱頷。〔笑介〕這先生先生善談。這先生先生善談。滑稽多智淳于髡。仰天大笑王

之門請兵十萬驅荆楚。生平恃此舌猶存。俺淳于一言合主。官拜主客之職。前者楚國加兵于我。俺主上命髡使趙。爲請救兵。王乃齎金百斤。車馬十駟。髡心少之。因以微詞相諷。王乃益齎黃金千鎰。白璧十雙。車馬百駟。髡乃兼程進趙。趙王與俺精兵十萬。革車千乘。楚聞之。引兵而去。君王大悅。置酒後宮。召髡而飲之。此時宮嬪在前。蛾眉螻首。巧笑倩兮。美目盼兮。真乃胡然而天。胡然而帝也。髡于其時。好生快活。思量俺本稷下贅壻。與齊人大哥王子敖弟一時分袂者。今子敖已作大夫。髡也亦爲主客。那齊人大兄不知下落。髡欲差人前訪。因爲往趙請兵。稽遲未迨。俺主上日以賢士詢我。當今豈有賢士乎。有則髡必識之矣。則索引進一二知交便了。〔生破衣巾上〕

〔西地錦〕苦殺男兒坎壈。貂裘敝盡何堪。喜淳于返國好私談。應憐我相知冷淡。來時正爾咽秋風。今日何堪春暮中。祇爲遭逢多不偶。教人長是問蒼穹。俺齊人暮秋別了妻孥。來見淳于兄弟。不想他請兵趙國。直教等到于今。貲費都盡。昨聞請兵已歸。特來他宅前求見。此間已是不免徑入。〔淳迎介〕兄長久違了。尙爾一貧如洗乎。〔生〕別君之後。幸有室家。但寒困日甚耳。去秋聞兄得君遇主。俺意欲相附青雲。妻孥首飾盡皆贈我。將辦禮以致門下。而時命不利。君正在趙

請兵。遂爾飄零落魄。資斧蕭然。今日素手來參。實爲厚顏之極。〔淳〕兄長怎出此話。小弟久欲差人相請。也爲往趙羈遲。今幸親逢。敢辭綿力。但王子敖亦已貴倨。兄可再往見之。庶可以補小弟之不及也。〔生〕再休題子敖。俺爲他摧挫也。〔淳〕怎的來。〔生〕此君大是負心。那比得吾兄多情若此。

〔八聲甘州〕風情自感。又那堪。市態窮交。可憾歎。熱腸冷眼。那些兒風雨還堪。聞君高誼。須自慚。似此知應作美談。〔合〕征衫看今番換卻朝簪。

〔前腔〕〔淳〕知交偶然北與南。既蒙恩先達。舊友應擔。班荆道故。共把青雲路攬。夷吾應進國高銜。越石還輕平仲驂。〔合前〕兄長可住俺家。待君王詢俺賢士。則索相見便了。〔生〕多感厚情。

〔生〕誰憐貧賤交。

〔淳〕薄道故應嘲。

〔生〕朋友須連茹。

〔淳〕心知共拔茅。

### 第二十九齣 與之大夫

〔步蟾宮〕〔生〕新衣巾上。故友相遭。情分大。志同升薦我公家。從今好撇舊生涯。

告了當年乞假。小生幸藉淳于兄弟一見相歡。故交戀戀。今早主上召他相見。其間便推轂小生。那青竹棒生涯敢丟下也。〔淳于一使捧冠帶同上〕

〔前腔〕自是君王恩寵大。但淳于開口稱嘉。〔生接介淳〕兄長。爲君乞得好烏紗。好把頭顱洗刮。大兄便可換了冠帶。〔生換介〕多謝吾兄。俺齊人不才。恐爲衣冠之玷。何以相薦。乞道其詳。〔淳〕俺淳于髡一日而進七士。都是兄輩。兄何太謙至此乎。

〔錦纏道〕進公家。不終朝七賢並拔。較吾兄應是沒爭差。暗想着關門遠選舉。風退。到而今問甚的莘犁渭涯。可知道恁糊塗。總是魚蝦。似兄輩煞無瑕。可正是出驪黃天閑之馬。幸龍顏喜有嘉。便教你大夫銜掛。看這紅袍繡補背胸花。

〔生〕感君薦拔。小生拜謝。

〔前腔〕恁稽滑。賤齊人品題便佳。竹枝兒時運卻當發。對君王把聲價高誇。感你好淳于高誼無加。那似惡王驩郊外凌咱。今日里也風華。好製着新官頭踏。慢昂昂大步躋。鍊幾句大夫說話。到寒門便寫着世卿家。〔淳〕家僮看酒。爲齊人老。

爺稱慶。〔生〕俺蒙君之薦。又叨君之酒乎。〔僕持酒上。淳送介〕

〔前腔〕喜無涯。弟兄每雙雙起家。持杯酒相奉。煞喧嘩。舊衣衫都一一留他。須教俺好兒孫。把世德相誇。可道立榮名小恥非瑕。明日去開衙。拜公卿紛紛都下榻。便王驩輩須教荆請咱。覷了這人情笑殺。可道當今底是識烏紗。

〔生〕此種世情。俺當初分袂時早已窺破也。

〔前腔〕慢提他。論人情一些兒不着。當初的分手走天涯。早見破了沒得瞞咱。〔背介〕猛想起簇簇新夫人在家。他可也眼睜睜盼着京華。忘不了俊嬌娃。虧殺他雙雙肯嫁。索傳將小絳紗。應寫着夫人福大。看播間夫婿也撐達。不才怕家

下二妻牽累。索將喜信報他。兄處有人。可借一個前去。〔淳〕兄請修書。小弟着人領去。家僮。可把酒席收下。就你領書前去。〔僕應介。生修書讀介〕不才夫齊人頓首。二位賢卿夫人妝次。匆匆出戶。我心傷悲。幸藉淳于厚友。薦于公庭。拜大夫之職。不日旋里。可無念也。昔聞夫人責我以晏嬰御者。今當不媿之。弄璋果否。幸姊妹各自珍重。以慰旅人。不宣。〔付僕書介〕可往齊東訪問我家投下。〔僕

應介淳〕大兄好是多兒女之情。〔生笑介〕正所謂未免有情。誰能遣此。〔淳〕明日早朝。便當謝恩。  
俺與兄長同去便了。

〔古輪臺〕〔合〕寵褒嘉。從今更要臉皮花。好官已做由人罵。沿門徧國。託鉢吹  
箎。都交與後輩生涯。吐氣揚眉。青雲激勵。卻憐小友尙窮乏。想東郊之地。馬足  
兒應復相踏。休忘了青山。乞候紅顏。矚際黃昏訕罷。不覺事情遐。羞重話。怕傳  
聞笑落士夫牙。

〔尾聲〕〔淳〕今朝方得乘車馬。象簡朝衣氣象兒達。〔生〕這是沐猴而冠井中蛙。  
本爲東郭墻間客。  
今日腰金還衣赤。

自是男兒不可輕。

莫爲妻妾將人嘖。

第二十齣 鬱陶思君爾

〔一江風〕〔旦抱子上〕自傷心。抱着嬰兒寢。獨自捱衾枕。望知音。他浪走都城。辜  
負春如錦。何時返故林。何時返故林。那堪夏復侵。嘆雙頤淚點兒時時浸。〔清



〔平樂〕良人去久。沒個人兒走。風吹榴花紅欲剖。問道兒家知否。夏來春去心傷。空幃有妹悽惶。索乳嬌兒正小。求名夫婿難量。自從夫君去後。春間添下孩兒。忽忽時光。又方初夏。雖然有妹相解。看他暗裏也自傷情。當此綠暗紅稀。好是心情不快也。〔小旦上〕

〔前腔〕沒佳音。空盼庭槐蔭。夏日長偏甚。解伊心。強自歡顏。玉筯心中飲。何時再撫琴。何時再撫琴。堪憐剩繡衾。怪流鶯枝上啼難禁。〔旦〕呀妹妹來也。妹妹他去秋一別。又是初夏。可爲甚沒個音書來也。〔小旦〕姐姐。正是如此。我也爲此記掛。

〔六犯宮詞〕〔旦〕日長無奈。空閨自寢。底是頻推鴛枕。出門閒步。傷情怕的登臨。乳燕空梁際。新蟬高樹陰。頻回袖。慢開襟。爲君稚子不勝禁。着甚麼秋風夫主馳千里。到今日遠道音書抵萬金。還嗟當日墻間苦尋。把親親逼去蹤難審。悶愁侵。紅飄綠暗。風雨幾回心。

〔前腔〕〔小旦〕憐予賢姐。強加餐飲。誰解離懷更甚。思君心事。教人更自沈吟。愛妾眉方翠。憐儂筓未簪。時偷語。慢言心。道恩情更比姐還深。想着你風姿款

款攜紅袖。便教俺雨淚些些。滴素襟。秋中別去。傷情至今。慳慳弱息。愁難任。恨相尋。春花夏月。腸斷爲佳音。〔僕上〕忙傳千里信。好慰一家心。俺從都城至此。訪問得他家在此徑中。則索徑入。〔進見介〕二位夫人。齊人老爺做官了。有書寄上。〔二旦拜介〕謝天謝地。做了官也。〔拆書介〕勞你了。知他榮歸有日。俺不復回書。倘你去後。他尙在都城。索與寄一口信。說春間添一公子。俱幸平安便了。

〔風入松〕〔旦〕聞他今已列朝簪。歡喜也。妻男藉廕。待歸來相與同之任。且和咱傳語那知音。道穩卻夢蘭嘉讖。〔合〕相盼着錦衣臨。

〔前腔〕〔小旦〕還虧殺中庭一淚動伊心。發憤去叨咱福廕。一回頭便覺驚人甚。俺俊眼兒可也煞堪欽。選得個良人直恁。〔合前〕

〔尾聲〕玉音知爾沒遐心。道便歸家俺回書沒甚。則一個口信相聞。你要記的審。

夫婿京師纔有書。

數行速寄爲憐余。

自此不須相訕泣。

歸來應有七香車〔共下〕

### 第二十一齣 而獨於富貴之中有私壘斷焉

〔王驪上〕俺右師王是也。自拜今職之後。權柄獨竊。富貴莫倫。舉朝皆吾門下。怎耐淳于髡這油嘴。把齊人薦之我主。拜爲大夫。我想此人嫉媚入時。機謀善世。若一見用。必奪我權。又聞得他兩下私談。道俺曾于播間辱他。說一樣舊交。偏淳于有情。獨俺王驪薄倖。俺想起來。播間並未會他。是了。那日與田大夫往祭。有一漢子乞食。說有些認得我。可就是這花子也。咳。齊人齊人。非俺那時不認得你。你今日富貴。那些小齊人。你也不認得了。近聞有一壘斷在于國中。先達高賢欲盡四方之利者。往往登之。俺不知在于何所。又被這厮打聽着了。道今日自往據之。俺索去爭將來也。〔暫下生紅袍率衆扮皂隸持棍擁上〕下官齊人。蒙淳于兄薦引。拜爲大夫。仕路相羈。別妻妾已是年餘了。前日差人回來。傳一口信。說已添一孩兒。也是俺旅中一喜。近聞有壘斷在於國中。頗是要利之捷徑。集羶之總途。俺已窺見其路。卽索往登之。以招海內。昨聞得王驪那厮要來搶據。俺特命隸人執棍以待。一路而來。已是壘斷之間也。

〔北南呂一枝花〕勢利的老鄉紳。鑽刺的真英俊。卻待要乘高呼。造下了這利名墩。罔市趨羶。並沒得他人分。卻把那普人間食貨一齊吞。暫留在齊國荒蕪。又撞着我齊人開墾。左右則索鼓吹起來。扶俺老爺上去也。〔衆鼓樂扶登介〕

〔梁州第七〕望巍巍峻如千仞。黑簇簇密若層雲。躍雙靴撲的塵埃震。千家俯伏。萬竈紛紜。士夫仰止。編戶奔屯。其東則絲和漆聲色鄉村。其西則纊與穀玉石乾坤。其南則錫和金薑柱通津。其北則馬和牛旃裘邦郡。其中則他與我貨殖衙門。高蹲遠引。利場中豎的這旌旗峻。賤丈夫把財利儘。怕甚麼巖壑英靈移卻文。好箇齊人。〔王上介〕呀。齊人卻早到也。你那乞人快些下來。讓俺王爺登者。〔生笑介〕我把你這個無情漢。倒不請罪。開口便要罵人。俺怎的肯讓你也。

〔牧羊關〕捷足無人分。高才自不羣。誰着伊早不來奔。這可不是那東郭間古塚荒村。使不得那威風兒發憤。您可也聽着咱高處晒。憑着俺上頭嗔。閉着口望着風兒忍。王驢。這的是官途中難認真。〔王〕氣殺我也。無朋友之情。便不然也。分一甲兒

與我〔生〕則你有朋友之情。教左右須索周圍守着。沒得那廝上來也。

〔四塊玉〕並非俺嫡子孫。又非俺親支胤。卻教俺已定山川鼎足分。你個大老先生可也。十分蠢。誰肯把好田園不較論。可知道得寸也。王之寸。癡人請回了俗士輪。〔王〕少不得你日裏登。我夜裏也登。你今日上。我明日也上。〔生〕這卻由你。則這會兒你休指望者。

〔罵玉郎〕便教伊三更半夜偷來問。不是那呂叟怎到的渭河濱。可正是堂阜間也。索夷吾認。更何人指此津。君君君。君來時怕變作深深囤。

〔玄鶴鳴〕呀呀呀。卻分明窺見其門。笑兒曹偏生不認。不道小人每近市心偏穩。便千金不換。卻晏嬰鄰。道甚麼朋友之情相允。可待要獨占了穎上分金管。仲墩不索你壘頭寄信。俺白道得壘爲尊。〔王〕我便拚個面皮攬上來也。〔生〕左右將棍子打者。〔衆舞棍介生笑介〕

〔隔尾〕笑墻間早不留賢俊。卻壘上偏來混主人。這盜跖東陵怎相遜。爾自輕

身。吾非太峻。俺呵。壘斷上翼子貽孫索吏隱。〔王欲上衆亂棒打下介生〕爲這厮攪了半日。未得盡觀。俺試一縱目者呀。是好大觀也呀。

〔烏夜啼〕是洋洋哉大邦雄郡。可隱隱的魯國吳門。問四方壘斷未全湮。怎三齊只有一方兒頓。自立乾坤。盡處堪蹲。這老齊人罵小齊人。俺真光棍打虛光棍。掙得個一天虎踞。萬貨鯨吞。

〔尾煞〕喜東郊別業堪肥遯。待牧點烟霞傲隱淪。栽了些碧桃綠柳添風韻。想着那貪污要津。無廉庶尹。有誰人壘斷上不相屯。倒歸來下邊兒盹。〔共鼓吹擁下〕

### 第二十二齣 右師不悅

〔臨江仙〕〔王衆隨上〕爲問誰將壘斷搶。兒曹大是無良。今朝斷送入燕邦。教他易水上。魂氣去茫茫。俺子敖。怎耐齊人據其壘斷。不與同登。今日聞燕王失道。讓國于其臣。子之北面而拜。君顧爲臣。吾王命俺與多官商議。遣將伐之。俺不免就保薦齊人。着他前去。他只可統領

花子沿門乞食。怎做得將軍去伐人國乎。天生成是送了命也。只待衆官到來。便一力稱贊便了。

〔謁金門〕〔田戴上〕同酌量。伐國應難鹵莽。仁義先聲。須大將。還應仔細講。下官

田戴。主上伐燕一事。着與右師商之。則索進見。〔見介王〕老師。主上伐燕。必須大將。俺仔細看來。無過齊人。則索保奏他便了。〔田〕齊人卽前日乞于墦間者乎。〔王〕然也。〔田〕這怎麼使得。那有乞人做得將軍之理。〔王〕他做得大夫。怎做不得將軍。〔田〕萬一致敗。恐損國威。〔王〕你這老師又太認真了。國威便損損何妨。門生實有一心事。要藉此斷送他。望老師成之。〔田笑介〕使得。使得。

〔前腔〕〔淳于上〕堯舜燕君大妄。湯武吾王癡想。底是爲人輕自獎。燕齊知沒兩。

〔相見介淳〕齊欲伐燕。誰可往者。〔王〕小弟商議。惟齊人兄長可往。〔淳〕子敖差矣。你與俺其他貧賤相交。怎不曉他爲人。這個怎麼去得。〔王〕他去不得。誰又去得。〔淳〕我看滿朝中惟章子可以去得。〔田〕淳于老先生。頭一陣便着齊人老先生試試何如。〔淳〕你這老先生又差了。豈不聞將非其人。以國與敵。豈可以人國僥倖乎。〔王〕齊人旣做不得將軍。你又何爲薦他作大夫。〔淳〕豈不聞寸有所長。尺有所短。孟公綽爲趙魏老則優。不可以爲滕薛大夫。齊人兄長固文士非將才也。且子敖

與他貧賤之交。奈何欲置之死地乎。〔王〕此是兵法所謂置之死地而後生。置之亡地而後存。且俺爲國家擇將。豈能顧其所私乎。〔田〕右師兵法數語。又酷似淳于老先生口角了。〔淳〕田老先生。不知俺淳于髡小事滑稽。大事不滑稽。〔王〕也不必多言。你自舉章子。俺自舉齊人便了。

〔奈子花〕〔王田〕論齊人可以擒王。在同朝也都推讓。師中長子誰相抗。管成功。追蹤師尙。非浪。尙記得墻間悲壯。

〔前腔〕〔淳〕論興師豈是尋常。將非人國還淪喪。伊家杯酒雖豪放。怎輕充伐燕之將。非強。那章子才猷克壯。俺自去薦章子便了。如何家國事。卻作等閒看。〔下王〕他分別而行。逕自保薦章子去了。俺便來保奏齊人。看他造化。君王取那一個也。

可奈淳于不比周。

卻教章子帥貔貅。

明朝請旨令伊往。

爲問先生可止不。〔共下〕

第二十二齣 讒

〔生查子〕〔扮黃門官上〕齊起伐燕謀。還向多臣叩。大將故難求。索聽階前奏。俺齊



之黃門官也。我主伐燕議將。則索俟候多臣。呀。卻早淳于主客來也。〔淳朝服上〕

〔前腔〕伐國用深謀。況乃燕齊鬪。章子武功優。自合爲戎右。俺淳于髡保薦章子伐燕。則索進奏。〔入奏介〕主客臣淳于髡爲遣將伐燕。有表章奏上。〔黃〕主客請就此披宣。〔淳奏介〕

〔桂枝香〕臣髡稽首。短章披奏。雖然之噲狂愚。未易甲兵馳驟。索精求賢將。索精求賢將。鷹揚前後。壯猷天就。統貔貅。直走幽燕道。歌旋易水頭。〔黃〕主客所薦

何人。〔淳〕章子也。〔遞表黃持下介淳〕想主上必然允從也。王驩。王驩。你也虛用心了。〔黃上〕主君准奏。着章子即便統精兵二十萬前往伐燕。不得稽遲。便勞主客淳于先生喻之。〔淳謝恩介〕從教得燕土。自此倍齊邦。〔下王朝服上〕

〔神仗兒〕君門速走。君門速走。丹墀忙叩。把齊人保奏。管教他輿尸授首。看壘斷獨吾游。〔入介〕右師臣王驩爲遣將伐燕。有短章奏上。〔黃〕右師所薦何人。〔王〕齊人也。〔遞表

黃收介〕纔方淳于主客已薦章子。主君允從了。〔王〕主君允從了。既已披宣。則索進上。或者又點一個副將也不見得。〔黃〕如此待本官達上。〔下王〕這斷大是用心。又早奏了去也。〔黃上〕主君准

奏着齊人統十萬精兵。助章子進討。不得有違。〔王謝恩介〕

伊曹雖則據高陵。

可是而今讓予登。

十萬甲兵送燕土。

此時應釋我心憎。〔下〕

第二十四齣

託其妻子于其友

〔玩仙燈〕〔淳帶僕上〕紅樹萬山秋。痛故國征人分手。王子敖爲爭釁之故。遂陷齊人大兄遠去伐燕。相知契友反面。一至于此。本待相饒郊關。想他必來言別。或有密囑。則素備酒在此候。左右看齊人爺到來。即便通報。〔生帶僕上〕

〔小蓬萊〕巧宦待將龍守。讒人又送燕游。誼高朋友。情沾兒女。特爲干求。子敖

陷我征燕。聞命即當赴敵。奈妻兒遠在故鄉。令人憶念。特此托與淳于兄。教他時時着人一看。通我音問。聊寬游子之腸。來此已是。則索直入。〔見介淳〕大兄。小弟聞子敖之議。即便先舉章子爲帥。不想君王聽他言語。又點兄助陣。遠去異國。爲之奈何。〔生〕感兄至誼。笑彼險情。千里之行。我所不憚。只家下兩個女子。尙未接來。近又添一小犬。好生記掛。不才此行。願得足下時遣一力。達我音問。慰

彼閨人。故此造府奉陳。幸爲留意。〔淳〕老嫂越在故鄉。聞此信息。不免縈懷。小弟卽當遣人相慰。兄  
幸放心前去。無以爲念。本欲相餞國門。旣幸辱臨。敢此致祖。左右看酒過來。〔奉酒介生〕淳于兄。不  
想子敖爲人刻薄。一至于此。〔淳〕此兄蓋天資殘忍人也。然今世交情。大都如此矣。

〔五供養〕〔生〕窮時知舊。歷徧風霜。老幾春秋。平居相慕悅。握手話綢繆。泣天  
盟誓。道生死不相背。一臨小利害。頓變大仇讎。下石何難。反脣煞驟。

〔前腔〕〔淳〕由來親舊。誰念平生。幾個千秋。山川何足險。雲雨未云繆。谷風誦  
罷。便發憤絕交。非疚誰懷。仲叔誼。盡作臙涓。隙末如常。凶終非驟。〔生〕淳于兄。  
這也不須談了。只所托妻孥。幸爲青眼。

〔江兒水〕薄道休污齒。高情幸掛眸。盈盈弱息堪回首。哇哇小犬知安否。重重  
雅誼惟君有。爲此懷慚啓口。但得內顧無憂。一任邊疆堪走。〔淳〕此自是弟事。一言  
旣許。有如白日。

〔前腔〕室子須愁夢。征人慢淚眸。一言旣肯君前首。千金一諾公知否。咱兩人

意氣從來有。且自開顏笑口。待慰紅粉人憂。索遣紀綱僕走。〔生〕如此多感。就此別君去矣。

〔玉交枝〕清霜時候。控征鞍幽燕浪游。喪家一似纍纍狗。不堪聽畫角邊愁。干城慢擬兔罝休。雲山早是鴻來又。持別酒不禁淚流。知甚日歸來故丘。〔淳〕此行勉立奇功。小弟肅聽佳報。

〔前腔〕前途難候。好加餐功成燕游。奇勳應似韓盧狗。索驅將東郭魏愁。黃花待折祖行休。紅英滿擬稱觴又。歎歲月車馳水流。嗟故友登山涉丘。〔生〕王程有限。就此分手了。

〔鷓鴣天〕南箕掉舌陷修矛。北地臨戎媿壯猷。東國樽罍叨密契。西風鞍馬憶嬌柔。〔淳〕落葉靜。語蟲啾。雁山遼水路悠悠。青茅問楚餘風在。莫戀繁花燕市頭。

故友一朝頓別。

何堪黃菊秋風。

丈夫豈能無淚。

泣向相知寸衷〔共下〕

### 第二十五齣 爲將軍

〔金錢花〕〔衆扮軍卒上〕孤城九月江干。江干。將軍泣別加餐。加餐。秋容一帶白

雲灣。城兒外水潺潺。眼兒下淚潸潸。咱每征燕士卒。相隨主帥齊人。接應章子之軍。早則

主將到來也。〔生戎妝一卒捧戟一卒佩劍鼓吹同上〕

〔滿庭芳〕〔生〕纔下藩間。方登壘斷。西風又送邊關。權奸嫉妬。戎馬四郊環。爲問玉人佳否。到如今望斷雲鬢。從軍苦。黃花綠野。畫角促龍幡。何事同朝偏妬人。

驅來作將渡關津。一鞭已出臨淄路。南北東西游子身。俺齊人。爲因爭壘。遂致伐燕。俺雖不嫻武事。

卻有章子前驅。不足爲意。但俺與室子相別。已是數年。今又帥兵異國。兀的不老卻人也。王事勞我。

則索前往。將士隨行。〔衆應鼓吹行介生策馬介〕

〔朝元歌〕清霜景殘。游子愁腸縮。金風候闌。將士心情散。幸有前驅。不須過趕。對着旌旗自赧。如此容顏。何當甲兵驅十萬。舉目送飛翰。低頭覩馬鞍。〔合〕師

中興嘆。怕老卻朱顏歸慢。

〔前腔〕〔衆〕着甚將人塗炭。繁花滿目斑。野草對人閒。戰馬聲悲。將軍淚掩。試聽南飛之雁。千里雲山。淒淒出關人自憚。室子繡衾單。征人鐵甲蠻。〔合前衆作悲思介生〕呀。既已至此。衆士卒何得悲傷。須索剪滅燕邦。壯我齊國。俺老爺可也壯心陡起。眼淚旋乾矣。取鎗過來。〔持鎗介〕俺齊人出關來好沒丈夫氣也。俺以匹夫作大將。統兵伐國。何所憚而若此乎。

〔前腔〕笑把黃金甲擐。當初曾乞墦。何似入燕關。兒女癡情。英雄笑眼。一霎風雲變幻。〔舞戟介〕橫槩翩翩。年來竹枝長不按。蛇已變龍看。男兒真不凡。〔合〕師中回盼。正古戍斜陽雲棧。〔扮章子軍接上介〕唱每章爺軍士奉主帥之命。迎接齊人老爺。〔生〕先歸拜上主帥。候俺合兵征進便了。〔軍應下衆舞介〕俺大家殺上前去。

〔前腔〕也自雄風無限。逍遙豈所安。踊躍用兵還。萬里長征。千人褊袒。爲拯燕民之難。寶劍爭彈。三齊壯夫誰不悍。歌舞過樓煩。蕭蕭磨室寒。〔合前〕

〔生〕雄心不覺從斯起。

短劍秋風過燕市。

一軍亦復共豪雄。

可道男兒當若此。〔鼓吹下〕

### 第二十六齣 戰必勝

〔六么令〕〔章子領兵上〕戎衣親擐。聽鈺人擊鼓升壇。鷹揚韜略素諳閒。征不服。取其殘。臨淄技擊由來罕。自家齊將章子是也。奉命將兵二十萬進討子之。復聞遣齊人相助。昨移下文書。約俺挑戰。彼以奇兵從旁截殺。則索布下陣勢。直逼燕城。一面待他兵到也。〔生帥衆持竹棒籃襖上〕

〔前腔〕奇兵精簡。儘諸軍伐木持竿。十二篇兵法馬前看。皆宿飽。盡朝餐。還教翦此三日飯。自家奉命助征。喜臨燕境。昨移下文書。章子軍中。教他先驅誘敵。俺以練下家丁。各持木棍竹竿。從旁殺入。早是章子合圍了。三軍齊上。〔生衆從旁繞章子軍介扮子之敗走上〕

〔前腔〕齊人煞誕。馬牛風不及邊關。無端侵越我江山。須血戰。莫心寒。萬不得已。便把這頭顱送上。何須憚。〔對章子軍戰介生軍從旁截殺介〕呢。子之那里去。〔子之敗

介〕呀。到當不過這一班花子兵也。〔敗下生章見介章〕有勞助討。大服奇勳。〔生〕偶爾隨征。敢貪  
宏伐。〔章〕老先生。俺每就此追進城去。

〔前腔〕〔合〕謨謀相贊。好成功早把師班。看城門直入沒遮欄。京觀築。凱歌還。  
干城今日差無報。

相共揚威武。

成功堪列士。

不必問將軍。

試聽得勝鼓。

### 第二十七齣 爲衣服

〔長相思〕〔旦上〕悶來添病轉懨。爲念良人倦整奩。從他絲網黏。〔小旦上〕悶還  
兼。病亦僉。爲念良人不捲簾。強將針線拈。〔相見介旦〕孤幃轉眼朔風天。我有行人遠伐

燕。雙雙姐妹拈針線。欲寄寒衣到塞邊。良人一別數年。今又嚴冬時候。昨承淳于叔叔寄一信來。道  
良人以王驩嫉妬。作將伐燕。幸有章子前去。可以無虞。教俺不須記掛。但雖則如此。千山萬水。經年  
累月。好是懸懸。當此寒天。俺姐妹念彼征人。共作寒衣一件。就浼淳于叔叔之人帶去。教他轉寄燕



中也盡俺一點心兒。孩兒已睡。妹妹。索與你挑燈了此。〔共做衣介〕

〔二郎神〕〔旦〕時光冉。自前秋輕拋輕閃。到如今又雪片紛飛時物斂。狂童嫉妬。誣他素解鞞鈴。去白草黃沙途路險。恨殺那王驩讒詔。淚痕淹。聊做件寒衣。慢把針拈。

〔前腔〕〔小旦〕鸚鵡。嘆和鳴未久。分飛荏苒。盡日朱扉空自掩。羅裙寬褪。湘腰更倍纖纖。數盡長更銀漏點。捐膏沐曉妝不豔。正寒嚴。想起邊塵鎖卻眉尖。

〔旦〕想他相別數年。不知肥些瘦些。這是貼肉衣裳。不妨窄做一二分兒。〔小旦〕你看他播間那般時節。尙自儀容恢偉。如今雖則離鄉。亦已富貴。料男子心腸。不至消瘦。只索照常做去便了。〔旦〕你這話也說得是。

〔轉林鶯〕英雄知是愁不沾。應他未改鬚髯。但魁梧體貌雖常儼。也須知有個涼炎。寒威言念。怕關塞風侵龍劍。暗中瞻。身裁模想。慢把繡絨添。

〔前腔〕〔小旦〕朝來飲食都不忺。問刀環應也難占。想閒花燕市知不欠。那風

流敢待沾黏。芳心檢點。以後逢郎休閃。料無嫌。吾家賢姐。常自意謙謙。〔旦〕寒衣已成。須作一書寄之。〔小旦取筆硯介〕就請寫書便了。〔旦寫畢讀介〕賤妾姐妹斂衽拜上郎君大夫。麾下前歲夏日領書。悉佳況。妾心甚喜。聞之淳于君。知爲王子敖所陷。助征異國。妾姐妹終夜皇皇。念此寒天。聊奉粗衣一件。昔管大夫問楚包茅。齊俗以爲美談。願我良人如是。淳于有使。藉手上聞不盡。〔與小旦看介小旦〕只消如此。姐姐便可封了。〔旦封介〕外面封字。你可寫上。〔小旦寫介〕

〔啄木鷗〕〔旦〕梅英綻。朔吹銛。未報音書空自歎。昔日個口信遙聞。今日里寸楮憑瞻。邊笳戍火空相念。閨人夢度黃雲慙。費春纖。七襄纔就。霜管更重拈。

〔前腔〕〔小旦〕情緣一心。事兼彼此。柔腸都不掩。訴衷懷。姐姐親書。再封題妹。妹同簽。齊都豪傑。雙雙僭。齊姜文雅。雙雙占。是無鹽。才華相似。薄命怯柔纖。

〔尾聲〕〔合〕兩下裏都深念。爲君枕席未曾沾。一夜裏縫就寒衣。怯指尖。〔僕上〕寒雞催我去。餓馬向人嘶。二位夫人。小人就此起身前去。不知有何分付。〔二旦〕淳于管家。俺有寒衣一件。家書一封。勞你帶去。轉付俺家老爺。若你去後。俺老爺將回京師。便候他到京付罷。〔僕接

介〕知道了。〔二旦〕俺還有話說。

〔香柳娘〕見行人悶添。見行人悶添。音書相倩。閨中少婦無煩念。道雙雙喜兼。道雙雙喜兼。愁病未曾沾。饗殮也都贍。莫常懷鏡奩。莫常懷鏡奩。齊將醜殲。好教功占。〔僕〕知道了。瘦馬堪乘去。啼雞不耐聽。〔下旦〕呀。天已明了。〔小旦〕這樣長夜。不知不覺又亮了。

〔前腔〕〔合〕見光侵畫簷。見光侵畫簷。東方日漸。長宵不覺灰燈燼。把征夫遠瞻。把征夫遠瞻。霜月冷偏尖。沙場到還險。問何時捲簾。問何時捲簾。朱門望炎。紅裙增豔。

十月閨人正苦寒。

何當夫壻跨征鞍。

一封聊寫相思意。

不盡餘衷淚眼看。

### 第二十八齣 詔

〔似娘兒〕〔生髭髯冠帶衆擁上〕滅國返臨淄。今日裏是我之時。怕伐燕一節書青。

史道君王有意齊人伐取章子因之。〔減字木蘭花〕家山太遠到得齊都心稍展。念我裙釵。誰爲持將書信來。愁衷慢遣。奈此春寒猶未免。好是難捱。何日歸看兩女才。俺齊人帥師入燕。五旬而舉。藉章子之智勇。成不佞之功名。振旅獻俘。君王大悅。加俺亞卿之職。好不富貴也。但別俺二女。已是多年。當初只傳得個口信兒來。好是放心不下。待淳于兄來時。或者有個信息。未可知也。左右的俟候着。〔淳從人上〕

〔北醉太平〕喜平燕復旨。早振旅班師。君王大喜過前時。都成功一矢。而今寵命如章子。淳于故友歡來此。〔從人遞寒衣及書介淳〕他閨中還有俏言詞。索如今付之。〔衆稟生介〕淳于爺到。〔生迎介〕久違我兄了。〔淳〕幸喜收功。敬此趨賀。還有尊嫂去冬所寄

寒衣及家報。并以奉上。〔生接讀介〕好聰明的女子也。兄請看一看。〔淳看介〕大兄真福人也。〔生〕淳于兄。子敖陷我伐燕。欲假手於燕兵。以快私仇耳。誰想俺齊人伐燕。竟能勝之。〔淳〕正是這等說。前日鄒國的老孟著孟子七篇。他也記你功。說齊人伐燕取之。〔生〕承賢者這等好意。我齊人也流芳百世了。煩他再把俺生平事迹一發記一記何如。〔淳〕這也不難。待我明日與他說。要他與你作

傳便了。〔生〕并俺日後墓誌銘也。勞一做更好。〔淳〕這也使得。〔田王僕從上〕

〔么〕羨功成飲至。致主上隆施。王驩不免愧當時。且牽羊獻豕。從前光景休深憶。交情今日仍篤摯。吾儕勢利自如斯。任諸君笑之。〔衆稟介〕王爺田爺來拜。〔生淳

笑迎入介生〕尚未過謝。何當先施。〔王〕有何薄敬。煩兄謝爲。〔生〕伐燕成功。皆君一薦之力也。〔王

笑介〕豈敢。〔田〕伯夷叔齊不念舊惡。怨是用希。敢以此言獻之座右。〔生〕田老先生。俺齊人豈念

舊惡者乎。今日故人依舊。我心實喜。〔王揖介〕大兄真好大肚皮也。〔淳笑對王介〕他這回若再到

潘間。您定然尊之首席了。〔衆笑介生〕今日旣得家報。兼逢故人。敢以杯酒爲歡。左右看酒。〔生把

酒介〕

〔桂枝香〕玉音歡視。石交重至。仍如分袂之時。卻憶布衣前事。匪相知挈之。匪相知挈之。終焉齊市。爲人譏刺。慢銜卮。小怨應須釋。深情故可思。

〔前腔〕〔淳〕疇昔之事。丈夫嘗試。好尋舊日宗支。爲譜生平姓氏。歎英雄末之。歎英雄末之。窮途顛躓。倒行逆施。更追思。也是奇男子。方爲貧乞兒。

〔前腔〕〔田〕當初秋祀。翩然而至。此時豪氣堪思。此日鄙人真肆。媿當前失之。媿當前失之。而今慚憶。無顏相視。藉恩私。舊怨如冰釋。新交似酒滋。

〔前腔〕〔王〕兄真豪士。名光國史。于今功紀歌詩。向後恩留贈諡。倘墮問再之。倘墮問再之。清塵恭俟。陳觴洗禪。好男兒。我固倉和獲。那知雄與雌。〔衆辭介〕

〔王〕爲君不免還嘖舌。

〔田〕須識此翁是豪傑。

〔淳〕丈夫自應有達時。

〔生〕猶喜諸公復相結。

〔王田淳先下生〕叫左右。可備香車二乘。明日齊東迎取二位夫人。一路上須小心服事者。

〔一封書〕思伊兩美姿。風雪寒燈夜做時。殷勤寄所思。豔絕多情桃李枝。咱管子勲勞。應不媿他懷羸策勵。敢忘斯。好人兒太心慈。候爾鸞駟一謝之。

我固烈丈夫。

幸遇賢女子。

富貴深相念。

願爾同來此。〔共衆下〕

第二十九齣

妻妾之奉

〔花心動〕〔旦小旦上旦〕一轉春風。又見鮮鮮花萼。人阻天涯。魂逐風塵。只恨少他一個。〔小旦〕淚珠姐妹雙雙墮。敢眉山一時蹙破。〔合〕鎮終朝金錢試卜。臨風無那。〔卜算子〕〔旦〕一別已多年。流水時光去。轉恨當初去戶時。不把人留住。〔小旦〕着甚關壩間。送上功名路。一刻相思不得來。此悶和誰訴。〔旦〕妹子。自從寒衣寄後。轉眼又是而今。雖則孩兒稍長。不知良人已歸國否。昨夜燈花頗燦。我又夢見他來接俺。敢目下有個喜信也。〔小旦〕姐姐。這都是記心夢。俺那夜不夢見他在家哩。如今那得來也。且和你中庭一望。

〔駐馬聽〕〔旦〕眼不停睽。小脚時時簾外那。只見桃花爛熳。柳葉陰森。竹影婆娑。雲邊夫婿可如何。身旁弱息同悲愕。不奈愁多。那頑皮稚子沿街掠。

〔前腔〕〔小旦〕不住嗟哦。間隔關津奈若何。一似雲遮巫峽。霧隱秦樓。風阻銀河。俺一雙姐妹尙難過。他隻身關塞堪愁麼。日日蹉跎。無情無緒薰香坐。

〔不是路〕〔衆作推車上〕奔走風波。兩乘香車幽徑過。人兒娜。清畏人知。隱苧蘿。來此已是。直入則個。〔叩頭背介〕好兩位夫人也。繡裙拖。一雙小脚些兒大。怪的東君

記掛他〔旦〕你是俺老爺差來的麼。〔小旦〕老爺回國了麼。〔衆〕齊聲和。俺老爺相請去都中樂速將輿坐。〔旦〕呀。原來回國了。謝天謝地。〔衆〕老爺成功回國都。官陞亞卿之職了。〔二旦〕做了亞卿了。

〔榴花泣〕〔旦〕中庭訕泣。激爾去關河。喜故友用情多。大夫拜下沐恩波。教妻孥歡笑呵呵。遭逢網羅。恨權奸陷你去幽燕坐。聽風聲嚇殺雙鴛。喜歸來爲展愁蛾。

〔前腔〕〔小旦〕寒衣寄去。未審到君麼。怨命薄。恨春蹉。怕到得相逢鬢已皤。幸今朝魚乘相過。門楣喜多。這郎君嫁得堪人賀。坐朱輪不負相期。趁青年好與同歌。〔衆〕二位夫人就請上車。老爺都城懸望。〔旦〕小公子還在那里耍子未回。索等一等。〔衆〕夫人車兒先行一會。俺着二人抱了小公子隨即馬上來也。〔旦〕這等你可小心看着妹子。俺和你先上車去。〔上車介〕

〔急板令〕〔旦〕別柴扉雙雙笑臉。上香車盈盈慢那。把前後籌度。把前後籌度。



想着藩間。渺若山河。望着都城。遠在烟波。〔合〕從此去可再來麼。不覺的暮光  
矧。

〔前腔〕〔小旦〕在車中衣衫慢拖。到朱門重裁綺羅。把道路經過。把道路經過。  
錯雜繁花。嘹亂鶯歌。幾疊高巒。一派流波。〔合前旦〕可到前邊驛庭住下。待公子到來。一  
齊起身便了。

當初跣足走藩間。

今日車輪好面顏。

爲問貴人妻與妾。

可曾東郭一回還。〔衆作推車下〕

### 第四十齣 百工之事

〔大趂鼓〕〔扮木匠上〕學生善劈鑽。公輸作下。榘梓常搏。憑咱進彼輪和奩。豐屋  
翔天人壯觀。〔合〕今日完工。領他花銀小攢。小子木匠是也。齊人老爺舊宅。教俺起造小  
小門面。卻做了高房大廈。他不日與夫人來此。今日卻教管家犒賞每人花銀一兩。桌面一張。好受  
用也。呀。卻早泥水作頭來了。

〔前腔〕〔扮泥水上〕學生善砌搬。傅巖徒弟。石塊常擗。泥牆粉壁。真無算。運土輸漿。心喜歡。〔合前〕小子泥水是也。齊人老爺舊宅。造作衙院牆壁。都是學生砌括。今日完工。領他賞賜也。〔與木見介扮裁縫上〕

〔前腔〕學生善剪紈。軒轅流派。衣服常擗。些須偷得綾和緞。孝順家中老媽官。〔合前〕小子裁縫的便是。齊人老爺與二位夫人廣製新衣。紬綾緞絹約有千餘件。今日完工。與木匠泥水一同犒賞。則索自領去。〔與木泥見介〕

〔前腔〕〔扮廚子上〕學生善做饅。易牙親族。魚肉常擗。鼻頭時嗅葱和蒜。口嘴多沾鹹與酸。〔合前〕小子廚子的便是。齊人老爺日後新宅游耍。定咱整備筵席百餘桌。便今日犒賞。各色工匠的都是我小子整備。諸色都已買辦停當。則索領賞去也。〔與衆相見介〕列位老哥喫的桌面。都是小弟設法的。〔衆〕虧你也。〔廚〕適纔落得饅頭幾個。哥兒每人嘗嘗。〔衆接食介〕好鬆泛的麵食也。〔木〕我沒得回敬。一把純鋼鑿兒。送你拿去打刀。好切下飯。〔廚〕多謝了。〔裁〕我落得一塊花緞兒相送。好拿去做個荷包。〔廚〕多謝了。〔泥唾介〕我要做陳仲子出而哇之了。〔裁〕怎的

唾將起來。〔泥〕我沒得回敬。用唾還他。也罷。偷得一塊銅瓦兒。送了哥罷。拿去好與老嫂績麻。〔裁〕又道是妻辟繡。〔廚〕多謝了。〔木〕列位老哥且休閒說。我想齊人老爺當初好不低微。如今堂高數仞。食前方丈。好不富貴。那一個不叫老先生老大人。當初那話兒再也不提起了。〔泥〕如今人都道他是個能人。是個豪傑。欣羨不了。還提那話。〔廚〕且不要說別的。只我小弟辦的筵席。他當初要喫塊骨頭兒也不能勾。〔裁〕就是這衣裳。如今要俺做這許多。當初掛着一半破叉袋哩。〔衆笑介〕活作怪。這樣花子會做官。我每木匠泥水裁縫廚子做吏部天官也做不住哩。如今且去領他銀子桌面來。慢慢也圖個紗帽戴戴便了。〔笑行介〕

〔北清江引〕〔木泥〕咱每兩個難相判。彼此功居半。他將瓦礫搬。你把木頭斷。〔合〕喜今朝共將他老酒灌。

〔么〕〔裁廚〕咱每兩個雖相判。一樣心多算。他偷魚四五盤。你落絹兩三段。〔合前共下〕

第四十一齣 其妻妾不差也

〔傳言玉女〕〔生衆擁上〕富貴無涯。那似當初乞丐。朱門棨戟。畫棟雕簷。瀟灑男兒。撐達。又喜值夫人少艾。把珍羞試設。用娛嬌黛。勸君不必笑齊人。今日齊人意氣新。蛾眉共賞三更月。豹變還驚一世塵。下官齊國上卿齊人是也。自從伐燕而歸。從亞卿連陞今職。賓友俱至。讎怨皆忘。王子敖半路請荆田大夫。一時傾蓋。前者着人去舊宅迎我夫人。今已到久。此地新室方成。頗稱壯麗。只前日着人去。將舊宅一帶房屋盡買。廣其基址。創爲別宅。亦已完工。待秋涼之後。與二位夫人同去一游。今日正當長夏。叫院子備下筵席。與二位夫人賞荷。院子。筵席可已完備否。〔衆〕俱已齊備。〔生〕可敲雲板。請二位夫人出來。〔衆應請介〕旦冠服侍女同上。

〔疎影〕別離多載。喜香車接至。再勻恩愛。淡掃蛾眉。巧妝時樣。打扮十分嬌態。

〔生望介〕立而望之。偏齊整。羨你個青年奶奶。〔合〕祇爲槐影荷香。暫步繡幃。

之外。〔相見介生〕別我芳卿已數年。〔旦〕不覺時光幾度遷。〔小旦〕卻喜紅顏正未老。〔生〕共爾荷花六月天。夫人。今日丈夫何如也。〔擺介小旦〕又來驕妻妾了。〔生笑介〕夫人。新荷香極。與卿一玩。怎不教兒子出來呢。〔旦〕他六七歲的人。曉得甚的。教侍女每與他後邊水閣戲耍。〔小旦〕況且是

個頑皮。這酒席不禁他打攪哩。〔生〕夫人豈不聞寧養頑子。莫養呆子。侍女每且取酒過來。〔生二旦遞酒介〕

〔畫眉序〕〔生〕畫檻正荷開。邀爾夫人出閨外。看餐霞飲露。朝烟暮靄。恰正似兩兩紅妝。對着俺亭亭青蓋。〔合〕疎簾冰簟薰風快。滿堂上笙簫一派。〔僕上〕稟爺。淳于老爺請明日賞荷。〔生〕知道了。〔僕應下〕

〔前腔〕〔二旦〕羨此俊多才。又早公卿綺筵待。果而今顯者時時相拜。也不必誇俺荆裙。信得過交他冠蓋。〔合前僕上〕稟爺。王右師老爺和田爺請後日槐亭筵宴。〔生〕知道了。〔僕應下〕

〔前腔〕〔生〕笑眼問金釵。今日夫君可豪邁。只重重請帖。肚皮愁隘。常則是纔唱雞人。端的有成陰鶴蓋。〔合前僕上〕稟爺。公行氏各位爺請後日筵席。〔遞帖生看介〕通家眷晚生公行子東郭氏景丑氏陳賈益成括沈同時子仝頓首拜右啓上大柱國齊翁老先生大人台下。怎麼好。後日是王右師和大夫相邀。俺已許了他也。〔僕〕俺家列位老爺說。若後日有人相請。

便遲一日。望齊人老爺賜顧。〔生〕既如此。知道了。〔僕應下〕

〔前腔〕〔二旦〕不住有人來。盡處開筵似相賽。笑而今口腹不愁饑壞。多則是故友稱觴。又添得新交傾蓋。〔合前生作醉態介〕竟醉矣。竟醉矣。〔小旦〕醉了去睡罷。將養着

精神。明朝好赴宴也。〔生〕未也。俺還要作一故事。與二位夫人一笑。〔旦〕做甚的故事。〔生〕可便是精神。您當初張俺的故事。我想你雖看見。你妹妹還未看見哩。〔小旦〕如今做了官了。還好做這花臉勾當。〔生〕你婦人家自不省得。當今仕途中。那一個不做這花臉勾當乎。你且不要阻俺高興。我舊衣鉢都帶在此。待我妝扮起來。〔生取棒碗破衣出介小旦笑介〕啐。好不識羞。這些物件。當真還藏在這裡。〔旦〕這是他祖宗三代遺下來的傳世之寶。〔生笑介〕你且不要笑人。只要你的令郎學得我這令尊。倒也通得哩。〔二旦〕俺的公子是有志氣廉恥的。不學你這花子勾當。〔生〕罷了。把本來尊號一發都叫出了。且待我除下紗帽。脫了圓領。作一個舊齊人也。〔下紗帽旦持脫袍小旦持生仍扮前乞態內作細樂介〕

〔滴溜子〕〔生〕破木碗。破木碗。卻還留在。青竹棒。青竹棒。不曾蛀壞。暫把簪纓

一改披上了破衣兒和布袋。且自浪游東郭之外。〔向二旦乞介〕奶奶可憐見那。〔二旦〕拿些米來賞他。〔貼花衣金冠扮小公子上〕

〔水底魚兒〕水閣嬉來。見堂前錦席排。呀。吾家奶奶對花子笑顏開。〔生向子笑介〕公子賞些兒麼。〔旦笑介〕兒可認得這是你爹爹。〔子笑介〕當真是俺爹爹也。你做老花子。俺做個小花子跟着你。〔脫衣持棒作乞態介〕且笑介。啐。不長進的好樣不學。學這花臉。

〔鮑老催〕口兒笑壞。口兒笑壞。一雙喬梓真奇怪。老爺扮得寒酸態。還添他賢公子妝着賽。播間光景渾如在。當時只沒這小乞丐。這的是英雄概。〔旦〕換了罷。

〔生〕未換哩。直待你中庭相泣哩。〔小旦〕真是醉哩。好好的官兒。做這等模樣。〔生〕還是俺兒子聰明。接得俺爹爹的脚也。你每兩姐妹。怎生還不訕。還不哭。

〔雙聲子〕中庭訕。中庭訕。那言語發得太。還相泣。還相泣。那眼淚流得快。應須再。應須再。反歡待。反歡待。笑人情世故。兩箇裙釵。

〔尾聲〕〔二旦〕郎君好箇冠裳客。一班侍女口都歪。笑道這樣公卿也少見來。

〔二旦各持冠裳共大笑下〕

### 第四十一齣 所識窮乏者得我與

〔扮前二小齊人乞態上〕可嘆終生長是貧。知交富貴不相親。困時盡道無相負。既達何曾有一人。俺小齊人便是。七八年前與齊人大哥王驩淳于分別之後。連叫化也沒得叫化。可道做頭的去。也。三年前聞得王子敖亦已富貴。逕去見他。倒被他一頓搶罵。後來聞得淳于也富貴了。待去見他。又恐怕做人一樣。因循不果。今聞得齊人大哥亦已富貴了。他是個有義氣的人。料不相負。只得遠遠來此。聞他不日要往舊宅游耍。俺那里又跟去見他。只索趁他在此時節。竟求一見也。

〔北端正好〕笑男兒長貧賤。無食喫沒得衣穿。故交發達還誰綰。抹下了當時面。

〔滾繡球〕當初呵。分離各一天。相誓毋心變。到如今只獨自朱門宴。管甚舊知交。沒粥無餽。都則是賤羊斟似宋臣。那些兒飯翳桑等趙宣。只守着一家宅眷。恣情的饜膏梁笑把髯掀。功名馮婦狗人慣。學術楊朱爲我偏。緩急無援。



〔叨叨令〕瞧着那珠兒玉兒有的癡癡呆呆的羨。造着那堂兒室兒常則周周圍圍的轉。問着那風兒水兒早則搜搜尋尋的徧。護着那孫兒子兒直恁思思量量的倦。兀的不是笑殺人也麼哥。兀的不是恨殺人也麼哥。但遇俺朋兒友兒卻便憎憎嫌嫌的見。早來到俺大哥府前也。〔僕上〕談笑有貴客。往來無乞人。花子那里走。〔小〕大哥。我每是你老爺故友。特來求見。〔僕〕我老爺有你這樣的故友。〔小〕你不信。但去裏看。〔僕〕也罷。我去裏看。〔下隨生上〕我懷管鮑誼。此道今人鮮。笑彼輕薄兒。還復日黽勉。快請進來。〔僕請二小進見介生〕兄弟。怎麼還是這等。叫院子。快取衣巾來。與二位換了。〔二小換謝介〕多謝老長兄。〔生〕好說。請坐下細談。〔二小〕自別大兄之後。一發貧困了。

〔倘秀才〕當日呵。肉和魚些。須有緣。別後呵。湯和水乾海口涎。那先達無情面孔。堅經營過兔犬。毒害抵鷹鷂。兀的是今人義鮮。〔生〕說起真可憐也。叫院子。可設法酒席端正。即便請二位夫人來見。〔旦小旦上〕爲念貧賤情。還將妻子見。〔二小見介〕尊嫂請上。待小叔二人拜見。〔生〕只常禮罷。〔小〕如此請上些。二位嫂嫂拜揖。〔二旦〕二位叔叔萬福。〔小〕嫂嫂請

進。〔生〕夫人便可叫侍女每設辦下飯。二位叔叔饑了。〔二旦〕曉得了。〔下小〕哥哥似你這樣的人千古少也。

〔滾繡毬〕風霜節獨全。金石盟偏踐。解下俺舊鶉衣。新衣戀戀。便教俺那侍妾每準備着開筵。咱臙神兒敢夢羊。你獸人兒儘給鮮。又教着閨中僊媛。雙雙的共出華軒。笑將咱叔叔深深拜。可是你哥哥嫂嫂賢。委實超然。〔生〕兄弟俺還要與你每做一個官兒哩。〔小〕多謝兄長。天下有這等好哥哥也呵。

〔白鶴子〕則笑俺兄弟爭如越石父。單羨你大義偏超平仲先。真個是俠氣千秋。端的有熱腸一片。

〔煞尾〕走盡了東西南北將咱譴。受盡了冷暖高低沒箇憐。休提那軟設設紗帽兒加。且把你美甘甘筵席兒卷。〔共下〕

第四十二齣 殆不可復

〔扮二院子上〕有才人服事。無才服事人。咱每齊人老爺的院子是也。老爺舊宅改作大院。亦已完

工。自從新秋和夫人都中來此。暮樂朝歡。前歌後舞。好不受用。近乃暮秋之時。老爺憶起貧賤之事。要與二位夫人東郭一游。兼之祭祖。昨已分付安排車馬祭儀。今日卻都齊備也。〔生旦小旦鮮衣盛妝上〕憶昔當年未際時。曾于郊外一游之。而今蹤跡全然異。駿馬雕鞍錦瑟隨。夫人。俺與你都城來此舊院。已是多時。你看起来的好不齊整。與昔時門面大是不同了。今日要與二位夫人東郊祭祖。鮮車盛服。一洗當年之恥。昨已分付院子。整備車馬祭禮。不知已端正否。〔院〕稟爺。俱已齊備了。〔生〕如此。請二位夫人先上了車。下官跨馬相從者。〔鼓吹上車馬介〕

〔北粉蝶兒〕〔生〕寶馬香車。偕着咱嬌妻嬖妾。想當初寒困堪嗟。徧國中沒一箇不笑咱無藉。當日箇附耳誰耶。到今朝我立談也不屑。呀。你看瞧着咱的。都個個跔起也。

〔醉春風〕也不勞你貧賤日把人輕。也不勞你豪華時將俺懾。見了他這鞠躬欣敬。沒來由有甚麼說說。這的是舐痔吮癰。後恭前倨。奴顏婢頰。早來到郭外也。夫人。當初虧你直跟俺到此。

〔紅繡鞋〕出東郊商飈何冽。索將着羽扇輕遮。當日箇未豪奢。俺夫人赤足撇。你命婦繡鞋斜。早受了走荒郊封贈也。〔旦〕當初出來好不羞人也。〔生〕如今可好麼。

〔迎仙客〕您可也憶年時面害羞。今日的恁輝光他眼還熱。覷着伊豔麗的親姐姐。分明出若耶。果是羞花月。這儀容偏則在野外嬌怯。好教我心歡悅。這郊外好風景也。且待俺下馬步行一會。夫人可也下車一行。

〔石榴花〕你看滿目前簇簇的碧山疊。綠綠的流水一灣斜。有的是蕭蕭的霜葉舞黃蝶。則見淒淒的猿聲嘯徹。濯濯的鹿蹤四野。皎皎的白鷺橫飛。俊鶻遠獵。唧唧的秋蛩不住咽空穴。〔院稟介〕稟爺。這是太老爺墳前了。〔生〕可把祭禮擺下。俺與

夫人拜奠。〔院擺祭禮作細樂生日拜介〕

〔鬪鷓鴣〕拜上你二十代遠祖親爹。喜的俺不肖兒成家立業。不能勾桓司馬石槨重疊。早不做若敖鬼香煙斷滅。好佑俺嫡親骨肉。好蔭俺幾代瓜瓞。不是你老太爺百世能靈。怎教這舊齊人一朝發越。祭奠已畢。小的每可把祭禮且收了。〔二

旦今日俺老爺祭祖。偏沒個齊人來乞食也。〔生笑介〕怕他尊夫人來瞧哩。

〔上小樓〕拜罷了佳城悲咽。索又將年來事說。則看俺乞食朱門。攜杖荒郊。醉倒墳穴。誰想俺也有時乘壁車大道斜。偕着俺雙雙都冶。誇道是堂堂閥閱。

〔么〕今朝的貴老爺。昔日的窮小舍。覷了俺日下時節。意氣豪俠。體貌超軼。可道是皆運也。皆命也。爲甚麼始終兩截。一生兒被他磨涅。呀。過了俺家先塋。這便是

昔日乞祭之所了。你看田大夫與王子敖的先塋。如今轉不及我每的了。正所謂風景不殊。而人情變矣。

〔白鶴子〕〔生〕覷他每馬鬣封和着俺舊龍穴。雖則風景未全殊。卻舉目有炎涼別。

〔四煞〕想當年真折挫。氣殺了大豪傑。俺試把舊模樣爲妝些。要你小姐姐親觀者。〔二旦笑介〕又舊病發了。〔生作王驪坐介〕

〔三煞〕這的是王驪容惡劣。〔作田戴坐介〕這的是田戴氣驕奢。〔作怒目介〕兩下

里瞪着眼罵齊人。〔自作乞態介〕俺可也低着首憑他說。

〔二煞〕則見田大夫與俺鵝半截。子敖弟與俺雞一碟。〔作接介〕俺雙手兒接將來。〔作食介〕一口的忙忙啜。〔旦笑介小旦掩口介〕姐姐。你形容他那有如此光景。〔生〕還未哩。

〔作醉態介〕

〔快活三〕不覺俺醉將來身子斜。不覺俺酒興發口胡喋。眼睛兒認不得那爺爺。〔作推倒自跌介〕卻被那小的每推將跌。〔二旦扶住笑介生〕那時卻恨沒你每扶扶也。

〔小旦〕虧你好受用那。〔生笑介〕我這獨脚戲做將出來。比你姐姐形容可更加一分麼。〔旦笑介〕你這花子模樣。俺可學不來也。〔生〕天已過午。俺回去罷。〔各上車馬介〕

〔鮑老兒〕〔生〕一會價芳塵游徹。早醒悟在黃菊佳節。看取這霜英凋謝。衰草叢遮。須知道人壽復幾何。直待要日暮興嗟。夫人。俺想起富貴功名。草頭露耳。從今後索把壘斷讓與朝士輩。俺清閒自在也。

〔滿庭芳〕猛提起朝中羣哲。有幾個公忠清節。陳賈輩諂媚奸邪。景丑氏一班

兒不免庸庸者。那討個甘直諫。蚍蜩氣烈。那討個勤撫字。平陸心竭。則爲名和利一番中熱。做了妾與婦一般容悅。〔旦笑介〕竟是道學先生了。〔生〕好輕薄。難道齊人就談不得道學。想那道學先生正是我輩耳。休笑咱這齊人也高談道學口兒喋。二位夫人。俺想起當今之世。只陳仲子是個高人也。我前日與他相約。說富貴之後。便當同隱。今日亦已榮顯。不索長戀此中。教這廉士每笑殺人也。

〔耍孩兒〕想於陵仲子真清潔。處塵世甘心苦節。一從惠顧去瑯琊。不覺的水遠山遮。而今好附新丘壑。向後休提舊狹邪。須踐俺前時說。休教大笑。莫使長嗟。

〔尾聲〕不是那陳仲子候齊人。卻是那辟纁妻思姐姐。可是跖和夷利善之間也。俺則笑滿人間做官的。對着咱還更劣。〔鼓吹同下〕

### 第四十四齣 由君子觀之

〔憶多嬌〕〔二小齊人冠帶上〕做相公。做總戎。一箇齊人始與終。帶咱每小友都

得寵。喜今朝誕逢。喜今朝誕逢。索早去階前鞠躬。俺下官小齊人是也。蒙大哥擡舉。都授郎官之職。今日乃他壽誕。則索候候着同進賀也。〔生錦袍玉帶二旦錦袍鳳冠侍女彩衣小公子繡衣金冠同鼓吹上〕

〔鵲橋僊〕瑞氣雲濃。歡情日永。又早誕辰繁冗。畫堂鼓吹蕩春風。笑徧國齊來趨捧。〔相見介生〕丈夫不奈利名侵。〔二旦〕今日方完妻妾心。〔子〕也應笑殺趨炎輩。〔生〕卻把齊

人越樣欽。夫人俺齊人一時得運。十載宦途。賓朋紛集。士夫交至。正所謂臣門如市也。今日乃俺生辰。料諸友不免相賀。都是至交密友。二位夫人不妨共見。〔二旦〕曉得今日相公貴誕。趁此賓友未來。請上受俺二人一拜。〔生〕省得煩俺回禮。只常禮罷。〔二旦拜生回介二旦〕俺二人也不願你多。只願你齊頭活一百歲罷了。〔生〕多謝了。〔子拜介〕孩兒願爹爹再加一百歲。〔生〕我兒好也。你如今長大。俺齊人箕裘有托了。〔二旦〕侍女每過來磕老爺的頭。〔侍磕介〕願老爺千歲。〔生〕每人都賞你紅紬衫一件。小心服事。〔衆應謝介二小齊人進介〕恭喜長兄貴誕。小弟二人等候已久。敢此拜賀。〔拜介〕只願你福如東海。壽比南山。時時青眼二弟。〔生〕多謝盛情。〔二小〕呀。卻早王子敖



輩來也。〔王田冠帶上〕

〔金瓏璫〕兩人同附鳳。要來共拜堂中。趨顯者效華封。〔入共見介王田〕大兄請上。

受小弟每一拜。〔生〕纔爾初度。敢煩諸兄。〔交拜介生〕我兒過來。拜謝了二位叔爺。〔王〕這是令郎。可喜可喜。今年幾歲了呢。〔生〕十歲了。我家小女也有十歲了。如大兄不棄。卽以姪女配爲媳婦何如。〔生〕不敢請耳。固所願也。〔田〕如此。小弟做媒便了。〔僕報上〕稟爺。淳于老爺奉聖旨來到。〔生〕快排香案。〔淳冠帶捧聖旨上〕

〔前腔〕欽將聖旨奉。封妻封妾多榮。驚室子。耀賓朋。〔生衆接介淳〕聖旨已到。跪聽宣讀。詔曰。自我太公丁公。以及寡人蒞有茲土。得保安寧。皆我齊國諸臣之力。是賴。前者五旬克燕。倍子千乘。齊人之功爲多。今封爾爲上大夫。賜號東郭君。爾妻爾妾早起相夫。不愧雞鳴之詠。俱封齊東郡夫人。爾可與右師王驩一同輔政。以相我齊邦。如昔日管大夫故事。主客卿淳于髡可歲加祿米三百石。田戴可進亞卿之職。其弟於陵仲子。寡人甚慕其高風。特賜粟帛若干。以旌廉士。戴亦可時周之。爾諸臣其益勵忠勳。用安齊國。欽哉。〔生衆謝恩介衆相見介淳〕大兄貴誕。請受小弟一

拜〔生〕再不敢勞。〔交拜介生〕我兒過來。拜謝淳于叔叔。〔淳〕好佳郎。有佳媳否。〔生〕適子敖不棄。許以姻盟。便是田兄作伐。〔淳〕作伐豈兄一人便了。帶小弟倍點如何。〔生〕多謝。侍女每看酒。〔遞

酒介〕

〔剔銀燈〕〔生〕遭時世陡蒙恩寵。教齊人不勝惶悚。還承貴友相欽重。羞殺我  
這般梁棟。〔合〕添肉冗生辰乍逢。增吉慶姻親又重。

〔前腔〕〔二旦〕賢夫婿妻兒沾寵。好賓朋通家情永。又許咱兒子還乘鳳。越教  
把良人歡奉。〔合前〕

〔前腔〕〔子〕天生就公卿嫡冢。論家門堪他相捧。俺箕裘不替真麟種。須索把  
父書頻誦。〔合前〕

〔前腔〕〔王田淳〕論榮耀人人心動。兩夫人更還超衆。相知合作一禎祥頌。共向  
着丹墀爭貢。〔合前〕

〔前腔〕〔二小〕擡頭看朱門高聳。低頭來紅裙雜擁。憶年時共把蛇兒弄。今日

里只他尊重。〔合前生〕諸君在此。俺齊人今日可方管夷吾晏平仲否。〔淳笑介〕子真齊人也。知管仲晏子而已矣。〔生〕淳于兄。只怕今人更可憐也。知齊人而已矣。諸兄。我想丈夫貧窮。則親戚賤惡。位高金多。則妻妾畏懼。嗟乎。人生世上。富貴爵祿。蓋可忽乎哉。〔淳〕此老大是無禮。當面笑卻人也。〔生〕小弟豈敢。俺想昔時貧困。今日陡然發跡。皆時爲之也。偶作鄙語數句。敢爲諸兄誦之。〔衆〕願聞。〔生朗吟介〕雖有智慧。不如乘勢。雖有鎡基。不如待時。〔衆〕誠千古至言也。〔生〕諸兄。不才還有一言。富貴浮雲耳。腐鼠嚇人。達者鄙之。惟田兄令弟仲子。當今之世。真所謂空谷之音。絕無而僅有者也。俺心慕其高風久矣。止爲妻孥之事未了。只得含羞忍辱。奔走仕路。今幸至此。復何爲哉。惟有泛舟楚水。攀附於陵耳。富貴之場。讓諸兄爲之。〔對王介〕老親翁。那壘斷惟兄登之可也。〔生〕多謝兄長。俺王驢今日頗窺見其門路矣。〔田〕前日舍弟也有書自於陵來。招兄偕隱。但小弟未知尊意。不敢道及耳。〔一旦〕只那仲子先生的尊政。俺姐妹雅是相慕。願良人趁早回頭。毋使後人笑不了也。

〔山花子〕〔生一旦公子〕如今撇下壻和龍。讓諸君富貴之中。小齊人休如乃翁。

都欽他陳仲高風。〔合〕論人間榮華有窮。歸來小山歌桂叢。想二十載松風舊夢。堪再從。竟附於陵邱壑蹤。

〔前腔〕〔生淳田二小〕吾儕不免還相哄。鎮終朝俗狀塵容。仕宦裏穿踰舊跡。士夫每妾婦餘風。〔合前〕

〔舞霓裳〕〔合〕磁基數語煞名通。煞名通。及時乘勢是英雄。是英雄。微時舊事何深諷。總不礙齊人今日這恩榮。都則是聖賢作用。這花面覺道冠裳頗爲衆。〔紅繡鞋〕也知徧國皆公。皆公。高巾仲子難逢。難逢。而今不貴首陽風。因此上譜齊東與孟老意思同。

〔尾音〕曲傳東郭非嘲諷。則索把齊人尊捧。君不見盡處熙攘名利中。

仲子先生有好妻。

淳于夫婦善滑稽。

吾家孟老呵呵笑。

壘上墦間那止齊。〔共鼓吹大笑下〕

東郭記終

金



雀



目錄

第一齣 開場

第二齣 餞別

第三齣 探春

第四齣 玩燈

第五齣 擲果

第六齣 議姻

第七齣 定婚

第八齣 投箋

第九齣 成親

第十齣 守貞

第十一齣 分雀

第十二齣 指引

第十三齣 喚妓

第十四齣 開宴

第十五齣 打圍

第十六齣 惜別

第十七齣 乞巧

第十八齣 顯聖

第十九齣 投崖

第二十齣 平賊

第二十一齣 進謁

第二十二齣 作賦

第二十三齣 薦賢



第二十四齣 寄書

第二十五齣 訪花

第二十六齣 報捷

第二十七齣 合雀

第二十八齣 臨任

第二十九齣 集賢

第三十齣 完聚

金雀記 目錄

四一開明書店



# 金雀記

明無名氏箸

## 第一齣 開場

〔沐恩波〕〔末上〕晉代風流潘岳氏。年少清奇。擲果車輪。求月下。金雀雙遺。豪邁王孫憐國士。多情淑女定于歸。偶遇山濤連薦。夫和婦。兩分離。巫彩鳳。百花魁。欣一見。喜相隨。奈賊風驚走。投觀爲尼。種得河陽花滿縣。和鳴鸞鳳樂雍熙。受天恩寵渥。青史上。永留題。

擲果車燈宵馳縱。

金雀盟天假良緣。

河陽縣花晨月夕。

和鳴軒鸞鳳交歡。

## 第二齣 餞別

〔謁金門〕〔生上〕昭代興文運。萬里鵬搏思奮。七襄八寶負經綸。珠璣萬斛。頻獻金門。未遂風雲。日暖煙消曙色濃。春風先到洛陽東。雪芳瓊苑上枝白。霞炫丹霄萬樹紅。紫燕

泥香花帶雨。白鷗波淨柳停風。嬉游昨夜歸來晚。醉控金鞭上玉驄。小生姓潘名岳字安仁。家世洛陽。身居福地。年方少壯。志可凌雲。奈何椿萱早逝。每懷風木之思。鸞鳳未諧。尙乖琴瑟之好。大抵功名有定。富貴在天。株守待時。何足介意。我有契友山濤。放情詩酒。來游洛陽。正好與他遣興談心。不料朝命到臨。欽取他都督河東軍務。征期甚迫。今日便行。已曾分付家僮瑤琴彩鶴。整治酒筵。與山公郊外餞別。未知完否。瑤琴彩鶴何在。

〔金錢花〕〔丑淨同上〕忽聞呼喚聲頻。聲頻。慌忙奔走如雲。如雲。小心直役敢因循。持玉壘。捧金樽。勤餞別。出都門。官人有何分付。〔生〕我昨日命你整治酒筵。與山爺餞別。可曾完備。〔丑〕俱已完備了。〔生〕既如此。瑤琴執了壺觴。彩鶴捧了春盛。二人隨我出都門去。

〔風入松〕〔生〕天光雲影望中春。果然是萬象增新。彩霞出海如鋪錦。梅共柳。含嬌吐潤。〔合〕不忍別同袍故人。圖一晤。到都門。

〔前腔〕〔小生扮山濤衆隨上〕天書何幸出楓宸。荷隆恩簡拔。儒臣自慚伏櫪難勝任。惟只秉丹心一寸。〔合前〕〔丑稟介〕潘相公在此。候爺餞別。〔小生〕快請相見。〔生〕方幸論

心不期遠別。〔小生〕本圖握手。孰意睽違。〔生〕聊奉一觴。少當折柳。〔小生〕謹領三盃。以見雅情。〔生〕看酒過來。

〔梁州序〕〔生〕聖朝英傑。金蘭齟齬。道義交情兼盡。言而有信。須知隱顯同倫。幸喜帝心簡在。都闔河中。萬里威名振。金戈和鐵馬。壯儒紳。竚看弘施立大勳。〔合〕長亭上。金卮進。叮嚀執手還重問。傾蓋處。袂難分。

〔前腔〕〔小生〕羨英豪。一代人文。欣美質珠璣。言論看雙飛健翮。直上青雲。堪作國家梁棟。朝陞名卿。廊廟珪璋品。神飛千里外。望鴻音。雁帛鱗箋莫厭頻。

〔合前〕

〔生姜牙〕朱干彩轡。新馬揚塵。白旄黃鉞排成陣。威儀甚。法令存。軍聲迅。六師已整。人人奮。早馳士馬當前進。〔小生〕征期甚迫。告辭了。〔合〕河橋惜別在初春。知他甚日重親近。〔生丑下介小生行介〕

〔前腔〕遙觀日已曛。奔前村。飛花點點侵青鬢。鞭神駿。去似雲。霜蹄迅。肘中幸

有黃金印。行看一舉蘇民困。〔合前〕

〔尾聲〕烟村四五人家近。三匝歸鴉遶樹林。忽見清虛指甲痕。〔下〕

### 第二齣 探春

〔遶地游〕〔旦上〕新春節令。眼界多繁盛。守閨儀身閑心靜。獨奉椿庭。晨昏供敬。惟願取福壽康寧。〔如夢令〕滿日梅花清秀。正值元宵時候。記得舊年時。燈月交輝如畫。輻輳。輻輳。不覺滿懷情竇。奴家井氏文鸞。當二八之芳年。佩閨中之明訓。不幸母氏捐館。深荷嚴父提攜。靜處安閒。無他煩擾。時移物換。又值元宵。聞說洛陽燈市。十分華麗堪觀。已曾分付侍兒翠竹紅霞。前往尋消問息。爲何此時尙無回音。多因上林春色。迤逗女子閑心也。春困撩人。不免在此隱几少睡片時。〔睡介〕

〔仙呂點絳脣〕〔貼扮翠竹丑扮紅霞同上〕萬國咸寧。一人有慶。風光好。四海無驚。正值元宵令。

〔混江龍〕民安國正。堪誇海宴與河清。真個是文施經濟。又喜武定昇平。一霎

時斗回寅柄三陽泰。猛可裏律轉乾坤四序寧。桃符遣歲。爆竹傳聲。詩聯獻吉。頌句新清。將椒觴獻酒。以玉剪裁冰。春光都次第行節令。看他那錦繡六街三市。真個也勾引出柳徑花星。紅霞姐燈市且喜游遍。恐小姐等候多時。且回去罷。

〔油葫蘆〕早奉鸞娘法令行。爲探春離卻閨庭。一個兒步匆匆轉過小圍屏。一個喜孜孜走入繁華境。一個意閒閒觀看情和景。一個蟬鬢上簪滿了花蛺蝶。一個裙圍上妝砌小金鈴。一個眼內逗風情。一個心上添佳興。好姐姐只待要看花燈。

〔天下樂〕卻不道有個人兒側耳聽。專欲聞聲。俺怎肯再消停。只怕說小鬼頭貪頑不回應。進了這大門庭。轉過了翠柏亭。纔入紅香境。〔貼〕小姐在此打睡。〔丑〕這般春色惱人。虧他睡得着哩。

〔鵲踏枝〕爲春色可憎困。蘭閨女悞青春。苦春懷滿膺。廝索卻春和景明。道花姬動情。若不去玩賞呵。只怕白添上了朱顏鬢。〔內作鶯啼驚睡介旦〕打起黃鶯兒。莫教

枝上啼啼時驚午夢。欲待誦新詩。〔貼丑〕猛可裏夢覺流鶯。〔旦〕翠竹紅霞。你二人回來了。探得燈事如何。

〔元和令〕 〔貼丑〕報元宵大放燈。照樓臺羅綺明。一行行仕女佳人。一對對畫  
轂珠纓。千金笑。風流百種。萬喜與千欣。〔旦〕銀箭銅壺且慢催。玉關金鎖徹明時。誰人對  
月能閒坐。何處聞燈不見歸。好元宵燈景。與我細說一番。

〔寄生草〕 〔貼丑〕醉楊柳樓心月。歌桃花扇底風。香車寶馬爭馳競。調絲品竹  
聲相應。含宮嚼徵聲相稱。金吾玉漏暫時停。燈光月色頻遙映。〔外上〕花萼樓前

雨露新。洛陽城裏太平人。龍啣火樹千燈燄。地湧金蓮萬樹春。呀。女孩兒。你與丫頭在此講些甚麼。  
〔旦貼丑見介〕翠竹紅霞往探春信而回。只見十里紅樓。都是王孫仕女。六街館墅。儘多才子佳人。  
俺姐姐若去看燈。怕不壓倒紅顏翠黛。〔貼旦丑唱介〕

〔前腔〕龍閣下祥光映。鳳城中喜氣生。鰲山上萬盞金蓮鏡。天街上千朶芙蓉  
盛。大都中幾許遊人並。韻悠悠簫管最堪聽。整齊齊逐戶戶排春盛。〔外〕晉代風



流時俗以奢相勝。女孩兒既要看看燈。丫鬟相伴而行。與你金雀一對。藏在袖中前去。倘遇富豪姊妹。出此較勝也。見井王孫不乏珍寶也。〔旦〕多謝爺爺。〔貼丑笑介〕小姐卻是喜也。

〔尾聲〕團團月正明。皎皎燈光映。看簇簇遊人欣幸。朶朶花枝嬌顫影。喜孜孜樂昇平。又遇着熙熙節令。有多少俊佳人步月行。似飄飄廣瀛。如紛紛仙境。小姐你到其間呵。管取情欣欣笑語樂盈盈。

千門萬戶樂新春。

三五良宵月掛銀。

聞道洛陽燈似錦。

出門俱是看燈人。

### 第四齣 玩燈

〔生查子〕〔生上〕子夜萬花香。皓月清輝朗。欲去樂遊場。閒把情懷暢。鳳閣鰲山接漢。洪鐘畫鼓轟雷。一天星斗下樓臺。光映錦城霞海。蓮燭輝煌柳陌。星毬燦爛花街。揚鞭爭道五侯來。是處車填馬隘。小生前者山兄別去。不覺光陰瞬息。又值元宵。洛陽市上燈火異常。今欲步月觀燈。且喚家僮分付。彩鶴何在。〔小淨上〕自家名喚彩鶴。平生最喜耍樂。日間與相公執鞭。晚間與

相公暖脚。惹得他高興起來。取出一件東西。其實有些兇惡。頭子豹綻青筋。根下毛衣落索。他狠毒毒望裏邊一篙。俺忍着痛掏摸。也只是不倒金鎗。試把屁股扭上一扭。就像似螃蟹吐沫。官人有何分付。〔生〕今乃元宵佳節。洛陽市上燈火異常。可喚車夫。晚間駕牛犢輕車。月下接我回家。〔小淨〕曉得。

〔中呂粉蝶兒〕〔生〕燈市無雙。看了這燈市無雙。恍疑是海上山蓬萊方丈。好一個錦繡排場。遇良宵逢麗景。止不住心情豪放。俺這裏步步入花鄉。絕勝似紫絲屏障。〔下〕

〔泣顏回〕〔旦貼丑上〕勝概不尋常。一片銀蟾清朗。王孫公子。見佳人士女成行。珠簾翠幌。一團嬌斜倚雕欄上。喜孜孜攜手偕行。笑吟吟並偶成雙。

〔上小樓〕〔生上〕俺只見荷花燈上浴鴛鴦。恰便似神女會巫陽。愛殺他情聯比翼。永不分張。嫦娥真可想。伐木有吳剛。恨只恨這路漫漫。恨只恨這路漫漫。一霎時怎得嬋娟降。那能殼仙子下雲房。〔下〕

〔泣顏回〕〔旦貼丑上〕良宵三五好風光。大人家兒女。舉止端莊。乘鸞來去。望瓊宮玉闕。清爽賞心。樂事足歡娛。儼似遊蓬閬。煖溶溶春透屠蘇。冷瀟瀟竹舞琳琅。〔生冲上介旦下介生扯丑介丑〕啐。張釋之罵嗇夫。好個虎精。〔生〕未央宮貼梅粧。好個花面。

〔旦叫丑介〕紅霞。〔丑下介生〕好個姑娘也呵。

〔黃龍袞犯〕嬌滴滴上苑花枝。嬌滴滴上苑花枝。整齊齊越羅裳。窄勾勾步出金蓮。窄勾勾步出金蓮。玉纖纖素華在掌。知他是周鄭吳錢。趙李張。卻教我何處問行藏。恨匆匆叫着丫鬟。恨匆匆叫着丫鬟。聲杳杳不知何向。〔下〕

〔撲燈蛾犯〕〔旦貼丑上〕密層層綺霞圍夜屏。香馥馥錦雲藏春盎。閃爍爍簾幕垂。節錚錚玉鈎兒聲鏘。一朵朵梨花剪冰。一點點瓊宮裏滴玄霜。輕拂拂花梢弄影。亂紛紛忽驚簫管奏琳瑯。〔下〕

〔上小樓〕〔小生淨末衆上介〕碧澄澄天籟鳴。清靄靄錦城坊。俺只見月色溶溶。俺只見月色溶溶。夜色迢迢。天色蒼蒼。又只見簇簇花燈。又只見簇簇花燈。氤氳

輕霧彌彌輕漾。悄寒生。玉壺冰藏。〔衆扮鬼判舞上渾介〕

〔前腔〕〔衆〕險險險。傷搜判像。惡惡的夜叉形狀。舞舞出恨。蝠遲跳跳顯喜迎。龐。謳謳啞啞。笛聲嘹亮。喳喳的象板隨腔。支支的一派笙簧。咚咚的轟雷畫鼓。急尖尖。鑼鳴鉦擊響玎璫。

〔尾聲〕月團圓。人歡暢。滿地紗籠映月光。月有清陰花有香。

### 第五齣 擲果

〔字字雙〕〔丑上〕自家生得最清奇。標致聰明情性世間稀。伶俐女娘見我笑嘻嘻。搗趣相思害得藥難醫。非細。勝日好尋芳。燈光奪月光。慚予被人厭。只欲赴湘江。小子左

太冲的便是。家世洛陽。性習豪邁。甘爲紈袴。又恥白丁。張孟陽尙不見到。且在此間少待一回。則個。

〔前腔〕〔淨〕自家生得美容姿。俏麗冲天學問與山齊。得意終朝花酒把咱迷。耍戲十年身到鳳凰池。治器。午夜漏聲催。行蹤問者稀。天街游樂處。看盡百花魁。小子張孟

陽的便是。洛陽舊第。閨閣名門。食飽膏粱。衣多綾錦。今乃元宵佳節。昨約契友左太冲燈市游觀。如

何不見來。敢是失信了。〔見介丑〕人而無信。不知其可也。又云。與朋友交。言而有信。小弟在此拱候多時。〔淨〕特來邀你同行。〔丑〕去便去。有一件可惡勾當。〔淨〕有何可惡勾當。〔丑〕我昨晚在燈市回家。乘了一輛太平車子。與小潘兒並車而行。誰想那油頭粉面女子。看見小潘兒美貌。就將果子擲下。滿滿一車。〔淨〕你車中有多少果子。〔丑〕我車中到沒有一個果子。臉上到有三斤唾沫。〔淨〕怎麼臉上有唾沫。〔丑〕被那些女娘。一口口啐得我頭青眼紫。〔淨〕你沒有福分承受。又道是香唾贈知心。美人唾沫。難得上臉的。我昨晚與你不同。也會與潘岳並車。收了許多瓦屑磚頭。打得我頭青眼腫。〔丑〕你也不會享福。打者愛也。搥打翦刺燒。嫖經上寫得明白。依我想起來。還是那女子沒眼力。我是新竹長成不出林。空空如也。〔淨〕我如木瓜成果不堪嘗。屑屑云乎。〔丑〕我虎頭燕額。羞殺他臉似桃花。〔淨〕我鼠目獐頭。強似他面如傅粉。〔丑〕他惹得嗔呀脂粉氣。怎比我昂昂七尺拔山軀。〔淨〕他嗅的酥胸蘭麝香。怎如我磊磊兩條扛鼎手。〔丑〕吐津滿面。正好爲十姊妹刮涎。〔淨〕我瓦屑滿車。偏宜與衆泥水苦蓋。〔丑〕閑話休說。昨夜月色朦朧。所以不逢青眼。〔淨〕今乃元宵佳節。你看銀蟾皎潔。必然逢着知音。〔丑〕去去

更沒香車。〔淨〕走走休教落後。

〔六么令〕沒情沒趣。好交人心動神疲。古云逐物意方移。燈市裏共徘徊。耍圖擲果滿車去。〔下〕

〔普天樂〕〔旦貼丑上〕喜良宵。逢佳會。月團圓。人歡聚。燈光照。燈光照。遍徹清虛。儘傲遊。共樂雍熙。〔合〕呀。看紛紛似蟻。笙歌雜鼓吹。其實是陽春一布。萬物光輝。

〔朝天子〕〔丑上〕逞風流美儀。就月前轉迴。寶車兒碾得香塵起。投南向北。看穿東過西。俏多情。沿街立。看紅顏出奇。覷丰姿標致。笑兮倩兮。美日盼兮。只待果投來珍異。那個慈悲好善的奶奶觀世音。賞我一個果子殼兒。也不空交我走這一遭。〔小淨〕過來。老娘與你一個果子。與你一個黑溜倏蕎麥的餃餌。〔丑〕啐。強遭瘟。真沒趣。〔下〕

〔普天樂〕〔衆〕里中兒。知誰遇。唾面乾。全無愧。何方的。何方的。亡命頑皮。只載得明月空回。〔合前〕

〔朝天子〕〔丑〕過花溪柳堤。入錦叢繡圍。最可人噴鼻芳馨味。佳人仕女。看盈盈整齊。傾國姿多嬌麗。小姐。你看那壁廂潘安仁來了。取果擲之。〔旦〕取果子來。〔貼〕不會帶得來。〔旦背云〕不若就將金雀擲之。〔擲介生接金雀介生〕問因何笑嘻嘻。作如斯情意。可疑動疑莫妄疑。早難道意孚心契。羨嬋娟。皆知趣。〔下〕

〔普天樂〕〔衆〕白面郎。誠佳麗。真才俊。誇出世。燈月下。燈月下。悄立潛窺。恨殺他徑路無媒。〔合前〕

〔朝天子〕〔淨上〕見銀蟾散輝。喜花燈點齊。覷星橋火樹多奇異。綺羅叢裏。望霓裳羽衣。看嬌娥。皆修媚。逞堂堂貌儀。整花花冠髻。走回笑回還更回。早難道踏枝不遇。那個善菩薩。與我一個果子。也不枉空走了這一遭兒。〔小淨〕過來。老娘與你一個果子。〔淨〕什麼果子。〔小淨〕四楞方的板磚。拳頭大的鵝卵石。〔衆下淨〕打了脊梁。揣羞顏。忙回去。〔下〕

〔普天樂〕〔生上〕月明中。回家裏。羣擲果。知何意。方纔車上坐着。見許多女娘。悅吾容。

貌。以果擲之。果中又有金雀一對。但不知誰氏女娘。擲着這對金雀。真是令人可愛呵。寰中寶。寰中寶。曠世誠稀。似雙雙並蒂蓮漪。〔合前〕

月下車回果滿盈。

果中金雀事難憑。

東邊日出西邊雨。

莫道無晴也有晴。

### 第六齣 議姻

〔海棠嬌〕〔旦上〕春風吹綠鬢。一番花柳更新。草色雜苔痕。〔貼丑〕輕烟飛霧

潤條紅。上巳佳辰。嗟瞬息。歎逡巡。滿街楊柳綠絲烟。紅出青春二月天。〔貼丑〕好似隔簾

花影動。女郎撩亂送鞦韆。〔旦〕翠竹紅霞。元宵已過。又遇上巳之時。不覺紅點桃斑。青歸柳眼。光

陰梭擲。好景催人。但前者玩燈之時。老員外曾與金雀一對。帶往燈市。只因人烟湊集。一時失去。不

知落在何人之手。你兩個妮子。也不替我尋一尋。俺爹爹問及如何回答。〔貼〕那金雀有翅兒的。

看見風流才子。年少兒郎。一飛就飛到羅衫袖兒裏去了。叫翠竹那裏去尋。〔丑〕你看這丫頭好

生胡說。金雀生得嘴尖。臉兒厚。丟的忒會丟。湊的忒會湊。不必巧遮藏。已露真情寶。〔旦〕休得多



言員外若問。只說失落燈市中便了。

〔一江風〕〔旦〕惜芳辰。荏苒韶華迅。已是清明近。好催人。只見嬌鳥啼花。對景歌新韻。欲探金雀音。欲探金雀音。知他屬那鄰。女兒家自是言當慎。

〔前腔〕〔外上〕掩重門。無可消閑悶。不語微微哂。〔見介〕女裙釵當紉金鍼。爲

甚多唇吻。〔旦〕孩兒荷承爹爹。將金雀一對。帶往燈市。不料游人甚多。不知失落何所。方纔在此

埋怨丫鬢。不意爹爹聽見。〔外〕我兒。我與你金雀一對。失落於燈市中了。〔歎介〕可惜可惜。無

端失寶珍。無端失寶珍。令吾心似焚。癡兒爲甚忘存慎。丫頭。伏侍小姐入繡房中去。

〔旦〕磨穿鐵硯非吾事。繡折金針卻有功。〔旦下外〕莫信直中直。須防仁不仁。我想女孩兒年已

及笄。未曾婚配。自從元宵節後。頗覺顏色支離。不若與他擇一佳婿。成就永世姻盟。養膳我暮年甘

旨。豈不是全美之事。院子何在。〔末上介〕堂上聞呼喚。階前聽使令。老爺有何分付。〔外〕小姐

年已及笄。未曾婚配。你可傳示衆多媒婆說。并王孫家就此吉辰擇婿。凡洛陽才俊。願入東牀者。賦

文鸞詩一章。投入笥匣之內。我這裏擇其善者而從之。白歲姻盟定矣。〔末〕小人理會得。〔外〕你

且聽我道來。

〔馬不行〕〔外〕欲議良姻。之子于歸。在吉辰。須是才堪班馬。志可屠龍。要步青雲。文鸞詩若也。賦清新。鴛幃便可諧秦晉。〔合〕才子佳人。一雙兩好。言當信。

〔前腔〕〔末〕示語諄諄。卽去傳言媒妁們。管取門當戶對。女貌郎才。契結朱陳。洛陽才子豈無人。不須徒歎花如錦。〔合前〕

匹配姻親不偶然。

須知月老有紅牽。

弱冠當諧及笄女。

謀事在人成在天。

### 第七齣 定婚

〔麻婆子〕〔丑上〕有詩有詩多才調。仲尼說我學問高。有貌有貌多俊俏。陳平

說我最風騷。新大褶。皂羅袍。方巾四角帶兒飄。捲簷金頂纏梭帽。何必文章教爾曹。打聽豪門招女婿。粧扮風流真可異。若還遇着小登科。不枉爲人過一世。自家左太冲是也。年方三十。只因貌陋。不曾娶妻。幸有井王孫家。撥天財物。無子傳宗。止生一女。名喚文鸞。容貌十分標

致。如今擇婿成婚。但要作一首文鸞賦。我夜來作得一首。試念一番。〔念介〕文鸞哥。形像類天鵝。尊翁是老鶴。阿伯是仙鶴。青鷗爲母舅。鴻雁係親哥。沙上鷺鷥枝上鵲。子子孫孫共一窩。嘖嘖好詩。此事決然成就。這般好事。不可與張孟陽說。他若知道。定然搶我的買賣。往後街抄過去便了。莫道夜眠清早起。須知還有不眠人。〔下淨扮張孟陽上〕

〔前腔〕有才有才誠高妙。淵明見我便折腰。有容有容誠清造。子瑕說我類宋朝。豪家女把婿招。千歡萬喜擺搖搖。一場好事天來到。指日乘鸞吹鳳簫。自家

婚配皆數定。相女配夫有輕重。若求才貌兩相當。只要中間一條秤。我張孟陽自從失偶。尙未續絃。且喜井王孫家招婿。只要文鸞詩一章。我昨晚作詩一首。待我念念看。〔念介〕文鸞姐。姓名聞朝野。身穿五色衣。顏色光皎潔。鳳凰尋着他。兩個情牽惹。生下一堆兒。鬧吵吵。拉的拉。扯的扯。噫。好詩。好詩。此去決然停當。這樣好事。不可令左太冲曉得。若曉得。他必然爭競。不免暗地前去。瞞過他使了。

〔罕地錦襠〕〔淨〕時光明媚值春朝。雲淡風輕景色饒。〔丑上〕風流瀟灑讓吾

曹何必求筮討六爻。

〔淨撞丑頭介丑踢淨脚介丑〕

是那個頭頭撞着。〔淨〕是那個脚手牽

纏。〔丑〕元來是張孟陽。

〔淨〕元來是左太沖。〔丑〕

穿得這樣齊整。往那里去。

〔淨〕我去拜

新客。你打扮得這樣齊整。須欲何往。

〔丑〕我去見貴人。

〔淨〕這般說。走路與鋤田的話不相同。

〔丑〕兩人共一個枕頭。各自做夢。請了。

〔丑〕你說不與我同行。怎麼走到這里來。

〔淨〕你說

不與我同行。怎麼又撞這街上來。

〔丑〕二者病則一般。

〔淨〕兩意不可相瞞。兄弟實對你說。你

可是井王孫家獻賦。〔丑〕哥可是井王孫家獻詩。〔淨〕好兄弟。不要參商。放和氣些。大家合夥前去。

選中你。我做貼戶。選中我。你做幫丁。娶到家中。我睡上半夜。你睡下半夜。〔丑〕休得戲言。大家前去。

〔前腔〕名家有女貌妖嬌。疑是嫦娥下九霄。洛陽年少兩英豪。同到他家把壻

招。〔並下末捧盒上〕

擲柳遷喬太有情。名姬清潔玉壺冰。洛陽三月春如錦。分付裁詩着意人。小人

井王孫家院子便是。今乃清明吉日良辰。與我文鸞小姐擇壻。凡是洛陽城中年少子弟。都來投獻

詩章。早晨收得一百五六十封。員外看了。俱不中意。如今再將金絲果盒兒。放在此處。且看緣分如

何呀。前面又有許多年少子弟來了。

〔出隊子〕〔生小生淨丑衆上〕清明節到。清明節到。寒食春歸御柳條。風輕雲淡。

日輪高。發盡紅芳小碧桃。同到豪家。把姻親贅招。〔末〕列位詩章。請投此盒。〔生〕

潘岳敬獻詩章。〔小生〕小生葛芹斷。謹投短韻。〔丑〕左太沖有詩一首。〔淨〕小子張孟陽。投

詩一律。〔末〕列位相公少待。小人捧盒與老爺看。便有回音。〔丑〕老管家。左太沖一章。放在上

面。攛掇一二。〔末下介生〕列位。你看王孫門戶。好生齊整。〔丑〕潘安仁呀。我和你什麼冤家對

頭。你不該與我同來。〔小生〕怎麼不該來。〔丑〕有我這般俊。不顯他醜的。古言道得好。嫖莫帶

俏。〔淨〕他來陪貢。沒他分的。〔生〕休得戲言。

〔前腔〕〔衆〕豪門深奧。豪門深奧。庭院無風花自飄。綠窗朱戶雀屏高。活潑盆

魚趣自饒。一帶清溪流出小橋。〔末上〕佳章諧鳳侶。新韻合鸞儔。老爺說道。列位相公俱不

敢請見。只請潘相公談詩。〔淨〕罷罷。井王孫家有眼色。留了古往今來天下有名的一個標致孤

老。左太沖。我和你二人好生沒趣。〔丑〕張孟陽。就是前者元宵車上。收了唾沫磚頭。今日招親。撞了

扶牆摸壁。咱兩個久戀洛陽。料想敵不過潘安仁之貌。不如到他方去。做一個販唾沫的客人。〔淨〕

我也出外。做一個收磚頭的財主。〔衆〕此處不留人。更有留人處。〔並下末上〕潘相公。老爺有請。

〔引〕〔外上〕喜遇英豪。成就宜家宜室好。叫院子請潘相公上堂講話。〔生見介〕老大

人請上。容小生拜見。〔外〕不勞。〔生〕小生閭閻豎子。唐突高門。敬觀宮牆。不勝欣幸。〔外〕洛

陽才子。名下無虛。細玩佳章。自生健羨。〔生〕拙作愧不成章。〔外〕鸞詩不同俗調。中二聯棲竹

鳴梧之句。對偶極佳。深得風人之旨。老夫德薄。有女及笄。今獲才郎。終身有託矣。伏惟不棄。永結絲

蘿。〔生〕多承雅愛。但小生呵。

〔啄木兒〕庸愚輩。孺子曹。難配名門閥閱高。那西池解語文鸞。豈東方鳴谷鷗

臬。〔外〕不須過謙。但求些須聘物。庶小女子歸有名。〔生〕多承不鄙。諧姻好。止有良工

鑿就黃金雀。權作湘江解佩臬。〔外〕呀。這對金雀。前者元宵。老夫與女孩兒帶往燈市。不知

失于何處。今潘郎出此爲聘。自渠失之。自子得之。始信姻緣非偶。天意有在矣。可喜可喜。

〔前腔〕〔外〕見金雀。喜倍饒。前定姻緣不可逃。聽和鳴韻叶關雎。看麟趾永遂

桃夭。人緣偶就天機巧。青春成就鸚鵡好。我也不慮頻頻華髮蕭。院子。後堂快呼

兩個丫鬟來。〔末喚介〕

〔二段子〕〔貼丑上〕前廳語招急趨踰。恭承服勞。〔看介〕偷睛暗瞧。呀。是月車

郎。堂堂俊髦。〔見介〕丫鬟叩頭。〔外〕可將這金雀與小姐收下。乃是潘相公聘物。〔貼〕待我

送去。〔背唱〕郎才女貌真合調。一時入幕賓來到。小姐不枉擲果之間。情牽意

牢。〔下外〕賢婿今日暫回。老夫擇日奉迎合巹。〔生〕

〔滴溜子〕蒙不棄。蒙不棄。星媛下招。承台命。承台命。曷勝雀躍。〔外〕玉潤冰清

絕妙。何須月老邀。翁先成造。指日乘鸞。共鳴九霄。

〔尾聲〕天台有路通蓬島。絕勝裴航碾玉膏。雀聘應全駕鵲橋。

一首鸞詩着意裁。  
兩家男女遂和諧。

姻緣本是前生定。  
千里紅絲繫足來。

## 第八齣 投箋

〔末扮旗牌上〕鐵騎橫驅湖海塵。金戈直指障天雲。不知南北功多少。羞作麒麟第二人。末將乃

鎮守河東都督山爺麾下旗牌是也。俺老爺蓋世功名。超羣武略。看他爲盛世名臣。常欲作山林野士。此乃人各有志。志各不同。大抵名公夙成蘊藉。非俺輩所能深知。且在轅門伺候。則個忽聽金鼓聲喧。已是山爺升帳了。〔小生扮山濤衆隨上〕

〔菊花新〕耿耿心懷一寸丹。欲成大用濟時艱。孫武袖中看。不負名題簡翰。承命辭金闕。長軀握虎符。劍剗分巨蟒。馬足蹀晨鳧。列陣同山島。屯營作亞夫。太平無以報。願上萬言書。下官久欲放情山水。不意天子下詔寵頒。目今鎮守河東。且喜征塵不動。羽騎不飛。永息狼烟。稍閑士馬。有契弟潘安仁。今欲請來。與他遨遊名峪。昨晚燈下。修成書箋一封。不免差官前去。叫旗牌官傳令。喚差官進來。〔末〕得令。喚差官何在。〔丑扮差官忙上介〕

〔皁皮鞋〕鬢兒斑。背兒彎。腿痛腰疼行路難。長吁短歎自悲酸。要求致仕養家

難。〔見介小生〕差官老了。〔丑〕差官不老。〔小生〕既不老。怎麼髮都白了。〔丑〕差官頭髮雖

白。心裏卻是黑的。〔小生〕如今差你送書。你可去得。〔丑〕求寬限幾年。〔小生〕方纔說不老。

怎麼說寬限幾年。〔丑〕小官若到洛陽。背折腰彎。往還須得五年。〔小生〕胡說。此書送至洛陽



潘安仁相公處投下。

〔好姐姐〕洛陽遠隔數關。思故友。特傳雲翰。公差遠涉。須當勿憚煩。〔合〕宜急返。天涯兄弟垂青眼。莫爲崎嶇行路難。

〔前腔〕〔丑〕領文非同等閑。這差使自然經慣。星移電走。洛陽聞杜鵑。〔合前〕

領命別河東。

洛陽有路通。

雲箋書一紙。

道路萬千重。

### 第九齣 成親

〔生查子〕〔外上〕徹底映冰壺。更喜恢弘度。佳婿近乘龍。與我光門戶。無子繼

書香。心中暗慘傷。幸欣容德女。配此寧馨郎。院子何在。〔末上〕人隨皎皎金波月。輦帶錚錚玉柳

風。百輛寶車珠箔捲。千條紅燭絳紗籠。〔外〕今乃良辰吉日。昨日命你喚下賓相。可曾到否。〔末〕

已在廳前伺候。〔喚介淨上〕全仗周公禮樂。讚成秦晉歡娛。賓相見老爺。〔外〕小姐今日配與

潘生。敢煩先生讚禮。〔淨〕當得效勞。良時已到。就請二位新人參拜天地。伏以秦樓年少真淑女。

漢苑風流傅粉郎。移步尊前行吉禮。匆匆佳氣滿華堂。

〔前腔〕〔生〕傳報喜天緣。銀漢橋橫渡。〔旦〕環珮自風清。雲鬢輕籠霧。〔淨〕一

對新人牽出來。〔末〕怎麼說。〔淨〕絲幕牽紅。同上花氈。先拜天地三界。〔拜介〕拜。興。次拜太

山高堂。〔拜介〕夫妻對拜。禮畢。請揭方巾。撒帳東西南北中。二三五點喜相逢。飽學相公穿着綠。

多嬌小姐滿身紅。傳芳堂上行家禮。聚景軒前飲玉鍾。喫得七紅沉醉後。牢拴緊閉暖屏風。明年生下五男并二女。一家和氣暖溶溶。撒帳已畢。賓相請出。又有花紅。又有酒喫。〔下〕

〔錦堂月〕〔生〕婚賴鸞書。姻盟帝府。光彩喜增門戶。玉潤冰清。樂事早從天付。

幸絲蘿松柏交扳。羨美玉蒹葭倚附。〔合〕同歡晤。真個是義結朱陳。姓交齊魯。

〔前腔〕〔旦〕得助。獲配名儒。慚非淑女。金雀已占前數。百歲良緣。願取唱隨同

步。郎不忝朱履簪纓。妾自愧荆釵裙布。〔合前〕

〔醉翁子〕〔旦〕休負。向芸窗勤磨月斧。親看嫦娥。早登天府。〔生〕良晤。但學淺

才疎。不是名朝君子儒。〔合〕齊歌舞。聽譙樓頻傳銀箭。漏滴銅壺。

〔僥僥令〕

〔衆〕

銀蟾光盡吐。人世照雙珠。花燭交輝。歡娛處。恰便似效鸞凰。

棲碧梧。

〔尾聲〕笙簫冷咽良宵度。女貌郎才天下無。惟願和鳴永翕如。

洞房花燭小登科。

桂室蘭閨喜氣多。

貯看螽斯雙叶慶。

九苞佳夢勝南柯。

### 第十齣 守貞

〔卜算子〕〔貼扮巫彩鳳上〕簾外雨初晴。鶯聲入夢驚。落花飛絮總關情。怪得春

來多病。愁脈脈。淚盈盈。

翡翠屏開繡幕紅。堪憐名籍教坊中。微雨小亭偏寂寞。海棠凝淚倚東

風。奴家巫氏。小字彩鳳。年方二八。尙未適人。芳澤頗佳。覽鏡自憐。傾國色。繁華不染。向人羞作倚門

粧。白負守貞處子。身偶墮於烟花。心傷薄命佳人。情不耽於聲色。幸喜歌妓數人。趕趁而去。鴛兒龜

子。相繼淪亡。所以奴家得全素志。但苦身墮淤泥。被無賴子弟。常時鬧吵。不知何日方是出頭日子。

清晨無事。不免喚碧梧焚起香來。撫弄瑤琴一番。以消清暇。多少是好。碧梧何在。

〔字字雙〕〔小淨扮碧梧上〕小小花奴巧粧成。潔淨一心只望脫風塵。執性東鄰

西舍。按歌聲堪聽。吾家門戶冷清清。沒興。〔貼〕一壁廂裝香過來。待我撫瑤琴一番。消

遣情懷。〔小淨裝香介〕清商調綠綺。香篆裊金猊。

〔懶畫眉〕〔貼〕金猊香裊午風輕。綽注吟猱指下生。移商換羽峽猿驚。歌彈流

水高山調。舉世寧無鍾子聽。〔撫弄琴介〕

〔雙勸酒〕〔淨丑末外同上〕不耕不種如臬如獍。博友酒朋。氣求相應。章臺柳色

正青春。恃豪強隨意猙獰。〔丑〕自家左太沖是也。〔淨〕自家張孟陽是也。〔外〕自家梁

國手是也。〔末〕自家蓋禪師是也。〔淨〕左太沖。我和你離了洛陽。來到這裏。幸遇梁太醫蓋禪

師。十分契合。今日清明時節。同到翠館一游。但不知此處是那個姊妹家裏。〔外〕來此是巫彩鳳

家裏。他是個絕標致女子。未曾梳籠過的。彈得好琴。你聽裏面琴聲嘹亮。有趣。〔淨〕這等我進去

梳籠他。〔丑〕我便復帳。〔外〕小子幫閑。〔末〕貧僧撮合。就此叫開門。〔小淨〕是誰。〔末〕

阿彌陀佛。是貧僧。〔小淨〕清晨早起。就來抄化。〔末〕不是抄化。送兩個知趣幫襯的孤老。與你

彩鳳姐。〔小淨〕我姐姐誓不接客。免勞下顧。〔丑〕下顧下顧。也不須推故。久聞巫彩鳳緊閉幽  
閨花戶。〔淨〕我們年少風流。此是青樓道路。今來梳籠成婚。請他上牀脫褲。〔淨〕我的掛斗粟  
而不垂。〔丑〕我的形如剝兔。只恐你姐姐喫虧。帶了這太醫調護。〔小淨〕出去出去。〔丑〕出  
去。不會進來。便推出去。〔外〕巫娘拜揖。此是張左二位相公。遠從洛陽來此游玩。久慕芳容。特來  
造拜。案上有瑤琴。請彈一曲。〔丑〕彈個四句半我聽。〔淨〕拿過三絃子耍一耍。〔末〕到是普  
庵呪兒爲奇。〔外〕不如生藥名兒絕妙。〔小淨〕我姐姐知音彈與知音聽。〔丑〕哇。胡說。小娘  
家拿班做勢。我們乃是洛陽才子。年少風流。非比庸夫俗子。與我相交。絕是有道理的。〔貼〕你是  
洛陽才子。料不如擲果潘安仁。〔淨〕呀。潘生之名。傳揚天下。所以女子皆知。姐姐你不曉得。我是  
潘安仁前輩。〔貼〕潘安若比尊前貌。擲果車來無豔粧。〔丑〕我二人只因衆女娘擲得果子太  
多了。這副粉妝成玉碾。就一對標致臉兒。打上許多痘疹癩。望賢姐不棄。早遂于飛之願。

〔駐雲飛〕〔貼〕不用閒爭。我是美玉無瑕。豈玷蠅。心地常清淨。一片如水鏡。嗟。  
野蔓與閒藤。休思淫奔。獨守閨幃。不似楊花性。若要相逢。除再生。〔下〕

〔前腔〕〔衆〕行濁言清。仔細思之實可憎。走遍煙花境。誰不相親敬。〔小淨〕是

那個敬你。〔丑〕他愛我軟款情懷。〔淨〕他喜我溫柔情性。〔丑〕他道我歪唇缺嘴。如海螺歪斜

嵌珍珠。〔淨〕他道我麻面鬢鬚。如羊肚石倒栽蒲草。〔外〕他道我四時春藥。千金不倒之方。〔末〕

他愛我上下光頭。通宵徹夜之妙。你與姐姐說。不要輕慢人。嗟。何必恁相輕。這般薄倖。冷面

如冰。視我如梟獍。只教你蕭牆禍必生。〔小淨〕列位相公。在此花亭少坐。待我將言語徐

徐勸動姐姐。成就也不見得。〔衆〕言之有理。借你花亭取樂一回。你進去叫你姐姐看些好茶來。

取些小菜與我們喫酒。〔小淨〕閉門不管窗前月。一任梅花自主張。〔下淨〕掃興。這等標致的

小娘。怎麼不肯接人。〔丑〕張兄。他要高擡時價。做出如此行藏。我們只在此花亭飲酒。要他出來

相陪。〔外〕還是左兄言之有理。極是曲體人情。〔末〕我們就在此花下玩賞一番。那巫彩鳳定

然出來相陪。且看酒過來。〔飲酒介〕

〔前腔〕〔衆〕小小園亭。別是幽奇可適情。假石堆山徑。花木多繁盛。嗟。數點遠風清。霞天相映。寫入丹圖。妙似蓬壺境。樂以忘憂世念輕。〔小丑扮皮篋箛上〕酒

是人間祿。神仙祖代留。春爲花鬪巧。日夜好風流。三盃和萬事。一醉解千愁。若無花共酒。孩童白了頭。小子皮筴箝便是。平日無他活計。專要白喫人的東西。適間看見梁太醫。蓋和尚哄了兩個惡少年。到巫彩鳳家去了。不免播將去。白喫他一頓。多少是好。〔見介〕四位請了。恕小子來遲之罪。〔外〕足下並不相識。沒有奉請。何故言遲。〔小丑〕小子叫做皮筴箝。向者已曾奉擾過的。就忘懷了。〔末〕不請自來。真爲可笑。〔小丑〕老蓋你喫十方的。我喫二十方的。道路各別。養家一般。何故斷人咽喉之路。〔丑〕兄不必如此說。酒肴頗有。任你喫就是。〔小丑〕此公有趣。四海之內。皆兄弟也。在家不會迎賓客。出外方知少主人。知兄大量寬弘。疎財仗義。〔飲酒譚介〕飲一盃精神康健。飲二盃筋力不衰。飲三盃有喜有慶。飲四盃無病無災。飲五盃朱顏不改。飲六盃世不白頭。飲七盃增福增壽。飲八盃滅罪消災。飲九盃官居一品。飲十盃掛印封侯。賣藥的。一個月多看他四五樣。蹊蹺大病。做和尚的。七晝夜水陸道場。〔淨〕如此巧言奉承。不中用的。只行我們一令。憑你喫醉就是了。〔丑〕請發號何如。〔淨〕要個天。要個地。要個廿四。要個不怕你。要個古人不如你。〔丑〕小子便說。天有酒星。地有酒泉。家有廿四樣河清酒。嘗也不怕你。聞也不怕你。〔淨〕那個古人。〔丑〕

杜康不如你。儀狄不如你。〔淨〕小生便說。天有龍肝。地有鳳髓。家有廿四樣珍羞味。煎也不怕你。

炒也不怕你。〔丑〕那個古人。〔淨〕易牙不如你。陳平不如你。〔外〕小子便說。天有天南星。地

有地骨皮。家有廿四樣君臣藥。病也不怕你。疾也不怕你。〔末〕那個古人。〔外〕盧醫不如你。扁

鵲不如你。〔末〕貧僧說。上有天堂。下有地獄。家有廿四衆付應僧。吹也不怕你。打也不怕你。〔外〕

那個古人。〔末〕釋迦佛不如你。觀世音不如你。〔小丑〕妙妙。請酒。〔衆〕說得纔喫。〔小丑〕

天不生無祿之人。地不長無根之草。家有廿四層樺皮臉。羞也不怕你。罵也不怕你。〔丑〕那個古

人。〔小丑〕柳龍卿不如你。胡子傳不如你。〔衆〕你的令祖令兄是喫白東西的。都元帥請喫請

喫。〔小丑〕我們喫個流星趕月如何。

〔前腔〕〔衆〕趕月流星。好酒斟來五六瓶。果子無餘剩。魚肉都乾淨。〔小丑〕嚙。財

主要天生。飽餐高興。盛擾尊前。感激情難盡。明日還來續此行。〔下淨笑介〕皮筴

筴喫得精空。何以取樂。〔末〕這個皮筴筴。欺貧僧妓館飲酒。故此放膽白喫。如今城西新蓋一所

五道將軍廟。十分齊整。又且僻靜。我們將此酒肴。到那裏行樂一番。〔小丑暗聽介衆〕就此前行。



欲避猖狂士。須投古廟中。〔共下小丑〕殺人可恕。情理難容。這個禿狗骨頭。這等可惡。如今攜了酒。到五道將軍廟裏去了。我不免去到那裏等他。〔走介〕好廟宇。上面奉着五道將軍牌位。誰家捨得袍帶盃在此。我有道理。不免將此衣帽穿戴起來。扮做五道將軍。待他來時。一頓撞將起來。喫酒。有何不可。〔衆攜酒盒上〕略行三五步。咫尺到廟堂。〔丑〕來此廟中。這神像塑得甚好。將酒過來。先祭神。然後取樂。〔衆〕我們大家一拜。〔小丑喫酒衆拜介〕好靈神。這菩薩元來是個活的。快將酒過來斟。〔末〕元來是皮篋筍。〔小丑〕這是四位願與我喫。不是白喫你的。請了。〔衆譚介下〕

## 第十一齣 分雀

〔謁金門〕〔旦上〕驚時變。自覺心如懸箭。方痛椿庭哀未展。又誦離鸞怨。〔貼〕深幸鴛幃繾綣。忽報畫眉人遠。別酒纔斟紅雨線。忍見縈牽。〔旦〕怕捲珠簾下玉鈎。

依前春限鎖重樓。風裏落花誰爲主。思憶鴛鴦恨轉悠。〔貼〕青鳥忽傳雲外信。鸞皇驚散合歡儔。眼看東西景。共把淚痕流。〔旦〕奴家蒙爹爹大恩。招贅潘安仁爲婿。正欲盡甘旨。少申孝思。誰想

二豎爲殃。昊天不憫。老父一時疾作。身歸泉府。雖則祭葬以禮。中心難止悲傷。今潘安仁又接山公書札。急欲赴召。意圖進取功名。但功名大事。不可強留。翠竹。你可收拾行李。備辦酒筵伺候。〔貼〕

小姐。一應事體。俱已完備。但小姐如今雖則放相公遠行。倘一朝鬆金釧。減玉肌。那時追悔莫及。不若依翠竹說。留相公在家的好。〔旦〕說那裏話。

〔園林好〕功名事。非全偶然。何須慮離鸞拆鴛。但願得鵬程鷲薦。歸來日。永團圓。夫和婦。拜蒼天。

〔江兒水〕〔生上〕契友書投至。心交情意堅。匆匆行色難留戀。一肩負得琴和劍。陽關三疊情無限。怕聽驪歌聲轉。淚溼絞綃。頃刻化成冰霰。〔見介旦〕相公。我

和你鳳儔乍協。鴛枕初溫。不意先父大事甫完。山公書劄忽至。相公之去意甚殷。賤妾之寸心實亂。惟冀早圖進取。銳志前程。君家身上青雲。休使奴有白頭之歎。則妾幸矣。〔生〕小姐說那裏話。

〔五供養〕姻盟非淺。這金雀雙雙。實係有緣。良宵諧鳳卜。新韻叶鸞箋。〔旦〕月車欣見。不料永諧姻眷。今朝雖忍別。有日整歸鞭。萬里青雲。必須黽勉。〔生〕前程

之事。不須小姐叮嚀。有潘安仁之才。何難畫錦榮歸。但與卿分手。不能朝夕相對。以爲恨耳。〔旦〕君之心卽妾之心。奴今將金雀一對。分而爲二。各收其一。時復玩之。身雖兩隔天涯。君之見妾。猶妾之見君矣。〔生〕小姐言之有理。便當各留其一。

〔玉交枝〕雀分人遠。兩情傷。心牽意懸。古來曾合延平劍。又還聞浦水珠旋。天涯頃刻愁怎言。長亭筵。望鬆金釧。須早寄魚書雁箋。苦分襟斷鴻飛燕。

〔川撥棹〕〔旦〕盃相餞。兩情濃。惜斷絃。看雙雙玉筍潸然。看雙雙玉筍潸然。一寸愁腸已似剗。這離愁有萬千。那離愁有萬千。

〔尾聲〕〔生〕西風馬繫垂楊畔。早向長途趲玉鞭。直待一舉成名返故園。

金雀輕分兩別離。未知何日是歸期。

丈夫事業當恢廓。萬里雲程及早時。

## 第十二齣 指引

〔梨花兒〕〔丑上〕巫家彩鳳真嬌豔。教坊獨把聲名占。我心欲要效鸚鵡。啖。冤

家不肯相憐念。自家左太沖便是。鵲突過了半生。常效顰于西子。每甘食于侯鯖。老父乃皮臉長老。我祖是哺啜巨卿。相處的是羣丟潑打。使動的是幫閑志誠。往旺處飛的鴿子。不知趣的蒼蠅。只因與潘安仁鬪美。被他壓下八九十層。沒奈何走到河中。大郡看上巫彩鳳。嬈娜娉婷。欲要與他鸞交鳳友。月下老未定姻盟。總休題假紅倚翠。不能勾取樂調情。止不住滿懷春興。只得去曲意奉承。當時雙膝跪下。說前世娘。可憐見。賞我一個美甘甘香噴噴櫻桃小口。他就劈面一把掌。說誰看上黑魃魃臭哄哄解手茅坑。我着了惱。跑起來。拉朋友往外便走。又撞着皮笊筊沒廉恥的。白白喫了許多果盒春盛。這肚子裏不出頭悶氣。難以消受。怎得個賽太歲。把歪辣骨。弄得他七星八零呀。那壁廂有個公門牌子哥來。我且在此看他說什麼。

〔前腔〕〔淨扮公差上〕公門走卒心如箭。飲酒貪花無足厭。終朝喫了賺銅錢。嚙強似開個招商店。自來生得粗暴。三代流傳家教。父親見當鋪兵。哥哥善能擡轎。惟有小子多能。投充都府快皂。打人不敢回手。官府讓我前導。腰懸三股麻繩。手執一張火票。有錢的假意商量。無錢的苦死鬧吵。朝廷說我賢能。勅賜這頂毡帽。總然犯法違條。滿拚棄此官誥。〔笑介〕今日頑是

頑笑是笑。有這樁公事在身。教我如何區處。〔丑上見介扯介淨〕哇。走開。不要扯壞了我這一件。

斗陞五皂羅袍。〔丑〕怎麼斗陞五。〔淨〕我對你說。我的出身。我起初是一個館驛中役助皂隸。

只因山爺在館驛拜客。我在那裏捧茶。山爺說我中用。將我一陞。陞做捧茶皂隸。捧了三個月。陞職做後堂隨衙皂隸。該我伏侍奶奶。說皂隸去傾馬桶。我到衙中。七大八小傾了刷了洗了。十分乾淨。中了奶奶意。與山爺說。將這個傾馬桶的皂隸陞一陞。陞做一個燒火的皂隸。我就往廚房到任。且是燒得好火。老爺說又該陞了。陞我做聽差皂隸。昨日方交代。今日就有差。〔丑〕哥甚麼差。〔淨〕

你不曉得。我們這個山爺。與洛陽潘相公交好。前日差官送書請他。說道將已到此。傳令辦了許多

酒席。分付我喚官妓侍酒。實不相瞞你說。平日不曾走花街柳巷。又且不曾叫過牌票。爲此心下十

分難處。〔丑〕牌頭。這個何難。小子雖是異鄉來你河中。每日專在花街裏行走。但是出色小娘。我

都知道。〔淨〕這個沒奈何。指引指引。〔跪介丑〕請起來。既是老爺分付。要標致官妓。你叫了醜

的去。就不停當。卻有一說。那粉頭都將一等答應官府的搪塞。好的都躲了。如今你回去稟過山爺。

說河中第一官妓巫彩鳳。年紀幼小。聲色俱全。將火票填他的花名。緊緊藏入袖中。明日叫他去。管

取山爺喜歡。還要高陞你。〔淨〕這個難爲兄長指教。我今日進去稟。明日便來拘喚。〔丑〕是則是。你這般去。就是一千個巫彩鳳。也沒有與你看見。〔淨〕怎麼去。〔丑〕他有個丫頭。名喚碧梧。生得聰明伶俐。兩扇門兒。逐日閉着。但有人叫門。他從門縫兒一看。聽說是公門中的人。巫彩鳳怎麼與你看見。小生這頂方巾。一領道袍。借與你粧做個斯文的相公。只說到他家喫茶喫酒。那時在前廳坐下。不消一個時辰。巫彩鳳必然出來行走。出其不意。撞個滿懷。取出牌票。一條麻繩。套在頸上。猶如溜狗一般。豈不妙哉。〔淨〕好計好計。難爲盛情。同到酒肆內草酌三盃如何。〔丑〕還是小弟請兄一個大醉。換了方巾衣帽。明日行事。

〔大趂鼓〕〔淨〕都爺號令嚴。花名火票。硃印書僉。名姬聞說多嬌豔。這番難說費心田。〔合〕共飲三盃。休得太謙。〔豪飲笑介〕

〔前腔〕〔丑〕巫姬貌甚妍。金蓮窄窄。玉筍尖尖。若教陪侍明公宴。不須問卜與求籤。〔合前〕

火票喚多嬌。

官差莫憚勞。

不因漁父引。

怎得見波濤。

### 第十三齣 喚妓

〔普賢歌〕〔小淨上〕門庭寂靜故人稀。空有園林花木奇。塵朦粉與脂。空閑牌與棋。絃子琵琶高掛起。碧梧生得苦命。鳳姐恁般情性。不肯梳籠留人。只要守清愛淨。奴家嘗不着鷄腳魚頭。看不見銅錢銀錠。最苦是半夜三更。隔壁姐兒淫聲難聽。急得奴家無可奈何。只得將八寸景東人事助興。今日倘有撞寡門的來顧。只得與他厮弄。

〔前腔〕〔淨〕三盃捉月軟如泥。五斗朝天百事宜。方巾四角齊。道袍更出奇。強似公門當皂隸。自家卜胡便是。承老左指教。今早稟過山爺。將牌票填了巫彩鳳名字。今去喚他。恐他多方躲避。所以穿戴老左的方巾道袍。扮做斯文模樣。只一件。當慣了門戶的人。伸手縮脚。好不自在。怪不得蔡伯喈老先生說。穿的是紫羅襪。到拘束我不自在。噯。真個是狀元之才。出口成章。喫了幾盃酒。不覺醉了。說話之間。已到巫彩鳳門首。待我叫門。〔見介小淨〕相公醉了。〔淨〕我不醉。我是嫖巫彩鳳的。〔小淨〕奴家就是。多承下顧。〔淨〕果然名不虛傳。姐姐。我醉了。待我睡

覺起來再和你調情。〔小淨〕天那今晚接一個醉孤老來又要嫖我姐姐倘醒來我又沒帳了乘其酒興壓倒身上與他睡去罷。〔淨〕走開些。〔小淨〕好意與他睡這般薄情叫我走開些不免外邊去。〔淨〕那裏去。〔小淨〕裏面又不好外面又不好難爲人。不免做個到拔蛇騎在他身上。了這場心事。〔淨〕騎馬的下來。〔小淨暗看介〕觀君不是鴻門儒士。〔淨〕覷你不是出色佳人。〔小淨〕實對你說我是彩鳳姐丫頭名喚碧梧。〔淨〕明和你說我是山爺差來的皂隸名叫卜胡。〔小淨〕既如此碧梧騙了卜胡。〔淨〕卜胡鎖住碧梧。〔小淨〕你是那裏來的。〔淨〕我是山爺差來的設席款待佳賓這張票拘喚歌妓侍宴你巫彩鳳是頭一名快叫出來。〔小淨〕我姐姐尙未成人待我替他去罷。〔淨〕像你這個歪貨一條麻繩鎖住要你東就東要你西就西你替得他好打這丫頭。〔貼旦上〕自不整衣毛何須夜夜嚎呀碧梧爲何與他吵鬧。〔淨〕吵鬧吵鬧你且聽我言道我是山爺公差捉拿小娘的虎皂腰下兩條麻繩手內一張牌票特來相請姐姐快去當筵獻笑。〔貼〕牌頭哥自從爹娘死後有幾個歌妓都自散去了無人答應望牌頭哥可憐遮護一二情愿解簪酬謝。〔淨〕休得巧說且鎖去見山爺你自回話老爺不用你便自罷了。



〔玉胞肚〕〔貼〕時乖運否。平白地頓生禍危。自不慣獻舞呈歌。那些個舉案齊眉。〔淨〕山爺請洛陽潘相公。此去倘有些好處。也不見得。〔貼〕含羞忍恥任凌夷。塞翁失馬知凶吉。

〔前腔〕〔淨〕人生有幾。且追歡。不必怨悲。你雖然恪守幽閨。也須要應變隨機。

〔貼〕我這般弱質。怎生去得。〔淨〕我看你腰肢瘦怯不勝衣。會有才郎入品題。

含悲忍泪思徬徨。  
強抱琵琶出教坊。

時人休作楊花比。  
不逐東風上下狂。

### 第十四齣 開宴

〔末扮中軍官上〕滿城佳節近中天。競鬪龍舟吊屈原。袖中剩有芸香草。留與君王辟蠹編。自家

河中都督府中軍官便是。我老爺文宗孔子孟武按孫吳。坐鎮都關。烏臺簇擁。朱旛金蓋。威名素著于朝廷。教令頒行于州郡。看他精神秋月。談笑春風。蜚紫馬英聲。掃蒼鷹痾症。與星斗以增輝。覺湖山之動色。但西楚人豪。酷愛游山玩水。爲此請得洛陽契友潘安仁到來。恰遇端陽佳節。傳令到翠屏

山館排宴。喚下歌妓們伺候。你看香風一陣。想是歌妓來也。

〔翠地錦襦〕〔小淨丑貼旦上〕女娘名籍教坊家。檀板銀箏藝果佳。清歌妙舞度

年華。占斷排場實可誇。〔丑〕歌妓們叩頭。〔末〕今日開筵。與洛陽潘相公玩賞端陽。問水尋

山。你們好生小心承應。〔丑〕是。不用老爺費心。〔貼〕請問老爺是那個潘相公。〔末〕是擲果

的潘安仁。〔貼〕元來是他。〔丑〕彩鳳姐。常見你笑比河清。今日聽說潘相公。見你莞爾暗笑。少

刻筵間。何不着意溫存。我們攏掇梳籠你罷。〔貼〕列位姐姐。休得恁般戲言。

〔七娘子〕〔生上〕故人相會情非假。幸論心握手堪佳。〔小生上〕幸值端陽。名山

如畫。亭館勝官衙。潘兄分袂策蹇。倏經歲餘。今屈下臨。有光敝治。〔生〕消想如夢。雲翰忽頒。不

憚迢迢。復瞻儀範。〔小生〕且喜河中翠屏山館頗佳。又值端陽佳節。同與故人一敘。〔生〕多謝。

〔末〕歌妓喚到。〔小生〕叫過來。〔丑〕歌妓叩頭。〔生〕翠園山館翠圍屏。高步晴巒最上層。

但使主人能醉客。何須紅袖拂銀箏。〔小生〕佳賓取樂。須用佳人。只恐兄面如傅粉。紅妝輩見之。

反爲羞澀耳。〔把酒揖介〕

〔惜奴嬌〕蓋瀉流霞。看山圍黛色。翠柏濃遮。觀瞻處。突兀遠山如畫。繁華奇葵吐豔。紅榴舒錦。錯萼新蒲插把。〔合〕珠砂寫猗猗艾虎。試看毒魔驚訝。〔小生〕

那少年歌妓喚什麼名字。〔丑〕他叫做巫彩鳳。尙未成人。〔生〕有此美姬。豈無奇遇。〔丑〕因

他守志固堅。舉止羞澀。〔小生〕此乃良家女子行藏動靜也呵。上來送酒與潘相公。

〔黑麻序〕〔貼〕烘霞金盞慵拿。總洛陽年少。十分瀟灑。我一心守志。願甘孤寡。羞答難當。勢焰踏持。盃自歎嗟。相公請酒。〔生〕女兒家。真個是香籠荳蔻。十分幽

雅。〔小生〕安仁兄。或有意于彩鳳。吾當與兄成之。巫彩鳳。你本生身樂籍。胡得拒人。若是可將素志。

逐一敷陳。〔貼〕河中城外有狹邪。繡幕巫山彩鳳家。墮足烟花真命薄。獨對東風自怨嗟。守清貞。

無所欲。未肯留情南陌金。何曾舉意西鄰玉。堪憐兔絲草。復愛鴛鴦鳥。若將顏色事他人。顏色能有幾時好。此情常恨眉鎖攢。欲言未盡心悲酸。感蒙矜憐將情訴。抱得秦箏不忍彈。〔小生〕好有才

的女子。聞之令人酸鼻。安仁兄。可羨身在柳陌花街。心實冰清玉潔。堪憐薄命佳人。尤其是深閨女子。

〔生〕巫彩鳳。你既不倚門獻笑。宜擇良配。何必負此韶華。〔貼〕改邪歸正。是妾素志。又恐托根失

所。故此十年不字耳。〔小生〕似此美姬。當諧良配。我便作成你伏侍潘相公。你意下何如。〔丑〕

他口雖不言。心下其實肯了。〔小生〕潘兄尊意何如。〔生〕小弟不敢請耳。固所願也。〔丑〕老

爺主婚。我姊妹三人作伐。乘此良時吉日。就可成親。但求潘相公一物爲聘。〔生〕小弟與兄別後。

入贅井王孫宅上爲婿。曾以一雙金雀。遂成秦晉之盟。前者與拙荆分別之時。各留一隻。今日便以

一隻金雀。與卿爲聘。何如。〔小生〕絕妙。一妻一妾。傳有名言。才子佳人。世之罕有。巫姬收下金雀。

看酒過來。

〔錦衣香〕守志娃。言非假。未破瓜。多嬌姹。邂逅相逢。便成婚嫁。郎才女貌。實堪誇。盟堅金雀。作室宜家。管雲迷巫峽。又何愁鸞孤鳳寡。鴛侶齊飛。駕風流瀟灑。萬恨千愁。一時丟罷。安仁兄。天色將暮。可同彩鳳諧歸。下官來早恭賀。衆歌妓花銀五兩。花綾

五疋。賞他回去。〔生〕小生太狂妄了。〔衆妓謝賞介小生〕叫皂隸過來。你們好生伏侍潘相公。

如違重責。分付回衙。

〔漿水令〕望清虛銀鈎將掛。見驚飛亂遠歸鴉。柳邊花底步歸衙。分行花燭。絳

彩籠紗。齊天樂。歌聲罷。瓊卮顛倒金樽瀉。〔衆〕稟老爺已到帥府大街。〔小生別生介〕今夜裏。今夜裏。暫違清話。好扳取。好扳取。一朶奇花。〔小生別下生吊場〕

〔尾聲〕〔小淨〕忽驚戶外傳聲答。忙啓門闌覷。咱喜見蓮開並蒂花。〔衆〕送相公

鳳姐到家。我們告回。明早奉賀。〔貼〕列位姐姐。留一位在此相伴。〔丑〕潘相公久慣惜玉憐香。

他自會假紅倚翠。列位姐姐也替不得你。你也不要害羞。〔生〕有勞你們衆姐姐。明日早來喫茶。

與君相見便相親。  
邂逅相逢第一人。

須信良緣皆不偶。  
燈花連夜報君頻。

〔小淨吊場〕我姐姐喜事纔上門。他今日倒得其人了。我不免閉了門也去睡罷。〔撞淨笑介小

淨覷介〕吓。是卜胡。〔譚介〕

堪歎尊兄沒答斂。  
受盡老娘多詰話。

放了皂隸不去當。  
卻來我家作亡八。

### 第十五齣 打圍

〔高陽臺引〕〔淨扮齊萬年衆隨上〕千斤膂力。三尺青鋒。寶刀揮起耳生風。繡旗飄  
徹漫空。黃池赤子兵戈弄。蒼頭老稚皆驚動。養威蓄銳在山東。聚英豪。皆虎雄。  
三山明月練如銀。金鼓喧天振地聞。拂拭鐵衣如玉色。掣旋寶劍動星文。某齊萬年是也。本爲商販  
良民。夤緣航海。遭官兵捕捉。被俺手持利劍。連傷七人。因擁衆爲亂。不意相從者衆。遂爾占據登萊。  
虎踞山林。聚草屯糧。虜男奪女。今日閑暇無事。正是操演之際。大頭小目。你與我擺開陣勢。打圍演  
武一番。

〔傾盃玉芙蓉〕瞳瞳日色映山紅。旗影風雲動。簇簇金鎗。列列蛇矛。對對鋼鞭。  
赫赫雕弓。紛紛畫戟。朱旛控。密密鈎連。豹尾叢。聲聲闐。昂昂勢雄。望着迢迢山  
徑可相通。

〔普天樂〕鼓聲咚。金聲送。震天雷。鉛錫銃。窮林下。窮林下。蛟兔奔叢。幽谷裏。野  
鹿潛蹤。提師率衆。須臾打破金城甕。時未至。暫爾屯糧。事垂成。且也藏鋒。

〔朱奴兒〕喜心齊。人情洵洵。打圍場。飛禽種種。獸蹄鳥跡。皆馳縱。金彈子。個個

不空。豪興覺偏濃。揚威耀武。滄江魚化龍。谷鳥成威鳳。那時方顯是英雄。  
〔節節高〕長蛇封豕。同易爲功。從來武略皆能用。張威勇。識守攻。知輕重。運籌  
帷幄多擒縱。坐看一鼓乾坤動。〔合〕看看玉兔已升東。忙麾大隊歸山洞。  
〔尾聲〕虎軀七尺皆英猛。鐵甲金盔氣象雄。直把中原血染紅。〔下〕

### 第十六齣 惜別

〔卜算子〕〔生上〕花姿柳眼情方腴。匆匆又在離分。桑弧矢志未全伸。惜別頗  
增新悶。杜鵑聲斷隴雲低。草萋萋。思依依。角聲嗚咽悲。須知此別經年隔。腸寸斷。淚交頤。小生自別  
山妻。來此河中。不料筵間又得巫彩鳳爲妾。蒙山兄主盟。與之落籍。雖然烟花妮子。可免玷玉之蠅。  
但吾功名之事。實欲乘時而進。昨日山兄俞允寫書一封相薦。往見吏部尙書張茂先。已曾與巫姬  
言過。看他情激于衷。愁盈于臉。使我心傷去遠。魂斷河橋。如今拜辭山兄。迤邐行來。已是府第。且待  
開門。方可晉謁。且在此伺候。

〔生查子〕〔小生上〕才子吐虹霓。上客英名振。聖主作賢臣。吾儕當薦進。〔生進

見介〕貴賤見交情。知心在秉誠。〔小生〕男兒立大節。先自取功名。〔生〕昨承吾兄厚德。令小

弟前赴建業。謁見張公。以圖進取。特來告別。〔小生〕賢弟英才。斯世所重。昨晚燈下。修書一緘。今

付足下前去。寶眷在此。自當照顧。切莫遠慮。〔生謝介〕多謝厚情。倘得寸進。自當啣結。

〔降黃龍〕〔小生〕際會風雲。起蟄春雷。出潛離隱。太平時候。正相逢明良。康濟

經綸。那賢臣休休斷斷。料應是作哲知人。惟謹致魚書。早當參謁。急宜前進。

〔前腔〕〔生〕儒紳匪曰萃賓。技拙雕龍。久艱登俊。乘時前去。把丹衷一寸。遠達

楓宸。懇勸上書投刺。但只恐鼓瑟齊廷。錯認荷深情。雲箋錦札。定教傳信。

〔袞〕〔小生〕榮行事吉辰。榮行事吉辰。雲路須當近。萬斛天香。管取嫦娥引。〔生〕

從今別去。離情不忍。勤採取。便鱗鴻。頻修問。

〔尾聲〕前程萬里真當奮。得見今時人品。與僕同升入事君。

錦箋寫入數行書。

送別英才上帝都。

一天雨露敷新澤。

萬里風雲起壯圖。



〔生弔場〕適間別了山兄。我那巫姬先已在長亭等候。不免前去與他分別。則個正是離懷牽翠袖。別淚洒征衣。

〔犯尾引〕別淚染征塵。乍協鳳儔。纔溫鴛枕。一紙賢書做破情。矛盾腸已斷。有誰代罄。口難提。惟憐損神。〔貼上〕相思處。疊巒層嶂。總是恨傷心。〔見介〕相公。你

怎捨得撇我而行。〔生〕芳卿。交我如之奈何。〔貼〕君欲去。奴心癡。褪粉復憔悴。〔生〕金雀聘

緋紅絲。白首同歡暫別離。黃花開後是歸期。

〔尾犯序〕〔貼〕執手翠眉顰。頓香肌減。玉臂釧鬆金。此去京師。早成名立身。英俊時已至。攀龍附鳳。須頻發魚箋。鴈音多囑付。黃花開後。專望錦歸人。

〔前腔〕〔生〕潛然淚漬襟。只爲功名。遠投京郡。身在石城。望巫山彩雲。孤窳瞻兔魄。清光易缺。孤雁影。雙棲未穩。淒涼處。還當自解。幽獨恐傷神。〔丑〕天色將晚。

相公請興。〔生〕怎麼說。〔丑〕興者起也。〔生〕巫姬就此告別。

〔臨江仙〕三疊陽關聲漸杳。天涯咫尺參辰。眼前難別意中人。伯勞東去也。鴻

雁又西行。〔生下貼哭介〕驪馬嬌嘶穿柳色。空懷雨魄霜魂。安排腸斷送黃昏。萬般情緒苦。幾點淚痕新。

### 第十七齣 乞巧

〔末上〕雨入珠廉滿殿涼。避風先進玉盆湯。水泊化生皆弄吉。留與君王着意詳。自家乃晉武帝駕下內使。便是往來紫禁。出入龍樓。日侍天顏。時親袞冕。俺萬歲自從平吳之後。頗事晏遊。掖庭妃嬪。殆將萬人。常乘羊車。任其所之。爲此各宮競以竹葉插戶。鹽汁洒地。以引帝車。今乃七夕良辰。俺淑妃賈娘娘傳旨。陳設瓜果。在乞巧樓前穿針玩月。筵宴已備。賈娘娘早到。

〔一剪梅〕〔貼扮賈妃上〕承恩何幸冠宮庭。丹屋金屏。繡屋銀屏。欣逢巧夕喜盈盈。願遂三星。尤勝二三星。今日銀河渡鵲橋。應非脈脈與迢迢。佳人競喜開妝豔。月下穿針拜九霄。妾乃賈淑妃是也。本以陋質。獲配宸居。寵冠六宮。時接羊車之幸。恩沾太極。每承魚水之歡。今乃七夕佳辰。內地有乞巧穿針水泊化生之戲。侍兒們將銀盆過來。〔旦〕盛世無虞樂太平。仍將嬉戲在宮庭。欲思桂子從天至。水潑銀盆弄化生。啓娘娘化生到了。共以七寶香湯。權作洗兒之會。

〔石榴花〕〔貼〕宮筵乞巧。五彩繡雲生。風細瑟。月微明。沈香亭上聽吹笙。望銀河。烏鵲橋成。牛郎女星。看年年一度情歡慶。〔合〕陳瓜果。共玩名樓。結蛛絲。爲卜人靈。

〔前腔〕〔小生衆扮內侍同上〕羊車乘出。遊遍各宮庭。隨處所似流萍。衣冠羣御任徐行。問何人。今夜卿卿。〔衆〕啓萬歲爺。龍車至此。羊止不行。〔小生〕此是何處。〔衆〕是賈娘娘宮中。〔小生〕便幸賈淑妃。〔衆〕聖駕到了。快請娘娘接駕。〔見介小生〕卿家平身。看他笑迎。喜人間天上歡娛並。〔合前小生〕淑妃在此何爲。〔貼〕銀盆弄化生。〔小生〕你欲預占靈兆。適過宮門。留朕羊車。可喜可賀。就此進爵。

〔解三醒〕〔貼〕持金爵。御前爲敬。執玉斝。丹陛趨承。欣逢七夕宮筵盛。同乞巧。望瑤京。預占佳種。藍田玉。水拍銀盆弄化生。〔合〕交相映。喜年年此夜。鸞鳳和鳴。〔小生〕好個鸞鳳和鳴。內侍。朝中稱詩賦奇才者是誰。〔衆〕奴婢聞知外面士林推重者。吏部尙書張華。〔小生〕內侍可傳旨。命張華獻鸞鳳和鳴賦。與朕觀覽。〔衆〕領旨。〔小生〕傳旨幸寢殿。

〔前腔〕寶篆香漸消金鼎。銅駝上玉漏傳更。風流旖旎偏相稱。魚共水。喜同心。暗思今夜銀河耿。重訂佳期山海盟。〔合前〕

〔尾聲〕氣相求。聲相應。繡榻重圍煖玉屏。分付雞人莫亂鳴。

銀漢星河次第開。

兩情惟恐曙光催。

時人不用穿針待。

那得心情送巧來。

第十八齣 顯聖

〔浪淘沙〕〔旦扮白衣大士上〕端坐紫雲龕。五十三參。參參見佛自能諳。不二之門無罣礙。戒爾嘖貪。善哉善哉。身爲白衣大士。寄居南海。浪迹普陀。法體莊嚴。靈臺清淨。瞥見白鸚哥來報。河中信女巫彩鳳。青樓守志。一醮從夫。突遭兵火之危。遂有投崖之險。不免分付二太子前去引度。救他一命。二太子何在。

〔前腔〕〔末扮二太子上〕雲鎖一峯巔。鷲嶺深菴。參差古木有榆楠。何必浮生空

碌碌。闡苑三千。〔見介〕菩薩有何法旨。〔旦〕今有河中信女巫彩鳳。遭反寇齊萬年擄掠。守志不

屈。奮身投崖。你可大施法力。令當方土地化一猛虎。背負河陽道上。向紫雲峯觀音菴留下。以俟日  
後夫婦重會。顯此女信善之報。〔末〕領法旨。

〔金字經〕〔旦〕巫氏女。頂禮重瞻雲色曇。守志將身赴岑巖。巖也麼巖。險危又  
豈堪。遠送河陽太法壇。

〔前腔〕〔末〕大菩提。巍巍法象盛莊嚴。高座落伽山海南。南也麼南。慈悲救世  
儻。領旨前行不敢延。

烈婦投崖苦命傾。

佛天慈善救娉婷。

大抵乾坤都一照。

免教人在暗中行。

### 第十九齣 投崖

〔點絳脣〕〔淨引衆軍士上〕戰亂戈紛。金鼙鼓振威風迅。擄掠人民。聞者皆逃遁。

萬戶傷心絕爨烟。中原黎庶受連遭。總有河中千尺水。不穀嘍囉飲馬泉。某齊萬年是也。且喜兵精  
糧足。馬壯人強。雲擾縱橫。所向無敵。如今領衆搶掠河中。打聽得河中部督山濤。是個白面書生。不

諳武略。終日放情山水。吾何畏懼他。衆嘍囉聽我分付。從河中一路殺將前去。不得有違。〔衆〕領

鈞旨。

〔水底魚兒〕車馬成羣。長驅陣似雲。身披鐵甲。頭戴茜紅巾。頭戴茜紅巾。〔衆下〕

〔縷縷金〕〔貼小淨同上〕強兵燹。忽來臨。流離遭困苦。害斯民。自與潘郎別後。未及數

日。目今齊萬年擁衆作亂。已至北門。大家奔散。碧梧快收拾行李。逃難他方去。襪淺弓鞋小。路途

勞頓。死生未卜。走無門。難捱這艱窘。〔下介拿介淨〕嘍囉們。將這一夥醜婦人打了去。

〔淨看貼介〕小娘子叫甚麼名字。那家宅眷。

〔山坡羊〕〔貼〕巫彩鳳身爲妾媵。業嫁與潘安英俊。〔淨〕元來是洛陽潘安仁。他是

你丈夫。雖是天下聞名。標致後生。我齊萬年卻也是個草頭皇帝。你且與我做個正宮皇后。〔貼〕羞

殺你狗黨狐羣。我怎肯喪志污紅粉。〔淨〕你若從吾。享不盡榮華富貴。〔貼〕我是一

婦人。荆釵與布裙。寧甘厮賤。守志全閨闈。怎肯偷生悖大倫。〔淨〕既不從。拿去

殺了。〔貼合〕休噴。刀劍叢中願喪身。如今含笑從容歸冥陰。

〔紅衲襖〕〔淨〕我見你似巫娥出世塵。只待要赴高唐行合卷。我似楚襄王。體貌多才俊。暮暮朝朝。與你會雨雲。〔貼〕妾非神女。你豈襄王。若此欺心。必遭顯戮。〔淨〕胡說。準備着合歡牀。裯與衾。快與我整新粧。巧梳鬢。堪誇一對鸞鳳也。月下應牽宿世繩。

〔山坡羊〕〔貼〕聽說罷。心懷怨恨。不由人珠淚流滾。記那日陽關別離。豈今朝一日成齏粉。〔淨〕一天好事。不必怨嗔。〔貼〕兩淚零。夫君那得聞。毀容剔目。肯把清名殞。視死如歸不足云。〔合前淨〕慷慨殺身。雖然容易。但如冰利刃。甚覺寒心。

〔紅衲襖〕豈不聞卓文君夜聽琴。他也曾奔相如。歸畫錦。女娘家說甚麼彝倫盡。蹉蹉班班利嘴唇。〔貼〕這等顛倒綱常之人。說他怎的。〔淨〕堪笑你綠衣兒。忒恁村。到于今。入牢籠。須從順。再推辭。不就姻緣也。白刃飛霜命不存。嗔囉們。不要問他從與不從。與我帶回營中去。

〔水紅花〕大行劫掠擄生民。搶金銀。死生前定。繁華世界好乾坤。寶和珍。朱顏

綠鬢。〔貼〕眼看危崖險峻。萬丈遠還深。這是我復命喜歸陰也囉。〔投崖介〕虎背介

淨〕待我跳下去罷。〔衆〕大王跳下去也沒有了。〔淨〕獸狗骨頭。牡丹花下死。做鬼也風流。

〔衆譁下介〕

〔前腔〕〔貼〕突遭危亂喪吾身。苦難禁。深崖棄殞。忽驚眼亂與神昏。爲何因。清風一陣。奴家方纔被賊人擄掠。厲志投崖。不知爲何。有物負身。止聞耳邊有風雨之聲。將我送於此處。你看空山寂寞。古木成林。但不知此是甚麼所在。好苦。又不知何州何郡。惟聽鐘磬音。想必是所不一淨禪林也囉。廟門雖閉。牌額上有六個字。紫雲峯觀音菴。呀。元來是白衣禪林。奴家平日奉祀菩薩。想是慈悲救難。菴內必有僧尼。待我叩門則個。

〔劉潑帽〕〔老旦扮尼僧上〕佛前寶鼎香煙盡。喜禪林淨遍松筠。深山更有誰來問。聽得聲喚頻。只索相詢問。〔貼見介〕老旦〕小娘子稽首。檀越莫不是河中巫彩鳳麼。〔貼〕

奴家便是。老師何以知之。〔老旦〕昨夜呵。

〔前腔〕三更一夢蹺蹊甚。道巫姬來奔菴門。果逢粧次多欣幸。想節義定超羣。



致菩薩相憐憫。

〔貼〕

原來如此。不瞞老師父說。奴家巫彩鳳。良人潘安仁。不料賊風忽起。擾亂

河中。奴身被擄。奮志投崖。似有物負身而至。但不知此處乃是何地。

〔老旦〕

異哉。此是河陽道上。

去河中有二千里之遙。若非娘子守志。焉能飛到此間來。

〔貼〕

既是神聖匡救。情愿投師掛搭。不

知尊意若何。

〔老旦〕

如此甚好。

〔東甌令〕〔貼〕逃塵網。入空門。尋得桃源好避身。皈依法座承恩訓。憐念我多  
愚鈍。緇衣掛體卸羅裙。隨分度朝昏。

〔金蓮子〕〔老旦〕聽訴因。三貞九烈全閨闈。草茅菴。且淹留幾旬。惟願得喜相

逢。那時重會舊溫存。

〔尾聲〕太平村裏居安穩。千峯萬壑隱荆蓁。莫管沙場起戰塵。

紅妝卸卻服緇衣。

禮佛投師作比尼。

色卽是空須識透。

蓮花一朵出污泥。

## 第二十齣 平賊

〔生查子〕〔小生戎服衆軍擁上〕節鉞鎮河中。逆賊干天憲。仗劍取渠魁。壯氣凌霄漢。大將宜嘗膽。龍泉必在身。雲臺畫儀像。皆爲掃妖氛。下官前者將書薦達潘生。乃欲乘時而進。不意旬日後。河中一路。遂罹齊萬年之變。放肆擄掠。致使百姓流離。生民塗炭。皆我守禦之責。叫大小三軍。整齊人馬。與我奮勇殺上前去。

〔四邊靜〕闡揚威武軍容赫。謀謨鬼神測。若要救蒼生。須當去殘賊。〔合〕乘機掩襲。狂沮奔魄。兵器塞巒川。光輝擁鋒鏑。

〔前腔〕〔淨引衆上〕星馳電走轟雷擊。官兵要迎敵。主將甚英雄。嘍囉有強力。〔合〕扎金裹赤。旌旗耀碧。大劍與長鎗。蛇矛對金戟。〔殺介淨走下介小生〕大小三

軍。且喜一戰殄滅渠魁。百姓安堵如故。一面寫本奏上朝廷。一面開倉賑濟。打起得勝鼓。回營去罷。

〔耍孩兒〕賊徒猖獗須臾死。闔外提師號令齊。炎威氣岸橫千里。身披鎖子黃金甲。士擁旌旄統虎貔。功成談笑稱無敵。得勝處填然畫鼓喜。揚鞭奏凱而回。

大衆各歸營伍。將校並皆退息。〔衆應下介小生弔場〕下官放情山水。仕進無心。今旣滅寇除殘。

復見太平之象。固可仰答聖恩。遂某本性。如今修下表章。奏聞闕下。就此掛冠卸甲。野服葛巾。遠回河中。一路尋訪契友嵇康阮籍。向秀劉伶阮咸王戎輩。復整竹林七賢之好。豈不樂哉。

〔煞〕見如今。全盛時。掛冠裳。解鐵衣。山林遠避尋心契。竹林有樂誰能識。宦路無媒我見機。猛然跳出紅塵地。與他們搗箏撥索。酌酒談棋。

大夢誰先覺。

深山最合宜。

且尋林下樂。

不管是和非。

### 第二十一齣 進謁

〔秋蕊香〕〔外上〕一代文章司命。天朝開濟元臣。紫袍玉帶黃金印。承恩日。觀楓宸。世篤忠貞播令名。上公賜爵總銓衡。謾言臣子多恩庇。深荷天恩本聖明。爲砥柱。作長城。未知

何日報朝廷。只須丹獻昇平策。更抱憂君與國情。下官張華。字茂先。位居家宰。職掌天曹。名重一時。聲聞海內。幸有賈逵裴頠二公。與某同心輔政。以致數載之內。朝野安寧。正是扶持國事如家事。盡把愁心作喜心。〔末上〕口傳皇帝旨。身自上方來。奉聖旨勅吏部張華。朕萬幾之暇。博覽古今。感

關雎之詩。欲觀鸞鳳和鳴賦。卿其大展才思。於中秋日呈覽。謝恩。〔外〕老中貴。因何要觀此賦。〔末〕先生不知。皇上後宮美人無數。每乘羊車行幸。前者七夕佳辰。與賈淑妃穿針乞巧。水潑銀盆。弄化生魚水相投。鳳鸞喜遇。爲此聖上大悅。下詔命老先生作賦。於中秋日呈上。〔外〕竊慮老臣庸愚。不足以副聖望。〔末〕告辭了。留神奉獻和鳴賦。任買山中紫兔毫。〔下〕

〔前腔〕〔生〕纔到長安京郡。欲爲觀國之賓。鰕生若也逢昌運。敢言鼓瑟齊門。小生自別山公。行程旬月。已到京師。今日將書投到張冢宰處。此間已是府門首。不免向前。列位請了。〔淨〕是誰。〔生〕洛陽儒士。從河中而來。都督山爺。有書薦來。拜見你爺。煩兄通報一聲。〔報介外〕吾別山公久矣。今喜有書到此。請那儒士耳房坐下。待我先將山爺書看。然後相見。〔進書看介〕

〔一封書〕濤頓首拜問。久睽違。秋復春。今投札有因。望提攜。引彼人。潘岳才高。班馬列。腹飽珠璣。學武文。抱經綸。冠儒紳。伏乞明公容進身。呀。山公書來。引薦洛陽潘岳。吾素聞其名。快請相見。〔生見介〕老大人請上。容晚生拜見。久仰德容。未伸御李。造次門牆。

不勝惶愧。〔外〕素聞才名。今幸得晤。喜瞻丰範。實獲我心。請問山公近來起居何如。

〔桂枝香〕〔生〕伏承清問。敬將言進。論山公政令維新。鎮河中法嚴都閫。且飄逸不羣。飄逸不羣。高談闊論。志甘肥遯。〔外〕原來如此。吾知山公身在仕途。心耽詩酒久矣。〔生〕向日得契山公。遨遊洛陽。以故潘岳得附驥尾。步仙塵。曾結金蘭契。持書謁大人。

〔前腔〕〔外〕雲箋傳信。重勞清問。開緘時心曠神馳。情契當年交敬。奈別來數春。別來數春。年更餘分閏。薦揚英俊。〔生〕大人念念不忘故友。足占同心輔政之雅。晚生瑣尾山野庸人。亦有仕則慕君之念。惟祈汲引。曷勝欣忭。〔外〕既來此。且屈予門。有日風雷振。行看足步雲。〔生〕多謝大人海涵仁育。

星聚得相宜。文明氣象齊。  
得人輕借力。便是轉身時。

### 第二十二齣 作賦

〔字字雙〕〔丑上〕天官冢宰位三公。名重吟詩作賦入皇宮。聲動明窗淨几趁

秋風吹送。紙墨筆硯四仙童聽用。

〔懶畫眉〕〔外上〕朝來帝命出瞳朧。曉聽疎林遠寺鐘。起來無語怨東風。芸窗

欲作和鳴賦。七步難如子建雄。風入池塘亭館秋。片雲孤鶴兩難留。登臺遙望青山外。惟有

蟬聲催白頭。叫紙童。文房四寶可齊備。〔丑應介外〕要作鸞鳳和鳴之賦呵。

〔前腔〕閒拈彩筆小窗東。只見映日荷花別樣紅。文章聲價愧難同。欲將思入

風雲態。轉覺無端睡思濃。偶爾文思不佳。且穩睡片時。〔丑〕你看我老爺一邊寫字。一邊就

睡着了。我也辛苦得緊。也在這階下略睡一睡則個。

〔前腔〕〔生上〕神京景色豁心胸。遠水遙岑翠黛濃。大家庭院果重重。錦川怪

石多奇樣。絕勝巫山十二峯。小生承茂先留爲門下士。聞得後面有一所花園。說道十分幽

靜。此間角門半開。待小生挨門進去。呀。你看亭軒寂寂。花木叢叢。那壁廂淨几。排設筆硯。卻怎生張

大人熟睡在此。露出一幅雲箋。上寫着五言提頭。待我看來。呀。原來是鸞鳳和鳴賦。想是神思不佳。

故爾倦睡。待我援筆成之。〔寫介〕

〔前腔〕雲箋蠶繭淨溶溶。蘸得霜毫墨意濃。千軍一掃馬羣空。和鳴賦就鸞交鳳。不覺花陰過短蓬。〔丑〕呀。這個相公好沒來歷。老爺要緊的東西。你怎麼寫上許多字。老爺

問及。必然打我。怎麼是好。〔外醒介〕

紙童爲何喧嚷。〔丑〕老爺這幅紙。被這位相公寫壞了。〔外〕

原來是潘安仁到來。〔生〕

晚生見大人熟睡。几案上有鸞鳳和鳴賦擬題。晚生一時意興。聊作

數言。幸恕狂妄。〔外〕

妙哉妙哉。快將來我看。〔念介〕

鸞兮鸞兮。何德之藹。鳳兮鳳兮。昭文之彩。

鸞交鳳兮神麻。鳳友鸞兮頤解。鳳未識鸞兮。見情之戚戚。鸞欲得鳳兮。乃心之凱凱。及其翔萬仞之巔。會巫山之陽。日月爲之定盟。乾坤爲之主宰。鳴徹九霄。解雲鬢。陰陽和叶。震巽豪彩。葛覃恐其失時。標梅恐其來欲。乃斯時也。悠悠揚揚。融融睦睦。有不知其爲鳳。又何以識鳳之爲鸞。猗歟盛哉。

〔外〕情理俱到。文詞燁然。得屈宋作賦之體。美哉潘生。真錦心繡口也。老夫遠拜下風矣。敬服敬服。

〔香柳娘〕〔外〕羨才高擬嵩。羨才高擬嵩。堪爲賦頌。錦心繡口誰能共。是文章正宗。是文章正宗。擲地似鳴鐘。奇思過晁董。〔生〕狂生偶成。方將負愧不勝。大人何事

見許如是。但不知何爲作此。〔外〕老夫前承聖旨。命爲此賦。於中秋日進覽。適纔構思。不覺熟睡。今得子一揮而成。且文不加點。老夫明日引子奏上金鑾。在我不失以人事主之誠。在子亦得以慶風雲之會也。明朝入禁中。明朝入禁中。奏聞九重。騰蛟起鳳。

〔前腔〕〔生〕念鯁生幼沖。念鯁生幼沖。不勝慚悚。聞言自覺多惶恐。謝當朝相公。謝當朝相公。薦引及愚蒙。怕庸才似醯甕。倘明時有容。倘明時有容。奇觀勝逢。扳龍附鳳。

〔尾聲〕金鑾獻上和鳴頌。咫尺瞻天叨寵。真個才高絕學。不亞雕龍。〔生下外〕

紙童。明日中秋。五鼓進朝。分付執事人役伺候。〔丑〕理會得。稟上老爺。潘相公代老爺作賦。引入

聖朝。必然做個大大的官。望老爺本後帶我一個名字。讓小人進身一二。〔外〕你有甚麼功要做官。〔丑〕小人拂紙挨墨之功。該選我管草紙的都督。〔外〕別事不管。要管草紙。〔丑〕天下做

小夥兒的。那一個不到衙門裏納些糞例。〔外〕一口胡說。

佳節值中秋。

蟾光入鳳樓。



文臣初獻賦。

聲價滿皇州。

第二十三齣 薦賢

〔點絳脣〕〔末上〕旌動龍蛇。旗搖日月。星將滅。漏盡銅壺。三唱雞聲徹。蓬萊山

色曉蒼蒼。雲氣遙連玉殿傍。縹緲不隨仙仗散。氤氳常染御爐香。下官晉朝黃門是也。出入金鑾。往來玉陛。專司傳達。每掌奏章。今乃八月十五中秋佳節之辰。恐有百官奏事。只得在此祇候。奏事官早上。

〔出隊子〕〔外生同上〕玉宮金闕。玉宮金闕。瑞氣祥光如電掣。一輪殘月已西斜。玉珮趨朝響蹀躞。福地人天景物自別。此間已是通明殿了。上前獻賦。〔末〕奏事官不得升殿。就此丹陛行禮。

〔神仗兒〕冠裳次列。冠裳次列。忠丹懇切。拜舞真誠謁。遙望天顏歡悅。趨玉珮。上箋牒。趨玉珮。上箋牒。〔末〕來者何官。外奏何事。〔外〕臣張華。前承玉札。命臣作鸞鳳和

鳴賦。臣愚作賦未成。有門下士洛陽潘岳。代臣作賦。臣不敢隱。謹用呈奏。伏望天恩。欽賜御覽。〔末〕

大夫既來獻賦。下官與你轉達天聽。修文能著述。上士解言詩。〔下外〕黃門大人已將表文并賦進呈。潘生。你看皇家氣象。何等巍峨。

〔前腔〕光明赫烈。光明赫烈。爐香滿爇。直透凌霄闕。仙仗霓旌排設。香霧遶。紫雲遮。香霧遶。紫雲遮。

〔滴溜子〕〔未引二旦扮宮女上〕天官的。天官的。忠心既竭。和鳴賦。和鳴賦。引領俊傑。文史多般涉獵。恩官沐寵榮。龍顏大悅。令授河陽。用人求協。〔末〕聖旨已到。跪

聽宣讀。張華獻賦而不蔽人才。潘岳多文而應制純雅。朕甚嘉之。賜華以金段表禮。用旌以人事君之誼。授岳以河陽縣令。以彰隨才器使之公。爾其益懋乃德。毋負寵命。謝恩。

〔前腔〕皇恩重。皇恩重。高如華疊。微臣的。微臣的。才庸德劣。敢不銘心罄血。風雲際會時。賜環遺玦。敢謂高宗。夢得傳說。

〔尾聲〕喜事重增眉睫悅。囑付臣功記者。斷斷休休方是也。

中秋奏賦上金階。

一紙丹書下九垓。

俊士得官爲縣令。

尙書欽賞薦賢才。

## 第二十四齣 寄書

〔清江引〕〔淨丑上〕相公文章真奇妙。又遇時來到。平步上青雲。高把龍門跳。

這富貴逼人來。非是小。〔丑〕自古文章無價。一旦身榮堪訝。相公做了美官。我是老二。你是

老大。且喜相公一到京師。參見張尙書老爺。留在門下。前者皇上玉札。命張爺作鸞鳳和鳴賦。那張爺想是年紀高大。把筆運思。終日不成一字。竟去隱几而睡。多虧我相公走入園內。一揮而就。那張爺不蔽賢才。將這篇賦呈奏金鑾。聖上大悅。賜張爺表禮金花。我相公除授河陽縣令。昨日領憑。即便拜辭張爺了。今日起程赴任。行李已備。卻好相公來也。

〔臨江仙〕〔生上〕聖朝天子網英豪。把俊士旁招。思量惟有讀書高。不負繼晷

焚膏。倚馬揮毫氣若虹。襟懷洒落許誰同。一封詔下天顏悅。賦就方知駭世雄。下官朽木庸才。雕蟲

小技。不意賦著和鳴。卽拜河陽縣令。雖則聖恩深厚。皆賴張公引奏之恩。沒世不敢忘報。昨日辭朝領憑。拜別張公。今日起程赴任。夜來修得有書一封。叫彩鶴過來。〔丑應介生〕你將這封泥金書

回去報與夫人知道。我已赴任河陽。接取夫人同臨任所。一路須要小心仔細。〔丑〕理會得。我有一事稟上老爺。小的蒙差遣。敢不盡心。老爺這裏何不再修書一封。待小人順過河中。接取巫娘。一同赴任。共享榮華。可不是好。〔生〕你言之雖是。但河中之事。向未與夫人說明。少待與夫人相會之後。再差你去接取巫娘。〔丑〕老爺此言。深得省氣之法。足見懼內之情。〔生〕胡說。瑤琴何在。〔淨〕小人在。〔生〕你去收拾行李。稍帶銀兩。前去河陽。一路買辦名花異卉。〔淨〕老爺今已出仕。要此花何用。〔生〕久聞河陽山水奇觀。地靈人傑。嵇康阮籍諸公。咸集於此。須種花滿縣。使天下有花縣之名。吾心足矣。〔淨〕領命。〔生〕你二人快去。〔丑淨〕領書歸故里。承命出京畿。〔下生弔場介衆上〕因接恩官辭梓里。爲因賢宰出都門。河陽縣人役迎接老爺。〔丑〕門子叩頭。〔生〕怎麼用這等老門子。〔丑〕老爺未曾到任。上司就有考語。老爺歷練。門子老成。〔生〕胡說。〔朝元歌〕恩頒聖朝。勅賜郎官誥。河陽路遙。喜出都門道。爲赴瓜期。敢辭迴遶。瑞世脩崇文教。先試牛刀。管絃歌舞琴瑟調。房杜是吾曹。張湯不受嘲。〔合〕山川路杳。真個是肅勤昏早。肅勤昏早。

〔前腔〕自愧青年尤少。何心羨錦袍。一賦奏皇朝。鸞鳳和鳴。才庸德少。屬意命登廊廟。寵及予曹。騰蛟起鳳在此朝。赤膽侍神堯。擎天豈憚勞。〔合前〕山川路杳。真個是肅勤昏早。肅勤昏早。〔下〕

### 第二十五齣 訪花

〔玉胞肚〕〔貼上〕晝闌人倦。苦折磨平遭兵變。幸菩薩大捨慈悲。將弱體引投尼院。苦空寂寞對枯禪。不二門中滅罪愆。鐘送黃昏雞報曉。法鼓相催。離恨何時了。萬苦千愁人易老。秋來只覺多衰草。忙處不知閒處好。工夫幾個人知道。獨在空堂人杳杳。天涯一點青山小。一自兵變。守志投崖。多蒙大士慈悲。引入菴內。喜老師朝夕扶持。居此空山。無他煩擾。今乃重陽佳節。衆位尼僧。俱向施主人家赴會去了。后庭欄杆外。種得一種金雀花兒。且喜十分茂盛。不免下街澆灌一番。正是寂寂空房人不到。滿籬黃菊綻秋英。

〔前腔〕黃花開遍。正淒涼重陽節天。滿階前金雀爭開。與奴家聘儀同豔。令我對花無語墮花鈿。悶對禪關兩淚漣。

〔前腔〕〔淨扮瑤琴上〕恩官差遣。訪名花遍歷勝園。自家承命。一路到此。且喜收得異樣

名花。今打聽得紫雲巖觀世音菴內。有一種金雀花兒。十分奇異。待我去求他一鉢。帶回河陽。紫雲

巖大士禪林。聞得他有花開遍。此間已是。但見角門半開。不免挨身進去。則個。抽身半

掩入籬邊。只見滿地堆金菊。藥鮮。〔貼〕客官。此係尼院。把菊玩花。恐別嫌疑。不得久戀。〔淨〕

小師父。你卻有所不知。小人非爲玩花而來。

〔前腔〕乞容分辨。我是路中人。因花叩禪。〔貼〕這等說。你是慕金雀花兒。特來遊玩。此

花生於白衣大士之前。其葉似曇花。一般貴重。客官何勞塵質。挹此仙芬。〔淨〕小人因慕名花。遠投

福地。倘籬邊短幹。肯移陶令之前。境上清風。准擬落孟嘉之帽。乞尊師方便弘施。分一鉢。感

恩非淺。〔貼〕客官。此花有什麼緊要。你覓他怎的。〔淨〕小人要他怎的。乃是上命差遣。〔貼〕

那個差遣。〔淨〕不瞞你說。是河陽縣令。潘安才子有名傳。他也曾月下乘車擲果旋。

〔貼〕你說的洛陽年少潘安仁麼。〔淨〕便是。

〔錦纏道〕〔貼〕聽他言。惹起我心頭恨綿。情重美姻緣。不由人秋波玉筍雙懸。

想那端陽日。在翠屏軒持觴席前。一霎時。共英才成就鸚鵡。夫和婦遂心田。鼓瑟琴。幸不嫌卑賤。無端整祖鞭。到做了分珠失劍。又誰知此日信音傳。

〔普天樂〕〔淨〕爲何因。興長嘆。對瑤琴。言一遍。〔貼〕你就是潘相公家瑤琴。向日爲何不見你。〔淨〕我在家園。近方來。恩主高遷。〔貼〕因爲相公做了官。你來隨任了。〔淨〕是。

〔貼〕且問你。潘相公爲何得了官。〔淨〕山爺寫書。薦我相公於張尙書門下爲客。忽然聖旨傳宣。作鸞鳳和鳴賦。進呈御覽。爲才華喜動天顏。忽恩來日邊。成就了洛陽才子。玉堂仙眷。

〔古輪臺〕〔貼〕嘆迤邐。空門寄跡已經年。今朝喜遂心頭願。〔淨〕你何故歡容。

爲甚驚猜。敢只是舊家姻眷。〔貼〕我是彩鳳巫姬。聘諧金雀。河中曾結好良緣。

〔淨〕喜相逢。一朝廝見。問何因在此參禪。〔貼〕爲遭巨寇。頓起烽烟。守貞不屈。

捨命赴深淵。蒙慈善。投師掛搭。苟延殘喘。〔淨〕原來是巫娘。爲相公守節投崖。感神垂

救至此。今日天使相逢。快寫書與小人。星夜到縣。投復老爺。就來迎接。〔貼〕我今晚修書。明早打

發去。還問你一件事。相公已做官。爲何不勤政事。先自着你遍訪名花。〔淨〕河陽縣山水極佳。有許多名公巨卿。咸集於彼。要種得滿縣皆花。使天下有花縣之名。俾後世稱之。〔貼〕如此。將金雀花好生移一鉢寄去。

〔尾聲〕雲箋細寫心頭願。重整粉烟嬌面。更與他金雀花枝去了宿緣。

守志空山歷苦辛。

移花越地達知音。

今日應時還得見。

果然勝似岳陽金。

### 第二十六齣 報捷

〔剔銀燈〕 〔旦上〕 漸迤逗寒侵繡襪。重裹上銷金繡帕。玉壺冰貯凝鴛瓦。幽閨

裏香添寶鴨。〔合〕 嗟呀。心情似麻。望不到鱗鴻音札。寒月沈沈洞房靜。珍珠簾外梧桐

影。秋霜欲下手先知。燈底裁詩覺身冷。自從相公別後。倏忽已及年餘。不知功名之事若何。交我放

心不下。今日寒色侵肌。且喚侍兒生火。消遣一會紅霞。可取獸炭。裝入爐中。〔丑上〕 紅爐盛獸炭。

白雪逗鴛幃。小姐。獸炭貯滿爐中了。只是一件。可惜鳳樓人去。冷落鴛鴦也。



〔前腔〕俏才郎風流瀟灑。蘭閨裏曾同幽雅。門前不見青驄馬。空生怨鸞孤鳳。寡非嗟。想關雎詠佳。那些個已稱有家。

〔前腔〕〔中淨上〕恩東命。河陽書發。早不覺已臨洛下。心忙似箭飛騰跨。似黃耳將言傳達。嬌娃歡生喜洽。免交人望得眼巴。〔淨進見介旦〕你回來了。相公好麼。

〔中淨〕相公授河陽縣令。有書一封。接夫人至任。同享榮華。〔丑〕小姐恭喜了。〔旦〕紅霞。取書來見。〔見介〕原來相公因代張尚書作鸞鳳和鳴賦。進呈聖上。拜官河陽縣令。接我同臨任所。謝天謝地。

〔前腔〕洛陽生文章高姣。蒙聖賜覃恩優拔。功名已遂人驚訝。這離恨一時都罷。大家不同井蛙。忙收拾共投治衙。紅霞。可收拾行李。擇日起程。

打點促行裝。

朝來別故鄉。

不辭途路苦。

早得會河陽。

## 第二十七齣 合雀

〔霜天曉角〕〔老旦貼同上〕寒風嶮峭。寂寞關山道。萬事不由人造。都緣命裏相

招。〔老旦〕簾外雨聲滴。樓頭樹色蒼。〔貼〕日暮歸鴉亂噪。數聲鐘送斜陽。〔老旦〕徒弟。我和你

●禪關靜守。遠隔紅塵。暮雨西風。香消鉢冷。好生岑寂也。〔貼〕待徒弟掩上柴扉。與師父持靜一回。

〔六么令〕禪關幽悄。日將晡。風雨蕭蕭。縱橫一任顛花梢。心既靜。少煩惱。也知寂寞無塵擾。也知寂寞無塵擾。

〔前腔〕〔中淨旦上〕河陽古道。路途中意攘心勞。偶遭風雨濕衣袍。何處也寄鷓鴣。行來幸有禪林到。行來幸有禪林到。〔中淨〕前面風雨來了。不能前進。此處有尼姑菴。

借宿一宵便了。〔旦〕尼姑菴院。亦可相投。紅霞。你去叫門。〔貼〕是誰叫門。〔中淨〕我們行路

婦人。只因雨阻。借你菴中權宿一宵。〔貼〕外面有阻雨的婦人。欲向菴中借宿。可容他否。〔老旦〕

出家人當以慈悲爲本。理合相容。快開門。放他進來。〔旦進見介〕師父。輕造寶菴。幸恕唐突。〔老旦〕

失迎粧次。希宥不恭。着雨了。請問檀越何方人氏。〔旦〕遠從洛陽至此。適爲雨阻。感謝逗留。〔老旦〕

天色已暮。這一位管家。到二門外土地祠中安下。此位大姐。可與大娘在禪堂中向火少待。徒弟。我

和你到廚房中。整治齋供。款待佳賓。〔貼老旦下旦〕你看這所觀音菴。好莊嚴佛像。且自禮拜則個。

〔二郎神〕真如境。看朵朵曇花靚色嬌。正玉宇無塵香篆裊。金爐不斷。光明燈焰冲霄。何幸今宵瞻聖表。試稽首虔誠祝告。法輪高喜金雀盟堅。再會藍橋。

〔前腔〕〔貼捧茶上〕今宵女娘是大家儀表。雨潤桃腮顏越好。緣何說起黃金寶雀根苗。莫不與才郎瓜葛繞。好教我有言難道。乏香醪。請清茶一盞。略解煩囂。

〔轉林鶯〕〔旦〕多承款留情意好。木桃未報瓊瑤。待河陽會後將伊報。〔貼〕一盞清茶。焉敢望報。請問檀越何方人氏。尊姓大名。今欲何往。〔旦〕井文鸞。配洛下英豪。〔貼〕

原來夫人姓井。所配洛陽英豪是誰。〔旦〕安仁潘岳。主縣令近承新詔。路迢迢取來任所。相會在明朝。〔貼〕原來是河陽縣令潘爺寶眷。前者潘爺赴任之時。在荒山經過。攜了一位

小娘子。說道河中娶的。什麼巫夫人。與潘爺十分情好意篤。此位娘子赴任。只恐相妨。〔旦〕原來

我相公又娶了一個妹子。可喜可喜。〔貼〕如今世態不同。大凡人家大娘。聽見丈夫娶妾。皆生嫉

妬之心。夫人略無猜忌。欣然有喜色。可見夫人四德兼全。這小娘子生成造化也。〔旦〕小師父。那一

個做官的。沒有三兩房家小。我相公爲當世馳名才子。合配天下出色佳人。若得有金釵十二。我和

他共享榮華。豈不美哉。〔貼〕好賢德夫人。小尼聽見夫人對佛自言金雀盟堅之說。請問其意若何。

〔前腔〕〔旦〕我官人洛下稱年少。擲果車月下元宵。偶然拋與黃金雀。作聘儀成就鸞交。向河中應召。從別後並無音耗。喜今朝登庸入仕。鴛侶復同巢。〔貼〕

這等說。那金雀到是夫人聘物了。可曾帶來。〔旦〕見在香囊之內。〔貼〕如此奇物。借與小尼一看。

〔旦取出看介貼〕好一枚金雀。只怕沒有一對。〔旦〕還有一股。分與兒夫帶在身邊。〔貼〕小

尼也有一枚。頗與夫人的相同。〔旦〕小師父也有一股。借來一看何如。〔貼出雀介〕

〔鶯啼序〕〔旦〕吾家舊聘隔岑遙。一見脗合天巧。看雙雙比翼文雕。其中委曲難料。覩伊家寄跡在空門。莫不是丈夫妻小。從實告。豈河東獅吼。奸狡。

〔前腔〕〔貼〕尼本彩鳳巫氏年雖少。貞心守志甘老。河中有都督山濤。開宴令貽金雀。訂姻盟。侍御櫛巾。遭強寇。投崖神保。事湊巧。喜夫人一時來到。〔貼跪旦

介〕

〔貓兒墜〕〔旦〕原來賢妹守節苦蓬飄。今幸相逢是法力招。合將令女配時髦。

從教與你共處幽閨。同事蘭膏。

〔前腔〕〔貼〕夫人賢慧。天下把名標。趨事階前。敢憚勞。下陳深荷貴人包。從教與你。憂被鋪牀。免喪蓬蒿。〔旦〕既是與賢妹相會。明日以白金百兩。相酬師父。我與你同臨

任所。去會兒夫。〔貼〕多謝夫人。〔旦〕還有一說。潘郎是個不羈之士。舉動太狂。你雖與他守志投崖。但相隔二千里之遙。一時到此紫雲巖。恐渠以幼婦披荆爲尼。男子心腸。尤慮易生變更。待我將這金雀。藏入袖中。到任所見過兒夫。將計就計。與他說明。卻留下紅霞陪你。隨後來接何如。〔貼〕夫人的是高見。

〔尾聲〕空堂晤語開愁抱。不覺譙樓已四敲。燭盡香殘天漸曉。

中閨已稱賢。

小星尤識禮。

鸞鳳喜和鳴。

皆得配君子。

## 第二十八齣 臨任

〔穿花蝶〕〔生上〕承恩命。除書新授河陽令。種花滿縣。曷勝榮幸。賦罷氣凌霄漢。

文成口唾珠璣。夜常老叟執青藜。杖上紅光焰起。下官自從到河陽作令。且喜黎庶從約。士子修文。坐致物阜民安。益見太平有象。又得山公。近與嵇阮諸君子。同會此方。因此多覓奇花異卉。時復相邀。共談詩酒。瑤琴去久。尙未回來。待他來時。必有幾種奇花異卉也。〔淨上〕正欲清談逢客至。偶

因小飲報花來。小人回來了。〔生〕所覓奇花。今有幾種。〔淨〕花樣甚多。花名不一。小人記不得

許多。編成一首花歌兒。念與老爺聽。〔生〕你也會作歌兒。〔淨〕近朱者赤。近墨者黑。老爺既能

作賦。小人豈不能作歌。〔生〕你念來。〔淨〕歌百花。數百花。細細從頭說。不差。麗春

月季并含笑。牡丹芍藥與山茶。鵝黃鴨綠雞冠紫。鷺白鴉青鶴頂芽。迎春百合

兼銀杏。豔李穠桃及木瓜。佛見笑。小金沙。百日紅。開映紫霞。芙蓉鶯粟。薔薇色。

海棠散水木樨槎。千葉石榴葵燦錦。含香梔子茉莉花。紫荊拗。杜鵑葩。瑞香玫

瑰水紅花。萱草芝蘭清且秀。臘梅簷蔔馥而華。凌霄玉蕊宜男佩。鳳尾辛夷木

筆花。紅菡萏。玉屏芽。酴酥錦帶粉團插。瓊瓣繡毬同一色。月中丹桂豈凡雜。更

有一般真奇異。菊名金雀實堪誇。〔生〕這一篇花歌。非一時所能。〔淨〕是小人妙作。〔生〕

休得胡說。且將金雀花取來我看。〔淨〕在此。〔生〕這種金雀花名奇怪。〔淨〕奇怪。還有一個古怪。〔生〕還有甚麼古怪。〔淨〕古怪古怪真古怪。說來一場好驚駭。老爺見了這封書。管教淚溼香羅帶。〔生〕又有封書信。誰寄來的。待我拆開一看呀。原來七言絕句一首。遭兵守志入空林。幸見瑤琴達遠音。不識河中金雀女。可能再會月車人。

〔太師引〕〔生〕頓心驚。驀地如懸磬。止不住盈盈淚零。自當日長亭分袂。問歸期細囑叮寧。卻原何身罹坑穽。幸得保全軀命。劈鴛鴦是猖狂寇兵。最堪憐。蓬蹤浪跡似浮萍。瑤琴你既遇巫娘。仔細與我說個明白。

〔前腔〕〔淨〕爲尋花步入招提境。紫雲巖有觀音殿庭。金雀花在階前相映。閒拈弄。偶遇尼僧。因說起相公名姓。撲簌簌淚珠交迸。卻原來是遭劫掠。錚錚守貞。拚投崖。遇救仗彼神靈。

〔賺〕〔旦丑同上〕遠涉兼程。已到河陽錦繡城。〔丑〕官衙近。忙行通報便相迎。稟老爺。夫人已到。〔生〕出公庭。〔旦〕喜今官爵威儀盛。不棄糟糠感志誠。〔生〕真僥

倖。偶因代賦承新命。有慚爲令。有慚爲令。〔丑〕稟老爺。外面上司公文緊急。請老爺上堂

掛號。〔生〕夫人少坐片時。下官發遣卽來。〔生下遺書介旦念書介〕原來巫妹所寄之詩。可見

相公時刻將他在念。待我藏於袖中。慢慢以言試之。

〔前腔〕〔旦〕巫妹。你翦雪裁冰。官人。你袖失遺書似薄情。楊花性。沾泥飛絮

類書生。〔生上〕見卿卿。今朝喜得交鴛頸。〔旦〕不負當年金雀盟。〔生〕與你所

分金雀。夫人想必帶來也。〔旦〕妾朝夕佩在身伴。君之金雀何在。〔生〕藏在書箱內。〔旦〕當年

贈別。金雀輕分。此夕重逢。依然成對。可去取來。待我仍以繡線同心繫於一處。〔生〕多承夫人美意。

下官卽當取來呀。夫人初到。未可輕言巫氏之事。他又提起金雀。將甚麼與他對合。罷罷。便將巫氏寄

來的書信。與他一看。或者見他爲我守節投崖。接來完聚。也不見得呀。書已不在袖中。怎麼處。〔旦〕

相公。金雀怎麼不取來。〔生〕尋不見書箱鎖匙。待明日取來看罷。〔旦〕眞薄倖。原何隴蜀相

兼併。這般渴病。這般渴病。〔生〕夫人忒多心了。金雀果在下官書箱內。明早取來。與夫人看便

了。〔旦〕金雀乃至靈之物。先飛到我袖中來了。〔生〕在那裏。〔旦〕可不在這裏。



〔江頭金桂〕〔旦〕休得要巧粧行徑。我跟前不奈聽。金雀當初婚訂。得諧雙姓。綰紅絲牽定盟。我和你鴛鴦交頸。連枝同並。只合氣求相應。共享安寧。如何覲傍枝。覓小星。大虧心短倖。〔生〕下官並無短行。〔旦〕你還說甚麼。背行蹊徑。空自語惺惺。〔出書介〕這題詩絕句伊誰寄。〔出雙雀介〕雀解雙飛卻怎生。

〔前腔〕〔生〕非是我虧心薄行。你從來賢慧稱。〔旦〕便不賢慧這一遭兒。〔生〕這也是兒女故態。一自與卿分手。良朋胥慶。喜巫姬守志盟。〔旦〕說甚麼巫姬。我不曉得。

〔生〕巫姬者。乃是巫彩鳳。青樓守志女子也。〔旦〕青樓之女。有甚麼志。〔生〕我與山公名山酌酒。見渠執爵傍徨。舉止羞澀。細鞠伊情。頓生憐憫。我實無意於他。當不過山公擯掇。非干我事。因此

上偶遇私成。未聞尊命。〔旦〕卻又來。你既不惑志於他。何不差人報我知道。乃率意竟行。

這等大膽。可惡可惡。〔生〕那時也要差人修書報知夫人。然後成事。怎奈一時情牽。欲罷不能。沒奈何。只得不告而娶。若是夫人見他青樓守志。也要生憐。〔旦怒介〕擲果之生。忘其恥也。〔生〕那巫

姬實無一端可取。〔旦〕既無一端可取。緣何兩意相投。〔生〕聞說寇兵入境。他投崖殞身。

感神救之爲比僧。〔旦〕他今做了比丘尼。他也是六根清淨。傍觀不雅。使不得了。〔生〕望海

涵仁育。畢吾狂興。〔旦〕你的興兒覺得太狂了些。〔生跪介〕免得意榮深。〔旦〕區區

縣令。作此態度。可不羞恥。且起來。我實對你說。〔生〕願聞。〔旦〕這樁事斷然成不得。〔生〕便不

成也罷了。異哉。這金雀怎麼在你手裏來了。正是鹿迷鄭相應難辨。蝶夢莊周不易明。

〔旦〕夜深了。我要進房安息。有話明日再說。〔生〕夫人莫辭勞倦。卑人少伸接風之敬。〔旦〕

待你心上人來接風。〔生〕你到不是我心上人。〔旦啐介〕推倒牛下牛弔場丑〕老爺怎麼跌倒

在地上。〔生〕適來下階錯步。〔丑〕不是下階錯步。還是夫人喫醋。〔生〕瑤琴。如之奈何。怎麼

處。〔丑〕這不難。夫人遠來。如今進房去曲意奉承。慢慢自然成事。〔生〕他閉了門。不容我進去。

〔丑〕這等說。到書房裏去。我和你兩個敍一敍舊情。

榴花解相思。瓣瓣飛紅血。

婦人無妬心。天下稱奇絕。

〔出隊子〕〔小生上〕心怡神曠。心怡神曠。水廊山林景倍常。詩壇酒社樂徜徉。問柳尋花真勝賞。浮白呼盧。歌喉有腔。還憑躡履據胡牀。不數南樓在武昌。自是羣英多意

氣。談諧不礙醉時狂。自家山濤是也。向者掛冠雲遊。近日來此河陽勝境。不料嵇阮衆君子。一時咸集於此。潘安仁又在此間爲縣令。他將奇花異卉。種得滿城。人皆稱爲花縣。昨日相約河陽別墅。酌酒玩花。縣令卽爲東道主人也。適間曾有侍童相邀。少待一時。同諸友偕往。多少是好。

〔前腔〕〔衆上〕平生豪放。平生豪放。萬竹林中作醉鄉。搗箏撥瑟韻鏗鏘。酌酒敲棋心意爽。笑傲乾坤。塵氛盡忘。〔外〕自家嵇康是也。〔淨〕自家向秀是也。〔末〕自家阮

籍是也。〔老〕自家王戎是也。〔中淨〕自家阮咸是也。〔丑〕自家劉伶便是。〔外〕山公在前。

不免相見。〔衆見介小生〕列位。吾輩昔爲竹林七賢。今爲河陽游客。擲果種得滿縣皆花。又且是東道主人。我們步至河陽別墅何如。

〔前腔〕山林疏曠。山林疏曠。不復冠簪在廟廊。游山玩水任猖狂。意契心孚在草莽。豪邁頓興。風流怎當。

〔前腔〕〔生上〕晴空雲朗。晴空雲朗。百種名花開向陽。殷紅淺紫鬪芬芳。喜遇

英豪皆羨仰。別墅吟哦。耽覺勝常。〔見介〕請了。〔小生〕列位東道主人來也。賓既集矣。

酒既馨矣。此墅之中。不尙虛禮。不迎客來。不送客去。賓主相忘。坐列無序。不云是非。不議公事。閒談

古今。靜玩山水。飲酒觀花。以適吾趣。道義之交。如此而已。且看酒過來。〔生把酒介〕

〔六犯宮詞〕〔梁州序〕斯文宗匠。放情游宕。尋個偷閒適曠。浮生若寄。何須着

意奔忙。〔桂枝香〕笑殺紅塵客。行蹤類觸羊。〔甘州歌〕虛名網。薄利場。雁飛不

到最堪傷。〔傍粧臺〕須知爲韓逸士。從松子。絕勝雲夢將軍死。未央。〔阜羅袍〕

兩疏機見。鴟夷泛航。翻身跳出紅塵浪。〔黃鶯兒〕問興亡。封侯拜將。今日在何

方。〔外〕對此名花。不可無佳什。共聯一首。以樂天真。若詩不成。罰依金谷酒數。〔小生〕嵇公首唱。

〔外〕花在名園費品評。〔淨〕河陽開宴會仙真。〔末〕十分春色留人醉。〔中淨〕百種花香

幽閣清。〔老〕酒美要同金谷罰。〔小生〕詩成不覺玉山傾。〔生〕人生值此昇平樂。〔外〕何

用黃金貯滿籬。〔小生〕劉公何獨無詩。〔丑〕今日河陽會上友。你們作詩把肚腸紐。撚指歲月

過隙駒。白衣彷彿成蒼狗。我自留心玩百花。剩得樽中掃愁帚。莫笑予爲嗜饞人。愛飲劉伶只喫酒。

〔小生〕酒有甚麼好處。〔丑〕酒。酒。酒。天之美祿。杜康爲首。儀狄作之。充喉適口。能開壯士之胸。

襟。善助文人爲科蚪。消了臧父之愁。暖了吟詩之手。白鼓丁。黃芽韭。錦枝綠。橘橙梨藕。直喫得流星。趕月風送雲。東倒西歪番筋斗。〔外〕劉公善知酒趣。恁意游樂一番。多少是好。

〔長拍〕種種花放。種種花放。重重酒釀。花情酒債堪賞。對花酌酒。遞花枝擊鼓。催觴。花豔酒卮香。向百花深處。把酒樽開賞。今朝共飲中山酒。明日花飛又那廂。算將來。花酒解愁腸。真個是酒浮花色。一團春盎。

〔短拍〕月上東牆。月上東牆。人游蓬廠。最可人。星明月朗。人月兩相當。看今月團圓。曾經照古人觀賞。醉人兒扶歸象牀。喜得穿窗月色。照人清爽。

〔尾聲〕意歡欣。情舒暢。攜手同登不夜堂。且安排再整壺觴。

晉代風流迥不同。

今將心事了杯中。

時人不識予心樂。

只道花枝別樣紅。

第三十齣 完聚

〔新水令〕〔旦上〕冰清玉潤坐琴衙。對兩山排闥如畫。苔痕階上綠。日影席前花。脂粉輕搽。髻包籠香羅帕。只怕兒夫性不真。故將金雀動伊心。若還鸞鳳和鳴調。不負燈

前月下人。奴家已見相公。做作幾番噴詈。只道我嫉妬之心。那知我因事納忠。相公與竹林七賢游賞河陽別墅去了。暮夜方歸。少待巫妹來到。送入繡房中去。管交三生重會約。鸞鳳喜和鳴。

〔步步嬌〕〔貼旦同中淨上〕辭禪離卻雲堂下。經典從今罷。重觀鏡裏花。水月閒

心。復教塵掛。〔丑〕來此是官衙。百年之事今方罷。已到了。待我通報。巫娘已到了。〔旦〕

快請進來。〔見介貼〕容妾拜見。〔旦〕路途勞頓。不消行禮。

〔折桂令〕〔貼〕謝夫人賢慧撐達。濟困扶危。容納奴家。最堪憐。飄泊天涯。苦遭兵變。命掩黃沙。雖只是感菩提。投師掛搭。終不失伴香奩。侍奉供茶。雲阻巫峽。臉襯丹霞。願從今手習流黃。說甚麼鬢整堆鴉。

〔江兒水〕〔旦〕細看巫娥貌。亭亭出水花。三貞九烈堪欽訝。從容氣度真幽雅。

閨中得子真無價。紅霞你送巫娘到繡房中。換了鮮明衣服。待相公回來。與他完聚。巫娘呵。重整黛螺新畫。相會才郎。免得夕縈朝掛。

〔雁兒落〕〔生〕昨赴河陽墅。未返家。今日裏早歸衙。來花下。雖然是與心知共酒詩。怎能穀向巫娥談別話。〔見介〕呀。非是俺重沈酣。眼乜斜。非是俺。耽曲蘖。貪杯罈。只爲心上事難拋下。也只爲意中人在一涯。卿家恁憐我。鬼門上空占卦。〔旦〕休要負我。方許你二人完聚。就在此堂前拜我一拜。我便如尊命。〔生〕若肯相容。莫說一拜。百拜也不敢辭。終身不忘厚德。恕小生幸也麼差。俺這裏願抒情。甘罪罰。

〔僥僥令〕狂生真放達。濫語似鳴蛙。〔旦〕隨我到房去。教你看一個不得意的人兒。轉過繡房圍屏下。你只看這人兒。可是他。

〔收江南〕〔貼〕呀。猛可裏喜相逢。驚覺呵。恍疑似露中花。〔生〕謝得你投崖守志足堪誇。今日裏分開破鏡。又重華。這金雀可佳。那金雀可佳。成就了文鸞彩鳳。遂心芽。

〔園林好〕〔小生上〕月車郎兩諧室家。妻和妾。玉無玷瑕。堪羨入芸窗詩話。行

慶賀。到私衙。〔生〕山公到矣。夫人不須迴避。請山爺進來。〔小生〕潘郎。潘郎。美哉。樂哉。可稱

交鸞友鳳矣。山人畫得鸞鳳和鳴一幅。見兄之功名婚姻。皆由於此。復有詩一首相贈。知君種玉有

藍田。繡幕紅絲結好緣。鸞展修文離澤夕。鳳騰五采下雲軒。開口笑時渾似品。側身眠處卻如川。方

纔了得西邊事。又被東邊打一拳。〔生〕所謂喜笑謔兮。不爲虐兮。

〔沽美酒〕〔太平令〕這情蹤。實可誇。看和鳴。喜氣佳。鳳侶鸞儔共一家。匹配有

才華。擲果得風流儒雅。河陽令。放情瀟灑。齊遠山。舉案描畫。守節姬。一點不瑕。

我呵。赤緊的惜花種花弄花。呀。又何慮驚鴛鴦打鴨。

〔清江引〕功名富貴如飄瓦。世事休縈掛。三萬六千場。良會無多價。好光陰。似

加鞭。催駿馬。

井文鸞欣諧佳偶。

巫彩鳳重會良緣。

月下老赤繩雙繫。

無心子燕市重編。



焚

香





目錄

- |      |    |
|------|----|
| 第一齣  | 統略 |
| 第二齣  | 相決 |
| 第三齣  | 閨歎 |
| 第四齣  | 訪姻 |
| 第五齣  | 允諧 |
| 第六齣  | 設謀 |
| 第七齣  | 赴試 |
| 第八齣  | 逼嫁 |
| 第九齣  | 離間 |
| 第十齣  | 盟誓 |
| 第十一齣 | 藩籬 |

第十二齣 餞別

第十三齣 登程

第十四齣 立志

第十五齣 看榜

第十六齣 卜筮

第十七齣 議親

第十八齣 辭婚

第十九齣 羨德

第二十齣 託寄

第二十一齣 榮餞

第二十二齣 讒書

第二十三齣 赴任

第二十四齣 搆禍

第二十五齣 設宴

第二十六齣 陳情

第二十七齣 明冤

第二十八齣 折證

第二十九齣 辨非

第三十齣 回生

第三十一齣 驅敵

第三十二齣 傳箋

第三十三齣 滅寇

第三十四齣 虛報

第三十五齣 雪恨

第三十六齣

軍情

第三十七齣

收兵

第三十八齣

往任

第三十九齣

途中

第四十齣

會合

# 焚香記

明 王玉峯 箸

## 第一齣 統略

〔滿庭芳〕〔末上〕濟寧王魁。椿萱早喪。弱冠未結姻親。赴禮闈不第。羞澀寓萊城。偶配桂英。敷氏。新婚後。神廟深盟。試神京。鰲頭獨占。金壘起奸心。爲奪婚不遂。將家書套寫。致桂英自縊亡身。幸神明折證。再得還魂。王魁徐州破賊。聞家難兩下。虛驚。种諤統兵。萊陽解寇。重會續前盟。

辭婚守義王俊民。

捐生持節敷桂英。

施奸取禍金日富。

全恩救患种將軍。

## 第一齣 相決

〔齊天樂〕〔生上〕青春未遂看花志。一劍東風憔悴。碌碌塵途。淹淹歸計。每聽杜鵑彈淚。危機阨會。歎摧殘楚玉。揉碎隋珠。暫棲遲。湖海儘無魚。莫負舊囊書。

〔鷓鴣天〕筆底煙霞夢未真。爭先暫避曲江塵。桃花三月龍門雨。芳草經年蝸角名。山外霧。隴頭雲。天涯極目怨東君。絲絲吹作征人淚。誰道春風不世情。小生姓王名魁。本貫濟寧人。閱閱名家。箕裘世裔。不幸父母早亡。室家未遂。自愧才非七步。敢效倚馬之譽。徒然書上萬言。退點潛龍之額。前春應試棘圍。爭奈命未逢時。淹淹下第。負一鄉之屬望。慨四海之無家。可憐我憔悴何歸。去留難據。幸賴囊有餘資。只得暫寓萊陽寄跡。且喜此處山明水秀。人物繁華。尋師問友。溫習舊業。以爲求科挾策之計。但不知我這回命運。又復如何。昨聞有個相士姓胡。其術頗高。我欲請他一相。以決姻親在何處。功名在何年。多少是好。王興在那裏。〔末〕堂上聞呼喚。塔前聽使令。覆官人。有何分付。〔生〕你與我去請那相面的胡先生來。〔末〕一領東人命。忙尋相士家。〔下生〕你看暮春天氣。景物堪憐。忽起故鄉之念。

〔好事近〕〔泣顏回〕雲暗隱重山。淒淒芳草迷天。隨身書劍。王孫未卜歸年。〔刷子序〕蕭然可奈窮途滋味。辛酸處。進退皆艱。〔普天樂〕極目那青雲路遠。這愁城。破除心上。又起眉端。〔淨上末隨上淨〕



〔水底魚兒〕相法如神。般般看得清。戴烏紗的是官府。儒冠的是斯文。光頭的  
是和尙。黃冠的是道人。〔末〕虧你好眼力。此間已是我相公寓所。先生少待。我去通報。相公。胡  
先生來了。〔生〕請進來。〔淨〕相公拜揖。〔生〕胡先生拜揖。先生請坐。〔淨〕有。〔生〕久聞先生風鑑。未  
曾識荆。不知先生貴表。〔淨〕小子姓胡。名言。賤字亂道。胡亂道就是在下。〔生〕先生取字。如何太謙。  
〔淨〕不敢。這箇是道其實也。〔生〕小生連年坎坷。欲煩先生看我後來何如。〔淨〕這箇容易。不要說  
目前的。就是古人。我也看來不差。我有那范丹。他體貌豐偉。所以名過北斗。石崇。他形容憔悴。所以  
破甑生塵。〔生〕先生說差了。〔淨〕不差。不差。還有好處。我看得那盧杞。如傅粉郎。何晏。似藍面鬼。  
〔生〕一發顛倒了。〔淨〕還有相得妙處。那張良。有巍巍事業。所以狀似金剛。項羽。止煦煦之仁。所以  
貌如女子。〔生〕先生又差了。那項羽。身長八尺。張良。乃貌如女子。〔淨〕是是。這便是小子叫做胡亂  
道。所以名稱其實。〔生〕休得取笑。仔細相學生一相。〔淨〕相公。上相在心。其次在形。所以裴晉公。貌  
似餓葷。一貧如洗。而後登台鼎。以其有還帶之陰功。東閩子容。如泰華。爲相十年。而終至行乞。以其  
無濟人之陰德。所以榮枯在貌。報應在心。相公。人這心田。最要好。小子方纔一見相公。就知你是箇

好心的人。〔生〕何以見得。〔淨〕不是小子撻佳懷說。小子一見就是知心。相公。你且站正了。〔相介〕相公。你前邊這幾年。諸事欠順。虧你過了。〔生〕正是。

〔錦纏道〕自年來歎飄零。微軀苟延。〔淨〕相公。你父母上早年也見虧。〔生〕髻鬢萎

椿萱。向詩書苦費鑽研。〔淨〕婚姻上前幾年也該不偶。〔生〕青春好姻緣。未能偶然。

〔淨〕近年也正在匍匐之秋。〔生〕敝征鞍。空懷歧路顛連。〔淨〕上年功名也還欠利。〔生〕

功名事。慢熬煎。赴春闈。又徒勞鑿戰。風塵滯祖鞭。實不瞞先生說。今日里羞歸故苑。先生與我細看一看。這回枯振槁定何年。〔淨〕

〔前腔〕問何年是你的時來運旋。你如今到這部位就好了。目下漸開顏。喜紅鸞宣

朗。將調錦瑟朱絃。即今該有姻親之喜。〔生〕小生客居于此。那得姻親。〔淨〕我只在氣色上見

得。如萍水效鸞鳳。數當偶然。你功名事下科必然高中。試看步雲霄。鸚薦鵬騫。只是

你中間應有分離之阨。夫妻上半途艱。惡星臨。死生離間。雖然如此。你到底姻緣重合。分

鸞鏡復圓。你後邊功名赫赫。貴不可言。爲將相。奇勛獨建。〔生〕先生莫非過譽。〔淨〕焉敢

說謊不多時了。你到三句之際呵。那時方始信吾言。〔生〕多承先生指教。這白金一星。聊作謝儀。〔淨〕這箇到不須罷。我看相公後必貴顯。如今尙未婚娶。我前日在鳴珂巷中謝公家。他將一女命與我看。這女子到是箇夫人之命。只是他流落風塵。恐相公不屑取他。苦肯俯就。就是小子作伐。但不知尊意如何。〔生〕這箇最好。小生寄跡江湖。何暇揀擇。若是命分相應。有何不可。明日常造門相浼便了。〔淨〕當得當得。相公。

此處暫棲遲。

姻緣未可知。

與君一夕話。

勝讀十年書。

## 第二齣 閨歎

〔五供養〕〔旦上〕曉鶯催起意盤桓。羞對孤鸞。湘簾春雨澀。楚雲漫。憔悴也東君不管。慵梳縮。一絲絲腸斷亂縈牽。寂寂幽閨獨掩門。不緣春色怕黃昏。傷心最是三更夢。枝上啼鶯枕上痕。奴家敷氏。小字桂英。出自名家。頗知詩禮。不幸父母雙亡。別無兄弟。囊篋蕭然。衣棺無措。奴家豈惜微軀。忍將父母暴露。只得央媒賣身津送。卻過繼在鳴珂巷謝家爲女。不料他是

烟花門戶。其時驚惶痛切。竟無脫身之計。可憐猛然思起窗下詩書。閨中針指。恍如春夢。好生傷感人也。

〔二犯傍粧臺〕〔傍粧臺頭〕悄含愁。一春心事付東流。敷桂英。勦不斷青樓鎖。爹

娘呵。盼不到白楊丘。

〔八聲甘州〕空閨夜靜孤星照。雲鬢朝憐雙鳳頭。天那。桂英乃是箇宦家之女。今日呵。

〔皂羅袍〕風塵蔽日。烟花作儔。奴家當時若不賣此身。我那爹娘呵。〔傍粧臺尾〕眼睜睜白骨倩誰收。奴家自喪雙親之後。尙在憂制中。理當披麻被髮。爭奈奴身已屬他人。蓋不由己。那謝

媽媽終日逼令強作妓女粧束。奴家抵死不從。倘或果欲墮落風塵。有死而已。

〔前腔〕〔旦〕盈盈交淚掩雙眸。揉脂擲粉怨粧樓。不耐煩琵琶調。空嗟歎柏梁舟。我只恁斷腸百結悲何滿。怎教做金縷千巾唱莫愁。奴家今日只爲雙親骸骨。以致失身。如此罷罷。我死而無怨。且自堅心耐守。天那。對誰堪訴這緣由。

只爲親喪賣妾身。

肯將素質汙風塵。

十年誰作揚州夢。

不解青樓薄倖名。

### 第四齣 訪姻

〔似娘兒〕〔生末上〕書劍久荒涼。阻歸鞭且問平康。重重心事增離況。功名未遂。姻緣未偶。惱亂柔腸。共道逢春未見娃。綠楊淺水冷蒹葭。蓬蒿三徑傷無主。肯向平園學種瓜。王魁不幸下第。寄居于此。湖海飄流。絲蘿未結。旅邸蕭蕭。悶懷鬱鬱。如之奈何。正是十年空自貂裘敝。贏得無人不下機。前日那胡先生說道。鳴珂巷謝家。有箇女子。姿容殊麗。德性閒淑。只是誤落烟花。竟不知他志操如何。又不知小生緣分如何。不免去訪他。同走一遭。多少是好。迤邐行來。正是胡先生門首。王興去請他出來。〔末叫介淨上〕

〔窳地錦襠〕區區相貌異乎人。粧出加花粉墨勻。眼前黑白甚分明。可笑時人認不眞。〔見介生〕先生這尊容是生成的。謂何方纔道出本相來。〔淨〕那裏是生成的。若去了面上這些粧飾。方纔露出本來面目。但時人不識耳。相公呼喚小子。有何話說。〔生〕前日多承指教。謝家姻事。相煩同往。〔淨〕當得當得。請同行。相公功名身外之事。莫教挫過青春。〔生〕

〔皂羅袍〕自歎青雲迢遞。鼓湘靈別調。未解吹竽。縱橫徒上萬言書。龍蛇埋沒。三千字。〔合〕可惜春來春去。且向花堤柳堤。自有懷中白璧。莫負樽前翠眉。管教得遂乘龍志。

春色過東家。

行行日未斜。

不妨同緩步。

看遍曲江花。

第五齣 允諧

〔西地錦〕〔外上〕門巷幽閒芳草。紅樓深鎖嬌姝。等閒談笑有鴻儒。小可是烟花深處。家門重生女。非因不好兒。明明心上事。難說與人知。自家姓謝名惠德。祖居萊陽鳴珂巷口。年過半百。至今無嗣。止有老妻小妾三口而已。惠德雖係出身汙賤。頗知書禮。似我這樣家風。那些箇風月場。正是箇瞞天帳。近來取一義女。年方二八。叫名桂英。誰知他是宦家之女。琴棋書畫。針指女工。無所不曉。堅持志節。不肯苟且從人。這也都是他的好處。自古道君子成人之美。我豈肯貪圖微利。壞人心術。爭奈媽媽朝夕絮聒。逼令接客。桂英死不肯從。如之奈何。我老夫只願與他招一佳

堦。庶幾彼志可遂。我亦終身有托。且昨夜夢一人對我說。你明日有貴客登門。與你有瓜葛之分。竟不知夢兆如何。

〔宜春令〕蹉跎過。鬢已星。世情疎。門庭又冷。淒涼晚景。回頭顧影。沒巴柄。再休提陣馬兜龍。何處討平康高興。我只願得乘龍佳婿。是吾之幸。〔生淨上〕

〔生查子〕風物正堪憐。人意方云可。未卜採芝期。且覓陽臺路。〔淨〕王相公。此間

已是鳴珂巷了。那一家正是謝公家。只是有一說。那謝公雖是出身微賤。他到親近斯文。知書達禮。識高見廣。就是我萊陽這些斯文朋友。富貴子弟。沒箇不與他往來。相見間不可輕慢他。〔生〕曉得。小生自有道理。〔淨〕還有一件。那謝媽媽是愛財的。倘或事有可成。不知可曾備得些相見之禮否。

〔生〕這箇。小生傾囊取足聘物。不必掛意。〔淨〕謝公有麼。〔外〕是誰。〔淨〕有客相訪。〔外〕呀。胡先生。二位請了。〔相見介〕胡先生。前日小女有勞推命。未及拜謝。〔淨〕不敢不敢。令愛好箇貴造。〔外〕請問此位相公。上姓貴表。仙鄉何處。〔生〕

〔宜春令〕寒家裔。本濟寧。諱王魁。表字俊民。〔外〕爲何到此。〔生〕爲之京取應。洛

陽花事空如錦。〔外〕敢是不曾高中。〔生〕慚倚馬不遇陽春。歎飛蓬羞歸故井。〔外〕  
相公功名有時。不須煩惱。我看相公一貌非常。後來必登顯要。只是如今湖海飄零。豈無父母家室  
之思。〔生〕懊恨我親幃夢冷。洞房人靜。〔外〕元來相公上無父母。下無令閫。不知今日輝  
顧寒廬。有何見諭。〔生〕胡先生曉得。〔淨〕此言我就當面實說。

〔前腔〕謝公。他爲姻親事。未稱心。前日他請我相面時。是區區偶然道尊。道你呵。有箇  
螟蛉令愛。他是官門嬌麗并貞靜。那王相公說要相見一見。須見面勝似聞名。謝公。  
你念好逑。勉依來命。〔與外背說介〕還有一件。看他丰骨。巍科台鼎。後來畢竟。〔外〕

原來如此。但小女自入吾門。並不肯輕易見人。既然相公高情。又是貴游上客。豈有他辭。實不相瞞。  
小子夜來一夢。說今日有貴客登門。如今果遇相公。或者是小子之幸。亦未可知。特恐小女立志不  
凡。不知他意如何。然觀他平日藻鑑頗明。若見相公如此才貌。想亦願奉巾櫛。但媽媽不近人情。待  
我先喚他出來。權把言語挑動他。將機就機。看他意向。再作區處。〔叫介丑上〕

〔前腔〕家門事。誰解撐。強支持。只靠老身。〔相見衆介外〕媽媽。有客在此。爲何埋三怨四



起來。〔丑〕老兒。你尙不知。叵耐女兒喬性。傷殘絃管拋脂粉。仗出身是貴戚豪門。只指望鳳求鸞聘。須本分。章臺金縷。怎窺玉鏡。〔丑〕胡先生。前日有勞。請問此位相公。〔外〕此是濟寧王相公。在京應試回家。寓居于此。今日特來下顧。〔丑〕下顧我家。必有緣故。〔外〕他央胡先生同來。因慕桂英姿容。欲求一見。〔丑〕元來如此。但不知相見之後。尊意若何。〔淨〕這王相公才如董賈。富比陶朱。芳年未配。若得一見。倘果有緣。當奉幣帛。先作聘儀。日後相贈。不計其數。全仗媽媽做主。〔丑〕既然如此。多謝厚情。但我那小女。心性乖劣。不肯向人。爲此終日在家絮煩。且待我喚他出來。丫頭。與我請桂英姐出來。〔內應回介〕身子不快。不出來了。〔丑〕我說道又者起來了。老官人。你的人情大似我。你叫一聲。〔外〕桂英。今番有正事與你商議。你可出來。〔內應〕如此便當扶病走一遭。〔丑〕你看你看。可惡也不可惡。〔旦上〕

〔薄倖〕綉倦針閒。愁低眉鎖。一天幽恨。兩行淒楚。〔丑又叫介〕快出來罷。〔旦〕每聽頻呼。好不耐煩移步。那淫奔塢。多少蜂狂蝶亂。畢竟傍誰虛度。〔旦〕公公媽媽。喚桂英出來。有何話說。〔外〕桂英。那王相公要求一見。故此喚你出來。〔旦〕呀。桂英從來未解識人。今日

如何便好輕身就見。〔外〕他是箇讀書君子。便與他相見也不妨。〔相見介外與丑背云〕媽媽。那王秀才是箇富家郎。必有錢財。可攬掇桂英嫁了他罷。〔丑〕若有錢財。有何不可。只怕那喬貨又要千推萬阻。粧模做樣起來。〔外〕若說教他嫁人。想無不從。桂英過來。那王秀才是富貴中人。他要娶你。你意下如何。〔旦〕公公媽媽。婚姻之事。非女子所知。若教桂英朝歡暮樂。送舊迎新。必不相從。若求戶對門當。齊眉舉案。這箇只憑公公媽媽做主。〔外丑〕我兒這箇纔是。胡先生過來。且喜我那女兒。一憑我兩口兒做主了。但須整備聘物。擇一吉日。方可成親。〔淨〕聘物不消說。那王相公道來。他在旅邸不能悉備。聊奉白金一百兩。少作聘儀。金寶衣飾。自當再補。今日乃是黃道吉日。就成就了親罷。〔丑〕方纔胡先生所言。老身一一聽憑。但成就之後。要依我幾件事。〔淨〕那幾件。〔丑〕第一件。我一家兒只靠着此女。今既嫁王相公。那家事都要與我支撐。不可你推我調。第二件。下科大比之年。須要上京取應。求取一官半職。使我兩口終身有托。〔生〕這求官是我分內事。〔丑〕第三件。若少有不慚不尬。再尋箇戶對門當。不要怪我。〔外〕這箇使不得。〔淨〕不要閒說。趁此吉日良時。就請王相公桂英姐先拜了天地。其餘畢姻之禮。倉卒難備。移在明日也罷。〔生〕

〔黃鶯兒〕三載困浮名。喜今朝射雀屏。鸞臺擬架芙蓉鏡。神游五城。光聯七星。相逢謾笑臨邛行。〔合〕玉如人。春濃似酒。輻輳美前程。〔旦〕

〔前腔〕草草訝逢迎。侶吹簫。強效顰。怨淹留。擲果河陽令。願青雲早登。白頭似新。回顏羞顧。樊籠影。〔合前外〕

〔簇御林〕你傾城貌配蓋世英。似掌中珠。席上珍。桂英。你如今且展眉間恨。王相公。你須再把箕裘振。我夫妻二人呵。畢竟託終身。休言邂逅。忍使負初心。〔丑〕

〔前腔〕老兒。他是前生債。今世姻。那王相公。忍將心負桂英。有陶朱資產都是他家分。況夫榮貴他封贈。王相公。似咱門也須著已。莫忍負初心。〔淨〕

〔琥珀貓兒墜〕幸然良會似仙子下瑤京。萬短千長且莫論。我看他不是負心人。〔合〕須聽。還整頓華筵。勸酬合盞。〔衆〕

〔前腔〕功名莫問。辦取醉銀箏。今夜人圓月倍明。萍蹤骨肉總相親。〔合前〕

一段姻緣邂逅逢。

頓教魚水得相從。

今宵賸把銀缸照。

猶恐相逢是夢中。

## 第六齣 設謀

〔末扮張昌上〕五陵俱廢草。金谷已無花。富貴猶閒事。繁華未足誇。自家金員外管家的張昌便是。昨晚員外分付。有甚麼心事商量。不免在此伺候。員外來了。〔淨〕

〔菊花新〕錢山金塢總成虛。秋月春花莫負時。行樂是便宜。羨殺金釵十二。肥馬輕裘得自然。此生拚費買花錢。東君已漏春消息。明月圓時人未圓。自家姓金。名壘。字日富。本貫山東萊陽人也。家中頗有錢財。人都呼爲金大員外。俺想着天下富貴的也沒多幾箇。止有三人。

〔末〕不知那三人。〔淨〕第一箇是陶朱公。第二箇是石季倫。第三箇是王愷。〔末〕第四箇就是員外了。〔淨〕也還少些。俺家雖不及那三人的富貴。心中待要效他的行徑。我想將起來。近日有箇販茶的馮魁。他本是信安王門下行財的班頭。到那武林。將一箇銜首蘇小卿取去了。天下不數他是箇財主。他到有此佳人。我到反不如他。我本處鳴珂巷有箇妓家姓謝。新娶箇女兒喚做敷桂英。此女琴棋書畫。女工針指。無所不通。更兼姿色絕倫。卻被濟寧王魁。入贅在他家了。我意欲將金珠財寶

與他那媽媽說。買轉他意見。教他別了那王魁。改嫁與我。那鴛兒只愛錢財。那顧仁義。管教那女兒。是我的。張昌。你道如何。〔末〕員外所言有理。只要上緊便好。似員外這等豪富。若無一箇得意佳人。偎紅倚翠。終是箇缺典。〔淨〕我兒所言有理。聽我說。〔淨〕

〔瑣窗郎〕吾家富比陶朱。獨沒箇翠倚紅偎。想香溫玉軟。鳳枕鴛幃。謾流涎百種風流滋味。〔合〕看此行再把赤繩繫。教他撇舊好。納新配。〔末〕

〔前腔〕東人有北海文犀。又何難合浦珠。你當今巨室。他絕代嬌姿。料應淑女須遇好。速君子。〔合前淨〕張昌。你與我先到謝家。說我這意見。我隨後央媒妁過來。金銀不論多少。只要親事成便了。雖然如此。我聞此女是聰明特達的。須用言語挑動他方好。〔末〕這箇曉得。

一段姻緣未可知。

用心前去莫躊躇。

不施萬丈深潭計。

怎得驪龍領下珠。

### 第七齣 赴試

〔喜遷鶯〕〔生上〕貂裘敝早。歎思斷白雲。夢消芳草。伉儷無聊。功名怎了。兩情

一樣煎熬。遠客悠悠任病身。誰家池上又逢春。明年各自東西去。此地看花是別人。卑人自從寄跡萊陽。條經三載。爭奈異鄉萍梗。囊底蕭然。那謝媽朝暮絮聒。不能容身。且喜今年又是大比。待欲上京取應。倘得僥倖。那時回家。他焉敢欺負我。昨日相約張伯俊到李整冠家訂期。同日起程。如何不見來了。〔小生上〕

〔前腔〕英雄懷抱。每撫劍高歌。仰天長嘯。賴契有金蘭。朋從四海。整絲綸共釣連鰲。小生張伯俊。昨蒙王俊民相約。特地到來。此間已是他家了。〔生〕呀。原來是張兄。待之久矣。〔小

生〕担閣了。恕罪。〔生〕張兄。我和你同到李兄家相探。就約何日上京。〔小生〕學生正欲如此。就請罷。〔行介〕李兄在家麼。〔淨〕是那箇。〔淨〕

〔搗練子〕年向老。志偏豪。擬脫藍袍換綠袍。不愁觀榜朋儕少。〔相見介〕二位尊兄。今日下顧。必有佳教。〔生小生〕只爲試期已近。特來相約。擇一吉日同行。一則可以相倚。二則可以相資。不知尊兄意下何如。〔淨〕二兄美情。小弟自愧疎朽。連科失意。不足爲齒。若二位高才。必當首擢。旣蒙提挈。願爲驥尾。〔生小生〕不敢。〔生〕但小生亦爲連年淹滯。竟不知此行又復何如。〔生〕

〔普天樂〕憶昔洛陽才空年少。未得長門價。千金調。乘磁基須要乘時。終不負十年勞擾。那閒關處。羊腸道。謾顛連駿步。嘶芳草。遇明時。麟鳳呈祥。豈聖王熊羆無兆。看相將振袂。萬里扶搖。〔小生〕

〔鴈過聲換頭〕焚膏埋頭自小。磨淬久龍光漫韜。馳驅未得投時好。嗟黃鵠望青霄。戀殺人半生鐵硯霜毫。那天衢雖杳。藩籬一決終須到。肯株守故園空自老。〔淨〕二兄。小弟被那儒冠羈誤到如今了。〔淨〕

〔傾杯序換頭〕煎熬三戰北。雙鬢焦。這前程事應難料。浪蕩過芳年。荒涼黃卷。撲滅青燈。那些箇文章腹飽。且落眼前歡笑。這身外功名是生前造。又何苦拋花棄酒。枉牢牢。〔淨〕二位老兄。家下牡丹正開。請到那邊一觀何如。〔生小生〕多承盛情。這也使得。〔淨請介生小生〕果然好花。〔淨〕二兄不棄。草酌三杯如何。〔生小生〕率爾造拜。豈敢坐擾。〔淨〕

說那里話。我和你相知朋友。何必如此拘束。小廝看酒來。〔飲介淨〕

〔玉芙蓉〕佳懷豈待招。二兄不飲空歸呵。被洞口桃花笑。但窮儒愧乏美酒嘉穀。

浮生枉作千年計。萬事無過一醉消。小弟一言相告。今朝共賞名花。是誠勝會。沒有佳作。何伸雅懷。二兄俱擅詩壇。何不見教一首。以紀盛事。〔生小生〕不敢。但恐非才。不堪瀆聽。〔淨〕太謙太謙。王兄先請。〔生〕張兄占了。〔吟詩介〕名園國色兩相歡。常得君王帶笑看。似解東風無限恨。沉香亭北倚欄干。〔淨云小生云〕好佳作。好佳作。絕妙。絕妙。〔合唱〕陽春調。詠名花才高。肯多讓百篇斗酒。謫僊豪。〔淨〕如此佳作。豈不飲一大觥。王兄請酒。〔介生〕

〔前腔〕□□□正饒。玳瑁筵開早。遇良朋美景。敢□□□□□花。試看今日黃和紫。不數當年魏共姚。〔淨〕如今該張兄作詩了。〔小生〕小弟呈醜了。〔吟介〕長安豪富惜春殘。爭賞花開紫牡丹。別有玉杯承露冷。誰人肯向月中看。〔淨〕好好。妙妙妙。取大觥來。張兄請了。

〔合前〕

〔前腔〕春來花正嬌。春去花隨老。二兄。想人生一瞬。總成虛眇。花開花謝。春還到。年去年來。歲暗消。〔生小生〕如今該李兄作詩了。〔淨〕小弟免了罷。〔生小生〕尊兄高才。怎麼說免了。〔淨〕實不敢欺。近來小弟專喜作詩。勉強挨幫在諸名公之列。資他些推敲。盜他些句法。在



家終日思想做詩。誰想成了詩癖。若詩癖舉發。一連這等十來遭。〔生小生〕敢是一連十來首。〔淨〕是十來首小便頻數。連日又被那些求詩的來求得荒。搜索枯了腸。這幾句都搜盡了。〔生小生〕說那裏話。還要見教。〔淨〕到底饒我不過。如此亂道了。〔吟介〕棗花生小能成實。桑葉雖柔解吐絲。堪笑牡丹如斗大。不成一子又空枝。〔生小生〕佳作。〔合前生小生〕相擾了。訂期何日上京。〔淨〕十五日是好日。就備行李同行罷。〔生小生〕謹領。

今日花前倒玉尊。

功名謾說幾時成。

洛陽見說花如錦。

快着行鞭正遇春。

## 第八齣 逼嫁

〔薄媚令〕〔旦上〕朝煎暮聒。這光景怎生存活。娘毒害。無門可躲。推挫連枝怎結果。影熒熒喪家夫婦。夫君類浮萍。妾身等風絮。飄泊同清波。薄命兩遭際。奴家自嫁王俊民。囊篋一空。棲遲無計。多感謝公把我夫妻兩口。還做好人兒女看待。爭奈媽媽厭貧求富。逼令改節。丈夫偶不在家。何等被他凌辱。奴家雖非德耀之門。頗免秋胡之誚。若使棄舊戀新。辜恩負義。寧甘

九死何愛一生〔旦〕

〔駐雲飛〕懊恨嫖娼。尺水番成一丈波。謝媽媽。你錯認章臺路。敷桂英呵。端不做千家貨。嗟。他一謎要挑唆。怎支吾。乞稜爭据斷玉簪。咕叮噹擲得菱花破。〔合〕方信恩多怨亦多。〔丑〕

〔前腔〕水盡飛鵝。瞥裂丫頭不釵窠。賤人。那想蕭牆禍。直待砂鍋破。嗟。休怪我後姚婆。逞儂儂。把你兩箇鴛鴦。一去留一箇。〔合前丑〕小賤人。你偌大的年紀。如何不依老娘說。我似你這年紀時節。那一箇不來我家吃茶吃酒。將幾句甜言美語。化他些錢鈔來養家。都像你這般戀着丈夫。不肯兜籠陣馬。教我老身如何過。自古道。娼妓門庭。是四下迷魂陣。三重綿裏針。兩行真果淚。一片脫空心。這樣法兒。你全然不知也罷。如何昨日金員外家來說。他要將些金銀來娶你。他是萊陽第一箇財主。就撇了那王俊民這窮酸。改嫁了他。有何不可。我門戶中人。有甚麼清渾。那富的窮了。就撇了窮的。再嫁那富的。偏你這丫頭執迷不從。〔旦〕媽媽。那王俊民是讀書君子。他日一舉成名。自有好處。〔丑〕

〔好姐姐〕賤人不識些羞恥。沒來繇。如魚似水。無明無夜。咫尺不暫離。好腌臢氣。激得我怒從心上起。丫頭。我自有的箇新條懲治你。〔旦〕

〔前腔〕聽奴一言拜啓。王俊民是風流佳婿。常言道嫁雞畢竟逐雞飛。今日裏若還苦逼分鴛侶。寧死在黃泉做怨鬼。〔丑〕我的兒。我偏不信你。〔打介外〕

〔川撥棹〕爲甚閒聒絮。你是老年人也。怎妄爲。爲何如此。〔丑〕你還恁的說。前日金員外

在此說親。我好意教他嫁了富家郎。那王魁有甚好。苦苦戀着他。這是我爲他的終身。他到挺着我。

〔外〕媽媽。這也難道。他是燈兒下結髮夫妻。他是燈兒下結髮夫妻。怎生把初心負虧。〔旦〕公公。這情根你自知。奴家若負了王俊民呵。教他哭窮途。何處歸。〔丑〕

〔前腔〕那潑賤東西苦執迷。不信娘言。你且三思。王俊民發跡是何日。王俊民發跡是何日。到頭來悔之自遲。〔旦〕娘。想黃河清有期。豈人無得運時。〔外〕

〔尾聲〕媽媽。把這話從頭收拾起。講甚麼閒非閒。是貴賤窮通總未知。丫頭。

這段姻緣不信伊。

今生休想各東西。

假饒染就乾紅色。

也被傍人說是非。

第九齣 離間

〔謁金門〕〔生上〕難憑據。怎唾手等閒名利。滿面羞慚因寄旅。又道是受恩深處。〔旦〕謾說鴛儔鳳侶。惹起蜂爭蝶忌。官人。我萬恨千愁只爲你。莫遣成虛費。

〔旦〕官人。花正開運理。風浪當時起。〔生〕娘子。我和你恩愛忍飄零。但功名事怎生。〔旦〕官人。冤苦相遭際。下得成捐棄。〔生〕我只怕枉蹉跎。分離也沒奈何。正欲與娘子說知。目今黃榜招賢。我欲上京取應。一則成我終身事業。二來免受媽媽之氣。〔旦〕官人說那裏話。昨日又被媽媽逼打一場。要我改志從人。奴家以死自誓。如今官人在家。尙然如此。若不在家。教我怎生分理。卻不墮他奸計。〔生〕娘子。你知其一。不知其二。只爲我如今貧賤。他敢欺凌你。縱使我常在家。只似這等模樣。到底也捱他不過。倘此行僥倖中選。他那時焉敢欺負你。你之所見。乃一時之情。我乃是遠大之計。歲月如流。斷難淹滯了。〔旦〕官人。你且聽我說。

〔忒忒令〕與你萍水絲蘿相共依。今日呵。飄泊似落花飛絮。那媽媽他惡狠狠厭

貧求富。毒心奸計。你若出去了。教我那時呵。愁眉淚眼。看誰面皮。那荆棘裏。芒刺中。早晚怎生存濟。〔生〕

〔沉醉東風〕娘子。這傷心處我非不知。但守蓬蒿。無資身之計。那謝媽呵。他把你恁相欺。他把你恁相欺。只爲我功名淹滯。閃賺得沒些把臂。眼見得今日如此。不得不去了。因此上割捨鸞分鳳離。恩拋義棄。你須念我衷腸非負伊。〔旦〕官人。你意見一定要去了。〔生〕娘子。非我忍心。出乎不得已耳。呀。謝公媽媽都來了。想他又是來促我起程。如何教我還再遲得。〔外丑上〕

〔蠟梅花〕讀書專望名利成。如今正值春闈近。〔相見介〕王姐夫。你莫牽夫婦情。把行囊速整。趁時良日吉便登程。〔丑〕姐夫。你當初入贅我家。我與你說過的。要依我三樁事兒。你如今在我家。夫妻二人。不蠶而衣。不耕而食。担輕又不得。負重又吃力。常言道。坐食山空。寧出一斗。莫進一口。自從你來了。弄得我家火盡油乾。今日也說讀書。明日也說做官。如今試期已近。還不說起身前去。只管耽戀着桂英。朝歡暮樂。只是這般光景。桂英終身守着你不成。〔外〕不要多

說。〔生〕媽媽不須絮煩。小生行李早已完備。後日是吉日。就起程了。〔外〕呀。王姐夫。果然後日去了。既是試期已近。老漢也不敢相留。這求官是一件大事。倘得一舉成名。不惟帶挈我夫妻二人享用不盡。在你身上顯祖榮宗。封妻廕子。所係不小。我看你斷然不是箇等閒之輩。〔外〕

〔園林好〕看你美丰姿。堂堂少年。況擅才華。滔滔湧泉。此去何愁萬選。應唾手中青錢。應唾手中青錢。〔丑〕

〔江兒水〕王姐夫。我只慮福緣淺。你依然命運艱。從前徹後還思算。怕此去功名消息遠。我一家兒呵。擔清受冷難消遣。到底恩多成怨。你前年不中。羞歸故里。倘今日又似前番。卻如何回到這裏來。那時難返家園。不是老身薄情。我那桂英。畢竟再作箇區處。

休怪恩離情斷。〔生〕媽媽。難道小生終身貧困。

〔前腔〕這阨運終須轉。龍鱗定可攀懸。知此去把經綸展。料蒼天不負男兒願。你如今何苦就生機變。試聽捷音不遠。那時節呵。夫貴妻榮。你豈肯恩離情斷。

〔丑〕我只要你是這等。但恐你言不應口。〔旦〕

〔五供養〕這功名在天。又何必嘲言誚語埋冤。這夫妻之情呵。難論貴與賤。須共苦和甘。媽媽。今日雖要促他上京。不須如此發惱。也索從容宛轉。他是箇男子大丈夫。決不爲裙釵留戀。媽媽。今日呵。若非是功名事。難道強分顏。這是分定姻緣。怎生驅遣。

〔丑〕什麼姻緣姻緣。他若不能勾做官。必定難做我家女婿。〔旦〕這也難道。〔外〕媽媽。你如何只管說這樣話。〔外〕

〔玉交枝〕我那女兒你不須多患。這裏情吾自了然。閒言閒語都休管。一心願你夫婿爲官。王姐夫。你文場努力。休把家掛牽。這夫妻情義。斷無他變。〔生〕多謝公公好意。我妻子在家。只怕媽媽難爲他。〔丑〕這箇也保不定。〔外〕還要多說。王姐夫不要聽他。他是老婦人心偏性偏。自有我在家。不必情懸意懸。〔生日〕多謝公公。〔生日合〕

〔川撥棹〕承恩眷。百年姻。望保全。念死生骨肉之間。念死生骨肉之間。這水萍軀千難萬難。媽媽。願從今免罪愆。報恩日在眼前。〔合〕

〔尾聲〕殷勤共把佳期盼。早辦取書囊琴劍。明日春風快祖鞭。〔外〕王姐夫後日起

程。還有一杯別酒送行。

莫爲傷春惜別離。

洛陽花事正芳菲。

明朝匹馬東風裏。

陌上殷勤贈柳枝。

〔生旦弔場〕官人。你行期准在後日了。奴家有一言相告。不知官人意下何如。〔生〕娘子但有叮嚀。一一從命。〔旦〕官人。我與你偶爾夫妻。相逢萍水。異鄉骨肉。形影相依。從此別後。妾身如斷梗飛蓬。虛舟飄瓦。不知你功名成否何如。苦又不知你心中之事何如。此處有箇海神祠。其神最稱靈應。我欲與你明早同到祠中。焚香設誓。各不負心。雖當顛沛流離。九死無二。不知官人意下何如。〔生〕小生豈有他心。敢違尊念。只恐謝媽媽知道。又致猜疑。〔旦〕這箇不妨。只說道祈祝你的功名便了。〔生〕如此卻好。明日早去。

正是此心如鐵石。

惟有鬼神知。

### 第十齣 盟誓

〔淨扮判官上〕吾乃勅封鎮海龍王部下一員判官是也。掌記人間善惡。潛施暗裏災祥。假饒半點



虧心舉首難欺三尺。昨日吾王上界奏事。今日想必回祠。不免喚小鬼出來。整頓威儀。肅清神案。大王到時。怕有焚香酬愿祈福禳災者。一一登記。不敢有誤。小鬼何在。〔丑扮小鬼上〕小鬼從來廣神通。奔騰海島疾如風。霎時南溟穿北極。須臾蛟室入龍宮。也曾下轉巨鯨足。也曾上攀大鵬腹。掉臂鞭驅魍魎車。番身亂捲波濤軸。判官爺有何指揮。〔淨〕大王到來。可在此伺候。〔外扮龍王上〕朝罷遙辭玉陛前。須臾鶴駕下三天。握符整頓風波險。不敢權離海島間。小聖乃勅封鎮海龍王的便是。上承天子之命。下賴萬民之誠。與聖建立一祠。號爲鎮海廟。東瞻渤海。西枕萊陽。南通河濟。北望衡山。棟宇巍峨。規模烜赫。堦前凜凜。立一排直殿將軍。廊下森森。列兩行隨班聖衆。呼風喚雨。點差部伍神兵。走土飛沙。祇遣輪流鬼卒。隆千載之香烟。享四方之血食。眞箇威行水府。果然惠普人間。今日三月十五。是我誕辰。判官。小鬼。如有人民到我殿堂祭賽者。聽其詞旨。一一登記文符。以憑稽考。報應施行。〔生日上末持香燭隨上〕

〔生查子〕鴛侶苦分飛。端爲娉嫫妒。攜手拜靈祠。共把衷腸吐。〔生〕娘子。此間已是海神廟了。請進去。王與你在廟門外伺候。〔末應下生〕呀。你看翬飛畫棟。地隔紅塵。香松起白晝之

烟。寶鼎結青晨之霧。果然好廟宇。好景致。娘子。我和你上前虔誠禮拜則個。〔旦〕官人請。〔拜介〕同白。〔暮雨朝雲意正濃。那堪分袂各西東。此生但願如魚鳥。入地登天厄亦從。〔起介〕娘子。我和你敬爇名香。共通盟誓。〔旦〕官人請。〔生〕娘子先請。〔旦跪〕海神爺。奴家姓敷名桂英。年方二十歲。正月十五日子時生。自與王魁結爲夫婦。死生患難。誓不改節。有渝此盟。乞賜勾提。永沉苦海。以謝違夫之罪。〔旦拜〕

〔憶多嬌〕海神爺爺呵。記此盟。念敷桂英自嫁兒夫王俊民。一馬一鞍誓死生。

〔合〕若負初心。若負初心。仰望尊神降臨。〔生跪〕海神爺。小生姓王名魁。年方二十五歲。九月初三日亥時生。自與桂英結爲夫婦。死生患難。誓不再娶。有渝此盟。乞賜勾提。永墮刀山。以謝負妻之罪。

〔前腔〕念小生設此盟。自配荆妻敷桂英。生死相依不再婚。〔合前生〕娘子。兩邊判官小鬼。與你也告他一聲。可作知證。〔生日合〕

〔鬪黑麻〕再告左右威靈。共鑒此盟。他日呵。若有參商。全憑處分。與我姻緣簿。

共註名。這兩下言詞。是百年證明。〔合〕一任分鸞別鏡。也隨他風浪生。各守堅心。各守堅心。但願白頭似新。〔生〕娘子。此間有靈筭在此。待我卜問功名之事如何。〔旦〕官人。奴家正有此意。〔生〕王魁此去功名可遂。求個聖筭。〔卜介旦〕是個聖筭。〔生〕途中無阻。討個陰杯。〔旦〕是個陰杯。〔生〕再卜妻子桂英。小生去後。他在家無災無難。乞賜一陽保庇。〔旦〕呀。好奇怪。擲下是個陽筭。倒轉成個陰杯。這怎麼解。〔生〕娘子。此乃是陰長陽消之兆。雖無大咎。也自宜保重。與你拜了海神爺去罷。〔旦〕海神爺。我兒夫即日。上京應試呵。

〔前腔〕祐他途路平安。功名早成。〔生〕海神爺。我荆妻在家呵。保他業障潛消。災氛免侵。〔生旦〕但得皆如意。兩情稱。始信一點靈犀。誠通海神。〔合前〕

忽忽心如繫。

匆匆日已西。

忙歸作行計。

來日即天涯。

〔衆神弔場外〕叫判官把那王魁桂英方纔設誓情詞。一一分明書記着。不可道錯。正是

大抵乾坤都一照。

免教人在暗中行。

第十一齣 藩籬

〔末扮堂候官上〕朝廷有道青春好。門館無私白晝閒。寂寂公餘惟印吏。一爐香燼晝垂簾。小官乃韓丞相府中堂候官是也。昨日俺丞相聞元昊遣賊官張元等分道犯境。攻掠郡縣。着小官去請種將軍老爹到府議事。竟不知有何話說。只得在此伺候。道猶未了。丞相爺早到。〔外扮韓琦上〕

〔齊天樂〕端居朝省心如水。猶恐素餐尸位。臣道難全。君恩未報。自覺此心多愧。艱開轉理。正憂在朝廷。寇在邊陲。廟算無憑。長城誰寄。謾躊躕。蒼生未蘇息。胡

馬半乾坤。設在雲臺上。誰扶黃屋尊。下官姓韓名琦。叨忝功名。歷登元宰。愧朽鈍之樗材。蒙聖恩之眷重。職司喉舌。義屬股肱。慚無補袞之功。恆慮積中之敗。正是多凶復多懼。憂國更憂民。近日奈因元昊這賊將張元。攻掠郡縣。分道犯境。各處要害。俱已選將勦禦去了。獨有徐州乃咽喉重地。必得名將一員鎮守。以備不虞。吾想起來。諸將中惟有種諤。他智勇兼全。可當此任。昨日已曾上表保奏他去。早上差官去請他來面議方略。就促他起程。多少是好。叫堂候官。種將軍到來。令他進見。〔小

生扮種諤上〕

〔番卜算〕勇略冠當時。建業須知遇。英雄一出玉門關。便是封侯處。小將神謬便是。昨聞韓丞相保奏鎮守徐州。已有聖旨。今早又差官相請。不知有甚話來。這裏已是府門首。把門官吏有麼。〔見末介〕煩通報。神謬見。〔末介〕稟。神爺將軍見。〔外〕令進。〔見介小生〕小將神謬拜見。〔外〕請起。〔小生〕小將重蒙丞相吹噓。得叨鎮守重任。復蒙呼喚。必有見諭。〔外〕吾聞賊將張元乃桀驁之寇。攻掠郡縣。官軍屢敗。徐州係咽喉之地。非汝將略。不能保此一方。故朝廷有此命。軍情重務。不宜遲緩。〔小生〕告丞相。戰陳軍旅。此武夫之常。披堅執銳。乃臣子之分。既銜君命。焉敢逗留。〔外〕這個纔是你且聽我說。

〔惜奴嬌〕四境多虞。國步艱難。仗伊匡持。念取長城之寄。須要盡心殫慮。任還思推轂。君恩重。此去進退攻守。皆由乎你了。闔外令將軍制。〔合〕莫暫遲。此是國家藩籬。所關非細。〔小生〕

〔前腔〕思之。此行呵。身任安危。統兵權重鎮。濫叨推舉。但恐才非千里。咫尺不堪乘馭。〔外〕不必太謙。只要用心防守便了。竭愚衷無復煩公慮。願捐軀酬恩惠。〔合前〕

君命莫暫停。

明朝便啓行。

將軍不下馬。

各自奔前程。

第十二齣 餞別

〔鵲橋仙〕〔貼扮二姨上〕春事闌珊。心情慵懶。寂寞雨收雲散。謾攜卮酒向章臺。爲挾策仙郎祖餞。綠楊影裏鶯啼老。落花片片沾芳草。叵耐春風不肯休。年年吹去木蘭舟。奴家乃謝公家二姨是也。今日王姐夫起身上京取應。家裏安排酒殺。在此與他送行。我看此人必然有貴顯之日。我大姐常把惡言惡語將他凌賤。我今日不免將幾句好言語勸慰他。多少是好。

〔前腔〕〔外丑上〕名利關情。去心難挽。打疊起許多嗟歎。〔生日〕懸知今日不堪留。腸痛處。未離先斷。〔相見介外〕王姐夫今日起程。老漢備一杯淡酒。與姐夫少壯行色。但當以功名爲意。凡事不必掛念。〔送酒介〕王姐夫。這一杯酒。我想你此去呵。

〔朝元歌〕分違動年。滿飲權留戀。不是老漢今日與你相別。只爲功名望專。強把情驅遣。願你早掛荷衣。穩登金殿。〔貼〕王姐夫。雖則是我家有待慢你處。也不要記懷。那些

個百年姻眷。他日榮還。依然骨肉在眼前。莫似外人看。休將閒恨牽。〔合〕此去風霜未免。早晚間舉家垂念。舉家垂念。〔丑〕我也送王姐夫一杯酒。你此行呵。

〔前腔〕滿望前程早辦。休猜做等閒。我一家兒呵。都賴你周全。若不成名。有何顏面。〔貼〕大媽。你也不可如此。王姐夫呵。難道終身貧賤。他學問淵源。今科擬將僊桂攀。大媽。便使敝裘還。也下不得將他冷眼看。〔合前丑遞酒介旦〕官人。

〔前腔〕無奈分離一日。你功名儻萬全。也思恩愛有三年。苦只爲鸚薦鵬騫。博得鳳愁鸞怨。〔背〕又恐魚沉鴻斷。阻隔雲山。銜悲飲泪有萬千。我應思你去後難。難捱他熬與煎。〔合前生回外丑酒介〕

〔前腔〕那日蒙諧東坦。三年幸有緣。百感媿徒然。媽媽。少待成名。那時報酬恩眷。娘子。不必多吁多歎。恨命薄緣慳。功名恩愛難兩全。你莫苦泣孤鴛。行看竝彩鸞。〔合前〕公公媽媽。卑人就要拜辭前去了。請收拾酒肴罷。〔外〕既如此。我三人就此別了。先進去。你夫妻二人。情不能已。再說幾句。

青青柳色映長門。

忽聽驪駒斷客魂。

擬看青雲生白屋。

不堪芳草別王孫。

〔牛旦弔場生〕娘子。酒酣輕別恨。酒醒還復滋。綠楊黃鳥囀。芳草紫駟嘶。此時此際難爲別。日落潮平是去時。〔旦〕官人。如蘿附長松。將已托枝生。如絃繫玉琴。將已和知音。願得不相離。附繫有所依。今朝持破鏡。會合總難期。官人。奴家昨晚剪下一枝頭髮在此。贈與官人。收藏匣中。早晚見此髮。如見奴面。切勿負心也。〔生〕多承娘子這般誠懇。海神之誓可證。何必多疑。〔旦〕官人。你莫道此髮容易剪將下來。

〔五更轉〕我剪下髮。腸俱斷。奴家聞得。身體髮膚。受之父母。今日爲君輕毀傷。千絲萬絲攪得奴亂。這頭髮與官人呵。纔結二年。一朝拆散。念烏雲髻。白首情。與你分一半。奴家有白頭之時。若這髮呵。相看到老。到老顏不變。看奴此髮。似奴此心。但不知君心似奴家否。〔苦〕常言道。知人知面不知心。怎能勾剪卻君心。試看果如君面。〔生〕娘子。

〔前腔〕你衷曲在咱心坎。星星牢記拴。你今日剪下這髮與卑人呵。從頭痛苦。爲我



生嗟怨。零落鸞釵。羞慚金鈿。只爲青雲志。閃得綠鬢疎。紅粧減。孤鴛瘦影。瘦影空相盼。卑人若一登科第。即便回家。那時寶鏡重開。雙鬢重挽。娘子我和你離情既割。只得大痛無聲。終須去矣。不得相敘了。就此拜別。〔旦〕官人。路上風霜。多多保重。〔拜介生〕

〔鷓鴣天〕我客路艱辛休掛牽。只是你孤幃清冷倍堪憐。〔旦〕官人。我蘭房寂寞甘心守。只是你風雨蕭條客邸難。〔生〕多謝娘子憂心。請了。〔生下旦弔場〕俄分手。意茫然。一回猶自向郎言。今宵各下殘燈淚。剩枕餘衾總不眠。〔下〕

### 第十二齣 登程

〔滿庭芳〕〔生末上〕花鳥關情。風塵眯眼。異鄉有淚難拋。〔末合唱〕重重離恨。比天上幾重高。〔小生淨〕王兄。且暫住馬。連步忙追驥尾。好同行竝轡論交。〔丑〕列位老兄那里去的。登途望。這青衿仗劍。端的是同袍。列位老兄。敢是上京科舉的麼。〔衆〕正是。〔丑〕如此卻好同行。〔衆〕請了。山色濛濛樹色遙。洛陽詞客拂征袍。風雲萬里憑孤劍。塵土三年有敝貂。〔丑問生介〕此位老兄高姓貴表。〔生〕學生姓王。字俊民。〔丑〕此位老兄。〔小生〕學生姓張。字

青青柳色映長門。

忽聽驪駒斷客魂。

擬看青雲生白屋。

不堪芳草別王孫。

〔生日弔場生〕娘子。酒酣輕別恨。酒醒還復滋。綠楊黃鳥囀。芳草紫騮嘶。此時此際難爲別。日落潮平是去時。〔旦〕官人。如蘿附長松。將己托枝生。如絃繫玉琴。將己和知音。願得不相離。附繫有所依。今朝持破鏡。會合總難期。官人。奴家昨晚剪下一枝頭髮在此。贈與官人。收藏匣中。早晚見此髮。如見奴面。切勿負心也。〔生〕多承娘子這般誠懇。海神之誓可證。何必多疑。〔旦〕官人。你莫道此髮容易剪將下來。

〔五更轉〕我剪下髮。腸俱斷。奴家聞得。身體髮膚。受之父母。今日爲君輕毀傷。千絲萬絲攪得奴亂。這頭髮與官人呵。纔結二年。一朝拆散。念烏雲髻。白首情。與你分一半。奴家有白頭之時。若這髮呵。相看到老。到老顏不變。看奴此髮。似奴此心。但不知君心似奴家否。〔苦〕常言道。知人知面不知心。怎能勾剪卻君心。試看果如君面。〔生〕娘子。

〔前腔〕你衷曲在咱心坎。星星牢記拴。你今日剪下這髮與卑人呵。從頭痛苦爲我

了我。〔丑〕是是。學生起初也在那裏納履。並不曾偷瓜。人也都疑壞了我。〔生小生〕二兄。卻不道瓜田不納履。李下不整冠。當今之世。爲人最難。疑嫌之際。不可不慎。攢行前去罷了。〔生〕

〔八聲甘州歌〕離家未杳。猛驚心幾度。把去程顛倒。雲邊山水。似淺粧淡抹。輕描舉頭顚望。長安近。回首愁看故國遙。〔合排歌〕功名重。恩愛拋。鵬程鴛侶兩

煎熬。行色倦。瘦馬驕。斜陽孤劍影蕭條。〔小生〕

〔前腔〕茫茫烟樹渺。見水光山色。掩映征袍。聽漁歌牧唱。似驪駒聲斷。魂消。還期他日龍門步。消受今朝馬足勞。〔合〕功名重。骨肉拋。身憂家念兩煎熬。行色倦。瘦馬驕。斜陽孤劍影蕭條。〔淨〕

〔前腔〕風霜鬢易凋。着眼前岐路。磨盡英豪。經來歷往。一帶綠楊芳草。三位尊兄。我只怕命途不屬龍頭老。劍氣空隨壯志消。尊兄說那話。〔合〕文場士。須我曹。詩成珠玉在揮毫。行看取奪錦標。歸家端不負題橋。〔丑〕

〔前腔〕行行路轉迢。見霞開霧斂。日落山高。前村將近。停裝且共今宵。對牀休

說論文好。把酒須將離恨澆。〔合前衆〕

〔尾聲〕相逢莫苦傷懷抱。但努力功名及早。不枉間關此一遭。

雲物如故鄉。

山川異岐路。

年年未歸客。

馬上春欲暮。

### 第十四齣 立志

〔金瓏璫〕 〔旦挈衣上〕鉛華空減盡。猛然屈指消魂。從去日。計歸程。愁深人覺

遠。況匆匆時序驚心。秋氣早。客衣輕。柳葉疎疎桑葉稀。郎行何處換春衣。生憎池上鷓鴣鳥。

偏向人前作對飛。奴家一自兒夫去後。坐想行思。魂馳夢驟。不知他途路上安否如何。不知他到京

的光景如何。又不知他科場事業何如。正是心似酒旗終日掛。眼如魚目不曾乾。我想他別時節是

暮春天氣。如今又值仲秋了也。找這裏空閨岑寂。已怯新寒。他那裏客邸淒涼。難捱清冷。昨日聞得

李官人上京。已曾修書一封。作詩二絕。今日不免緝理些寒衣。一同附便送去。以慰他旅邸。多少是

好。〔旦縫衣介〕

〔香羅帶〕思君客裏身。風霜乍驚。傷懷忍聽砧杵聲。他有誰早晚敘寒溫也。今日寄此衣去呵。須念奴着肉想。貼體情。但不知寬窄。怕無準繩。呀。奴家想得他遠。敢是心亂了。他別去呵。未隔三秋也。那肥瘦如何記不真。這個也難料他。只是隨我這意見做去罷。

〔前腔〕丈夫。非奴忘你身。只爲縱橫亂心。君心恐似綿裏針。奴心似線引無門也。相逢處。總難憑。天那。難道他就心變了。奴家聞得。人須是舊衣貴新。只怕他別有新人也。道奴人舊衣新也不當新。〔貼上〕

〔臨江仙〕秋色蕭條人意慘。容光暗裏凋零。深閨惟有斷腸人。愁聞天外雁。望盡隴頭雲。〔見介〕呀。桂英姐。〔旦〕二姨娘萬福。請坐。〔貼〕我怕你在此寂寞。特來看你一看。你到在這裏做衣服。〔旦〕不瞞二姨說。此時天氣將寒。思我丈夫在京。寒衣也不會帶去。故此在這裏整些衣服。寫上家書一封。并詩二絕。見說李官人家有使人去。就央他寄去。〔貼〕如此甚好。你的家書。夫妻間必有情話在內。不好看你的。我久聞你頗通筆硯。不見你佳作。書上之詩。誦與我聽如何。

〔旦〕待奴家誦與姨娘聽。只是不好。〔吟詩介〕上都梳洗逐時宜。料得良人見卽思。早晚歸來幽閣內。須教張敞畫新眉。第二首云。上國笙歌錦繡鄉。僊郎得意正疎狂。誰知憔悴幽閨客。自覺春衣帶繫長。〔貼〕好好。豈不是個詩禮之家出來的。只是一件。你在大媽面前。不要只管想那王姐夫。想不想放在心上便了。〔旦〕這是夫妻之情。瞞他怎麼。〔貼〕你還不曉得。我被他絮絮叨叨。教我與你說。要苦逼你改嫁那金壘這廝。幸得金壘見你執意不從。帶了許多金銀。到別處遊蕩去了。如今大媽又要你兜籠陣馬。別尋個富家郎守他。不知你意下如何。你看這般光景。不如順了他罷。〔旦〕姨娘。你也這般覷着我。道我是什麼樣人。

〔香柳娘〕我是公卿的女兒。我是公卿的女兒。不幸雙親連喪。爲資財。身陷烟花門巷。今日喜得嫁那王俊民。與奴家呵。似蒹葭女蘿。似蒹葭女蘿。不是路柳與牆花。閒藤與野蔓。誓一鞍一馬。誓一鞍一馬。若說起這行藏。如刀割心臟。〔貼〕呀。桂英姐不要煩惱。方纔言語。是我試你。看你立志如何。你既有此貞節。那個打動得你。那王姐夫目下定然有榮貴之日。

〔前腔〕似你堅貞可嘉。似你堅貞可嘉。正是女人風範。我那大媽呵。他邪言蕩語。可不辱伊門望。我是風塵過客。我是風塵過客。今日呵。怪底倚門粧。羞殺停雲唱。你是蕊珠宮麗質。你是蕊珠宮麗質。與姮娥竝肩。早晚僊郎相向。〔旦〕多謝二姨娘美情。凡事全賴扶持奴家。做個好人。〔貼〕說那裏話。你也要自家保重。

深閨寂寂恨重重。

吹盡梧桐一夜風。

無限心中不平事。

一番清話又成空。

### 第十五齣 看榜

〔末扮祇候官上〕爲問當年素服儒。千秋腰下佩金魚。分明有個朝天路。何事男兒不讀書。自家禮部辦事的便是。今年大比。三場已畢。主試老爺看卷填榜。取過進士五百名。擇今日開榜。開榜後。就送瓊林會宴。着小官在杏園俟候各進士老爺下馬通報。呀。前面一班秀士來了。想是看榜的。不免先到杏園去。正是有福之人人伏侍。無福之人伏侍人。〔生〕

〔窳地錦襠〕青燈昔日費鑽研。黃榜今開御墨鮮。縱橫禮樂字三千。十九人中

最少年〔小生〕

〔水底魚〕累牘連篇。功名豈偶然。半生偃蹇。今朝始透關。今朝始透關。〔淨扮老秀才〕

〔前腔〕專聽臚傳。宮花在眼前。科場三十。今始會同年。今始會同年。列位尊兄。作揖了。〔生小生〕請問老先生。方纔怎麼說科場三十。敢是走了幾科了。〔淨〕學生走不多。剛剛走了三十科。所以謂之科場三十。〔生小生〕呀。三十科。算將來就有九十年了。老先生是幾歲上科舉的。

〔淨〕三十歲。〔生小生〕呀。古怪。老先生今有一百二十歲了。〔淨〕不敢。學生這青春。今年纔有七十歲。〔生小生〕七十歲怎麼到走了三十科。那五十年在那里。〔淨〕尊兄。你不知道。學生在先走過十科了。〔生小生笑介淨〕學生先母最難生長。在先養九個家兄。都養不大。直到第十個是學生。方纔養大。算將起來。學生是第十科場了的。所以在先母肚中。走過十科了。〔生小生〕休得亂道。怎麼父母生育。說個窠字。把畜生比方他。這個是不孝了。〔淨〕尊兄。這個正謂之孝。你還不曾讀論語。論語上說道。今之孝者。是謂能養。至於犬馬。皆能有養。聖人也是這般說。偏我就是不孝。〔生〕那些個誣



聖經。一發不可不可。〔淨〕列位尊兄。今日開榜了。想諸兄都是高中的了。〔生小生〕不敢。昨日草榜上已知僥倖有人報了。但不知果然在第幾名。今日張榜。看個分曉。老先生一定在前列了。〔淨〕不敢不敢。得隨驥尾也勾了。看一簇人馬。想是齋榜來了。〔衆齋榜上末衆唱〕

〔前腔〕秀士翩翩。紛紛爭後先。英雄五百。頭名是王狀元。頭名是王狀元。〔生衆看介生〕學生是第一了。〔淨〕第一名是王魁。〔小生〕學生是第二甲。〔淨〕老夫在三甲了。〔榜下介淨〕狀元先生。就是此間王年兄了。有眼不識。請問此位年兄高姓貴表。〔小生〕方纔榜上張奇。便是學生。請問老年兄。〔淨〕學生姓方名得中。榜上方得中便是小弟。今日狀元及第。賜宴瓊林。只待聖旨頒降袍笏。同赴杏園。攜帶攜帶。〔生〕

〔山花子〕上林丹桂花開遍。幸然獨步高攀。氣崢嶸。丰姿改觀。方辭黃卷青氈。〔合〕赴瓊林。笙歌滿前。宮花斜倚烏帽偏。緋袍半軀壓錦韉。身世蓬瀛。天上人間。〔小生〕

〔前腔〕書生已遂平生願。從今超脫凡緣。頓胸襟。陽春藹然。家山草木開顏。〔合〕

前淨

〔前腔〕烏紗白髮人爭羨。須知鐵硯磨穿。喜龍頭今屬老年。不敢驟馬揚鞭。〔合前末扮辦事上〕

〔前腔〕筵開玳瑁瓊瑤滿。金貂紫綬駢肩。五花叢旌旗蔽天。六街走馬齊看。〔末見衆介〕小的是禮部老爺差來的。請各位老爺即時冠帶。早赴瓊林。〔衆〕起去。就來了。〔末下介衆合前〕

獨對丹墀策萬言。

龍蛇飛動字三千。

一日聲名遍天下。

滿城桃李屬春官。

### 第十六齣 卜筮

〔十一時〕〔旦上〕終朝生懊惱。謾自嗟排還到。堆上淹煎。砌成潦倒。喘吁吁氣餒形消。未卜死生何兆。從郎別去長相憶。秋鴻過去無消息。夜夜孤燈掩碧紗。朝朝鏡裏凋顏色。捱盡年華鬼病侵。海上真方醫不得。奴家只因兒夫去後。終日憂思。不覺心緒徬徨。精神恍惚。淹

淹成病。吉凶死生。竟未可知。奴家幼時曾讀周易。頗曉卜筮。不免對天禱告。占一卦以下休咎。多少是好。

〔二郎神〕空閨悄。鎮懸懸心事沒倚靠。吉凶無憑專拜禱。爲憂愁思慮。不明不夜煎熬。這疼熱在膏肓。難按療。那行坐處來顛去倒。易中先聖。或吉或凶。明彰報應。秉誠曝擲金錢。細推立卦生爻。〔卜介〕單單拆。再求外象三爻。〔卜介〕單拆重。呀。上火下澤。是睽卦。睽者乖異也。上九爻動。應在冬後。有非常之災。又主夫婦分離。有先睽後合之象。料終無事。但不  
知我兒夫在京安否何如。功名何如。再卜一卦則個。

〔前腔〕思着千山萬水。音稀信杳。踪跡茫茫難揣料。那異鄉水土。怕他難護難調。更不知他呵。得占鰲頭可這遭。錦衣歸在幾時分曉。易中先聖。王魁功名成否。明彰報應。〔合前卜介〕單重單。再求外象。〔卜介〕又是單重單。呀。是乾卦。二爻發動。詞曰。見龍在田。利見大人。此爻主求名必遂。大吉之卦。丈夫功名必然成就了。謝天地。且喜且喜。呀。二姨來了。〔貼〕

〔繞地遊〕花殘鶯老。謾自傷懷抱。最堪憐。閨中年少。〔見介〕桂英姐。你在此焚香做甚

前淨

〔前腔〕烏紗白髮人爭羨。須知鐵硯磨穿。喜龍頭今屬老年。不敢驟馬揚鞭。〔合

前末扮辦事上

〔前腔〕筵開玳瑁瓊瑤滿。金貂紫綬駢肩。五花叢旌旗蔽天。六街走馬齊看。〔末

見衆介〕小的是禮部老爺差來的。請各位老爺即時冠帶。早赴瓊林。〔衆〕起去。就來了。〔末下介

衆合前

獨對丹墀策萬言。

龍蛇飛動字三千。

一日聲名遍天下。

滿城桃李屬春官。

### 第十六齣 卜筮

〔十二時〕〔旦上〕終朝生懊惱。謾自嗟排還到。堆上淹煎。砌成潦倒。喘吁吁氣

餒形消。未卜死生何兆。從郎別去長相憶。秋鴻過去無消息。夜夜孤燈掩碧紗。朝朝鏡裏凋顏

色。捱盡年華鬼病侵。海上真方醫不得。奴家只因兒夫去後。終日憂思。不覺心緒徬徨。精神恍惚。淹

不好。〔淨〕怎麼不好。〔丑〕前年在我家算命。偷了一把酒壺去。〔淨〕這個又不是了。他與我同姓不好。同宗。〔丑〕休閒說。你把我女兒八字算一算。〔淨〕請說年月日時。〔旦〕戊子庚申辛亥己亥。〔淨〕且待我排。戊子年庚申月辛亥日己亥時。此命乃傷官之格。爭奈六害大重。父母兄弟都沒有了。是個害種的命。〔旦〕先生休閒說。仔細推一推。〔淨〕莫怪先生說。這兩年咸池進宮。桃花相犯。該落在娼流之門。喜貴人爲主。目下孤辰寡宿相侵。有迷胸掩肚之災。這個到不打緊。若交秋末冬初。正是白虎喪門臨井。大限小限相衝。流孛進宮。歲君入命。着實難過。要死的。〔丑旦貼〕有甚麼樣災。〔淨〕這個命到這個時候。有三不見天之病。〔丑旦貼〕怎麼三不見天。〔淨〕一不見天是牀褥。二不見天是牢獄。三不見天是棺木。〔旦哭介〕

〔轉林鶯〕苦今遭折挫。怎打熬。我一身似夢飄飄。〔丑貼〕桂英。不要啼哭。這推詳應否都難料。休嗟歎。不必多焦。且自寬心守着。那些三個禍福。惟人自召。先生。他惡星交。怎修禳祥解。災難可潛消。〔淨〕

〔前腔〕安排八字是天公巧。死生禍福難逃。這淵微命理。我也推詳到。他凶星

度當秋末冬交。恐修禳難保。可憐紅顏命自古多薄。〔丑貼旦〕先生再相勞。看有何禳解。災難可潛消。〔丑貼〕再煩先生細看一看。〔淨〕待我再看呀。幾乎差了。雖然他是該死的命。賴有天德月德相解。天喜天醫相救。逢凶化吉。起死回生。過得此災。到是個夫人之命。他招的丈夫。到是個貴顯之人。只是長他幾歲纔好。〔丑〕是長他五歲的。〔淨〕大五歲是二十五歲了。癸未生的。待我輪一輪呀。是他的夫。只是到那時。也有些災悔。主夫妻先離後合。你二人都過了這個關。就一生榮貴安穩了。〔丑貼〕但願如此便好。只是自家要保重便了。〔丑〕有勞先生。再看一命。〔淨〕若是富貴命我便算。若是不好賤命我不算。〔丑〕是好命。〔淨〕說年月日時來。〔丑〕丑年丑月丑日丑時。〔淨〕呀。不是人的命。〔丑〕怎麼不是人的命。〔淨〕你方纔說狗年狗月狗日狗時。〔丑〕不要取笑。仔細看來。〔淨〕是男命女命。〔丑〕是女命。〔淨〕是女命。就不停當。正是四丑相沖。無數老公。桃花雜犯。宜入關中。〔丑〕休管閒事。只看命宮如何。〔淨〕你這命穿綠又穿紅。丈夫不到老。到老不和同。〔丑〕財帛宮如何。〔淨〕此命生平歌舞地。一世在娼門。日趁三百貫。夜趁五千文。〔丑〕男女宮如何。〔淨〕女爲千家貨。男載萬年碑。老來歸路日。少個送終兒。〔丑〕田宅宮如何。〔淨〕命坐田宅宮。不愁

風雨雪。虧了鰲箕兒。受用無休歇。〔丑〕這老畜生好無禮。我到一聲聲先生先生。他到反切字語罵我起來。〔淨〕小子不會說什麼。〔丑〕還要賴哩。方纔說道鰲箕兒。鰲箕鰲箕。鰲賓邊毯。把我老娘的東西好批在命書上。〔打淨介旦貼勸介〕這老畜生好好走出去。〔淨〕打得好。打得好。四鄰八舍。看花娘打漢子。〔又打淨譚下旦貼〕媽媽。他是江湖上人。口沒遮攔。不要惱他。進去罷。

身世浮萍莫認真。

好將消息付東君。

須信萬般都是命。

果然半點不由人。

## 第十七齣 議親

〔鳳凰閣〕〔外扮韓琦上〕威名遠播。坐致西陲膽破。此身進退繫安危。未許蕭曹獨步。髯絲垂素。奈兒女婚姻未妥。胸懷爵祿愧伊周。碌碌功名早白頭。半世未先天下樂。兩眉常鎖廟廊憂。這幾日朝廷策士。下官謬司掄選。叨忝文衡。不得稍閒。如今且喜考校定奪。賜進士及第王魁等五百名。赴宴瓊林已畢。正值朝省無事。暫假休沐。又想起家事來。我如今當向暮。尙有一女。及笄未字。非無公卿貴戚來求我。老夫但欲擇婿。奈無可意之人。以此遲遲。朝夕縈掛。昨見

新狀元王魁。才貌兼全。德器淳雅。此人向後必非凡品。況又年少。我略略訪他門第。聞他幼孤而貧。多因尙未婚配。我欲招他爲婿。使我女有所托。彼身有所依。極是老夫身上一節快意事。須得個官媒婆去說親方好。院子那里。〔末〕有。珍珠簾下聞呼喚。白玉階前聽使令。老爺有何台旨。〔外〕你去喚個官媒婆進來。我有話說。〔末介外〕我且在此看書。待他來。〔末喚介丑扮媒婆上〕

〔醉太平〕我做媒婆。當官最苦。〔末〕有什麼苦處。料他賞賜又不多。動不動打差訛。〔丑〕這等忙時忙月。喚我怎麼。〔末〕老爺有一位小姐在家。想必要你說親。〔丑〕這兩日沒去頭。

〔末〕怎麼沒去頭。〔丑〕不信。你看我兩袖裝滿的都是月帖。〔末〕不信有許多。〔丑〕這不當多。袖子裏還裝不盡哩。那假髻兒裏頭也是年庚。這褲子褶中還有一張大八字。〔末〕怎麼一張大八字。

〔丑〕六七寸大八字樣。這等一張在裏頭。〔末〕好囉。那些個萬綠叢中一點紅。〔丑〕你看鞋幫內又藏一大綑生辰。〔末〕好好。羞殺你一勾羅襪步香塵。休要亂道。待我通報老爺。〔進見報介外〕着他進來。〔丑見介外〕媒婆。我有一女。年方一十九歲。尙未許人。今年新狀元王魁。我見他青春年少。想未曾娶妻。意欲招他爲婿。你可到他衙裏。委曲一說。他若未娶。料必相從。若是已娶了。就不可強。



他。〔丑介外〕院子。可着堂候官與他同去。〔末介外〕媒婆。你聽我說。我小姐不是沒有貴戚之家來求親。只是來說的都不中我的意。

〔駐馬聽〕閱閱名流。淑女遲歸須好逑。不論寒門白屋。只願才子佳人。守鳳侶。鴛儔。恐冰人不挽赤人頭。那書生無分尾紅絲後。〔合〕試看天意人謀。料前生分定。今生輻輳。〔丑末〕

〔前腔〕金屋瓊樓。效託青鸞把信投。畢竟山連撮合。蓮竝瑤池。月應辰勾。這嬌娥是殿上掌書儔。那仙郎是天下文章首。〔合前〕

書傳青鳥葉題紅。

秦晉殷懃兩意通。

佇看門闌多喜色。

定教女婿近乘龍。

### 第十八齣 辭婚

〔虞美人〕〔生上〕冠蓋新霑恩命。徽音久絕朱絃。忽聽西風逐征鴈。又見飛花啼杜鵑。離愁轉萬千。蕭條宮舍客天涯。強把離愁寄酒卮。丹鳳早膺天子詔。尊鱸又動異鄉思。

密約。數歸期。舊情新敍在何時。欲將綠綺舒心曲。流水高山付與誰。下官且喜鰲頭獨占。賜宴瓊林。蒙聖恩除授徐州之職。雖兩字之功名已遂。奈三載之琴瑟塵埋。一壁廂欽限難違。疾當赴任。一壁廂差人去取渾家。以慰久別之思。咳。又愁他嬌姿弱質。畏怯風霜。如何是好。正是關河朔。鴈聲悲處。旅邸羈人腸斷時。〔丑末〕

〔出隊子〕侯門求聘。特地來通秦晉盟。婚姻鞦韆合是前生。人事天緣須兩成。難遇雙雙才子佳人。〔末〕此間已是狀元寓所。呀。牌子哥報聲。韓丞相府中差官來見。〔淨生見介〕

末小官是韓爺府中堂候官。〔生〕這是何人。〔末〕這是官媒婆。〔生〕到此有何話說。〔末〕領丞相爺之命。俺丞相有一位小姐。欲招狀元老爺爲婿。故差小官同官媒婆到此說合。〔生〕呀。下官已有早年結髮。乃貧賤糟糠。前不可棄。後不可娶矣。拜復丞相。重違尊意。恕罪恕罪。〔末背對丑〕既有了夫人。如何是好。〔丑〕這個不要管他。還要與他說纔是。〔末丑〕狀元老爺雖然如此。俺老爺是當朝一品。非乏姻親。但俺小姐德不下于孟光。狀元才可超于司馬。堪爲佳配。故此俯求。狀元卽棄舊盟。以諧新好。未爲過也。〔生〕好差矣。下官雖不才。也決非王允之流。頗識宋弘之義。況我夫妻之情。又

不比尋常。你且聽我說。

〔北新水令〕半生陋巷一簞瓢。半生陋巷一簞瓢。歎零丁椿萱喪早。走功名。多困踣。浮蹤跡。任流落。旅食蕭索。負不得糟糠義。死生約。〔末丑〕狀元老爺。

〔南步步嬌〕這姻親天上人間少。多少來求親的。不會輕許他。量福分應難到。知君是俊髦。因此上路指天台。書傳蓬島。方纔狀元老爺說。不負糟糠義。老爺老爺。常言道。富易交。這是人情。何必多執拗。〔生〕

〔北折桂令〕數年間株守蓬蒿。仗短劍空囊。四海無聊。我那妻呵。水萍逢。遂結紅綃。擔幾多磨折煎熬。不能勾一回價朝歡暮樂。怎禁那惡摧殘利閃名拋。腸斷魂消。相見時猶恐擔閣。肯忍將艱難中恩愛忘卻。〔末丑〕狀元老爺。俺小姐呵。

〔南江兒水〕金屋春初曉。瓊樓月正高。奇葩半吐天香繞。難得又是我家先來說合。瑤琴未鼓相如調。明河已駕仙郎棹。絕勝襄臺虛渺。老爺。你想舊愛新姻。畢竟是誰村誰俏。〔生〕

〔北鴈兒落〕徒羨着錦重重春意饒。空說得美甘甘天花落。我這裏影煒煒裙布交。瘦巖巖荆釵貌。雖不比綉幕金雀。早難道閒花草。我前日與他海神廟焚香設誓。誓猶在耳。今日一旦將他辜負呵。是瞞天謊在神前調。斷頭香在爐內燒。悲號。媒婆。你在丞相跟前呵。把我那衷腸事。須詳告。也難教慘呵呵將舊芙蓉寶鏡敲。

〔末丑〕狀元老爺。俺老爺不是小可的。只怕你拒他不得。

〔僥僥令〕他聲華連紫禁。位望近丹青。掌上威權紅日小。況那太山情比天更高。〔生〕呀。

〔收江南〕不禁這別離淚搵着。又添上絮叨叨。越越的新愁舊恨兩無聊。爲一層綠袍。拆散鴛翠翹。媒婆。我難道竟把夫人拋棄了。我那夫人。今日呵。占鰲頭端的續鸞膠。〔丑〕狀元老爺。

〔園林好〕你爲那籌兒難將愛拋。只怕這些三兒難將性喬。休恁是非顛倒。如今一時不從得此親呵。恐連枝樹是禍根苗。追今日。悔來朝。〔末〕這媒婆不要胡說。狀元

老爺在上。〔生〕尊官。此親斷不敢從命。

〔沽美酒〕謾禁持。枉這遭。謾禁持。枉這遭。端不犯再婚條。況這繡褥金屏豈草  
茅。非福分也難消。那些個恩多義少。蕊珠僊大都休道。屢屢人怎下輕拋。不離  
側西廂夢遶。這些時東牀信杳。尊官。我蒙聖恩除授徐州僉判。即日赴任。就要差人去取我  
的家眷。我呵。那其間離懷愁抱。沖沖的亂攪。呀。這是肺腑情。非干推託。〔丑末〕  
罷罷罷。

〔尾聲〕無情流水空勞擾。冷淡了珠圍翠遶。〔生〕我忍戀歡娛棄寂寥。

繡褥金屏真可誇。

糟糠結髮實堪嗟。

落花有意隨流水。

流水無情戀落花。

### 第十九齣 羨德

〔掛真兒〕〔外〕碌碌塵名鬢冉冉。閨中女尙阻姻媿。曾道冰人約婚東坦。未審  
天從人願。欲選吾家百世姻。侯門貴戚尙因循。休言紅葉題詩偶。且說金屏中目人。老夫只爲女孩

兒親事。已遣官媒婆與堂候官到王狀元處說親。未知成否何如。怎麼不見來。〔丑末〕

〔粉蝶兒〕姻事空言。慢使唇鎗舌劍。〔丑末見介外〕那王狀元親事如何說。〔丑〕老爺不

要說那親事起。小媒婆在他跟前。倍了無數小心。說了許多好處。他千推萬阻。咬定牙根。只是不成。

〔外〕爲何只是不成。〔丑〕他說道。我家自有嬌滴滴香噴噴如花似玉這等一個何仙姑。知道你家

小姐是長的短的村的俏的。我要娶他。〔末〕休要說謊。〔丑〕我說道。我家的小姐一發如花似玉。像

我一般的。他說道。像了你有什麼好。我說道。看我的面上。再要怎麼樣如花。〔外〕唛。休胡說。〔丑〕他

還說得不好哩。他說道。像了你也罷。只怕像了那丞相老爺。這嘴又闊。鬚又多。小姐若像了老爺。就

是那話兒也不小。這些兒也不少。〔外〕這狗婆子一訕亂道。成不成。我這裡不用你了。叫左右與我

着實打上四十。趕出去。〔打介譚介〕快趕出。〔丑走介〕什麼來頭。那些個滿頭花。一場辣麵。拖地錦。

四十皮鞭。〔丑下外〕堂候官。你從實說。那狀元爲何不從。〔末〕他說道。多蒙你丞相爺不棄微賤。俯

就姻親。敢不從命。只是已有少年結髮貧賤糟糠在家。以此重違恩眷。伏乞恕罪。尙容參謝。〔外〕原

來如此。卻怎麼。〔末〕老爺。他說起之時呵。

〔好姐姐〕萬千愁眉泪眼。道難割忍糟糠貧賤。酸心苦口。聞之倍慘然。非虛誕。只爲恩深義重心難變。懇致殷勤。望免賜愆。〔外〕堂候官。我說過的。他若已娶。斷不可強。〔前腔〕既然有室家燕婉。怎教他又將恩成怨。況艱難守義。不爲富貴遷。這尤堪羨。梁鴻已畢荆釵願。忍破菱花泣舞鸞。堂候官。這親事到不必提了。但此人。我甚愛他。才華德度。他日必是個廊廟之器。只是如今除他徐州僉判。虧了他些。且待後日請他送行。你今日就將我帖子請過了。說道議姻一節。狀元既有了夫人。俺丞相爺斷不相強。聞狀元任期在卽。明日薄酒。與狀元餞行。千萬降重。〔末介〕

佳宴開東閣。

東風掩洞房。

長亭明日柳。

折贈狀元郎。

### 第二十齣 託寄

〔似娘兒〕〔生〕梧陰寂歷轉欄杆。慘淡風烟秋色闌。離思動鄉關。雲外一聲孤鴈。十年磨劍雪霜寒。千里孤城守一官。宦思離情兩成癖。不勝衣帶沈腰寬。下官幸登高選。僉判徐州。

已酬墨帳之勞。一洗敝裘之恥。正欲取我夫人到來。同臨任所。不想那韓丞相道我年少無妻。特令官媒來說。要招我爲婿。自家力以糟糠之義懇辭。只恐他又生別議。旋致淹留。只得刻期走馬之任。以脫此姻。如今不免修書一封。先到萊陽報喜。請我夫人竟赴徐州任所。卻不是好。左右。取紙筆來。

〔寫書介〕辱愛王魁拜啓。桂姐賢妻夫人粧次。

〔一封書〕離家後幸安。爲卿卿日挂牽。科場事幸然占魁。名忝狀元。除授徐州爲僉判。特請同臨。莫作難。謝公前。致惓惓。媽媽姨娘可代言。書已封完。只是我這里沒人差使。得個公差人寄去方好。常年有賣登科錄的往各處去。想必萊陽也有使人。左右。你看有賣登科錄的。喚將進來。〔末應介小生扮賣登科錄的上〕

〔金錢花〕一生命受奔波。奔波。從小慣走江湖。江湖。今年正值賣登科。到萊陽去。此經過。怕有人買叫聲呵。〔叫介〕賣登科錄。〔末〕你是賣登科錄的。俺老爺喚你進來。有話分付你。〔小生〕是那一位老爺。〔末〕今年新狀元王老爺。〔小生〕曉得。〔進見介〕你是賣登科錄的。往那一處去。〔小生〕小的往山東打從萊陽去。〔生〕這個正好。我有家書一封。煩你送去。〔小生〕



聞爺是濟寧。緣何到送在萊陽去。〔生〕我妻家在萊陽。〔小生〕不知姓甚。在萊陽何處住。〔生〕你聽我說。

〔懶畫眉〕封書煩寄莫留連。你竟到鳴珂巷謝家投下。傳與謝公。教他與我夫人開此緘。道匆匆未得錦衣還。只爲徐州不敢違欽限。請我那夫人呵。旦晚之官免意懸。

〔小生〕

〔前腔〕殷勤遙把捷音傳。端的是泥金密綵箋。疾忙回首捉行鞭。星馳願逐天邊鴈。一紙家書抵萬錢。

數行心事仗鱗鴻。

雲鎖愁山千萬重。

只恐匆匆說不盡。

行人臨發又開封。

### 第二十一齣 榮餞

〔女冠子〕〔外上〕風細香飄。清署塵飛不到。惟滿架圖書圍遶。公餘後。半日乘閒。開尊祖道。爲保障賢勞。寄言談笑。老夫前日見新狀元才德兼全。吾甚愛他。欲招他爲壻。

誰知他已有妻子。卻不好強得他。他如今除授了徐州僉判。此人是個天下英才。可爲朝廷得人之慶。以此今日請他餞行。一則表我憐才之意。二來把牧民之事叮嚀他一番。多少是好。堂候官。王狀元已邀過了麼。〔末〕早上已請過了。想必就來了。〔外〕伺候着。〔生上〕

〔女冠子〕滿路花生。踏遍長安官道。相府玳筵開早。〔末見報外生見外生〕老先生請上。小生有一拜。重荷不鄙寒微。俯垂眷念。旣辜大德。反辱見招。不勝惶懼。〔外〕狀元乃瑚璉之器。梁棟之才。我老夫深爲朝廷取士得人之賀。今日之設。聊伸餞意耳。看酒過來。

〔畫眉序〕卮酒酌征軺。緩駕清風襲芳草。看爭瞻露冕。競起歌謠。雙旌引黃鶴。翱翔長劍。欹青城縹緲。此行須慰蒼生望。王事莫辭賢勞。〔生〕

〔前腔〕湖海寄衡茅。幸爾垂綸忽釣鼈。似神登五岳。夢遊三島。銜朝命任重非才。懼庸劣曠官多誚。此行恐負蒼生望。王事敢辭勤勞。〔外〕狀元。那徐州非你久居之地。不久必定進擢。

〔滴溜子〕藩城命。藩城命。暫屈英豪。玉堂選。玉堂選。徐頒丹詔。自是明堂清廟。

琴臺飛獨鶴。凌風歸早。聽雲外絃歌聲徹。九霄〔生回酒〕

〔前腔〕恩光寵。恩光寵。輝生布袍。三生會。三生會。躬逢聖朝。聞譽茫然懷抱。循良愧漢賢。龔黃難效。回視天墀。雲闕影遙。〔外〕

〔鮑老催〕龍門價高。華堂綺席結絳綃。陽春白雪留鳳毛。金莖暖。玉屑香。霞觴倒。隨風咳吐珠璣落。縱橫點綴瓊瑤遶。飄灑處生文藻。〔生〕日色將晚。小生不敢久

坐勞神。就此拜辭了。〔外〕既如此。老夫不好相留了。〔生謝〕

〔雙聲子〕蒙寵召。蒙寵召。揣過分。難圖報。承台教。承台教。慚駑鈍。難全道。〔外〕爲民表。爲民表。屬爾曹。屬爾曹。願征科政拙。撫字心勞。〔合〕

〔尾聲〕蕭蕭車騎清塵遶。爭看使君登道。千里相□未寂寥。

林外鴉鳴落照回。

仙郎捧檄下層臺。

卽看鳧鳥朝天近。

驛使無勞遠寄梅。

第二十二齣 讒書

〔霜天曉角〕

〔淨扮金壘上〕

爲謀姻眷。百計尋方便。爭得香溫玉軟。難禁意馬

心猿。不惜千金重。寧辭萬里賒。費錢兼費力。只爲那冤家。自家金大員外。只爲那般桂英結識了王魁。

我千方百計與他媽媽說。要挑動他改嫁與我。爭奈那喬貨抵死不從。日夜思想。無計可施。那王魁前日到京來科舉。我潛地隨他來。看他動靜。他若不中。必無面目再到謝家去了。誰想他中了狀元。昨日聞得他寄家書一封。與那賣登科錄的。送到謝家。又聞得韓丞相要招他爲婿。這個機會甚好。作計較。如今不免到街坊上。尋那賣登科錄的。請他到下處來。只說我也寄家書回去。那時哄這王魁的家書出來。改寫一封。只說他入贅在韓丞相家了。休了桂英。這謝媽媽必然生惱。不容他不改嫁人。我星夜趕回去。央媒與他說。他一定嫁我。此計甚妙。怎麼尋得着那賣登科錄的。〔小生上〕回首家鄉遠。舉頭客路長。若非名與利。何事苦奔忙。〔淨見介〕小哥是賣登科錄的。〔小生〕正是。回去。若肯與我順帶。自當重謝。〔小生〕這個當得。昨日那新狀元王老爺。正寄家書。央我寄去。就與相公順帶。有何不可。不知相公上姓。〔淨〕說起來。我也是個小小里一個有名的財主。我姓金。名壘。

字日富。人都稱我是金大員外。其實手裏有幾個毛錢。〔小生〕太謙太謙。我要趕路。不能久留。員外書在那裏。就與我去罷。〔淨〕書還未曾寫。煩小哥同到敝寓去。寫起來就是。〔小生同行介淨〕轉灣抹角。此間就是。我欲小飯相留。奈下處不便。乾折白銀三錢。小哥自到酒肆中一坐。我在這裏寫起書來。卻不兩便。〔小生〕這個使得。但不當相擾。〔淨〕說那里話。這行李暫放在這裏。那酒肆中人雜。〔小生〕這個一定了。〔淨〕小哥那包兒里頭有甚麼東西。莫非不肯託我。〔小生〕有甚事。止有王狀元家書。這個是要緊的。其餘都不打緊。〔小生下淨〕待我解開包來看。呀。這個正是王魁家書。待我拆開。〔念前二十齣生家一封書介〕原來他要接那妻子到徐州上任。並不提韓丞相家求親一事。教我如何改。改不得。不如通篇都換了罷。只這中狀元一節。是少不得的。其餘都不用。

〔玉交枝〕王魁具柬附投入。投入在那里。有了有了。附投入妻子粧前。不好。怎麼稱他妻子。如今寫休書了。只稱他是敷氏罷。這也不好。有了有了。稱他是桂姐罷。附投入桂姐粧前。到京身體粗康健。這粗字下得好。不勞再賜榮牽。這再賜兩字又好。就有個休他的意思了。幸然一舉作狀元。那韓丞相招贅爲姻眷。我既有新婚。難全舊緣。若要改嫁人。

任從伊便改嫁人。任從伊便。從他改嫁不嫁我更嫁誰。且待我照樣封了。原寫着此書送至登州萊陽鳴珂巷謝家投下。原包好了。我也寫一封回去與張昌知道。〔寫介〕自我到京平安無事云云。此計已成。妙哉妙哉。你可在家小心。火燭仔細。要緊要緊。將西廳嵌八寶螺螄。結頂黑漆裝金細花螺甸。象牙大拔步牀。作急星夜搬粧十二透明樓下。待我回來成親。你先與我央媒到謝家說合。切勿遲誤。至緊至緊。此書附至萊陽金大員外家張昌開拆。〔小生上〕飲罷三盃酒。來取萬金書。〔淨〕小哥來了。書已寫完在此。〔小生接書介淨〕就煩小哥收下。這白金二兩。聊作路費。〔小生〕員外怎麼見賜許多。〔淨〕你請受了。還要相煩。

〔玉胞肚〕封書乘便。在途中切勿遲延。萬望你把我的家書先投下。我極有要緊的事在

上。那王狀元的書。且遲一日。到我家還有重酬你。狀元書慢慢的相傳。到吾家暫息勞倦。〔合〕茫茫去鴈白雲邊。回首東風總不堪。〔小生〕

〔前腔〕蒙君厚遺。記叮嚀不忘後先。忙投奔尊府息肩。待來朝到謝家庭院。〔合前小生〕多承厚賜。就此別了。〔下淨〕

只愁帶月與披星。

宿水餐風已慣經。

路上若逢花共酒。

一程莫作兩程行。

### 第二十三齣 赴任

〔憶秦娥〕

〔生末扮王興同上〕

攜征旆。春江一派琉璃翠。連雲樹。他鄉故國。宦情

離思。

望入高原思渺茫。春風萬木曉蒼蒼。故山縱有林丘在。惆悵天涯對夕陽。下官自韓丞相約婚

不從。反承招飲餞別。傾蓋相知。頗見珍重。又蒙給付人夫舟馬。送我之任。我前日已曾寄書到萊陽。

接取夫人。竟赴徐州相會。不知幾時得來。想謝媽媽見了此書。必定不如前日這般看待他了。他若

作速起程。則我到徐州。他也可到了也。叫左右。分付水手開船。〔衆介生〕

〔金索掛梧桐〕輕輕江樹移。緩緩帆風起。山動霞飛。過眼天無際。飄溶荇芷繁。

遶游魚。鳧鷖雙雙掠水低。白雲縹緲無親舍。巫峽參差想鳳幃。閒名利。須臾潘

鬢怕成絲。〔合〕莫蹉跎。花縣春輝。須栽徧河陽樹。〔末〕老爺今日且喜呵。

〔前腔〕功名願已如。閤閤聲重繼。那家鄉宗黨。一向不知音問。故國親知。極目今何

處。老爺到任已後呵。那時須及早寄封書。恐爲地下雙親報喜遲。來時已恨貂裘敝。歸日休教夜錦衣。乘遭遇。甘棠定擬政聲馳。〔合前生〕

〔劉潑帽〕樓船簫鼓交龍旆。想赴京時半肩行李。從今一洗當年恥。〔合〕須報補君恩。盡忠盡。安黎庶。〔末〕

〔前腔〕垂楊落照東風裏。奈枝頭數聲杜宇。關心總爲牽名利。〔生〕日將晡了。趕到館驛挽船罷。〔合〕盼不到前途。回首處。迷烟樹。回首處。迷烟樹。

北去清江綵鷁飛。

蒼茫宮殿隔烟霏。

官曹爭得多清暇。

落日題詩滿翠微。

### 第二十四齣 構禍

〔玉樓春〕〔旦上〕人寂寂。晝沉沉。眼前無事不傷心。落花啼鳥渾如昨。鏡裏朱顏病裏身。都不覺。又經春。思君還怨君。屈指歸期空自數。暗卜無憑。巖巖瘦影伴青燈。鳥

啼知是曉。強起不勝情。奴家只爲兒夫杳無音信。展轉思量。心情恍惚。神魂飄蕩。又被金壘這斷將



財物買轉那嫖嫖意兒。逼奴改嫁。見奴死不順從。又逼我兜籠陣馬。賣俏倚門。這般所爲。狗彘不若。天那。婦節不可毀。夫義不可忘。媽媽。任你設計施謀。決不隨波逐浪。

〔越調鬪鶴鶉〕雨歇雲收。天長地久。月缺花殘。風儻雨憊。想我那丈夫。自前春去後。至今杳無音信。他敢戀着路柳牆花。飲閒茶浪酒。莫不是酸子心。蜜鉢口。多虛少實。將沒作有。

〔紫花兒〕怪牙隊千般訕嗽。恨柳青百種搓揉。喜孛老幾番搭救。媽媽。你要逼我做娼家事幹呵。磨折了輕盈燕體。哽咽的宛轉鶯喉。休休。則把那弄月吟風一筆勾。拜辭了夜闌珊酒淹衫袖。尅羸體驚驚怯怯。別離情蕩蕩悠悠。〔末張昌上〕

未解嫦娥意。難通月老情。強將三寸舌。欲結百年姻。自家金大員外掌家的張昌便是。俺員外向日欲取謝家桂英姐爲妻。那桂英姐已自嫁了王魁了。我員外又強逼他。他卻抵死不從。如今員外在京。又寫書回來。教我到他家裏去說親。不知他是何等見識。不免與他走一遭。正是說不說由我。肯不肯由他。此間已是謝家門首。不免叫聲。有人麼。〔旦〕呀。外面誰叫。是個男子漢聲音。不免叫媽媽

出來。媽媽外面有人。〔丑上〕門戶冷淒淒。誰人獨扣扉。是誰。〔見末介〕呀。張昌哥。到此貴幹。〔末〕我員外京中有書回來說。多多拜上媽媽。桂英姐親事。務要主張主張。即日回來。自當重謝。〔丑〕我孩兒在裏面。你進來自與他說。〔介〕我兒。這是金大員外家張昌哥。那員外又教他來說你親事。決然嫁了他罷。〔旦〕媽媽。他怎麼又來胡纏。〔丑介〕張昌哥。你看我孩兒這般丰姿。莫說做你員外的院君。便是夫人也做得過。〔末〕

〔北小桃紅〕舉頭兒見了女嬌姿。一捻兒腰肢瘦。柳葉眉兒更清秀。姐姐。何不及早回頭。酸心苦志徒生受。你娘兒卻把聘財收。將心自窮究。則不如別效了鸞儔。〔旦〕張昌哥。我本宦家之女。出于無奈。誤落在此。你員外這般爲富不仁。潛地裏與我媽媽財物。待要取我爲妻。教他夢喃喃休想休想。〔末〕姐姐。我員外是個讀書君子。就嫁了他。有何不好。〔旦〕你員外是個讀書君子。早些早些。

〔禿廝兒〕金員外他暗裏施謀。〔末〕你家媽媽把聘財都收下了。〔旦〕我娘呵。潛地吧聘財收。敎桂英休想將明珠暗投。富家郎。富家郎。枉下了攀花手。俺這裏。俺這

裏海棠枝綠消紅皺。請垂釣的哥哥別處下了鉤。休戀這一搭兒野水灘頭。  
〔丑〕賤人。那王魁做了飛禽走獸。你也跟了他去。〔旦〕媽媽。常言道。嫁雞逐雞。

〔麻郎兒〕那些個逐雞飛。同棲共宿。〔丑〕那王魁死了。你也死了罷。〔旦〕俺情願孤守。便死在黃泉路相逐。〔丑〕這如今也由你做主不得。〔旦〕俺身雖似無檣沒纜舟。早難道隨波浪飄流。〔丑〕你如今待要怎麼。〔旦〕

〔聖藥王〕我如今行也守。坐也守。盼歸期。一度兒價一登樓。朝也愁。暮也愁。俺記得送他時。一步兒價一回頭。娘。你再休想重匹配燕鶯儔。〔末〕媽媽。你姐姐堅志不從。我且回家復我員外。再作區處。〔丑〕你待員外回來。多多上復他。有老身在此。斷不由他。教他準備羈縻鸞鳳青絲網。〔末〕蚤辦牢絡鴛鴦碧玉籠。〔下丑〕桂英。我說與你知道。那金員外有無數金銀。爲何不肯嫁他。情願守着王魁。怎能殼出頭的日子。趁你青春年少。正好做人。只怕後來葉瘦花殘。悔之晚矣。〔旦〕

〔絡絲娘〕謝媽媽慈悲。我花殘葉瘦。俺則是清耿耿梅侶松儔。一馬一鞍古來

有。那裏有一拋一就。〔丑〕我略施些計兒。不怕你不嫁他。〔旦〕

〔東原樂〕媽媽休呈醜。謾掩羞。急攘攘迎奸的機彀。空一蹙雙眉皺。〔丑〕你若不

嫁那金員外。王魁回來。也不許他完聚。〔旦〕這也難道。我與他呵。是明白夫妻。愁也不愁。空

廝縛。他歸時怎生價迤逗。〔丑〕不信你那賤人苦死爲那王魁。如何書也不寄一封與你。〔旦〕

媽媽不要慌。早晚想必有書回來也。〔小生上〕辛勤來路遠。已喜到萊陽。此間已是鳴珂巷。不知那

一家是謝家。這黑門面裏問聲則箇裏面有人麼。借問一聲。〔丑〕是那箇。〔小生〕媽媽。借問那一家

是謝公家裏。〔丑〕我家便是。爲什麼。〔小生〕元來府上就是。賀喜賀喜。〔丑〕賀什麼喜。〔小生〕王狀

元老爺寄家書在此。〔丑〕那箇王狀元。〔小生〕新狀元王魁。〔丑〕呀。王俊民中了狀元。且喜且喜。小

哥少待。孩兒賀喜賀喜。你丈夫中了狀元。差人寄書在此。〔旦〕有這等事。謝天地。謝天地。待奴家請

公公出來。公公有請。我丈夫中了狀元。差人寄書在此。〔外〕可喜可喜。正是十年窗下無人問。一舉

成名天下知。寄書人在那裏。〔見介〕小哥多勞你。那書是王狀元與你寄來的。〔小生〕是他親手與

小子的。〔外〕請裏面小飯。〔小生〕小子去程要緊。不必賜飯。〔外〕既如此。白金一封。聊作相酬。〔小



〔煞尾〕三年恩愛徒生受。迷天恨九霄雲上頭。這般硜硜的怨癥怎成灰。爭得這冤家在眼前。與他結扭。我如今這般怨恨呵。怎生與他干休。想前日他與我海神廟焚香設誓。不免明日到海神面前。訴這情由。好生與我勾拏這負心賊。

〔尾聲〕他欺人也索神不祐。王魁你惡狠狠蛇心佛口。我便到黃泉也須把你這歹魂兒勾。定與我倒斷了前番呪。王魁那負心賊。〔下〕

### 第二十五齣 設宴

〔菊花新〕〔小生扮種將丑扮驛丞隨上〕分符銜命下層霄。千里干城擁節旄。孰與漢驃驍。謾說封侯談笑。北去盧龍塞草青。百年官跡寄浮萍。棘門敢效如兒戲。可汗何時係漢

庭。自家姓種名諤。只因元昊僭竊。屢犯中原。蒙韓相薦委。鎮守淮揚。住劄徐州。且喜近來邊報暫息。四方無警。爭奈本州郡牧久缺。下僚非才。修備除戎。必得大臣協心料理。方可保金湯之固。聞得新除僉判。乃狀元王魁。此人有文武全才。打聽他今日到任。下官在驛亭中辦酒一盃。與他洗塵。叫驛丞。王僉判老爺將到。便可報知。〔下生末衆上〕

〔六么令〕人烟擾擾。見江城風物繁饒。今朝已得解金軺。隨落照。挽江湖。旌旗  
隱隱遮前道。旌旗隱隱遮前道。〔衆挽船介丑報內〕王老爺到了。〔小生〕把我拜帖送下船  
去。〔丑遞生看〕侍教生种諤頓首拜。快道有請。〔小生見介〕學生有一拜。老先生首登鰲選。四海知  
名。辱下高車。一方延頸。〔生〕老先生名搖華岳。聲震轟雷。得觀虎威。不勝雀躍。〔小生〕聞老先生今  
日下車。學生特設草酌。在此驛亭相候。聊申洗塵之敬。〔生〕既蒙先賜左顧。又辱厚款。不當不當。  
〔小生〕不敢。左右看酒。〔遞酒介〕

〔錦堂月〕酒薦葡萄。筵開羅綺。和風暢人懷抱。共覩春輝。滿郡萬花爭笑。羨一  
錢操凜清霜。看五袴陽回枯槁。〔合〕同傾倒。願文治伊周。武功方召。〔生〕

〔前腔〕卑眇。濫佐三刀。慚從五馬。樛材有忠難效。頓倚長城。遙天萬里烟消。腥  
風遠海氣吞鯨。雄聲震山容驚艸。〔合前小生〕

〔醉翁子〕懷保。應胥慶齊瞻民表。暫今日甘棠。看廊廟德教。聽到處絃歌。三尺  
焦桐雙白鶴。〔合〕同傾倒。願文治伊周。武功方召。〔生〕

〔前腔〕須曉。仗鈇鉞無憂侵擾。羨虎節懸金。龍文歸鞞。爭道向麟閣丹青。開國承家列土茅。〔合前小生〕

〔僥僥令〕飛花流玉罌。灑酒點緋袍。紫陌春融歸馴雉。田野遍桑麻。解佩刀。〔生〕

〔前腔〕知音彈古調。傾蓋飲醇醪。不覺玉山還自倒。看落日掛峯頭。樹影高。天色已晚。酒多了。謝別。〔小生〕就此一同進城。〔介合〕

〔尾聲〕相逢共是賢東道。從此謾同歡笑。日日湖中公事了。

郊原芳草動旌旗。

一洗芳塵共醉歸。

投贈愧無青玉案。

追陪喜近白雲司。

## 第二十六齣 陳情

〔外扮大王上〕人間私語。天聞若雷。暗室虧心。神目如電。小聖海神的便是。判官何在。〔鬼判上介外〕今日北方有一婦人到廟伸訴冤枉。不許阻當。〔介判〕領法旨。〔旦上〕



〔正宮端正好〕恨漫漫天無際。王魁這賊。閃賺人無靠無依。我向那海神靈訴出從前誓。勾取那辜恩賊。奴家被王魁背恩再娶。媽媽逼令改嫁。幾乎毆死了也。此恨無由申泄。只得到海神廟把昔日焚香設誓的情由。一一訴告海神爺。求他做個明證。〔介〕呀。這是海神爺。就把衷情申訴一番。爺爺。奴家姓敷。名桂英。與濟寧王魁結爲夫婦。前年上京取應。與他在爺爺面前焚香設誓。誓同生死。若負初心。永墮地獄。如今他得中狀元。別娶了韓丞相女爲妻。一旦把奴休了。害得奴家上天無路。入地無門。奴家把前後因由。細訴一番。望爺爺早賜報應那廝。

〔滾繡球〕他困功名阻歸。寄萊陽淹滯。與奴家呵。水萍逢遂諧匹配。從結髮幾年。間似水如魚。我將心兒沒盡藏的傾。意兒也滿載的癡。誰想他暗藏着拖刀之計。一謎價口是心非。鐵錚錚道生同歡笑死同悲。到如今富且易交。貴可易妻。海神爺。你道他薄倖何如。望大王爺攝取那廝的魂靈來。與奴家折證麼。大王爺呀。怎的不保着奴家。〔介〕判官爺。與奴家在大王面前稟復一聲。〔介〕小鬼哥。你也知道的。判官不肯與奴家稟復。你與我稟告一聲如何。天那。〔介〕

〔叨叨令〕這根由天知和地知。他赴科場時。與奴家臨別呵。一同價在神前焚香誓。負盟的恰也在刀劍成粉齋。他慘模糊將心瞞昧。一日的幸登選魁。就氣昂昂。忘了貂裘敝。別戀着紅粧翠眉。笑吟吟滿將糟糠棄。大王爺。他心兒兀的不狠。殺人也麼哥。大王爺。你赤緊的勾拏那廝。只索與咱兩個明明白白的對。大王爺。你須索知道麼。〔介〕呀。怎的不言不語。不與奴家做個主張。大王爺。

〔脫布衫〕他是好生的忘筌得魚。明犯着再娶停妻。那日在大王前言猶在耳。大王爺。今日呵。卻怎生假粧聾佯沒理會。

〔小梁州〕那廝他欺罔神靈恣己爲。全不怕冥法幽司。大王爺與奴家做個主麼。呀。

一任咱一拜一悲啼。肝腸碎。怎不解這情辭。判官爺。你與我在大王面前方便一聲。判官爺。那日從頭至尾盟心事。一一的你恰也都知。判官爺。與奴家方便一聲。判官爺。啐。小鬼哥。判官不肯稟。你也是知道的。你可替奴家稟一聲。小鬼哥。啐。也都佯不傲。無答對。你

看一堂神聖。從早拜告到如今。都不保着奴家。煩惱得神魂顛倒。心慌恍睡魔催。苦海神

爺。奴家告了一日。並不保着奴家。如今天色將晚。待欲回家。爭奈神思困倦。寸步難行。不免在此神爺面前。暫睡片時。起來再告。正是一覺放開心未穩。夢魂先已到陽臺。〔困介外〕鬼判。把那婦人的靈魂攝將過來。〔判〕領法旨。〔介外〕婦人。若知前世因。今生受者是。欲知後世因。今生作者是。殷桂英。你與王魁前世有善惡相關。爭奈有陰陽間隔。難以處分。直待你陽壽終時。到我殿下。纔與你明白折證。小鬼。把那婦人扶出殿門。收拾威嚴。〔扶介〕正是閉門不管窗前月。分付梅花自主張。〔下旦醒介〕奇怪奇怪。方纔略睡一會。分明大王與咱一夢。道陰陽間隔。難以處分。待奴陽壽終時。與奴明白。天那。怎能勾陽壽終時得見大王呀。我的身子。怎麼到在殿門外東廊下。想必是陰空扶出我來。好苦。你看殿門已閉。天已昏黑。教奴歸又難行。住又難宿。如何是好。苦怎生過得這一宵。如今不知幾更時分了。

〔滿庭芳〕你聽鴈聲天際。嘹嘹嚶嚶耿耿。咳淒淒。他那里慘離羣。任孤飛。只是一生一配。又誰知道有人心的。也不念一夜夫妻。他那里繡羅幃成雙作對。我這里在泥神廟倚磚枕石。尋思起就里。心窩中疼也不疼。滿胸臆氣也咳不氣。

奴家夢見大王囑付之言。畢竟是個死。方泄此冤。我想起來。在這個所在。將什麼東西尋個死路。呀。有個香羅帕在此。把他做個了身之計罷。苦

〔朝天子〕我把那紅顏玉姿掩黃沙白骨。霎時間辭人世。這的下場頭。夫妻恩義。那香羅帕做頭敵花蛻蛻。香枯脂拋粉墮。王魁呵。我向前行。你也難迴避。哭咱一會。罵他一會。這的是永訣死了咽喉氣。好苦好苦。〔介〕羅帕羅帕。可惜你千絲萬縷。織成一段離愁。不知前世甚冤仇。今日將咱了手。袖裏恹惶知否。眼中血淚難收。從今與你兩情休。猶在咽喉左右。〔絞介〕王魁。你害得我好苦。〔死介外上〕

〔步步嬌〕只爲一紙讒書至。未審眞和僞。教人心下疑。致使吾兒不存不濟。舉步詣靈祠。採取兒詳細。不如意事常八九。可與人言無二三。天道世情多反覆。冤仇恩愛兩相擔。老漢謝德惠。只因王魁中了狀元。寄家書回來。把桂英休了。我家媽媽抵死逼勸他改嫁那金員外。桂英無計奈何。日夜啼哭。聲聲要去尋死。今早五更出門。到晚不歸。尋覓了一夜。絕無蹤跡。想必他去海神廟中禱告。迷失在那里。也未可知。你看曙色蒼蒼。雞聲杳杳。這裏已是海神廟了。呀。殿門

緊閉。人聲寂然。不見在此。且待廊下看來。莫非睡倒在這里。〔介〕這是個婦人睡着。想是他了。〔介〕  
呀。果然是他。桂英桂英。我那兒。起來回去罷。〔介〕如何能睡得熟。〔介〕原來把羅帕纏死在此。我那  
兒好苦。待我解下那羅帕來看。〔介〕呀。渾身都冷了。我那兒死得好苦。爲什麼來由。

〔山坡羊〕白茫茫風波平地。杳沉沉靈魂何處。你恨漫漫含冤在九泉。都是你那  
鐵心腸的娘。生擦擦逼你將身棄。我那兒。你好心性癡。這休書又不知是真的。是假的。  
也須問個是與非。如何不耐些兒氣。如今呵。一入冥途無路歸。我那兒。雖不是我親生  
的呵。須知。滿望終身靠着伊。誰知。今日番教斷送伊。我那兒。你死在這里。家中又不  
知道。如何是好。〔介丑上〕自不整衣毛。何須夜夜號。我那桂英不肯依我改嫁那金員外。昨日潛自  
出門。至今不見歸家。今早五更。我那老兒到海神廟去尋他。也不見回來了。不免我自去尋他回來。  
再擺布他一場。我那兒。不要說要你改嫁。要你死一定死還我來。〔介〕這里已是海神廟。誰人在裏  
頭啼啼哭哭。〔見外介丑〕老兒。你爲何啼哭。〔外〕你看。這不是桂英。被你威逼不過。把羅帕縊死在  
這里了。〔丑〕呀。果然死了。我那兒。你好沒分曉。那王魁是什麼好人。你把性命也爲他斷送了。〔丑〕

〔前腔〕你眼巴巴指望夫榮妻貴。誰想他呵。惡狠狠一旦忘恩失義。你氣沖沖不肯改嫁那富室。急煎煎情愿做無夫鬼。你也休怨誰。明明是他害你。〔外〕是你逼他嫁人。就是你害了他。到說他害你。〔丑〕怎麼是我害他。都是他焚香翦髮賢夫壻。我那兒。你若告陰司非干娘事。也須知。滿望終身靠着伊。誰知今日番教斷送伊。〔外〕媽媽。如今他死了。衣棺將何措辦。〔丑〕他衣服還有幾件。那身上穿的好在這裡。我見王魁去後。他裏邊衣上都打着同心結。金扭扣也有十來付在上。〔外〕不信有許多。〔丑〕你不信。我取幾付與你看。〔摸介〕呀。公公。這個丫頭是詐死。〔外〕怎麼有這等事。〔丑〕你不信。心窩上還是熱的。〔外〕有這等事。待我看來。呀。果然還是熱的。〔丑〕我得知了。三五個月前。與他算命。說他有兩晝夜黃泉之厄。後來還有起死回生之兆。〔外〕原來如此。寧可信其有。不可信其無。我與你且把他扶在殿後空房中。看守一兩日。禱告神道。尋個醫人救他一救。倘有再生之日。也未可知。〔丑〕這個也使得。扶他進去了。待我回去報與二姨知道。

不是冤家不聚頭。

生離死別兩悠悠。

三寸氣在千般用。

一旦無常萬事休。

## 第二十七齣 明冤

〔鬼判先上外扮大王上〕湛湛青天不可欺。未曾起意早先知。善惡到頭終有報。只爭來早與來遲。  
〔叫判官小鬼介〕今日北方有一陰魂到此訴冤。不許阻當他。〔判〕領法旨。〔旦上〕妾身只爲王魁這廝辜恩負義。把羅帕纏死。我想在生時節。脂粉紛紛。今日黃泉之下。杳杳冥冥。好悽慘殺人也。

〔北四邊靜〕虛飄飄神魂茫昧。愁雲鬢鬢慘霧淒迷。舉步難移。暗洒黃泉淚。亂攔的沙堆石砌。這裏是海神爺廟裏。我在生時曾與王魁到此設誓來。早來到舊遊之地。你看殿門大開在此。不免到殿下拜伏。申訴一番。〔外〕婦人有何冤枉。到吾殿下。〔旦〕

〔耍孩兒〕只爲生死冤業相遭際。只爲死生冤業相遭際。忍將心疼從頭提起。桂英敎氏告王魁。〔外〕你是敎桂英。告王魁什麼來。〔旦〕他如今幸爾登高第。一醉瓊林忘屢屢。別選豪門配。這的是停妻再娶。亂法胡爲。〔外〕原來爲婚姻事。這事不是我

衙門聽理的。不得在此纏擾。塔下陰魂。你可到閻王殿下訴因由。吾神呵。但司海內風濤險。不管人

問閒是非。叫小鬼與我扶那婦人出去。〔扶出介旦〕天那。奴家將爲死歸地府。要告大王與我明白此事。如今大王又不准理。卻不枉了這一場。爲什麼。

〔五煞〕把花容埋塵土。只爲與惡冤家做對壘。如今待悔如何悔。昨宵誤聽三更夢。今日裏空銜九地悲。那神靈也將人戲。賺咱上高處。掇了梯兒。

〔四煞〕到如今前怎避。後怎歸。船到江心補漏遲。茫茫苦海深無底。王魁那斷我好恨。只願你前程九萬里。恐怕三三尺神明不可欺。恢恢天網難容恕。我這里陰

陰長夜。孤魂渺渺。王魁。你在陽世與那新人好逍遙也。又不比更長寂寞。夜短歡娛。奴家在此空自埋怨一場。這冤苦幾時申泄。是爺爺託夢。因此把羅帕纏死。如今他不肯准理。更有誰知此情。到此罷不得了。不免再撞進去。把生前死後之事。細訴一番。他敢是記上來也。〔進介外〕婦人怎麼又進來。〔旦〕大王爺聽奴細稟。奴家在生時。曾與王魁在大王爺面前焚香設誓來。

〔三煞〕念生前兩誓辭。一樁樁是公案兒。這些三恩山怨海關心處。大王爺。則你呵。聰明正直應難昧。我痛苦悲傷訴與誰。奴家在陽世懇告大王。又是大王託夢與奴家。蒙



囑付夢中語。道是陰司間隔。待俺陽壽終時。因此奴家把羅帕纏死。來告大王。若大王爺不肯准理。卻不枉了奴家這條性命。〔外〕呀。這婦人因我託夢。自家纏死。特來懇告我。可憐你有這等貞烈之性。我這里與你剖斷個明白。判官與俺查檢簿籍。要見何年月日何人在此。焚香設誓。〔判介〕告大王。查得元豐二年三月十五日有濟寧王魁和萊陽敷桂英到殿設誓。如有負心者。甘墮刀山。永沉苦海。〔外〕原來有這一宗公案。那婦人你把王魁負你的情。從頭訴說一番。〔旦〕謝大王爺爺。聽奴家說來。

〔二煞〕則我將從頭怨恨提。那王魁呵。是濟寧人在洛陽下第歸。飄零寄跡萊陽地。他呵青春未遂乘龍志。那時親央媒氏。到奴家螟蛉父母謝德惠夫妻面前。求納爲婿。又不是紅葉空流御水詩。仗冰人諧匹配。眼見的百年結髮。不離側三載相偎。他與奴家做了三年夫婦。只爲上京應試。臨別之時。奴家正怕有今日。故此到大王爺殿下焚香設誓。誰想他到京中了狀元呵。

〔一煞〕鳳池得借棲。燕巢忘舊主。身榮又向豪門贅。〔外〕他贅在那家了。〔旦〕他贅在

韓丞相家了。奴家被媽媽逼令改嫁金壘。只爲那冤家。抵死不從。我寧甘九死無他志。他忍負三年。竟再妻。害得我生巴巴自墮冤業地。〔外〕他入贅在韓丞相家。你那里曉得。〔旦〕大王爺。他近日有書回來。俺只道喜孜孜萬金家信。到是一紙休書。他書上明寫道。到京幸中狀元。因韓丞相欲招爲壻。一時強從。教奴自改嫁人去。好苦。〔外〕原來如此。我聽汝從頭說事因。簿書點檢甚分明。王魁負了神前呪。兀的不斷送萊陽敷桂英。判官與我速差鬼兵二十名。帶領陰婦。一同到王魁跟前。攝收他魂靈到來。與他折證。〔判〕領法旨。〔旦〕謝大王。

〔收尾〕展開生死門。倒斷恩讎會。王魁。量這番有翅也難飛去。少不得與那新人霎時拆了對。〔旦下外〕判官。你可速差鬼兵。隨着婦人去。正是

從空伸出擎雲手。

提起天羅地網人。

### 第二十八齣 折證

〔遶地遊〕〔生上〕仁風吹遍。閭巷絃歌滿。官衙冷。一庭苔蘚。秋風過眼。猛驚心。那人不見。怪鱗鴻何事至今杳然。吏散公餘早閉門。蕭蕭梧葉亂秋聲。兀坐焚香思往事。西

風落日不勝情。下官自中榜後。除授此職。到任來。不想尙缺郡守。一郡事都屬下官掌理。且喜物阜民安。詞清訟簡。焚香晏坐。啜茗觀書。誠爲樂事。但我在此安享富貴。竟不知夫人安否何如。前日在京時。即便寫書寄與賣登科錄的。到萊陽報喜。就請夫人竟赴徐州任所。但不知此書可曾到否。教我時刻在懷。好悶人也。

〔集賢賓〕重重離恨難自遣。思量展轉淒然。他受苦擔辛圖美滿。別來後。有萬千腸斷。指望我功成名顯。畢竟把住音頻盼。此書若沒有差失。想已到多時了。他若見此書呵。料應愁眉展。又怕他生憎去遲來晚。且住。我想起來。前日雖有書寄去。那賣登科錄的人莫非有些差遲。我如今不免再寫一封書。差的當人去。方纔不致誤事。左右。取紙筆過來。

〔末上介〕你自迴避。〔介〕呀。身子如何霎時這般疲倦。一回也想不起來了。爲甚的神思不安。

〔轉林鶯〕神魂恍惚霜毫軟。昏昏沒倒沒顛。莫非相思攪得愁心亂。想當初誓海盟山。他把香雲痛翦。念此情。忍霎時拋閃。悶無言。睜睜望眼。寂寞淚闌干。〔作驚介〕呀。好沒頭緒。我想夜來曾得一夢。夢見梨花一枝。纔扳在手。卻被一陣狂風。將花吹墮。以後

又取起來。置在瓶中。其花復鮮。不知何兆。〔作倦介〕呀。如何身子一發昏眩起來。莫非是不祥。

〔啄木鷗〕如病裏似夢間。〔鬼暗上下〕鬧攘攘虛聲過耳邊。〔驚介〕眼生花慘霧愁  
霾亂庭除沙暗風掀。〔介〕無形有影空中見。瞻前忽後魂飄散。〔鬼上下〕呀。滿目

間非人非獸。〔旦上〕王魁。你負得我好苦。〔生〕呼名姓似婦人言。〔旦〕王魁這廝。你好負心

也。〔生〕你是那個。〔旦〕我是敷桂英。〔生〕我的妻如何這般模樣。莫非是鬼。〔旦〕我如今不是你的  
妻子了。〔生慌介〕

〔香柳娘〕卻怎生蓬頭垢面。卻怎生蓬頭垢面。一簇鬼兵交戰。磨牙攘臂爭相  
犯。〔旦〕王魁。還我性命來。〔生〕呀。你果是陰魂負冤。你果是陰魂負冤。因甚赴冥途。一  
聲聲將咱怨。〔旦〕你身榮再婚。你身榮再婚。害我把香羅自纏。你這獸心人面。

〔生〕

〔前腔〕聽他咬牙關恨言。聽他咬牙關恨言。不明不暗。〔旦扯生〕快隨我去。〔鬼捉介〕

〔生〕遮攔不住相牽挽。〔旦〕我要拏你去見海神爺。〔生〕那神靈與我。那神靈與我。

有甚干連。到此胡沾染。〔旦〕你在神前罰愿。你在神前罰愿。我拚生訴冤。今日與伊分辨。〔鬼捉生介〕快走。快走。〔旦扯生〕王魁這廝。好好隨我去。教你渾身是口也難言。遍體排牙說不得。〔生倒地介〕鬼旦下末上。〔天有不測風雲。人有旦夕禍福。有這等異事。我老爺在書院中閒坐。我在廳後邊只見陰風淅淅。殺氣騰騰。一陣鬼兵帶着一個婦人。盤盤旋旋。啼啼哭哭。把我老爺鎖着。牽出衙門。那時急欲去救他。被黑沙亂滾。不得近前。霎時風息煙消。天朗氣清。不免到書院中一看。呀。老爺原來暈倒在這里。老爺老爺。呀。叫也叫他不醒。牌子們。快來扶老爺進去。〔衆上介〕快扶到裏邊臥牀上睡着。一面請醫人調治。正是青龍共白虎同行。吉凶事全然未料。〔下〕

## 第二十九齣 辨非

〔外上〕小聖鎮海神是也。昨日巡遊海島。不曾坐殿。今日得暇。不免勘取敷氏王魁這設誓情由。判官何在。〔判鬼上〕善惡若無報。乾坤必有私。伏大王。有何法旨。〔外〕昨日差鬼兵帶同陰婦敷桂英。勾取王魁陽魂到殿審問。緣何不見到來。〔判看介〕那東方一道寒雲。敢是來也。〔鬼帶生旦上〕去程如走電。歸路似奔濤。陰令應難阻。陽官不可逃。王魁桂英當面。〔生日介外〕王魁。我查得你困萊

陽時。深虧了敷桂英。到京分別時。誠恐兩下有負。來吾殿下。焚香設誓。如何纔得中選。竟自重婚韓氏。休了桂英。你這停妻再娶之罪。恰要認來。〔生〕念王魁會讀詩書。頗諳禮義。豈不知結髮之恩。不可忘。再娶之條不可犯。當初桂英臨別之時。曾焚香以設誓。大王所聞。前日王魁中榜之後。卽修書以報喜。差人可證。若說休妻一事。萬死難甘。〔外〕休得胡說。你不曾休妻。寄來的休書是那個寫的。從實供來。〔生〕大王。前日王魁寄來的是家書。並不是休書。大王且聽稟。

〔啄木兒〕那日春闈後。僥倖時。忙寫家書報我妻。道蒙除僉判徐州。請同行懸望如期。〔外〕既然如此。如何又入贅在韓丞相家了。〔生〕大王。並不會入贅在他家裏。這話有個緣故。那韓丞相呵。他曾央媒氏來求配。我哀言苦口。堅辭拒。那時節。並不會有重婚之事。呵。爲甚寫休妻一紙書。〔旦〕大王。不要聽他。

〔前腔〕那虧心漢。負義賊。巧語花言。一訕虛。王魁。你書上寫道。韓丞相強要求婚。我只得勉赴佳期。〔生〕呀。桂英。那書是誰人寄來的。〔旦〕你還道是誰人。他道是京師人。因賣登科錄。王狀元明白教傳語。這紙休書難抵諱。〔外〕王魁。這是怎麼說。〔生〕有這等

不明白的事。大王。

〔二段子〕那韓家幼女長和短。我也知他怎的。桂英。這王魁此書真和假。你也詳察是非。怕有奸人驀地生惡意。乘機就裏施毒計。致使伉儷心離。蕭牆禍起。

〔旦〕王魁。你不要強辯。那寄書人明說道。

〔前腔〕在狀元行寓。領緘封。疾忙便馳。竟到萊陽報知。那時我接了書。謝公與媽媽都在。當面前孜孜看的。那日媽媽正逼我改嫁金壘。又見了那休書呵。他一時憤怒增十倍。萬千辱罵。教我難支對。因此上把香羅帕纏死。要與你陰司對理。王魁。你這一封書呵。是勾命公文。冤家案底。〔外〕我看你兩下情詞。事有可疑。方纔聞敷桂英有媽媽逼他改嫁金壘之言。莫非此處有些情弊在裏頭。這休書若非王魁。必有奸謀。離間他的夫妻。也未可知。判官。與我逐一查那善惡文簿。要見何年月日。有何人套寫王魁家書。撥賺他夫妻離間。有無明白。〔判介〕查得元豐二年十一月十六日。據值日功曹來報。有萊陽金壘。欲謀桂英爲妻。設計套換書信。以致夫妻離間。〔外〕原來如此。王魁。果然非你之罪。〔生〕謝大王。那金壘這廝。害我妻的性命好苦。〔旦〕原來

奴家錯告了你到陰司。好苦。〔外〕不要啼哭。我與你做主。那金壘爲富不仁。傷殘人命。將他陽壽減除二紀。陽司處決報應。仍把他婚姻錄內注定。二世繆居絕嗣。〔判〕領法旨。〔外〕又看得王魁桂英陽壽俱未該盡。況王魁守義。貴不易妻。桂英堅志。死不改節。懿德可嘉。爵祿宜永。與他再世。夫妻完聚。差鬼兵各自送歸陽世。王狀元。你夫妻二人請起來。〔生日〕多謝大王再生之恩。〔拜介〕

〔歸朝歡〕奸書遞。奸書遞。夫妻永離。感尊神冥諧陰配。黃泉杳。黃泉杳。幽魂怎歸。感尊神回生起死。須臾地府冤一洗。輪迴絕勝三生遇。再轉陽春照鳳幃。〔外〕叫判官火速差兵。送陽官夫婦二人。還魂去者。〔生日〕正是。我和你隨這鬼兵一路兒去。〔外〕大抵乾坤多一照。免教人在暗中行。〔下生日〕

堪笑奸謀枉用心。

陰司報應甚分明。

莫言暗室無知見。

須信空中有鬼神。

### 第三十齣 回生

〔霜天曉角〕〔外丑上〕長眠夢杳。爭得重泉曉。〔丑〕我那桂英的兒。耳畔悲哀知否。



你孤魂何處飄搖。〔外〕媽媽不要煩惱。我那兒敢是有救。多應不死。〔丑〕人也死兩日了。還說有救。你也敢是睡着了。〔外〕你不知道。我夜來有一夢。甚是奇怪。夢見海神爺與我說道。你那桂英。我已放他還魂了。但他咽喉氣絕。無由接引。近日有個青牛祖師。常到殿間閒遊。明日他來。你可拜求他。自有道理。〔丑〕原來得此一夢。我今早看他的面色。越越的紅白了。摸他的胸前。至今溫溫的。莫非前日算命之言。有些應驗。若果有甚麼道人來。我與你求他一救。救得他轉。也未可知。〔外〕正是。媽媽。夢中還有一句話。不好說得。〔丑〕有甚話。〔外〕那海神爺道。都是你那婆子。逼他改嫁。害了他性命。〔丑〕不要謊我。果有這話。公公。你與我說道。不干我媽媽事。便好。這個不是當耍的。〔外〕媽媽早知害怕。悔不當初。〔丑介〕遠遠來的是個道人。莫非就是他。〔淨扮青牛道人上〕煉得身形似鶴形。千株松下一巖經。人來問我無餘事。月在中天水在瓶。自家姓葛。號稚川子。在塵世走動。別號青牛祖師的便是。昨日在蓬萊山閒行。乘風到此。此地有鎮海大王。延我茶話。話間云有個女冤。殷桂英。屈死在廟。陽壽尚未該盡。求我救他一命。這救生是我本心。有何不可。不免到廟間看一回。

〔介外〕師父拜揖。師父莫非是青牛祖師。〔淨〕我就是。你如何曉得。〔外丑拜介〕祖師祖師。可憐見

我有一小女。名桂英。因有冤屈事。將羅帕纏死在此兩日了。面色還是紅的。心頭還是熱的。昨夜夢見神人道。明日有位青牛祖師來。他便救得。沒奈何望祖師神力匡扶。〔淨〕這個容易。他死在那里。〔外丑〕起初原死在這裡。恐怕觸穢神像。移在後殿。〔淨〕你那老人家差了。大凡暴死的。不可移動他尸骸。恐他魂魄無所歸着了。你快去扶在原死的所在來也。〔外丑〕是是。正是如此。〔外丑〕下擡。〔旦上〕我那兒輕身泛體。全仗祖師救他一命。〔淨〕且不要嚷。待我靜靜的行針下藥。〔步罡介〕拯世扶危體道心。膏肓二豎不須尋。胸中天突氣猶在。足下冲陽脈未沉。〔身上按介〕媽媽。你把他頭來略扶起些。與他元氣三口。〔丑〕是有了。〔淨〕再把他口兒張開些。〔介〕填藥餌。按金針。湧泉一穴最功深。須知八法施神妙。起死回生值萬金。〔介〕醒醒。〔旦歎氣介丑〕好了好了。我那兒甦醒甦醒。〔旦〕我那官人。〔外丑〕我那兒。我在這裡。〔旦〕媽媽。〔丑〕我兒甦醒。〔淨〕不要忙。緩緩扶他起來。〔介外丑〕多感祖師救我女兒。將甚補報大恩。〔淨〕我那望你報來。霎時去也。還乘白鶴歸三島。滿駕清風到九虛。〔下外〕呀。那祖師倏然就不見了。真是仙人救我的兒。〔丑〕我那親親的兒。慢慢捱將起來。再不埋怨你了。〔旦〕我的娘在那里。〔外丑〕我在這裡。我那兒。你這兩日呵。

〔月雲高〕神魂縹緲。悠悠向誰靠。你含卻恹惶淚。沉沉向誰告。我那兒。昨日呵。命  
乏絲毫。今日事都難料。你纏死之後。那痛苦還知否。怎生受黃泉道。瞑日昏昏這  
幾宵。白日陰陰在何處着。〔旦〕我死後呵。

〔前腔〕倉惶顛倒。胡行任荒草。恍忽靈神廟。將衷情哀告。〔外丑〕哀告些甚麼來。

〔旦〕告那王魁休書一事。海神爺呵。攝取王魁。一一推詳到。他竝沒重婚娶。是金壘  
生圈套。那休書都是金壘寫的。他家書寫道。除授了徐州僉判。請我同到任所。那曾有休書來。謝得  
海神爺審問明白。放我二人還魂。夫妻長得完聚。〔外丑〕可知道海神爺原來這等有靈。你死了兩  
日。胸前還是溫溫的。〔旦〕媽媽。這是心不成灰。怨未消。生死恩讎苦。這遭。〔外丑〕孩兒。  
這金壘如何不報應他。〔旦〕我在昏迷中。聽見神明決斷道。金壘爲富不仁。傷殘人命。減壽二紀。陽  
司處決。注他二世鰥居絕嗣。〔外〕原來這等報應。難消難消。〔丑〕我兒。那海神爺不曾說我甚麼來  
麼。〔旦〕也聽見他說。媽媽逼奴改嫁金壘一事。因此查得他改書情弊來。〔丑〕孩兒不要嚇我。我如  
今再不要你改嫁人了。

抵事好驚心。

時間命險傾。

藥醫不死病。

佛度有緣人。

第三十一齣 驅敵

〔北點絳脣〕〔淨扮張元領兵上〕

寶劍風生。緋袍雲染。靴尖按蹠破天關。怕什麼

韓和范。鐵騎如雲。劍氣雄。金城千里笑談空。中原謾說多飛將。誰敢燕然勒漢功。自家姓張。名元。字

雷復。乃西夏國一員大將是也。文武兼通。威名遠播。擁百萬之熊羆。專四方之征伐。論用兵。孫吳當

居前列。較攻戰。韓彭宜在下風。隨他九里山戈戟如麻。止用鎗尖兒撥成血塹。一任八門陣機關似

網。只須馬足兒蹂作平沙。智不讓博浪之張良。勇那數拔山之項羽。振旅長驅。而敵國之兵聞風解

甲。攻城掠地。而鎮藩之將面縛開門。真個是播掀風浪番身去。收拾山河反掌間。近日蒙吾王勅旨。

着俺統兵經略南朝郡縣。且喜威如破竹。所向無前。爭奈徐州守將種諤這廝。招納叛亡。我家士卒

往往去歸附了他。如今不免提兵晝夜兼行。乘他無備攻徐州。教他智不及用。勇不能施。一鼓可下。

叫軍士們整頓器械。連夜向徐州去。〔衆介淨〕你看初冬天氣。弓勁馬肥。正好征戰也呵。

〔北混江龍〕日高烟淡。倚天長劍影衝寒。聲馳沸海。令走搖山。鎧砌銀紋。恰便走龍駕雨。鏊斜金翅。可兀的虎生翰。氣騰騰霧結。陣繞繞雲連。黃沙慢起。烏角吹殘。鞞鼓掩轟雷。旗纛驅飛電。指日間長驅席捲。凱奏師旋。軍士們快攬行前去。

〔衆應介〕

兵行貴神速。

連宵便拔營。

指揮摧勁敵。

鼓掌破堅城。

### 第二十二齣 傳箋

〔一枝花〕〔生上〕離魂隨夢遠。官況緣愁淺。淹淹狂病起。驚拋閃。結髮恩多。險作傷心怨。死生關。幾不免。變幻無端。又添上一番繚亂。巫峽迢迢舊楚宮。至今雲雨

暗丹楓。浮生盡戀人間樂。惟有襄王憶夢中。下官前日在書院中。忽然神思困倦。只見陰風四起。黑氣漫空。一陣鬼兵擁我妻桂英。口內稱冤道枉。悲泣之間。不覺眼目生花。暈倒在地。那鬼兵拏我到萊陽海神廟鞠問。道我入贅在韓丞相家。休了桂英。致他把羅帕纏死。赴陰司告理。幸得海神查檢

簿籍。卻是金壘把我家書改作休書。以致夫妻離散。以此放我兩下回生。再續前緣。有此奇怪之事。差王興到萊陽看我夫人。果然事體如何。就請他疾忙赴任相會。王興那里。〔末上〕堂上聞呼喚。塔前聽使令。老爺有何分付。〔生〕我自得此奇怪之事。坐臥不安。如今寫書一封在此。差你到萊陽問取夫人消息。就請一同謝家親屬到任。不可遲誤。〔末介生〕還有一件。我書上雖則寫明。還要你對夫人說。

〔懶畫眉〕道是成名已把喜音傳。前日書上就請夫人到徐州任所來。指望會面殷勤。在早晚間。如何消息竟茫然。莫非此書呵。被奸人套換生機變。你說因此。如今又差小人來接取夫人。請作速起程去。尙有往是來非欲細言。待我打發盤纏。你就去罷。〔末介小生扮種諤上〕

〔前腔〕忽聞胡騎透重關。千里紛騰起埃烟。小校通報。種爺下馬。要議軍情緊急事。〔報介見介小生〕老先生曉得麼。那元昊這廝。無端遣將寇中原。恐青徐一帶橫生患。守禦須當早戒嚴。〔生〕原來如此。元帥如何處置。〔小生〕學生正來請教。那水陸城門。怕有好細出

入。合當謹閉了。〔生〕這個是呀。王興。你如今又去不得了。〔末介生〕元帥。學生愚見。暫且固守城池。堅壁清野以待。看他來時。作應變計策。〔小生〕老先生所言有理。但不知是何人領兵。有多少人馬。打從那一路來。早上已差探子打聽去了。且待他回報。別作戰守之計。〔小旦扮探子上〕

〔北鬪鷓鴣〕展幟追風。揮鞭度險。掩棘埋荆。則兀的衝昏破暗。閃這所虎窟龍潭。不禁那靴痿鞵軟。報報報事探子回來也。〔見介小生〕你回來了。那軍情怎麼。〔小旦〕自那

日領軍令呵。大踏步那顧問關。不分遠近。赤律律將令難違。一樁樁軍情都探。〔小生〕你到那一個所在。恰又早來了也。〔小旦〕

〔紫花兒序〕覷百里漫漫烟起。望一會隱隱塵飛。岡岡的近紅日西暉。〔小生〕那百里外見塵頭起。恰近了也。你到這所在。天色將晚。他那里安營了麼。〔小旦〕

〔金焦葉〕我只見鬧嚷嚷人撩烟亂。密匝匝千迴萬轉。一營營鳴鈴震鐸。一個個埋鍋造飯。〔小生〕那時安營了。你會潛看他軍馬多少。器械如何。〔小旦〕

〔調笑令〕側身兒的悄行。側身兒的悄行。暗揣他聲息相傳呀。小可的猛將有

數十員。大都來雄兵有十餘萬。大都來雄兵有十餘萬。馬咆哮。渾身也掛着鐵甲。明耀日。戈矛刀劍立如山。戈矛刀劍立如山。赤緊的號令霜嚴。〔小生生〕約有十萬之衆。你可曾窺他排着陣勢。立着那營寨何如。〔小旦〕

〔秃廝兒〕只見那門旗按四方八面。馬步軍分布勾連。齊臻臻左廂右廂。前驅後殿。他都甲不解。刀不鞘。弓不鬆弦。殺氣漫漫。〔小生生〕你打聽得他主將姓甚名誰。

要打從那一路進兵來。〔小旦〕

〔聖藥皇〕都道是張相公不敢把名傳。他可猛過項羽力拔山。勇過項羽力拔山。〔小生〕原來是張元這廝。從來軍中呼他爲相公。雖則是元昊家一員名將。此人有勇無謀。非吾敵手。你還探得他要攻那一處來。〔小旦〕他敢也冒巉巖。陵戲險。打徐州要路來不遠。打徐州要路來不遠。望元帥忙守禦。緊防閑。〔小生〕我都曉得。我這里整頓人馬。與他交戰便了。〔小旦〕

〔尾〕他那里軍馳馬驟疾如箭。不移時怕撞過了郊關地面。〔小生〕我自理會得。叫



軍校賞他酒米猪肉羊肉。你暫去歇息者。〔小旦介〕俺這里儘殘生。落得這一頓飽餐。

恰纔好着意用兵機。把三軍膽按。〔下生〕賊勢這般猖獗。元帥計將安出。〔小生〕學生正欲

請教。久聞老先生有文武之才。若得出一妙計。學生自當效力。〔生〕不敢不敢。若論愚見。元帥可疾忙點起軍馬。離城二十里立寨拒戰。那張元不走。必成擒矣。〔小生〕老先生何以見之。〔生〕吾聞兵法。百里而趨利者蹶上將。且彼千里而來。欲襲我無備。不銜枚出奇。乃從平坦。聲息相聞。使我得知其虛實。且早晚兼行。士卒疲困。我主彼客。以逸待勞。萬無不勝之理。〔小生〕老先生所見有理。正合愚意。還有一件。那中軍旗號一面。上打着老先生的旗號。寫道是狀元參謀王。不須老先生出兵。只用此虛聲耳。〔生〕卻爲何來。〔小生〕元昊那廝。最畏服我朝文臣。有智謀韜略。他若望見狀元參謀的旗號。先已奪氣了。此所謂上戰攻心也。〔生〕這個一憑元帥主張。今日就火速進兵。不宜稍遲了。

〔小生〕軍校傳令各將官。一齊到大教場聽點。〔衆應介小生〕那廝他

〔節節高〕無名起寇端。總狼貪。敢行千里輕索戰。看揮長劍。斬婁闌。懸可汗。雄兵一一都精練。管教不放隻輪返。明朝試聽凱歌旋。霎時一洗山河怨。〔合〕

〔尾聲〕摧鋒陷敵憑神算。任縱橫出奇應變。斬將搴旗呼吸間。

白馬將軍赤錦袍。

雙懸囊鞬臂烏號。

衝鋒獨斬單于首。

腥血淋漓污寶刀。

第二十二齣 滅寇

〔水底魚〕〔淨扮張元領兵上〕鐵騎長驅。雄兵十萬餘。鞭梢指處。把徐州四面圍。

把徐州四面圍。軍士們。遠遠望見人馬。連營結寨。打着中軍旗號。敢是種諤這廝前來迎敵。殺上  
前去。

〔前腔〕鞭梢指處。把徐州四面圍。把徐州四面圍。〔下小生領兵上〕

〔前腔〕那賊深入懸兵。如魚就釜烹。教他來時有路。歸去定無門。歸去定無門。

軍士們。前面人馬就是張元這廝。擺開陣勢與他交戰。〔淨衆上〕鞭梢指處。把徐州四面圍。

把徐州四面圍。〔介淨〕軍士們。問他那里。何人領兵。〔介小生衆〕我這里種元帥親自領兵。還有

參謀王狀元在中軍寨。好好投降罷。〔淨〕那怕你無名小將。白面書生。放馬相持。〔戰介淨敗下小

〔生〕這廝被我殺得膽喪魂飛。衆兵亂竄。都逃遁了。軍校與我再追上去。教他來時有路。歸去定無門。歸去定無門。

### 第二十四齣 虛報

〔丑扮軍士求乞上〕一不做。二不休。若要成。做到頭。自家爲何道此兩句。我乃是徐州城外一個小卒。慣僱與人差使。那城中金大員外。要謀那鳴珂巷謝家的女兒爲妻。那女子已有丈夫了。卻是濟寧王魁。上科得中狀元。在徐州做僉判。見說近日有賊兵舉發。圍了徐州。未知勝敗。那金員外與我錢鈔。教我扮作求乞的軍士。到他家門首求乞。他家若問我時。只說是徐州殺敗的軍。近日賊兵圍了徐州。王僉判親自出戰。被賊兵殺得片甲不存。王僉判也殺在亂軍中了。知他丈夫死了。必然改嫁與金員外。咳。雖然如此。也是陰騭勾當。得了他幾貫錢。不得不如此呀。鳴珂巷還在前面。待我躡步前去。〔下旦上〕

〔霜天曉角〕驚思幽會。瘦影依然白。垂絕半生雲雨。巫山長夢初回。死因郎負妾。生悔怨郎非。妾死幸復生。郎魂歸不歸。奴家那日縊死。自分永歸泉世。幸得海神放我還魂。青牛祖

師救了性命。只是無端害我丈夫。也到陰司受苦。若果有此事。想他在徐州做官。那一日必然也有一場大難。天那。只道是他負我。誰想是我負他。如今杳無音信。竟不知下落。好悶人也。〔貼上〕

〔前腔〕人間最異。生死幽明際。多少冤情屈緒。不明不暗誰知。〔見介貼〕大姐。你自從前日這場大難。如今容顏尙自這般消瘦。可憐可憐。〔旦〕似奴家這般容顏光景。那有好的時節。今日得生足矣。〔貼〕大姐。莫道是陽間善惡。沒有陰司報應。若非海神靈顯。幾乎屈害了你夫妻兩人。〔旦〕這是連我也不信。明明是鬼兵拏我丈夫到陰司對理。他把家書念與我聽。說道除授徐州僉判。差人接我。隨同到任。此事若果有之。他在徐州做官。如何再不見個音信。〔貼〕想早晚必竟有實信來。你且寧耐。〔旦〕姨娘。我心上好不煩苦也。

〔香遍滿〕思量底事。教人展轉生暗疑。半道如人還似鬼。卜得死相逢。生來依舊離。姨娘。這陰司的事。杳杳冥冥。又誰知真與虛。我丈夫呵。卻也難料他生和死。〔貼〕大姐。你身子這般模樣。省些愁煩罷。我與你且到庭除前閒步一回。少散悶懷。〔介〕

〔前腔〕你撇開愁慮。寬心且保多病軀。譬如你前日死了。今日幸然呵。留得殘生作

道理。你黃泉得再歸。這神靈事豈虛。可知道姻緣數未終。必竟有相逢處。  
〔丑〕

〔上〕廚中有冷飯。路上有饑人。〔介〕這鳴珂巷這一家就是謝家了。待我叫一聲。求乞求乞。〔貼〕有什麼乞兒在外。我與你進去罷。不要保他。〔丑叫介旦〕姨娘。想是我前世不修。今受苦。那窮苦的人。布施些他。積些陰德也好。〔貼〕也說得是。我與你同去問他。呀。是個軍士打扮。爲何抄化。〔丑〕奶奶。我是徐州軍士。近日被賊兵圍了徐州。我這里都被他殺敗了。小人幸然逃得性命。在這里沒有盤纏。沒奈何一路求乞回去。〔旦〕姨娘。聽他說什麼徐州。陡起我心上事來。莫非就是我丈夫說徐州做僉判的所在。〔貼〕這也未可知。且問他看。〔旦〕那軍士。我且問你。徐州是那個在那里做官。〔丑〕徐州沒有太守。王僉判老爺在那里掌印。〔旦〕姨娘。僉判姓王。莫非是他。我再問你。那王僉判你曉得是那里人。喚甚麼名字。〔丑〕他是濟寧人。是前科狀元王魁。〔旦〕姨娘。果然是他了。〔貼介旦〕他在那里做官好麼。〔丑〕做官好。做官好。可惜這等一個好老爺。只爲要保守城池。領兵親自督戰。卻被那賊兵圍在中間。亂砍死了。〔旦〕原來我那丈夫又被賊兵殺了。好痛苦也。〔倒介貼〕大姐甦醒。〔介丑〕雙手擘開生死路。一身跳出是非門。〔旦醒哭介〕我那丈夫。

〔青哥兒〕當初與你在死裏空相會。如今我得重生。你反歸泉世。前日是我連累你到陰司呵。還望你孤魂有路歸。今番料不得你重生理。我那丈夫。前日你也爲我而身死。今日我豈肯負你而獨生。難道我偷生做了負義人。忍教你做無妻鬼。〔介貼〕大姐。待我扶你到裏邊去。你且不要啼哭。此事虛實。尙未可知。〔旦〕姨娘。我想起來。千休萬休。不如死休。奴家也只是尋個自盡罷了。〔貼〕說那里話。

〔前腔〕迢迢路隔千山水。如何輕信得傳來語。大凡事體。不要一時性急了。你不記得前番一紙休書。今日之言呵。又焉知不是惡黨生奸計。前日因爲輕信了書。險些死了。幸得神靈救你得再生。如今你又不審詳細。又要尋死。恐又把殘生枉送也。成何濟。待我請公公媽媽出來。說與他知道。教他外邊去問個消息。公公媽媽快出來出來。〔外丑上〕入門休問榮枯事。觀看容顏便得知。你兩人爲何叫得我這般慌張。〔旦哭介外丑〕爲何又在此啼哭。〔旦〕聞說我丈夫被賊兵殺了。〔外丑〕這是那里來的說話。〔旦〕方纔有個求乞的。他是徐州軍士。說我丈夫在徐州做僉判。被賊圍了城池。親自領兵督戰。殺死在亂軍中了。〔外〕有這等事。恐怕沒有這

話。早上我在縣前閒走。聞報事的到縣裏去報道。有賊兵攻徐州。被徐州守將殺退了。如今又往別處去。故此行文到各郡縣。要修輯武備。保守城池。看起來徐州官兵得勝了。豈有此事。想必是虛傳。不要信他。〔旦貼〕原來如此。只愿是虛的便好。〔外〕不要慌。待我再出去細訪。便知分曉。〔旦〕多謝公公。就去訪問訪問。〔外〕我兒。

〔羅帳裏坐〕我思之。就裏此事公然是虛。那徐州僉判呵。他職非武臣。何故在沙場戰死。〔丑〕此事也未可知。我兒。倘他適遭其遇。你好早尋活計。〔旦〕媽媽。他若死了。生也徒然。生不得與他做夫妻。死亦隨他做鬼。〔外〕你且不要啼哭。待我出去尋問消息便了。

莫爲死傷生。

從容且耐心。

萬般都是命。

半點不由人。

### 第三十五齣 雪恨

〔衆敗軍上〕力盡胡弓軟。時乖鐵馬遲。軍如喪家狗。一似落湯雞。〔淨張元上〕咄。絮絮叨叨說些什

麼。〔介〕恨小非君子。無毒不丈夫。自家攻城掠地。所向無前。料那神諤這廝。非吾敵手。領兵逕取徐州。反被他殺敗了。軍馬折了大半。我在軍前。見他擺着陣勢。有正有奇。如風如雷。他那有這等本事。昨日拏得一個逃竄的。卻是徐州人。問他軍中事體。原來他那中軍旗上。打着參謀狀元王。乃是徐州僉判王魁。說道我軍到時。神諤只要閉門自守。都是王魁這廝設計出兵。我到被那白面書生這場撓敗。細訪他家小在萊陽地方。我如今星夜領兵到萊陽。乘其無備。殺進城去。擄了萊陽寶貨。殺盡了王魁的家小。方快我意。軍士們。聽吾號令。〔衆應介淨〕

〔四邊靜〕銜枚疾走萊陽地。乘虛出不意。教他有翅也難飛。無門可逃避。軍校。殺進萊陽城時。知道那個是王魁的家小。與我不分真偽。盡皆殺取。災禍及池魚。都來做刀下鬼。

剋日到萊陽。

兼程星夜行。

休言殘敗旅。

堪作報冤兵。

第二十六齣 軍情



〔菊花新〕〔生上〕朔風一夜戰塵飛。雲暗關河望眼迷。虎帳坐熊羆。氣吐羣狐屏息。千里雲開殺氣橫。劍鋒飛電馬蹄輕。天山落盡殘胡騎。瀚海波澄洗漢兵。且喜張元這廝被俺兵殺得大敗。星夜遁去。但不知打從那里去了。今日種總兵收兵進城。待他來時。便知端的。〔小生上〕

〔前腔〕揮戈隨把犬羊驅。回首何須挽落暉。腥血洒征衣。劍鏑尙流殺氣。小校去報。〔介生〕快請元帥一奮虎威。賊兵喪膽。封疆無恙。蒼生帖然。此皆坐享公之福也。〔小生〕此乃聖天子之洪福。老先生之妙算。學生何功之有。還有一件。那賊雖敗去。星夜捲甲而行。我徐州一方。雖保無虞。只恐各處郡縣。一時無備。被他乘虛攻掠。爲此學生一面行文到各府官。教他嚴加守禦。一面行文到各縣官。教他嚴加守禦。一面差哨馬。探聽賊兵所向。可追則追。當禦則禦。庶免縱寇之責。〔生〕元帥神算。人不可及。然那賊這一場大敗。想必遁歸矣。〔小生〕老先生。你不知那張元這廝呵。

〔紅衲襖〕他生得鐵錚錚的八尺軀。雄赳赳有萬人敵。雖不諳兵家這幾行精

密機也。恰有莽撞來一團粗膽氣。他那勇敢卒尙有五萬餘。能戰將猶存數十輩。恐他自愧無功。不敢空歸也。搪向東來又突西。〔生〕原來如此。元帥所見有理。〔小

生〕

不敢。哨探的想必就回來也。〔丑上〕號令風霆迅。軍情不可遲。一心忙似箭。兩脚走如飛。〔見

介小生〕

你回來了。打聽得賊兵往那里去了。〔丑〕那日殺敗之後。小的遠遠隨他。不勾百里之地。他那里整頓殘兵。銜枚捲甲。晝夜兼程而進。要到萊陽去。乘虛攻破萊陽城。只要殺盡了萊陽百姓。

〔生〕如何獨要攻萊陽。〔丑〕這個小的不知。但悄悄的聞得他軍中幾句口號道。剋日到萊陽。兼程晝夜行。休言殘敗旅。堪作報冤兵。〔生〕報冤兵。萊陽與他有冤讎。〔小生〕便是。只恐萊陽無備。〔生〕

怎麼好。倘或破了萊陽。怎生是好。〔小生〕老先生。那萊陽不是貴處。怎麼大有憂色。〔生〕一言難盡。

〔前腔〕萊陽縣雖非是松菊廬。是我受恩深。瓜葛處。〔小生〕老先生。此處有什麼瓜葛。

〔生〕只爲前科未遂功名志。淹困於斯不得歸。此時呵。影煢煢尙未妻。就在此處求婚。喜得姻緣偶然。本城謝家有一女。就入贅在他家了。效蒹葭。諧比翼。學生寒荆爲我受了無數凄楚。自中榜之後。還不曾見面。不知他生死安危也。如今要差人去接他到此相會。又

遭此變。苦口八苦三月風烟一紙書。〔小生〕原來如此。不必憂慮。學生荷蒙朝廷勅旨。得以便  
宜行事。如今賊犯萊陽。雖無老先生尊眷在彼。學生豈敢按兵坐視。況有尊眷。學生親自提兵。星夜  
走到萊陽。料然他不及措手。可保無虞。且請寬心。〔生〕若如此。不特學生蒙福。是亦救一方塗炭也。  
感德感德。還有不識進退之懇。家書一封。欲差小僕王興到寒家迎取家眷。一同到此。但恐兵戈阻  
隔。仰賴元帥護持。〔小生〕這個當得。〔生〕王興那里。〔末上介生〕王興。你隨着种爺軍校去。〔背對  
末云〕你訪那金壘這廝。果有套書之事。就稟上种爺。依法處治他。〔末〕曉得。〔小生〕這軍機不可  
遲緩。就此奉別。

西風獵獵陣雲高。

側坐雕鞍膽氣豪。

行看橫戈衝虜騎。

鬪體飛血濺征袍。

### 第二十七齣 收兵

〔水底魚〕〔淨扮張元領兵上〕雷厲風行。惟聞人馬聲。教他不及掩耳。玉石盡皆  
焚。玉石盡皆焚。軍士們。前面就是萊陽城了。〔內吶喊介〕你看城上吶喊。擺列器械。閉門堅守。一

定是走漏了風聲。他那里得以預備呀。後面塵頭起處。莫非有救兵到來。軍校。疾忙一齊努力攻上城去。

〔前腔〕教他不及掩耳。玉石盡皆焚。玉石盡皆焚。〔下小生領兵上〕

〔前腔〕鼠竄狐奔。公然敢橫行。到炤魔天上。我足下快騰雲。我足下快騰雲。前面就是張元軍馬。殺上前去。

〔前腔〕走到炤魔天上。足下快騰雲。足下快騰雲。〔淨衆上〕又是種諤這廝。追我怎麼。

〔小生〕你這廝無端攻我城池。殺我百姓。我前來拏你。〔淨介小生介戰介淨敗下小生〕你看那賊

殺得片甲不存。張元那廝單騎走了。今番料他無能爲矣。軍校就在城外安寨。暫息勞頓。分付城上

守城的報與本縣知道。方纔乃徐州總鎮種爺。已殺退賊兵。欲進城來。恐騷擾地方。故此在城外安

歇。明日就回兵了。如今開了城門。我有公幹。差人進城。不得攔阻。〔衆分付介內應介〕再差精兵二

十名。在外營俟候。恐有本縣官員相見。止收稟帖。明日見罷。〔衆介〕軍校。前日王僉判老爺差王興

在中軍。喚他來。〔末上〕頃刻狼烟靜。須臾殺氣收。王興叩頭。〔小生〕你如今就進城去見了你老爺

的夫人。道你老爺就要請家眷。剋日到任。可疾忙收拾行裝。口與本縣討夫馬。一路上再差精兵護送。但要作速。不可遲留了。〔末〕謝老爺。小的就進去了。

一鼓去渠魁。

萊陽免禍危。

鞭敲金甃響。

齊唱凱歌回。

## 第二十八齣 往任

〔鶻橋仙〕〔旦上〕人亡地遠。干戈相向。災禍重山疊嶂。〔貼上合〕無憑底事正

徬徨。又添上愁城千丈。〔旦〕姨娘。福無雙。原非謬。禍不單行。總是真。奴家丈夫凶信。尙未知

有無。如今又有賊兵攻城。甚是危急。一家性命。也不可。這場苦楚。怎生是好。〔貼〕城中不聽得聲。嚷。人都說不知那一路有救兵來。把賊兵殺退了。公公已出去看來。就打聽你丈夫消息。待他回來。便知分曉。〔旦〕各處干戈撩亂。莫非我丈夫死信是真的。好苦。

〔解三醒〕痛傷心。夫憂妻難。死生情故國他鄉。我那丈夫呵。倘幸然得保身無恙。又難卜我存亡。他若果然白骨埋荒草。奴家呵。肯生把紅顏對曉粧。〔合〕怕俱

成枉綿綿恨。無休不了地久天長。〔貼〕

〔前腔〕念離人不堪愁況。更無端禍起蕭牆。但願天教早晚賊兵散。你兒夫信變爲祥。那時再見太平。你夫妻重會也未可知。澄清偷似黃河水。懽會應如綠野堂。〔合〕

前外上

〔不是路〕兵勢張皇。已爲蒼生驅虎狼。〔旦貼〕公公回來了。外邊聲息如何。〔外〕你且

從容取。一家兒喜事有幾椿椿。〔旦貼〕有甚喜事。快說快說。〔外〕請媽媽出來一同說。〔旦〕

媽媽出來。〔丑上〕睡方酣。爲何耳畔聲嚷嚷。〔外〕你們曉得麼。城外賊兵盡敗亡。

〔衆〕可喜可喜。被那個殺敗來。〔外〕纔傳報。正是徐州鎮守一員將。將賊殺敗。幸從天

降。〔衆〕那徐州將姓甚名誰。爲何統兵來救。〔外〕方纔報道那將軍姓種名諤。是他鎮守徐州。那賊兵

去攻徐州。被他殺敗了。追趕到這裏。〔旦〕既是徐州人馬。就是我丈夫做官的所在。公公可曾問他

信息怎麼了。〔外〕正是我方纔細細訪問。都說道賊兵被徐州軍馬殺敗了。如今太平無事在那里。

我又問。見說徐州王僉判被賊兵殺了。有此事麼。那人道。徐州並不曾傷一人。豈有殺了僉判之理。

看起來。前日的信。都是虛的了。〔旦〕謝天地。但願如此便好。〔衆〕

〔阜角兒〕歎身沉悶海愁山。擺不開冤嵐業瘴。願從今苦盡甘來也。須信吉人天相。想當初烽烟阻。道路長。萬金書無能傳向。他倘然無恙。必思故鄉。還只在目前早晚。佳音可望。〔末王興上〕

〔不是路〕步急心忙。不知謝氏家門存與亡。這就是謝公公家了。不免逕入。〔見介旦〕王興。你回來了。一向如何再沒有音信。你如今從那里來的。老爺好麼。〔末〕聽拜稟。老爺中榜之後。除授徐州僉判。只因欽限緊急。在京時呵。疾忙之任。整行裝。卽把捷音傳。只爲書回

一向無音響。展轉思量。倍感傷。一日在書房中。忽然暈倒在地。險此三三命歸泉壤。〔旦〕

那時卻怎麼了。〔末〕那時百般救治。一晝夜方纔甦醒。還有許多夢幻之事。不能盡說。有書達上。有書達上。〔旦〕可喜有書在此。公公可拆開觀看。〔外〕大姐。是姐夫與你的。我不好看得。你自家看了。與我說罷。〔旦〕如此。待奴家看了。與公公說。〔看介〕且喜如今平安無事。在那里做官。道是前日忽然得病。死到陰司。與奴家對理。是金壘把家書改了休書。這些說話。與奴家都是相同的。〔衆〕有

這等異事。果然是金壘設計。害你們夫妻。〔旦〕他書上道。如今地方寧靜了。差王興在此接取家眷。同到任所相會。公公媽媽與二姨娘。必要同去走一遭。〔外〕雖是該去。只怕許多人去。跋跣難行。〔末〕這個不妨。那神老爺與俺老爺相厚的。他領兵來時。老爺把家眷相托與他。如今屯兵城外相候。一面就在萊陽起夫馬。他自發親兵護送。只因軍中不可停留。明日就要起程。奶奶這裡。作速收拾行李。〔外〕既如此作急。明日就起身罷。家中且把與這兩個家人看守。不久就要回來也。〔末〕還有一件。老爺臨行分付。若金壘改書之事果有。還要與神爺說了。軍法處治他。〔旦外〕這個使得。不要放過了那廝。〔旦〕公公媽媽。不想今日又有相會之期。〔衆〕

〔皂角兒〕正難捱無限淒涼。誰知道懽生一日。頓鬆開百結愁腸。打疊起萬般離況。想從前恩與怨。死和生。相廝守。如今不枉。莫辭勞攘。明朝捉裝。重逢處。一家骨肉。開顏撫掌。

〔尾〕風光滿目行色壯。不憚山高并水長。望到他鄉勝故鄉。

死別生離幾散亡。

又逢今日豈尋常。



不是一番寒徹骨。

怎得梅花撲鼻香。

## 第二十九齣 途中

〔虞美人〕〔小生上〕紅輪閃映旌旗曉。虎帳寒差少。除殘早已慰雲雷。旋聽凱

歌聲起碧天低。且喜張元這斷力盡計窮。單騎遁去。僅以身免。十萬雄兵。殲夷殆盡。雖未得親斬

此賊。想也永不敢南侵了。軍校打聽王僉判老爺家眷起程。我這裏即便拔營。〔介末上〕踏破鐵鞋

無覓處。得來全不費工夫。〔見介小生〕你來了。夫人與家眷。即日可就起程麼。〔末〕行李俱完。就起

程了。但恐一路險阻。望老爺這裏方便。〔小生〕萊陽已有夫馬。我這裏着二百名親兵護送。隨我後

哨走。不必掛念。〔末〕還有事稟上老爺。那金壘改書之事。果是真的。我家老爺臨行分付小人。多拜

上老爺。拏下了他。〔小生〕這果是真的。我自差兵密拏。解到徐州發落。你快回去稟上夫人。快起馬

罷。我這裏先行了。〔末介下小生〕

〔憶鶯兒〕頌勝師。奏捷書。雲開萬騎龍甲馳。風繞千竿虎翅飛。層山障迴。衝塵  
鴈迷。旌頭渺渺連烟樹。〔合〕振長驅。懽聲動地。齊帶笑顏歸。軍士們且慢行。少待王

夫人人馬上來。〔衆扮兵上〕蒙老爺密擊金壘。他先知覺了。連夜逃出城了。〔小生〕若遇逃竄的。與我拏下了。〔衆介〕

〔前腔〕振長驅。懽聲動地。齊帶笑顏歸。齊帶笑顏歸。〔旦貼上〕

〔虞美人〕騰騰笳鼓催征早。梳罷粧臺曉。〔外丑末〕風高日淺鴈南飛。人在他

鄉。強把故鄉離。〔衆〕澤國江山入陣圖。生民他計樂樵蘇。馮君莫話封侯事。一將功成萬骨枯。你

看兵戈須息。四野蕭條。好淒慘人也。〔旦〕王興。那行李都發完了麼。〔末〕行李都點發人夫去了。轎馬在此伺候。種爺軍馬早上先行。恐去遠了。奶奶這里作速趨行罷。〔衆〕

〔憶鶯兒〕風乍驅。塵滿衣。嵐光慘淡日影低。霜葉蕭疎會語稀。崎嶇路岐。嬌怯瘦軀。去心忙不憚勞形瘁。〔合〕喜孜孜。一鞭行色。似就熟路駕輕車。〔衆兵上〕種

爺差親兵二百名護送。〔末報介旦〕分付他後面行罷。〔行介衆〕

〔前腔〕喜孜孜。一鞭行色。似就熟路駕輕車。似就熟路駕輕車。〔下淨扮金壘上〕

〔縷縷金〕遭橫禍。受奔馳。只因自作孽。改休書。今日官司捕。無能迴避。向深山

深處暫棲遲。明朝作區處。明朝作區處。自家金大員外。只因前日謀取殷桂英。改了王狀元的家書。如今他教種總兵差兵拏我。只得棄家逃避。但不知逃得過也逃不過。

〔前腔〕向深山深處暫棲遲。明朝作區處。〔下小生衆上〕

〔憶鶯兒〕野瘴迷。風色淒。排空戈戟冰亂摧。繚繞旗旌雲四飛。沙淹馬蹄。烟籠劍輝。寒雲凍合天低樹。〔合〕振長驅。懽聲動地。齊帶笑顏歸。〔淨復上〕

〔前腔〕向深山深處暫棲遲。明朝作區處。〔衆見拏住介〕你莫不是金壘。拏去見老爺。〔介小生〕你就是金壘麼。到逃在這里。〔淨〕小人不是。〔小生〕還說不是。細起來。〔淨〕不要細。小人是。小人是。〔小生〕是了麼。叫軍校拏到中軍官那里。先打上一百。綁在後哨。到徐州監候處治。〔衆〕

〔前腔〕振長驅。懽聲動地。齊帶笑顏歸。〔旦衆上〕

〔憶鶯兒〕山一回。水一回。倦馬不知人意疾。轉眼渾忘風物殊。冰林響珮。雪花散琪。寒容冷態皆成趣。〔合〕喜孜孜。一鞭行色。似就熟路駕輕車。〔末〕遠遠望見大

隊人馬。是種爺的了。那徐州城也將近了。趨上前去。〔合〕

〔前腔〕喜孜孜。一鞭行色。似就熟路。駕輕車。

不辭萬水與千山。

相見應知在目前。

便是鴈飛不到處。

也須人被利名牽。

第四十齣 會合

〔一枝花〕〔生上〕兵戈喜息肩。猶自憂家難。這回應未卜歡和怨。家山兵火正堪悲。

忽報將軍破虜回。只恐那人心似鐵。到今愁絕也成灰。前日賊犯萊陽。實切擔憂。幸種總鎮星夜統兵勦伐。早上有捷書到。報道賊兵大敗。張元遁去。我兵即日凱旋。雖則可喜。只是不見報我夫人的消息。竟不知他下落如何。悲歡之介。只在今日了。這番家書。是我王興齋隨着種家軍馬去。難道又有差池。

〔懶畫眉〕封書料不阻風烟。只恐好事多磨有變遷。若前日陰司之事。果然有之呵。今生必竟續前緣。早難道意外生他患。他若幸得平安。必竟要來呵。又慮他怯弱風霜道路難。〔小生上〕

〔一枝花後〕電轉風旋。萬虜俱擒。且暫把干戈偃。〔軍校報介相見介〕去暴除殘。已爲蒼生排難。〔生〕老先生。學生有一拜。仰賴雄威。殲夷滅寇。舉家佩德。萬姓銜恩。〔小生〕此乃國家之福。生靈之幸。老先生之神助。學生何功之有。〔生〕請問張元這寇。也是勁敵。老先生千里奔追。一鼓而下。何神速如此。〔小生〕聽學生細說。

〔桂枝香〕他憤兵貪戰。趨危涉險。敗殘馬困人疲。我乘勝長驅席捲。況他攻前未克。況他攻前未克。禦追無殿。豈意奇兵疾掩。只是走了張元這一個。其餘呵。不放隻輪還。百姓無秋毫犯。萊陽已貼然。〔生〕可喜可喜。好快意。老先生智謀勇略。歷古名將也。無能居右。還有所仰。小僕王興隨老先生去取荆妻家眷。不知如何了。〔小生〕令夫人與合家尊眷。就在後面來了。萊陽給送夫馬。學生差親兵二百護衛。想日下也就到了。〔生〕如此。多謝。大德厚恩。何日可報。學生合當拜謝。

〔前腔〕國危家難。雲開霧散。憑君一戰奇勳。全我百年姻眷。歎愁腸久結。歎愁腸久結。已拚終斷。豈料一絲重挽。若非老先生神威拯救。想家園頃刻遭塗炭。應知

再會難。〔生〕請問金壘改書一事。老先生已備知。此人果曾拏下否。〔小生〕此賊已被學生拏下。昨日發與中軍官打上一百。見監在本府。叫左右。監中弔金壘出來。見王老爺。〔介〕淨扮禁子上。稟老爺。禁子具呈。監犯一名金壘。昨晚三更氣絕了。〔生小生〕那厮已死了。那厮雖受刑而死。也是冥司報應。〔生〕若非老先生。何由報泄此冤。聊具豆觴。與老先生洗塵。〔小生〕不敢領命了。想尊眷此時將到。不當穩便。〔衆上〕稟老爺。家眷已到府門外了。〔小生〕學生告辭了。〔生〕多慢了。〔小生〕還家劍鋒盡。出塞馬蹄穿。〔下旦衆上〕

〔滿江紅〕水渡山登。情恍惚。風光轉眼。尙不道果到伊行。又逢他面。〔末〕這里已是府門外了。通報。〔衆報介進見介合〕瞥見猶疑還是夢。猛然不覺心驚閃。想那時爭得有今朝。提起番傷感。〔生衆見介生日拜生〕夫人。不意生離。幾成死別。豈知今日。又續前盟。〔旦〕相公。只爲君恩。致生妾怨。重泉復作。再世難期。〔生〕謝公媽媽二姨。也有一拜。自別常懷。不忘大德。倘成永訣。險作忘恩。〔外丑貼拜〕竊附姻媿。重羞閨閣。不蒙棄賤。乃辱垂情。〔生〕說那里話。下官非負義之輩。夫人。下官曾于中榜之後。卽寄家書。中間阻隔之故。甚至奇怪。夫人。你道怎麼。

〔旦〕相公。家書改作休書。致奴托羅帕而死。到陰司與海神爺執證。方知是金壘套寫的。蒙海神放我夫妻還魂。再得完聚。相公。你那時節也有甚麼報應麼。〔生〕那日一時暈倒。似夢非夢。陰司之事。與夫人毫釐不差。可見冥冥之中。鬼神難昧。金壘這廝。我已告神總鎮。拏下打一百。昨晚死了。〔衆〕這廝被神總鎮打死了。這是惡有惡報。時辰未到。〔生〕今日夫妻再合。親故重逢。實爲奇遇。況道路風霜。天氣寒冷。少備樽酒。以敘久別。左右看酒。〔生送酒〕

〔梁州序〕初歡重整。舊怨俱遣。追想幾成變幻。誰知今日相逢。猶似當年。更喜夫榮妻貴。德報恩酬。兩遂生平願。料應從此會。永團圓。始見松姿保歲寒。〔合〕人意煖。寒威減。看冰霜景色春暉散。同話舊。謾辭勸。〔旦回酒〕

〔前腔〕君恩幾負。微軀難免。奴家因前日休書這事。故誓與相公呵。不入黃泉無見。豈料歡生意外。猶餘薄命紅顏。〔生偕與旦介〕夫人前日與下官青絲一握。未嘗釋手。〔旦〕相公。我的頭髮還在。奴家呵。誓死完君白璧。你念我青絲。兩意堅金斷。芙蓉歸掌上。舞雙鸞。人面桃花似去年。〔合前外丑回生酒〕

〔前腔〕這奇逢天上姻緣。更占斷人間魁選。老漢呵。幸桑榆有賴。晚回青眼。王老爺從此。箕裘復振。閱閱更新。故國聲華轉。你雙親窀穸。也開顏。封誥還期。達九泉。〔合前旦貼回生酒〕

〔前腔〕喜才郎德量弘寬。將往事記恩忘怨。倘相看今後。不枉從前。自愧家門卑鄙。身世衰微。玷辱君風範。縱然萍水遇。也念幾年間。莫道非親忍棄間。〔合前

淨上報介〕報喜報喜。種爺差小的來報喜。朝中韓丞相老爺保奏。種老爺與老爺有勦寇大功。種老爺陞授都元帥。老爺陞授翰林院學士。齋勅官即刻就到了。〔生〕曉得了。多拜上種爺。〔淨介下

衆〕賀喜賀喜。〔生〕下官正欲任滿歸家祭掃。就討封贈與我先父母。如今又喜陞了。不免上表乞恩歸去。拜了我先父母墳塋。討了封誥。然後同家眷上京便了。我追想前日之事。怎知道有今日。

〔衆〕

〔節節高〕功名非偶然。總由天。功高掃寇靖狼烟。人爭羨。金馬臣。玉堂選。九霄雲外清風遠。鳳毛池上陽春遍。〔合〕天上碧桃露華濃。日邊紅杏春風煖。



〔前腔〕崢嶸意氣翩。錦衣旋。家山始得慶榮耀。須早晚。丹詔頒。追封遠。滿門骨肉加恩眷。黃泉宗祖增光顯。〔合前〕

〔尾〕重歡慶。真堪羨。這會合古今難見。莫把海誓山盟作等閒。

貴賤窮通天自裁。

莫施奸計巧安排。

誰言善惡無報應。

只爭早到與遲來。



中華民國二十九年陸月廿日

贈



國家圖書館



000797825

